



გამოცემა ეძღვნება ეროვნული გმიხის დაბადებიდან
სამოცდამეთათუ წლისთავს

მეჩაბ კოსტავა

ჰუბლიცისტია
ჰიოზა
ჰოეზია
ჰიხადი წეხილები

ბულისსადებად.

„მე შუნ ლეუბლებზე დაგასვენებდი“

თბილისი
2009

წინასიტყვაობა

ამ წიგნის დანიშნულება მისი გამომცემლების თავდაპირველი ვარაუდით, მათ მიერვე სრულიად შემთხვევით მიკვლეული და გადარჩენილი, გასული საუკუნის სამოცდაათიან წლებში მერაბ კოსტავას მიერ შექმნილი, სადღესოდ განსაკუთრებით საჭირობო როტო მნიშვნელობის მქონე ნაშრომის – „რუსეთ-საქართველოს ურთიერთობა“ – ფართო სამზეოზე გამოტანა იყო მხოლოდ და არა საიუბილეო თარიღთან მისი მისადაგება იმ თვალსაზრისიდან გამომდინარე, რომ ეროვნული გმირის, ერის მიერ საკუთარ სინდისად შერაცხული თავისი ეპოქის სწორუბოვარი რაინდის დაბადებიდან სამოცდამეათე წლისთავისადმი მიძღვნილი ნებისმიერი შემოქმედება, ვიმედოვნებდით, რომ, შესაძლოა, დღეს ქვეყანაში გამეფებული უმძიმესი ვითარების შესაბამის, მაგრამ აუცილებლად ზოგადქართულ, ზოგადეროვნულ საზრუნავად უნდა ქცეულიყო და არა ხსენებული ზოგადის ერთი, თუგინდ, თავად მერაბ კოსტავას საზოგადოების წევრთაგან შემდგარი ნაწილის კერძო ინიციატივად. მაგრამ ასეთ შემთხვევაში ერის მეყსეულ უმოქმედობას – ერისა, რომელიც სულ რაღაც ორი ათეული წლის წინ თავისი წამებული შვილის დამაშვრალ ცხედარს სიონის წმინდა ტაძრიდან მთაწმინდის საგანემდე ხელში ატატებულს უნანავებდა რათა ილიას, აკაკის, ვაჟას, იაკობის, დიმიტრი ყიფიანისა და ერის სხვა მამათა გვერდით მიეჩინა სამუდამო მოსასვენებელი – თუ უმძიმესი პოლიტიკური, ეკონომიკური, სოციალური სიდუხჭირით, რუსთა აგრესიის შედეგად ქვეყნის მეხუთედის ოკუპირებით, სამი მეხუთედი მილიონი ადამიანის საკუთარ სამშობლოში დევნილად. ქცევით მაინცაა შესაძლებელი ასე თუ ისე მოეძებნოს ახსნა, ხელისუფლების სრული ეროვნული სიყრუე რილათი გავამართლოთ? იმით ხომ არა, რომ მათგან უმეტესნი – იმხანად უწლოვანნი, არ უწყოდნენ, სულიერი, ზნეობრივი, დემოგრაფიული, საყოველთაო ნიჰილიზმისა თუ სხვა უამრავი წყლულით დასნებოვნებულ, დაძაბუნებულ სხეულს ერისა, საკუთარი სიცოცხლის ნიადაგ არად ჩაგდების ფასად ვინ ესალბუნებოდა, გამოაჯანმრთელა, გამოაფხიზლა, მძლავრ ერთიან მუშტად შეკრა, ზღვასავით ააბობოქრა, გული მამულისა და მოყვასისადმი ილიას შემდგომ ჭერ არნახული სიყვარულით აღუნთო, წინ წარუძღვა და 68 წლოვანი საღათას ძილქუშის შემდეგ 1989 წლის 9 აპრილის საყოველთაო გმირობის მწვერვალზე აიყვანა, რითაც სულ მალე ასე ნანატრი დამოუკიდებ-

ლობა დაგვიმკვიდრა! მერაბ კოსტავას წინამძღოლობით ქართველი ერის თავგანწირულმა, დიდებულმა ეპოპემ ჩვენი სამშობლოს მრავალსაუკუნოვან, ძლივამოსილ მატთანეს წინაპართა ხსოვნის ღირსი მორიგი ფურცელი შემატა, ხოლო განუზომლად ამაღლებულ ფონზე გამართულმა პირველმა მრავალპარტიულმა დემოკრატიულმა არჩევნებმა ქვეყნის სათავეში ეროვნული ძალების მოსვლა მოვლენათა ლოგიკურ დაგვირგვინებად აქცია!

ამ ქრესტომათიული წარმატებებიდან ორიოდ თვეში გახდა სავსებით ცხადი, თუ რატომ მოკლეს მერაბ კოსტავა: მისეული პოლიტიკური ხედვის, მიმდინარე ურთულესი პროცესების შეუმცდარი ანალიზის, უზადო მართვის უნარისა და უდიდესი ავტორიტეტის გარეშე სრულიად შეუძლებელი შეიქნა ხელისუფლებასა და მის ირგვლივ მყოფ კრემლის ქართულ გვარ-სახელიანი მარიონეტებისა და მათი ანტისახელმწიფოებრივი, ანტიეროვნული, ანტიქართული საქმიანობის მხილება და მით უმეტეს, ძლივა. სწორედ ეროვნულ ღირებულებათა გამიზნულმა დისკრედიტირებამ გახადა შესაძლებელი უკანასკნელი არასრული ორი ათეული წლის მანძილზე მესამედ დადგმულიყო ერთი და იგივე სპექტაკლი, რომელშიც დესტრუქციული ოპოზიცია პრეზიდენტის დაუყოვნებელ, უპირობო გადადგომას მოითხოვს ყოველთვის, რათა ხელთ ძალაუფლება იმისათვის იგდოს, რომ წინამორბედის მსგავსად ქვეყანა კიდევ ერთი ნაბიჯით მიაახლოვოს სახელმწიფოებრიობის დასამარების უფსკრულს.

თუმცა ნუ გგონია, რომ ეს იყოს ბუნებითი თვისება ქართველთა, არა! ეს არის მხოლოდ ნაყოფი მრავალი წლის მორჩილებისა. გვაიმედებს გარდასულ საუკუნეთა წიაღიდან გენერალი ივანე აფხაზი. ჩვენ მხოლოდ დავძენთ, რომ სწორედ ქართველთა „ბუნებითი თვისებების“ უქონელნი დაჰპატრონებიან ქვეყნის მატერიულ და სამაუწყებლო საშუალებებს, ამ მძლავრი ბერკეტების მეშვეობით უტიფარი დაჟინებით ზემოქმედებენ ქართველთა „ბუნებითი თვისებების“ მქონე უმრავლესობაზე ძველი, ნაცადი იარაღის – საყოველთაო ნიშილიზმის დამკვიდრების მიზნით, რათა რუსეთის მიერ საქართველოს მნიშვნელოვანი ნაწილის ოკუპირებისა და მუდმივი პოლიტიკური და ძალისმიერი ზეწოლის პირობებში სასო წარუკვეთონ და ადვილად დაარწმუნონ, რომ „ცუდია ყველა, გარდა რუსეთისა. უნდა ვეფეროთ რუსეთს, რათა თურქეთმა არ დაგვიპყროს. აუცილებელია ქვეყანას ნეიტრალიტეტის გალავანი შემოვარტყათ და ყველას გავემიჯნოთ“. ასეთი მახინჯი ფორმით სურთ ლელთ ღუნინას „ჩვენი თავი ჩვენადვე უნდა გვეყუდნოდეს“ ინტერპრეტირება.

დღე ისე არ გავა, ქვეყნის პრეზიდენტმა და მისმა დესტრუქციულმა ოპოზიციამ ქართველთა „ბუნებითი თვისებების“ მქონეთა გულის მოსაკლავად რამოდენიმეჯერ ფარისევლურად არ განაცხადონ: „ჩვენ მცირერიცხოვანი, პატარა ერი ვართ“. მაშინ, როდესაც თურქეთს არასოდეს დაუშალავს, რომ მისი 65 მილიონიანი მოსახლეობის ათი პროცენტი გურჯისტანის ვილაფეთში მცხოვრები 6,5 მილიონი ქართველია, ხოლო ლაზისტანის ვილაფეთში მცხოვრებ 10 მილიონს ლაზად და მეგრელად მიიჩნევს. საკუთარ მიწა-წყალზე თურქეთის საქართველოში მცხოვრებ 6,5 მილიონ ქართველსა და 10 მილიონ „ლაზ-მეგრელს“ თუ ფერეიდანში მცხოვრებ 650 ათას ქართველსაც მიგუმატებთ, ნათელი გახდება, რომ დღევანდელი საქართველოს მიღმა 17 მილიონზე მეტი მაჰმადიანი ქართველი ცხოვრობს. სწორედ მათ დასაფრთხობად იქნა ხუთჯვრიანი დროშა შემოღებული, მაგრამ სასურველ შედეგს ვერ მიაღწიეს, რადგანაც მათში ეროვნული – ქართული ცნობიერება დომინირებს. უცნაური, ჩიტირეკია ხელისუფლებებიც და მუდმივი არასტაბილურობა იმისთვისაც ესაჭიროებათ, რომ ზედმიწევნით მტკიცე ქართველთა „ბუნებითი თვისებების“ მქონე ჩვიდმეტ მილიონზე მეტ მაჰმადიან ქართველს არასოდეს აღეძრას სურვილი გარეგნულად ქართველთა „ბუნებითი თვისებების“ უქონელ, არაპროგნოზირებად, არასტაბილურ 4 მილიონ ქრისტიან თანამოქმედთან გაერთიანებისა. მხოლოდ მერაბ კოსტავას შეეძლო ქართველთა ორ ძირითად – მაჰმადიანურ და ქრისტიანულ – ჯგუფს შორის გაუცხოების გამოწვევის მიზნით საგანგებოდ შექმნილ გაუგებრობათა, აგრეთვე არსებულ რელიგიურ და მსოფლმხედველობრივ წინაღობათა უმტკივნეულოდ განქარვება უდიდესი პირადი ავტორიტეტის, მისთვის დამახასიათებელი მიუკერძოებლობისა და რასაკვირველია, ფილოსოფიური და თეოლოგიური განსწავლულობის მეოხებით ისლამურ რელიგიაში სუფისტურ, ხოლო ქრისტიანულში – ბეტრე იბერის მიერ შექმნილ – არეოპაგიტულ მოძღვრებათა შორის არსებულ ისეთ საერთო ღირებულებებზე დაყრდნობით, როგორიცაა საყოველთაო სიკეთე და მოყვასისადმი სიყვარული.

მერაბ კოსტავას დროინდელ საქართველოში გაბატონებული ერის ერთიანობისა და მოყვასის სიყვარულის ზორცმესხმული იდეა მისი სიკვდილის შემდგომ დროინდელ საქართველოში საგანგებოდ მიაჩუმათეს, დააკნინეს, უგულვებელჰყვეს ცრუ ლოზუნგების, ცრუ დაპირებების, ცრუ ლიდერების, ცრუ მესიების მეშვეობით, სოკოებივით რომ მომრავლდნენ მათ მიერვე ხელოვნურად შექმნილ ნიადაგზე. შედეგიც შესაბამისია. რასაკვირველია, აქ საუბარი არა

მხოლოდ უკვე ყველასათვის ხილულსა და საცნაურ შედეგებზეა, არამედ უხილავსა და შესაბამისად, ხილულთან შედარებით მეტი საფრთხის შემცველზე. იმგვარზე, იძულებული რომ გახადა მერაბ კოსტავას პირში – 12 წლის თამთა მამის სიკვდილის შემდგომ დედასთან ერთად ემიგრირებულიყო უცხოეთში. თამთა კოსტავას სამშობლოში დაბრუნებისა და უსაფრთხოდ ცხოვრების გარანტიები დღემდე არ არსებობენ. ვფიქრობ, რომ ეს შემზარავი ფაქტი სრულად ახასიათებს ქვეყანაში არსებულ ვითარებას. ამიტომაც გვმართებს ხელის გამოღება, „სასიკეთო ძვრები ღვთისა და ისტორიის წინაშე მარტოოდენ შეუძლებელთან ჭიდილში აღინუსხება“, ამბობდა მერაბი და თუ ყველანი ერთად შევეჭიდებით, ნებისმიერ „შეუძლებელს“ შესაძლებლად ისევე იოლად ვაქცევთ, როგორც ამ ოციოდე წლის წინ, – მერაბისობას!

ვაჟა ადამია

ჰებლიცისტუი

ნეიილები

მეცხრე სიმფონია

ამას წინათ, საქართველოს სიმფონიური ორკესტრისა და სიმფონიის სახელმწიფო კაპელის ერთობლივი ძალებით თბილისის სახელმწიფო ფილარმონიის ხალხით გაჭედებულ დიდ დარბაზში აულერდა ბეთშოვენის მეცხრე სიმფონია.

ადვილი როდია ბეთშოვენის მეცხრე სიმფონიასთან, სიმფონიური მუსიკის ამ მართლაც გვირგვინთან ხელდახელ შებმა. მსოფლიოს უდიდესი დირიჟორები ერთ-ერთ უკანასკნელ ეტაპად მიიჩნევდნენ ამ ზღუდემგაგარი გოდოლის აღებას, თვითგამობრძმედისა და გამოცდილების მაქსიმუმს რომ მოითხოვს. ჩანსუდ კახიძე თუმცა ჯერაც საკმაოდ ახალგაზრდა დირიჟორია, მაგრამ შიშველი ხელებით არ შეჭიდებია ამ სიძნელეს. იგი კარგა ხანია შეეთამამა კიდეც და წარმატებითაც ბერლიონის, ბრამსის, რიშარდ შტრაუსის და სხვათა ურთულეს პარტიტურებს, რაც მცირე განაცხადი როდია. ისიც ცნობილია, რომ ევოლუციურობა, როგორც ნიჭისა და შრომისმოყვარეობის ბედნიერი თავშესაყარი, მისი შემოქმედებითი ცხოვრების უმთავრესი ნიშანთვისებაა. ასე რომ, კეთილი სურვილებით და ცხოველი ინტერესით ელოდა ჩვენი მუსიკალური საზოგადოება ამ ორთაბრძოლას.

ამჟამად, გარდასულ შთაბეჭდილებათა განჭვრეტისა და ესთეტიკური ანალიზის შედეგად შემიძლია დავსძინო, რომ ჩანსუდ კახიძის ხელოვნების დემონსტრირებას ბეთშოვენის მეცხრე სიმფონიაში უდავოდ წარმატება ახლდა. არსად დილეტანტიზმი, არც კონტაქტის შენელება მსმენელთან, ან ჩავარდნები ამ სიტყვის უღმობელი გაგებით, თუმცა ბეთშოვენის გენიასთან მისმა ჭიდილმა ყველგან როდი მიიღო ტიტანური სიმძაფრე და გაქანება, არამედ უკუდარტყმებსაც შქონდა ადვილი. განსაკუთრებით ეს სიმფონიის პირველი ნაწილის შესრულებაზე ითქმის. ტრაგიკულობა მეცხრე სიმფონიის სონატური ალეგროსი თითქმის პრომეთეს ტრაგედიის მასშტაბებს უტოლდება. მაგრამ პრომეთეს მარტვილობის მისტერია ზომ ჭეშმარიტი ვაჟკაცობის დემონსტრირებაცაა, რომლის უკიდევანო ოკეანესაც მეცხრე სიმფონიის სონატური ალეგრო წარმოადგენს. მთავარი თემის აღმოცენება ქაოსიდან და ძლევამოსილებით გაუღერება, მთელი ორკესტრის უნისონში პუნქტირული პულსით და კამარებით ერთ ფოკუსში მოქცეული, ერთი მიზნისაკენ წარმართული ნებელობის ლავა არ არის განა? ძალა არისო ყველაფრისაგან განსხვავებული ადამიანური ზნეობა, დასძინდა ბეთშოვენი და ამგ-

ვარ ძლიერებაშიაო ჩემი ზნეობაც. სწორედ ეს ძალა აკლდა კახიძის შესრულებით სიმფონიის პირველ ნაწილს.

ღირიჟორი თავდაპირველად ინტერპრეტაციის ფურტვენ-გლერისეულ გზას დაადგა და რამდენადმე ნელი ტემპით წაიყვანა სონატური ალევრო, მაგრამ ამ ჩანაფიქრის ბოლომდე გამართლება მხოლოდ უნისონური ეპიზოდების მასირებული ხმოვანების და მკვეთრი პულსაციის ხარჯზე თუ შეიძლებოდა. თითქო ინსტრუმენტების სინაკლებეაო ორკესტრში, თითქო კლანჭები დააცვდა, რისხვის ძალა გამოუწედაო ლომს, – ჟღერადობამ ვერ შესძრა, ბოლომდე ვერ აღავსო დარბაზი... მთლიანობა რამდენადმე დაარღვია ღირიკული ეპიზოდების ზედმეტად შენელებულმა ტემპმა. არც კოდაში იგრძნობოდა მთელი სისრულით საწუთროს ბედუკუდმართობით აღძრული მწუხარება და სასოწარკვეთა სულით ვნებული გმირისა.

უკეთ წაიყვანა ღირიჟორმა მეორე ნაწილი, გრანდიოზული სკერცო: სათანადო ტემპით, მკვეთრი რიტმით, წრეგადასული ექსტატიკით, ელინური დიონისურობის ჯანსაღი სუნთქვით. ეს იყო ვაკხანალია კუდიანების გარეშე, უდეკადანსო დიონისურობა, რომელსაც ჯერ არ მოვლენია მეფისტოფელი თავისი როკაპებით, შემდგომში ბერლიოზისა და ლისტის შემოქმედებას რომ შემოეხიზნენ. ტრიოში რამდენადმე უღიმღამოდ ჟღერდა ვალტორნის სოლო.

სიმფონიის მესამე ნაწილი (ადაჟიო) ჯანსუღ კახიძემ ღირიკოსის მაღალი ნიჭითა და ღირიჟორობის რომანტიული ხელწერით წარმოგვიჩინა. ფაქიზი და ამასთან საესე ხმოვანებით ააჟღერა მან თემები ვარიაციებით, ისე რომ ამ ერთობ ვრცელ, უკონფლიქტო, ნელ ნაწილში არსად გამოუჟონავს დუნე, მოსაწყენ ერთფეროვნებას. რთული პოლიმელოდირი ფაქტურის ყოველი ხმა თავისუფლად სუნთქავდა ამაღლებული ღირიკისა და მშვიდი ჭვრეტის ღვთაებრივ ატმოსფეროში. ალბათ ამგვარი განწყობილებისათვის უთქვამს გოგოლს ოდესღაც, რომ მხოლოდ დამშვიდებულ ზღვას თუ ძალუძსო აირეკლოს ვარსკვლავებით მოჭედილი ზღვა.

და მაინც, შესრულების პროფესიული დონით მეტადრე სიმფონიის ფინალი გამოირჩეოდა. სინარულისადმი, ელიზიუმის ამ უბიწო ქალწულისადმი (შილერი) აღვლენილი ეს მონუმენტური ღითირამბა, მუსიკისა და პოეზიის სინთეზით, მანამდე უცნობი საშუალებების გამოყენებით (ორკესტრი, გუნდი, ვოკალური კვარტეტი), ურთულესი ფორმით (ვარიაციის, რონდოს, ფუგისა და სონატური ალევროს ნაზავი), ჟანრული მრავალფეროვნებით (სასიმღერო, საცეკვაო, მარში და ა.შ.) ღირიჟორისაგან საფუძვლიან საინპრეტა-

ტორი წრთობას მოითხოვს. წინამდებარე ნაწილთა თემების თანმიმდევრული გატარებით მუსიკის ისტორიაში აქ პირველად გვხვდება განჭვრეტა წარსულისა. მაინც საიდან იშვა გამკვირვანი, გულისგამწონავი ფანფარის შემდეგ რეტროსპექციის ამგვარი იდეა? გავიხსენოთ ცხოვრების მეორე ნახევარში ბეთშოვენის ჩაღრმავება ბერძნულ და ინდურ ფილოსოფიაში, ან როგორ ეწაფებოდა იგი ბერძნულ ენას, რათა პლატონი ორიგინალში წაეკითხა. ასე ცდილობდა ჭეშმარიტებას მოწყურებული ხელოვანი გასაღების მორგებას იმ ეგვიპტური გამოცანა-წარწერისათვის, მთელი სიცოცხლე საწერ მაგიდასთან რომ ჰქონდა გაკრული: „მე ვარ არსებული. მე ვარ აწმყო, წარსული და მყოფადი. არც ერთი მოკვდავის ხელს არ გადაუხდია ჩემთვის საბურველი. იგი მარადია და მას უნდა უმაღლოდეს ყოველი თავის არსებობას“. პლატონის ფილოსოფიის ძირეული დებულებით კი „ძიება და შემეცნება სხვა არაფერია, თუ არა მოგონება უკვდავი სულისა, რომელიც მრავალგზის იბადება, რომელსაც ყველაფერი უნახავს როგორც აქ, ისე საიქიოშიც და რომელმაც იცის ყველაფერი“ (პლატონის „მენონი“). სწორედ მოგონების ამ იდეას უნდა დაემჩნია კვალი მეცხრე სიმფონიის ფინალისათვის. მაგრამ ყოვლისმომცველი ცნობიერება ხომ წარმოუდგენელია იდეალური ჰარმონიის გარეშე, რადგან წარსულის განჭვრეტა ადამიანთა შორის ურთიერთობის გარკვევის, სინდისის გაღვიძების, სინანულისა და ურთიერთშენდობის საწინდარიცაა. მხოლოდ ამგვარად თუ შეიძლება აღმოცენდეს ძმობისა და ერთობის არა აბსტრაქტული იდეა, არამედ პრაქტიკული განხორციელების რეალური შესაძლებლობა. ასე თავისუფლდება ადამიანი თავისი პატარა მეობის, ეგოიზმის ტყვეობიდან და ხდება სამყაროს სრულფასოვანი მოქალაქე, უზენაესი სიხარულის თანაზიარი, აუცილებლობისა და თავისუფლების შემარიგებელი და გამაიგივებელი. ამიტომ სავსებით ბუნებრივი იყო სიხარულის თემის გატარება წარსულის განჭვრეტის შემდეგ: ამ მარტივმა, მაგრამ ზეაღმატავე მელოდიათა რბილად გაიჟღერა ჭერ სიმებიან საკრავთა ბანებში, შემდეგ უფრო მაღალი დაწმენდილი რეგისტრებიც მოიცვა. ჩანსულ კახიძემ ბრწყინვალედ ჩაატარა ეს საორკესტრო ეპიზოდი, რაც ერთ-ერთ უმნიშვნელოვანეს მოვლენად უნდა მივიჩნიოთ არა მარტო მის შემოქმედებით ბიოგრაფიაში, არამედ საერთოდ ქართული სიმფონიური შესრულების ისტორიაშიც.

სალამო დაამშვენა სომხეთის სახელმწიფო კაპელამ ჩეკიჯიანის ხელმძღვანელობით. გასაოცარი ერთსულოვნება, რბილი საერთო ტემბრი, ფრაზების ფაქიზი დაბოლოება, კონტრასტების მკაფიო

შეგრძნება, აი რით წარმოგვიჩნდა იგი როგორც ერთ-ერთი საუკეთესო საგუნდო კოლექტივი, რომელიც კი ოდესმე მოგვისმენია.

მეცხრე სიმფონიის დადგმა თბილისში არა მარტო ურთიერთის ფარდი ორი ხელოვანის წარმატება, არამედ შემსრულებელთა და მრავალრიცხოვან მსმენელთა ზეიმიც იყო. მუსიკა, როგორც ყველაზე ინტერნაციონალური იმპულსების შემცველი, ერთობლივი შემოქმედებისათვის გაცილებით ფართო შესაძლებლობებს იძლევა. სასურველია სომხეთისა და საქართველოს მუსიკოსთა მეგობრობისა და ურთიერთობის საკითხები მუდამ ასეთ მაღალ სფეროებში წყდებოდეს.

მერაბ კოსტავა

შიპრები ძართულ კულტურაში

საქართველოს სულიერი ძლიერებისათვის უზარმაზარი მნიშვნელობა ენიჭება მსოფლიო კულტურისადმი ქართველი ხალხის მართებულ პოზიციას. ვერც ერთი ერი დღეს ახალსა და მნიშვნელოვანს ვერაფერს შექმნის, თუ მის შემოქმედებით პოტენციას საფუძველს არ უმაგრებს ფართო ამთვისებლობითი საქმიანობა. მაღალი კულტურა წამყვან კულტურათა სინთეზს ჰგულისხმობს. მიუხედავად იმისა, რომ მსოფლიო კულტურის განვითარებას საქართველოში დიდი ხნის ტრადიცია გააჩნია, ამჟამად ეს საქმე ჩვენში მეტ სრულყოფას მოითხოვს. როგორც ყოველთვის, ამ სფეროში ერთ-ერთი წამყვანი როლი ამჟამადაც მთარგმნელობით ხელოვნებას განეკუთვნება, რადგან ბევრი როდია მცოდნე უცხო ენებისა, დედანში რომ ძალედვას ეროვნულ კულტურათა შედევრების გაცნობა. ყველა განვითარებულ ერს უმაღლეს დონეზე აქვს დაყენებული მთარგმნელობითი და, აქედან გამომდინარე, გლობალურ კულტურასთან წინაყარობის საქმე, რითაც მარტოოდენ ახალი იდეებითა და მხატვრული სახეებით როდი ამდიდრებს საკუთარი კულტურის წიაღს, არამედ ენასაც განუზომლად სრულშეყოფს. ამის დასადასტურებლად საკმარისია გავიხსენოთ ბიბლიის, „ვისრამიანის“, „ქილილა და დამანას“, ირლანდიური საგებისა და სხვა ქმნილებათა ქართული თარგმანები, რომელთა მხატვრული ღირებულება ქართული ორიგინალური ლიტერატურის შედევრებს არ ჩამოუვარდება. მიუხედავად დიდი

ძვრებისა ბოლო ხანებში, მთარგმნელობითი კულტურა ჩვენში ჭერ-ჭერობით ვერ აკმაყოფილებს დღევანდელი დღისათვის აუცილებელ მოთხოვნილებას, რის გამოც ამ თვალსაზრისით საქართველოს ვერ დავაყენებთ ყველაზე განვითარებული ერების გვერდით. რა დასა-მალია და მსოფლიო კულტურასთან ფართო ურთიერთობას დღეს ვერ ვეჭონიებდით რუსული ენის, რუსული მთარგმნელობითი კულ-ტურის გარეშე. დიდათა ვართ დავალებული და მადლობის მეტი არაფერი გვეთქმის, მაგრამ ისიც კარგად უნდა გვესმოდეს, რომ ამის იმედზე დარჩენა სამარცხვინოა. არავის ვეჩიბრებით და არც ვისიმე წარმატებისა გვშურს, მაგრამ ჩვენი გასაკეთებელი საქმე ჩვენვე უნ-და გავაკეთოთ და სრულვყოთ. მხოლოდ ფიქრად გაელვებულ სი-მართლეს სიმართლედ ვერ შევრაცხავთ და ამიტომ დაუფარავად აღვაკლებთ რასაც ვფიქრობთ: თარგმანთა რაოდენობით თუკი ჩამო-ვუვარდებით დღეს რუსულ მთარგმნელობით კულტურას, ერთი წუ-თითაც არ ნიშნავს, რომ ნიჭით, ან შემოქმედებითი პოტენციით ჩა-მოვუვარდებით რუსებს. ჩვენ არ გვავიწყდება, რომ, ისტორიული ვითარებისა და უშუალო მეზობლობის გამო, რუსები ჩვენზე ადრე ეზიარნენ ახალ ევროპულ კულტურას და მთარგმნელობითი საქმიან-ობის ევროპულ სტანდარტებზე ჩვენზე ადრე გავიდნენ. რუსეთის იმპერიის შემადგენლობაში შესვლის შემდეგაც, ათეული წლების მანძილზე ქართული ენისათვის წართმეული უფლებების დასაბრუ-ნებლად იბრძოდა ქართველი ხალხი და მთარგმნელობითი საქმის იმგვარ პროფესიულ დონეზე ორგანიზებისათვის, ოდესღაც რომ გაგ-ვაჩნდა, იმჟამად არავის ცხელოდა. ევროპის ხალხთა მანამდე ჩვენთ-ვის ნაკლებად ცნობილი ენების ფენომენში წიაღსვლა დროს მოით-ხოვდა, მაშინ, როდესაც მათი დაუფლების საქმე ადრევე დაიწყო და სწრაფადაც ვითარდებოდა რუსეთში დასავლეთთან. გაჩაღებული ინტენსიური მიმოსვლისა და რუსეთში მცხოვრებ უცხოელთა მეოხ-ებით. ისიც არ გვავიწყდება, რომ მართო მოსკოვში უფრო მეტი მო-სახლე ცხოვრობს, ვიდრე მთელ საქართველოში. რუსები დაახლოე-ბით ოცგზის აღგვემატებიან რაოდენობრივად და მთარგმნელებიც შესაბამისად მეტი უნდა მყავდეთ. მთარგმნელთა და თარგმანთა რაო-დენობის პროცენტული შეპირისპირება უთუოდ გამორიცხავს ამ საქმეში მათი უნარიანობის მეტ-ნაკლებობას. ისიც კარგად გვახსოვს, რომ რუსეთის სამთავროთა დაარსებამდე დიდი ხნით ადრე ვთარგმნეთ სახარება. გვახსოვს ისიც, რომ ჭერ კიდევ მეთათე საუკუ-ნეში, რუსეთის მთარგმნელობითი კულტურა ჩანასახშიც რომ არ იმყოფებოდა, ჩვენში არსებობდა მთარგმნელობითი ხელოვნების უმაღლესი სკოლა, რომლის საქმიანობის ხარისხი და მხატვრული

ღირებულება ორიგინალური ლიტერატურის დონემდე იყო აყვანილი. ეს გახლდათ სკოლა იოანე, ექვთიმე და გიორგი მთაწმინდელეებისა, სკოლა ორმხრივი მთარგმნელობითი საქმიანობისა, რამეთუ თარგმნიდნენ ისინი ქართულიდან ბერძნულად და ბერძნულიდან ქართულად. სწორედ მათმა ზემოთაგონებულმა ქართულმა მოამზადა რუსთაველის ბრწყინვალე ლიტერატურული ეპოქა. თვით პეტრე დიდის ეპოქაში და საკმაო დროის მანძილზე შემდგომაც რუსეთში ძველი ქართული თარგმანების დონეზე არაფერი თარგმნილა. მხოლოდ XIX საუკუნეში შესრულებული გნედიჩისეული თარგმანი ჰომეროსის პოემებისა, აგრეთვე ევროპელი პოეტების პუშკინისეული და ლერმონტოვისეული თავისუფალი თარგმანები თუ შეიძლება შეგვფარდოთ ქართულ „ვისრამიანს“ და „ქილილასა და დამანას“ საბასეულ თარგმანს. ამიტომ ეს თავისუფალი ქართული თარგმანებიც იმსახურებენ ორიგინალური ლიტერატურის უფლებას, ისიც ვუწყით, რომ ჯერ კიდევ X-XI საუკუნეებში ბერძნული თეოლოგიური თუ ფილოსოფიური ნაწარმოებების თარგმანისას, კომენტარების დართვისას, თუ ორიგინალური თხზულებების შეთხზვისას, შესაშური ხელოვნებით ქმნიდნენ ჩვენში ქართულ ფილოსოფიურ და თეოლოგიურ ტერმინოლოგიას. ყოველივე ზემოთქმული არ უნდა იწვევდეს გაკვირვებას, რადგან არა თუ რუსებზე ადრე ვეზიარეთ, არამედ იმთავითვე კბილა ვართ როგორც პირველქრისტიანობისა, ასევე ქრისტიანულ-მართლმადიდებლური კულტურისა. მაგრამ ამის გამო თავს რუსებზე მაღლა როდი ვაყენებთ; და არც რუსებს ვაყენებთ ჩვენზე მაღლა იმის გამო, ჩვენზე ადრე რომ ეზიარნენ ახალ ევროპულ კულტურას და ზოგ რამეში დაწინაურდნენ კიდევ. საქმეს ერთობ რეალურად ვუდგებით და ძველი მიღწევებით თავის გაბრუებას არ ვაპირებთ, რადგან დღეს არც ჩვენთა დიდთა წინაპართა მთარგმნელობითი მოღვაწეობით თავის გაბრუება გვარგებს რაიმეს, არც თანამედროვე მთარგმნელობითი მიღწევებით გამოწვეული თვითკმაყოფილება, არც იმ მაჩვენებლებით თავის მოტყუება, რისთვისაც რუს და ქართველ მთარგმნელთა და თარგმანთა რაოდენობის პროცენტული შეპირისპირება ღაღადებს, არც ისტორიული ვითარებით გამოწვეული ძნელბედობისა გამო თავის მართლება¹. მიუხედავად იმისა, რომ ამჟამად გვყავს შესანიშნავი და საკმაოდ მრავალრიცხოვანი პლეადა სხვადასხვა ენებს დაუფლებული მთარგმნე-

¹ რისთვისაც ზოგჯერ ინერციას ვანებებდით დინებას ჩვენი კულტურისას, რადგან გაშუდმებულ თავდაცვით ომებს მოჰქონდა ზოგჯერ მისი განმკვეთი განვითარებისათვის საშური ენერჯია.

ლებსა, რომელთაც არა ერთი უნიკალური თარგმანით გაამდიდრეს ქართული ლიტერატურა, მსოფლიო ლიტერატურის არა ერთი შედეგრი შესთავაზეს ქართველ მკითხველს, ფაქტი მაინც ფაქტად რჩება და როგორც ზემოთ აღვნიშნეთ, რუსული მთარგმნელობითი ლიტერატურის გარეშე დღესაც ვერ გამოგვდის ყოვლისმომცველი კონტაქტი მსოფლიო კულტურასთან. თავის მართლება და თვითდამშვიდება იმით, რომ მცირერიცხოვან ერს წარმოვადგენთ და მთარგმნელებიც შესაბამისად ნაკლები გვყავს, რომ არც ვინმეზე მცირედი უნარი გაგვაჩნია, რომ სხვებზე ნაკლებად არ გავრჩილვართ და ჩვენი შესაძლებლობის ფარგლებში ყველაფერი გავაკეთეთ, საქმეს ვერ უშველის. ქართულად ჯერ კიდევ თარგმნილი არ გახლავთ მრავალი ლიტერატურული, ფილოსოფიური, ისტორიული და სხვა მეცნიერებათა ქმნილება, მათ შორის მაღალი სულიერებით განმსჭვალული იმგვარი შედეგებიც, რომელთა სრული გათავსების გარეშე ვერც ერთი ერი ვერ ჩაითვლება დღეს მაღალი კულტურის მეტრად. ყველაფერს რომ თავი დავანებოთ, განა ბევრი გვაქვს ქართულად მსოფლიოს რჩეულ ავტორთა სრული კრებულები? სამაგალითოდ, მისაბამი ერად ქცევისავისათვის დღევანდელ ვითარებაში აუცილებელია შემოქმედებითი ათვისება და გათავისება მსოფლიო კულტურის ყველა იმ ქმნილებისა, მარადიულობის ცეცხლით რომაა აღბეჭდილი, ვინაიდან სწორედ მათ ხელეწიფებათ უკვდავყოფა ყველაფრისა, რასაც კი შეეხებიან, ადამიანი იქნება ის, კულტურა თუ ენა, ქართული კულტურისა და ენის მაღალი პრესტიჟისათვის აუცილებელია მშობლიურ ენაზე ვიქონიოთ ყოველივე მნიშვნელოვანი, რაც სადმე, თუ ოდესმე შექმნილა. ამით და მხოლოდ ამგვარი შეგვიძლია კულტურის სფეროში დავეფუძნოთ საყრდენთა შორის ყველაზე საიმედოს, საკუთარ თავს. დღევანდელი მიღწევებით არ უნდა დავკმაყოფილდეთ და თუკი რომელიმე ერს, რაოდენობრივი უპირატესობისა გამო ათგზის მეტი მაღალკვალიფიციური მთარგმნელი მოეპოვება, რითაც მსოფლიო კულტურის ათვისების საქმეში შესაშურ დონეს ინარჩუნებს, ჩვენ ათმაგი და ოცმაგი გარჯა გვემართება, რათა არა მარტოდენ რჩეულ ეროვნებათა დასში დავმკვიდრდეთ, არამედ მათთვის სამაგალითონიც გავხდეთ. ენთუზიაზმის ცეცხლი უნდა დავანთოთ იმგვარადვე, ჩვენმა დიდმა წინაპრებმა, იოანე, ექვთიმე და გიორგი მთაწმინდელებმა რომ დაანთეს ათი საუკუნის წინათ, ოღონდ ეს ცეცხლი დღევანდელობას, დღევანდელი კულტურის გლობალურ მასშტაბებს უნდა შეესატყვისებოდეს. ამჟამად საქართველოში არის საშუალება იმისა, რომ ჯერაც არნახული მასშტაბები მივანიჭოთ მთარგმნელობითი ხელოვნების

განვითარებას, მაღალკვალიფიციური მთარგმნელების აღზრდას. ხელი კი მხოლოდ იმ შემთხვევაში მიგვიწვდება, მხოლოდ იმ შემთხვევაში დავადგამთ თავს ამ საქმეს, თუკი სასკოლო ასაკიდანვე ჩავუყრით მას საფუძველს, რაიც ჩვენმა ლიტერატორებმა, უცხო ენათა სპეციალისტებმა და თარგმნის ოსტატებმა უნდა ითავონ. მოზარდთა ამთვისებლობა ენებისადმი საყოველთაოდ ცნობილია. ისიც ვიცით, თუ რაოდენი ყურადღება ეთმობა ჩვენში სპეციალიზებული სკოლებისა და სკოლა-ინტერნატების დაარსებას. სასურველია და ერთობ მიზანშეწონილიც საქართველოში დაარსდეს სპეციალური სკოლა-ინტერნატი მომავალი მთარგმნელების აღსაზრდელად. ამგვარი სკოლა სამუსიკო, ფიზიკა-მათემატიკის და სხვა სკოლა-ინტერნატებზე მეტადრე საჭიროა. სიმღერა-გალობისა და მთარგმნელობითი ხელოვნების დიდოსტატის, გიორგი მთაწმინდელის მზესა ვვიცავ, რომ ეს ასეა. და თუ მას უშუალოდ ვერ დავიმოწმებ, უფლება მმოსავს ამ ორთავ საქმეში მისი უბადლო ოსტატობა, მისი რუდუნება და აღმზრდელობითი მოღვაწეობა დავიმოწმო, ამგვარ სკოლაში უნდა ჩამოყალიბდეს ყველა ძველი, თუ ახალი კულტუროსანი ხალხების ენათა შემსწავლელი კლასები, სადაც ყოველმა მოსწავლემ, სწავლების პერიოდში, ძველ თუ ახალ უცხო ენასთან ერთად მაღალ დონეზე უნდა აითვისოს ქართული ენაც, რათა აქედანვე ჩაუყაროს საფუძველი თავის მომავალ მთარგმნელობით მოღვაწეობას. ევროპულ ენათა გარდა აქ უნდა ისწავლებოდეს ძველბერძნული, ლათინური, სანსკრიტი, ძველსპარსული, ებრაული, შუმერული, არაბული და ყველა ის ძველი თუ ახალი ენა, რომელზედაც ოდესმე რაიმე მნიშვნელოვანი შექმნილა. და ეს სკოლაც ყოველივე ამის მომავალში გადმოქართულების მიზანს უნდა ემსახურებოდეს. ნურავინ ფიქრობს, რომ მოზარდებს გაუჭირდებათ ძველი ენების ათვისება. განა ბალღები არ მეტყველებენ იმ ენებზე, ოდეს ჰყვოდნენ კულტურები აწ გარდასული ხალხებისა? არც ერთი ხალხის ენა მათემატიკის აბსტრაგირებულ ენაზე ძნელი არ არის, მთავარია სახელმძღვანელოები იყოს საინტერესოდ შედგენილი. ისიც ნუ დაგვავიწყდება, რომ მთარგმნელობა საუკეთესო წვრთნაა ორიგინალური ლიტერატურული შემოქმედებისათვის, ნაცადი საშუალებაა ლიტერატურული ენის სრულყოფისა და გამდიდრებისათვის. ამგვარი სკოლა-ინტერნატის დაარსებას, სადაც ისწავლიან უნარის მიხედვით შერჩეული ბავშვები, დიდი სარგებლობის მოტანა შეუძლია. იგი საფუძველს მოამზადებს უმაღლეს სასწავლებლებში უცხო ენების შესწავლისა და თარგმანის ხელოვნების დაუფლების მეტი სრულყოფისათვის, ხელს შეუწყობს მთარგმნელობითი საქმიან-

ნობის გაფართოებასა და გამრავალფეროვნებას საქართველოში, უფრო თვალნათლივ გაგვიცხადებს, თუ რა ძალით უმოქმედია სამყაროს დაუსაბამო ნათელს სხვადასხვა ხალხის კულტურაში. ეს ამბავი ღრმად უნდა შეიგნონ ჩვენი ქართული კულტურის მესვეურებმა. სწორედ მათ უნდა განიზრახონ ეროვნული ხელმძღვანელობა და განათლების უწყების წრეები ამ საქმის განსახორციელებლად. მხოლოდ ამგვარად თუ შეიძლება უმოკლეს დროში შევავსოთ ზემოაღნიშნული ხარვეზები და გაავსოთ მოწინავე ევროპული ქვეყნების მთარგმნელობით მიღწევებს, მიგუანლოვდეთ ინგლისური, გერმანული, რუსული და ფრანგული მთარგმნელების რაოდენობას, საბოლოოდ დავადწიოთ თავი ვისიმე მთარგმნელობითი ლიტერატურის სულიერ ვასალობას. და ეს იქნება ერთი პირობათაგანი საქართველოს მისაბამად ერთად ქცევისა. მაგრამ ამისათვის საკუთარ თავთანაც სწორი მიმართება უნდა ვიქონიოთ, რაც ამ შემთხვევაში ქართულ ენასთან მართებული დამოკიდებულების დამყარება გახლავთ, აღზრდისა და სწავლების საკითხს უკავშირდება და კვლავ განათლების უწყების, ჩვენი კულტურისა და ლიტერატურის მესვეურთა კომპეტენციაში შედის.

ქართული ენისადმი სწორი მიდგომისა და მართებული პოზიციისთვის საჭიროა არა მარტოდენ შეგნება იმისა, რომ იგი ჩვენი სულიერი ცხოვრების ბალავარია, ჩვენია, ჩვენს მიერ შექმნილი, ოდითგანვე ქართველი ხალხის ფიქრისა და სულისკვეთების ამრეკლავი, ჩვენი ღირსების, კულტურისა და სახელმწიფოებრიობის მათვალსაჩინოებელი, არამედ აგრეთვე ქართული ენის ფესვებისაკენ იმგვარი წიაღსვლა, მისი იმგვარად განცდა და შესისხლხორცება, რაიც თეორიულ მსჯელობათა გარეშეც ადვილად დაგვარწმუნებს ამ ენის უზადობაში, მის არაჩვეულებრივ ღირსებებში, მის ერთადერთობასა და შეუცვლელობაში ჩვენთვის. ისევ და ისევ ქართულმა სკოლამ უნდა დაამკვიდროს სწორი დამოკიდებულება ქართულ ენასთან, უზრუნველყოს სკოლადამათავრებულთა მიერ ერთიანი ქართულის ფლობა. მხოლოდ ამის შემდეგ შემოვა და დამკვიდრდება ქართული ენა თავისი ქეშმარიტი ღირსებებით ჩვენს წარმოდგენაში, ჩვენი ემოციური და გონებრივი ცხოვრების საუფლოში.

ყოვლად გაუმართლებელია ის ფაქტი, რომ ჭრაც ერთმანეთისაგან იზოლირებულად, სხვადასხვა ასაკში აწვდიან მოსწავლეებს მეცხრამეტე საუკუნემდელი და მეცხრამეტე საუკუნის შემდგომი ლიტერატურის ნიმუშებს, რითაც იმთავითვე ერთმანეთისაგან განთვისებული ორი ქართული ენის ილუზიას უქმნიან მათ. სადღაც VIII კლასში იწყებენ მოზარდები ჰაგიოგრაფიული ლიტერატურის შეს-

წავლას, მაგრამ შესწავლაცაა და შესწავლაც. მოსწავლეები ენის საკრალურ შრეებში ვერ ღრმავდებიან და მხოლოდ შინაარსი თუ გამოაქვთ შეთავაზებული მასალიდან. უცნობი სიტყვების ათვისებას არ ექცევა სათანადო ყურადღება. მათ იმგვარივე გულმოდგინებით უნდა სწავლობდნენ, როგორც უცხო ენის სიტყვებს. ტექსტის არც ერთი სიტყვა არ უნდა რჩებოდეს გაუგებარი. გაუგებარი კი არა და, მანამდე უცნობი ყოველი სიტყვა თუ სიტყვათა წყობის ქედურობა სამუდამოდ უნდა აღიბეჭდოს მოსწავლეთა მეხსიერებაში. ამისათვის სათანადოდ უნდა გაუმჯობესდეს სწავლების მეთოდოლოგია და შესაბამისად ამოღდეს მასწავლებელთა კვალიფიციური დონე. სკოლადაშთავრებული მოსწავლე სრულყოფილად უნდა ფლობდეს სულხან-საბა ორბელიანის სიტყვის კონას², რომელიც მას მხოლოდ თავისი დროისა და სპეციალისტთა ვიწრო წრეებისათვის არ შეუდგენია, თავისუფლად უნდა ჰყვინთავდეს მეცხრამეტე საუკუნემდელი ქართული ლიტერატურის ნებისმიერ ტექსტში. სხვაგვარად თავს ვერ დავაღწევთ მეცხრამეტე საუკუნემდელი სიტყვიერებისადმი ფორმალურ დამოკიდებულებას, ორგანულად ვერ გავიშინაგანებთ ქართული ლიტერატურის უზარმაზარ მასალას. რა ბედენაა ამ უძველესი პერიოდის ენას ძველი ვუწოდოთ და მხოლოდ ბოლო ორი საუკუნის ფარგლებში მოვაქციოთ ახალი ენა? ქართულ ენასთან დაკავშირებით სამუდამოდ უნდა ამოიძირკვოს ძველისა და ახლის გაგება. ერთიანია ქართული ლიტერატურა და ამიტომაც ერთიანი და განუყოფელია ქართული ენა. ერთიანი ქართული ლიტერატურის სიღრმისეული ათვისების გარეშე ვერასოდეს შევიგრძნობთ იმ ღვთაებრივ სურნელს, მთაწმინდელმა ღმერთკაცებმა და სხვა დიდმა მოღვაწეებმა რომ შთაშბერეს ქართულ ენას, ვერ შეეხება იგი ჩვენი სულის, ჩვენი არსების უშინაგანეს, ყველაზე საკრალურ ნაწილს, ვერ იქცევა ქართული კულტურის ქვაკუთხედად, ამ კულტურისა და თავად საქართველოს უკვდავყოფელად. მტერი ისე ვერას გვაგნებს, როგორც საკუთარ თავს ვაგნებთ, თუკი მეცხრამეტე საუკუნემდელ ქართულს მოვიკვეთთ და მკვდარ ენად ვაქცევთ, თუკი ვერ გავარღვევთ იმ ხელოვნურ ზღუდეს, ჩვენი სურვილის წინააღმდეგ რომ წარმოშვა XIX საუკუნის ისტორიულმა ვითარებამ მანამდელ და შემდგომში აღმოცენებულ ლიტერატურულ ქართულს შორის, თუ არ აღმოვფხვრით შედეგებს, იმუამად რუსეთის იმპერიის ჩინოვნიკთა მიერ სკოლებში ქართული ენის სწავლებისა და სახელმწიფო საქ-

² ეს იმას არ ნიშნავს, აბულაძის მიერ შედგენილი ლექსიკონის მიმართ გვექონდეს რაიმე საწინააღმდეგო.

მეების ქართულად წარმოების აკრძალვამ რომ გამოიწვია. მოწინავე ქართველ მწერალთა და მეცნიერთათვის ეს ზღუდე ამჟამად გარღვეულია, რაიც იმედს გვაძლევს, რომ ქართული ლიტერატურული ენის გამთლიანება საყოველთაო მოვლენად იქცევა. არა, შემთხვევით როდი გავუსვით ხაზი ღვთაებრიობას იმ ენისას, გიორგი და ექვთიმე მთაწმინდელების რუდუნებით რომ შექმნილა. ქართული ლიტერატურა სომხურ (ასურულ), რუსულ, ბულგარულ, შუა და ჩრდილო ევროპის ხალხთა ლიტერატურის მსგავსად, ძირითადად ქრისტიანობის საფუძველზე აღმოცენდა. თუკი წარმართობის ხანაში მხოლოდ ზოგიერთ ხალხს გააჩნდა დამწერლობა და ლიტერატურა, ქრისტიანობა და ქრისტიანული ღმერთმსახურება უკვე ნებისმიერ ხალხს ავალებდა დამწერლობისა და ლიტერატურის შექმნას, მასში თავისი სულიერი ცხოვრების აღბეჭდვას და არც შემთხვევით აღმოცენებულა ქართული მწერლობა ქრისტიანობის საფუძველზე, მიუხედავად იმისა, რომ ენა ქართული ძველბერძნულზე ძველია. ქართული ენა უძველესი მკვდარი ენების, სანსკრიტისა და შუმერულის კბილაა. თუმცა მკვდარი და ცოცხალი ენების შედარება პირობითია, ვინაიდან მკვდარი ენა ქარვაში ჩამუშავებული ორგანიზმივით უცვლელია და გაყინული; ცოცხალი ენის წიაღში კი ზერაკლიტი ეფესელის გამოთქმისა არ იყოს, ისევე ვერ შეხვალ ორგზის, როგორც ერთი დამავე მდინარეში, რადგან წყალი, წუთისწინ რომ ჩაიარა, სხვა წყალმა შესცვალა. ასევე ცოცხალი ენა, გუშინ რომ იყო, დღეს იგი აღარაა, მარადიული ქმნადობის განუწყვეტელ პროცესში იმყოფება იგი. და არც შემთხვევით მოვიხსენიეთ შუმერული ენა ქართულთან დაკავშირებით. მეცნიერებაში არსებობს ჰიპოთეზა ქართველებისა და აწ გადაშენებული შუმერების ნათესაობაზე. გამოთქმულია აზრი, რომ იმ ხალხის ერთ-ერთმა შტომ, სხვა ადგილიდან რომ მოვიდა და დასახლდა კავკასიაში, შუამდინარეთამდეც მიაღწია და ტიგროსისა და ევფრატის ნაყოფიერ ნაპირებზე შუმერთა კულტურას ჩაუყარა საფუძველი. ამ საკითხთან დაკავშირებით არა ერთი ისტორიული და ენათმეცნიერული გამოკვლევა დაწერილა, მაგრამ ამჟამად ჩვენ მხოლოდ გარემოებას მივაქცევთ ყურადღებას. მთვარიდან ხომ არ ჩამოფრინდებოდა პირველი ქართველი მემატიანის, ლეონტი მროველის მიერ „ქართლის ცხოვრებაში“ შემოთავაზებული ლეგენდა იმის შესახებ, თუ როგორ შეებრძოლნენ კავკასიის კონკრეტულ ხალხებთან გაიგივებული ჰაოსი, ქართლოსი და ძმანი მათნი შუმერთა მეფეს, გმირ ნებროთს და როგორ დაამარცხეს იგი. ვფიქრობთ, აქ მარტოოდენ იმგვარ ომს როდი შეეხება საქმე, არაერთგზის რომ გაუმართავთ ქართველებს სპარს, არაბ, მონღოლ და თურქ დამპყრობ-

ლებთან, არამედ იმასაც, თუ როგორ გამოთავისუფლდნენ კავკასიის ხალხები შუამდინარეთის სულიერ-იდეოლოგიური გავლენისაგან, მსგავსად იმისა, როგორც ბიბლიურმა აბრაამმა დააღწია თავი იმავ ნებროთის სულიერ მეურვეობას, განვიდა შუამერთა ქალაქ ურიდან და სემიტურ ხალხებს და მათ კულტურებს მისცა დასაბამი. ეს ყოველივე ნიშნავს შუამერთა კულტურის იმ სულიერი იმპულსისაგან თავის დაღწევას, რომლის სიმბოლოსაც „ბაბილონის გოდოლი“ წარმოადგენდა (შუამერთა კულტურას შემდგომში ბაბილონის კულტურასაც უწოდებდნენ), და რომელმაც თავისი დრო მოჰამა, რადგან დროისა და სივრცის კომპონენტთა უარყოფით დღის, ანუ „მე“ ცნობიერების მომავალში გამკვიდრებას უშლიდა ხელს. ძველ, ატავისტურ უნარებს აღვიძებდა იგი, რომელთა მეოხებითაც ადამიანები პირველსაწყისთან, ზეციურ სამყაროსთან კვლავ შეერთებას ცდილობდნენ. მაგრამ „მე“ ცნობიერების გარეშე ნებისმიერი მისწრაფება განწირულია. ამგვარი მისწრაფების იმჟამინდელ ბაბილონურ ვარიანტს კი მით უფრო ვერ ვუწოდებთ მაღალს, რადგანაც იმხანად არ არსებობდა „მე“ ცნობიერების განვითარებაზე უფრო მაღალი მიზანი. ძველსა და ახალს შორის ანტაგონიზმის ეს სიმწვავე შუამერთა კულტურაში ყველაზე მკაფიოდ გილგამეშისა და ენქიდუს სულიერ წიაღსვლებში აირეკლა. მათი სულიერი ხაზი ყველაზე დრამატული გახლდათ შუამერთა კულტურაში, ისე, ვით რამას, ხოლო შემდგომში არჩუნასა და მისი ძმების სულიერი მიმართულება ინდოეთში, დღის ცნობიერებას რომ ანვითარებდნენ და უპირისპირდებოდნენ ღამის ატავისტურ ცნობიერებაზე დაფუძნებულ ეგრეთწოდებულ ბრმად-შობილებს³. სიმბოლო ბაბილონის გოდოლისა ნიშნავდა უკუსვლას, ინვოლუციას, რასსობრივ შეგნებასთან კვლავ დაბრუნებას, კულტურაზე უარის თქმას, რადგან ხალხთა კულტურები არა ძველი, რასსობრივი, არამედ იმ დროისათვის ახალი, ეროვნული შეგნების

³ ის ხალხი, დღის ცნობიერებისა და ადამიანებში ინდივიდუალობის ჩამოყალიბებისაკენ სწრაფვა რომ არ გააჩნდათ, სხვისი ნების თავზე მოხვევისა და მაგიური ატავისტური უნარებით სარგებლობის პარაზიტულ ამორალიზმს ირჩევდნენ. ჭაღარა წარსულის თვით იმგვარ პოლიტიკურ მოვლენას, ერანისა და თურანის მრავალსაუკუნოვანი ომი რომ წარმოადგენდა, ახალი პროგრესული დღისა და ატავისტური ცნობიერების ანტაგონიზმი ედო სარჩულად. ხელოვნებაში ამგვარი ანტაგონიზმის კლასიკურ მაგალითს წარმოადგენს მოცარტის ოპერა „ჩაღოსური ფლეიტა“, სადაც კაცობრიობის კულტურისკენ წამყვანი „მე“ ცნობიერების მატარებელ ბრძენ ზარასტროს უპირისპირდება ჯამის ცნობიერებაზე გამყინვით კულტურის დამაბრკოლებელი ძალა ღამის დედოფლისა.

საფუძველზე აღმოცენდნენ. ნებისმიერი ეროვნული კულტურის ბალავერს მშობლიური ენა წარმოადგენდა, კაცობრიობის სიყმაწვილესა და ჭაბუკობაში, შეგრძნებისმიერ და თვით განსჯისმიერ საფეხურზე, ადამიანებში ჭარბობდა მდაბალი ეგოიზმი, ხელს რომ უშლიდა ზოგადადამიანური ცნებებისა და ინტერესების გამოქვეყნებას, მცირე და დიდ ჯგუფებად: ოჯახებად, გვარებად, თემებად, ტომებად, ეროვნებებად რომ ანაწევრებდა ადამიანთა საზოგადოებას. შეგრძნებისა და განსჯითი აზროვნების საფეხურზე ადამიანის წარმოდგენები და ინტერესები ტომობრივ და ეროვნულ ფარგლებს ვერ სცილდებოდნენ და მაშინ ასეც იყო საჭირო, რადგან სოციალური ჰარმონიის განმაპირობებელ ძალას, სიყვარულს, ჯერ მცირე ჯგუფებში, ოჯახის, გვარისა თუ სამშობლოს ფარგლებში უნდა მოეხდინა ურთიერთობათა სტაბილიზება (მხოლოდ გვიან, ცნობიერების უფრო მაღალ დონეზე, როცა გონი თავის უფლებებში შევიდა, ხოლო სიყვარულმა სისხლისმიერ ნათესაობის ფარგლები გაარღვია, ურთიერთობათა სტაბილიზებისა და ინტერესების სფერო საკაცობრიო მასშტაბებამდე გაიზარდა). ამგვარ გაერთიანებებში თავმოყრილ ადამიანთა გრძნობები, მისწრაფებანი და აზრები, გარკვეულ მსოფლმხედველობრივ, ეთიკურ და ესთეტიურ წარმონაქმნებად უნდა ჩამოყალიბებულიყვნენ და კონკრეტული ფორმების, ნაციონალური ენების მეოხებით წარმოჩენილიყვნენ როგორც საფუძველი ეროვნული კულტურებისა. ასე რომ, ბაბილონის გოდოლი დანგრევას, ანუ რასსობრივ შეგნებასთან და ბუნებისმიერ ინსტინქტებთან დაკავშირებული ენა ძველი კაცობრიობისა, იმჟამად დავიწყებას ვერ ასცდებოდა. ამ ხანგრძლივი პროცესის გამოხატულება უნდა იყოს, ერთი მხრივ, კავკასიის ხალხთა, მეორე მხრივ კი სემიტი ხალხების ეროვნებებად ჩამოყალიბება⁴, შუამდინარელი ნებროთისაგან ცალკერძ შაოსის, ქართლოსის, ლეკოსის და ა.შ. მეორეს მხრივ კი ბიბლიური აბრაამის გამოთავისუფლებით რომაა სიმბოლიზირებული.

ქართველთა და შუმერთა შორეული ნათესაობისათვის მეტყველებს შემდეგი ფაქტიც: ჩვენს მათიანეში ქართველ მეფეთა ერთერთი დინასტიის წარმომადგენელნი ნებროთიანებად, ნებროთის შთამომავლებად იწოდებიან. მათიანეს ქართლისას სწავლული ბე-

⁴ ამ აზრის სისწორეს ქართლოსის შთამომავალთა სახელები: მცხეთოსი, უფლოსი, გარდაბოსი და ა.შ. ადასტურებენ, რომ ქართული კულტურისა და სახელმწიფოებრივი ავტონომიის განსაზღვრული ქალაქები სწორედ ქართლოსისა და ძმათა მისთა ნებროთზე გამარჯვების შემდეგ აღმოცენდნენ.

რები ჰქმნიდნენ და ყოვლად დაუშვებელია ქართველთა უსაყვარ-
ლესი მეფე, ვახტანგ გორგასალი ღრმა საფუძვლის გარეშე მათ იმ
პიროვნების შთამომავლად ჩაეთვალოთ, კავკასიის ხალხებისა და
ბიბლიურ-ქრისტიანული მიმდინარეობისათვის მიუღებელ სულიერ
მიმართულებას რომ ეკუთვნობდა.

ასოციაციათა უნარის მქონე ადამიანი ერთ ამბავსაც შენიშ-
ნავდა: მსოფლიოს არც ერთ ენაში არ ენიჭება გულს ეგოდენ ფართო
და სიღრმისეული მნიშვნელობა, როგორც ქართულში, რისთვისაც
გულთან დაკავშირებული რთული შედგენილი სიტყვების არაჩვეუ-
ლებრივი სიმრავლე დალადებს. ამასთან, გაცუებას იწვევს თითოეუ-
ლი მათგანის აზრობრივ-ემოციური დატვირთვა. ამავე დროს სხვა
ღმერთებთან შედარებით არც ერთი ხალხის ღმერთთა პანთეონში არ
ჰქონია სიყვარულის ღმერთს იმგვარი უპირატესობა, როგორც
შუამდინარეთის გენუსს, შუმერთა იშთარს. ასე რომ, ბევრი რამ აღ-
ძრავს ფიქრებს ქართველთა და აწ გადაშენებულ შუმერთა ნათესაო-
ბისათვის და აქედან გამომდინარე, ქართული ენის სიძველისთვისაც.

მიუხედავად ქართული ენის ამგვარი სიძველისა, უშორეს
ცნობებს საქართველოს ისტორიასა და კულტურაზე სხვა ხალხთა
მითოლოგიები და ისტორიული თხზულებანი გვაწვდიან. ინდოე-
ლებსა და შუმერებზე რომ არაფერი ვთქვათ, ქართველებზე გაცი-
ლებით ახალგაზრდა ბერძნებმა და რომაელებმა ჩვენზე უწინ
შეჰქმნეს დამწერლობა, რის გამოც ბევრით მათგან ვართ დავალე-
ბული, რომ გავიგეთ თუ ვინ, ან რანი ვიყავით შორეულ წარსულში.
ქართული დამწერლობა მხოლოდ პირველ საუკუნეში შეიქმნა ჩვენს
წელთაღრიცხვამდე მეფე მირიანის მიერ. ჩვენი მხატვრული და ის-
ტორიული ლიტერატურის პირველი ნიმუშები კი გაჩნდნენ მაშინ,
საქართველოში უკვე ღრმად რომ ჰქონდა გადგმული ფესვი ქრის-
ტიანობას. ქართველებს დამწერლობის გარეშეც მაღალი კულტურა
ჰქონდათ ბერძნებზე ადრე და ისიც ვიცით, თუ რანაირად უსწრებდ-
ნენ დიდი კულტურები დამწერლობის შექმნას; ვიცით, რომ არც მა-
ნუს თავისი კანონები, არც მოსეს თავისი საკრალური წიგნები, არც
ზარატუსტრას თავისი „აენდ-ავესტა“, არც ჰომეროსს თავისი პოემე-
ბი და ა.შ. თავად არ ჩაუწერიათ. ისინი ჩაიწერეს გაცილებით გვიან,
როდესაც კაცობრიობას განსჯით აზროვნების განვითარების ხარჯზე
მეხსიერების შესუსტება დაეწყო. მანამდე კი ღვთაებრივი სიბრძნე,
საკრალური კანონები, თუ უზარმაზარი პოემები ზემირად გადადი-

ოდა შთამომავლობიდან შთამომავლობაზე⁵. ცნობილია, რომ ქრისტეს ერთი სიტყვაც კი არ დაუწერია. როდესაც რაიმე იწერება, რამდენადმე დაკანონებულ სახეს ღებულობს, სამუდამოდ გამოეყოფა მარადიული ქმედებისა და მუდმივ ცვალებადობაში მყოფი პროცესის მდინარებას, რომელსაც შეიძლება მარადიული შემოქმედებითი დუდილი, ან დაუსაბამო სიტყვა ვუწოდოთ. მხოლოდ დაუსაბამო სიტყვის მარად მოქმედ და ყოვლის აღმვსებ ველში ჩართულ ადამიანებს ძალუძთ ოდესღაც პაპირუსსა თუ ქაღალდზე დაწერილის კვლავ გაცოცხლება და ოდესღაც გამოყოფილის კვლავ შეერთება მარადიული ქმედების წყაროსთან, რადგან ამგვარი სინთეზის უნარს დიახაც რომ დაუსაბამო სიტყვის მაღლი იძლევა. რუტინისათვის კი ნაწერი ქაღალდი იგივე ძვალთშესალაგია, სადაც სურათხატოვან სიმბოლოებს ნატურალიზმად, ცოცხალ აზრებს კი დოგმებად აქცევს მისი და ამ მიცვალებულის მეოხებით, ვითომდაც მათი დიდი პატივისმცემელი, ებრძვის ყოველივე ახალსა და ცოცხალს, იმავე დაუსაბამო სიტყვიდან რომ იღებს დასაბამს. აი, ეს გახლავთ მიზეზი კულტურათა კონსერვაციისა. ანბანი და დამწერლობა გაცილებით ადრე რომ შეგვექმნა და ჩვენი წარმართული ხანის ისტორია და კულტურა მის სარკეში აგვერეკლა, შესაძლოა სულიერი ძალები ბოლომდე არ ამოგვეწურა, არ გადავშენებულყავით და ქრისტიანობაც მიგველო, მაგრამ კულტურის კონსერვაციას მაინც ვერ დავალწევდით თავს. დაგვემართებოდა იგივე, რაც ბიზანტიას დავმართა. დაგვარგავდით დაუსაბამო სიტყვის მაღლიდან მომდინარე კულტურათა სინთეზის უნარს.

საბერძნეთმა ოდესღაც ყველაზე ელვარე წარმართული კულტურა შექმნა, შემდეგ კი ქრისტიანობა მიიღო მისმა ხალხმა, მაგრამ ბერძნებმა ველარ შესძლეს ქრისტიანობის შერწყმა საკუთარ წარმართულ კულტურასთან, რადგან ისე საფუძვლიანად არეკლეს ეს კულტურა დამწერლობაში, იმდენად სრულქმნილი ფორმა მიანიჭეს მას, რომ დაამუხრუჭეს კიდევ ზემოთქმული შეწყვილების საქმე, აღარ ეყოთ სულიერი ძალები იმის ბოლომდე მისაყვანად, პავლე

⁵ თითოეულ ადამიანში არეკლილია კაცობრიობის განვითარების მთელი გზა. მოზარდთა სუფთა, ინფორმაციით დაუტვირთავი გონება მძაფრი მენსიერებით ხასიათდება. ამიტომაცაა ახალგაზრდობის პერიოდი მენსიერების, ინფორმაციის დაგროვების ხანა, ასაკში შესვლისას, ოდეს დაგროვებული ინფორმაციით იღებს ოპერაიდებას ადამიანის გონება, მენსიერება ქვეითდება და ამის ხარჯზე აზროვნება გამოდის წინა პლანზე. კაცობრიობამაც იგივე განიცადა მთლიანობაში საკუთარი ევოლუციის გზაზე.

მოციქულმა და დიონისე არეოპაგელმა რომ ჩაუყარეს საფუძველი ათენის ეზოტერული სკოლის შექმნით. ხოლო რომმა, რომელსაც არ შეუქმნია იმდენად ორიგინალური (გარდა რომის კანონებისა), რამდენადაც არეკლა მხოლოდ საბერძნეთის წარმართული კულტურა, რენესანსის ხანაში შესძლო ამგვარი სინთეზის განხორციელება, შეწყვილება ბიბლიურ-ქრისტიანული და ანტიური კულტურის სულიერი იმპულსებისა, ბიბლიური სულისა და ბერძნული ფორმის შერწყმა, გაერთარება უმაღლესი ეთოსისა და ესთეტიკისა. კულტურის არეკვლას არ დასჭირვებია იმდენად გრანდიოზული სულიერი ძალები, საბერძნეთმა რომ დახარჯა ადრე ორიგინალური კულტურის შექმნისას და ამიტომაც შემორჩა ენერგია რომს ზემოხსენებული სინთეზის განსახორციელებლად. ქრისტიანობის შეწყვილება პლატონიზმთან და არისტოტელიზმთან, ხელოვნებაში ბიბლიური პერსონაჟებისა და სიუჟეტების უმშვენიერესი ადამიანური ფორმით გამოხატვა, თვალნათლივ დაღაღებდა კულტურის ამ ორი ნაკადის საერთო პირველწყაროზე. სადღა იყო ის ანტაგონიზმი, ოდეს რომის ოფიციალობა დევნიდა და სიკვდილით სჯიდა პირველ ქრისტიანებს, კატაკომბებს რომ აფარებდნენ თავს, და პირიქით, ქრისტიანობის სახელმწიფო რელიგიად გამოცხადების შემდეგ, რელიგიური ფანატიზმით შეპყრობილი ბრბო მუსრს ავლებდა ანტიური ხელოვნების უმშვენიერეს ნიმუშებს, ხოლო ოფიციალობა დევნიდა წარმართული სიბრძნის მესვეურებს. თომა აქვინელმა, ალბერტ დიდმა, ალანუს კუნძულელმა, დანტე ალიგაიერომ, ლეონარდო და ვინჩიმ, მიქელანჯელომ და რაფაელმა, საქმე მოციქულთა ახალ ხარისხში აიყვანეს.

ქართული ლიტერატურა, როგორც აღვნიშნეთ, არა წარმართულ, არამედ ქრისტიანულ ხანაში აღმოცენდა და ამდენად სულიერ ძალთა ამოწურვას ჩვენს კულტურაში ადგილი არ ჰქონია. მიუხედავად იმისა, რომ საქართველომ თავის დროზე ბიზანტიური მართლმადიდებლური კულტურის ცხოველმყოფელი გავლენა განიცადა, მან ქრისტიანულ-ბიბლიური კულტურის ღრმა სინთეზი განახორციელა არა მარტოოდენ საკუთარ, არამედ ანტიურ და სხვა წარმართულ კულტურებთანაც. ამგვარ სინთეზს ვხედავთ ამირანის ლეგენდაში, „სიბრძნე ბალავარისაში“ (ქრისტიანობის შეწყვილება ბუდიზმთან), ფსევდოდონისეს (იმავე პეტრე იბერის) ტრაქტატებში, „ქილილასა და დამანას“ სულხან-საბასეულ თარგმანში (ქრისტიანობისა და აღმოსავლური სიბრძნის სინთეზი) და ა.შ. მაშინ, როდესაც ბიზანტიის კეისარმა, ალექსი კომნენმა მხარი დაუჭირა ორთოდოქსალურად განწყობილ სამღვდელოებას და კატეგორიულად აუკრძალა ორ ბერძენ სწავლულს, მიქაელ პსელოსსა და იოანე იტალოსს აღემაღლებინათ ბიზანტიელთა კულტურა და აზროვნების დონე ქრისტიანობის შეწყვილებით პლატონიზმთან და არისტოტე-

ლიზმთან, რასაც ისინი გულდასმით ახორციელებდნენ თავიანთ თხზულებებში, დაახლოებით იმავე დროს, რუსთაველმა მთელი ქართველი ხალხისათვის განახორციელა უფრო ფართო, იმ დროისათვის თითქმის ყოვლისმომცველი კულტურათა სინთეზი, თანაც ყველასათვის მისაწვდომი პოეტური ფორმით. მისი „ვეფხისტყაოსანი“, ესაა ქართული პოეტური გენიის პრიზმაში გარდატეხილი გასაოცარი სინთეზი ღრმადნაცვიონალური, წარმართულ-ანტიური, პირველქრისტიანული (არეოპაგეტიკა), ქრისტიანულ-მართლმადიდებლური, რაინდულ-ქრისტიანული, ძველშინდური (პარალელი „რამაიანას“ სიუჟეტთან), ძველსპარსული (შუალამის მზე „ზენდავესტაში“), მანქვეველური და სუფისტური კულტურებისა. ასე რომ, რუსთაველის შემოქმედება ესადაგება იმათ თვალსაზრისსაც, რენესანსის კულტურა ბიბლიურ-ქრისტიანული და მხოლოდ ბერძნულ-ლათინური წარმართული კულტურების სინთეზად რომ მიაჩნდათ და მათ აზრსაც, რენესანსში ქრისტიანობისა და ნებისმიერი წარმართული კულტურის სინთეზს რომ ხედავენ. ასეთი ყოვლისმომცველი სინთეზისათვის ჩვენი კულტურა არც ისე სწრაფად მომწიფდებოდა და არც იმისათვის მოსულან მეექვსე საუკუნეში დიდი ასურელი მამები საქართველოში ანტიოქიის უდაბნოდან ღვთისმშობლის მითითებით, როგორც ამას ღირსი მამის, შიო მღვიმელის ბიოგრაფი გვამცნობს, რომ სადმე საქართველოს კლდე-ღრეებში დაყუდებულიყვნენ მხოლოდ. ამ უჩვეულო შინაგანი ძალისა და უნარების მქონე ადამიანებმა, გარდა იმისა, რომ მორალური კონტროლის ქვეშ აიყვანეს საქართველოს სამიწო კარი, ერისკაცთა წრეებში და უკუაქციეს უცხო, სპარსული წარმართული იდეოლოგიის შემოტევა, სამონასტრო ცხოვრების მძლავრ აღმავლობასაც მისცეს ბიძგი საქართველოში, რაიც იმხანად კულტურის განვითარების უმთავრეს საშუალებას წარმოადგენდა. ზედაზნიდან, შიომღვიმედან და დავით-გარეჯიდან დაიწყო ჩვენში ის მოძრაობა, სერაპიონ ზარზმელის, გრიგოლ ხანძთელის, საბა იშხნელის და სხვათა მოღვაწეობის ჟამს უდაბნოებით რომ დაქსელა სამხრეთ საქართველო, შემდეგ კი საქართველოს საზღვრებს გარეთ, საბერძნეთსა, იერუსალიმსა და ბულგარეთშიც გაშალა ფრთები და მწვერვალს თავისას საქართველოშივე, გელათისა და იყალთოს აკადემიების დაარსებას ეწია. როგორც რუდოლფ შტაინერი თავისი ლექციების ერთ-ერთ ციკლში აღნიშნავს, აღმოსავლეთის ქრისტიანულ მონასტერთა მკვიდრნი გაცილებით ღრმა ეზოტერულ სიბრძნეს ფლობდნენ, ვიდრე მათი ევროპელი თანამოძმენი. ეს სიბრძნე რამდენადმე შეფარული, ალღეგოირული ფორმებითაა მოცემული ქართულ ლიტერატურასა და საეკლესიო ფერწერაში, რომლის ამოკითხვაც დაწყებულია და ცხადია, მისი სრული გაშიფვრის ჟამიც დადგება. აღმოსავლეთის მონასტრებში დაფარული ეზოტერული სიბრძნე შორს სცილდება ქრისტიანობის ვიწრო, ორთოდოქსალურ გაგებას, ხოლო ამ მონასტრების ღირსთა მოძღვართა ქმედებანი ერთი ეპოქის ფარგლებს. ეს ყოველივე, უპირველეს ყოვლისა, ცამეტ ასურელ მამაზე უნდა ითქვას.

როდესაც დღეს იოანე ზედაზნელის, დავით გარეჯელის, შიო მღვიმელისა და სხვათა მათთა თანამოსაყდრეთა საფლავებთან ვდგავართ, არ უნდა დაგვაიწყდეს, რომ მათ მიერ დაწყებულმა საქმემ მოუშადა საფუძველი დავით აღმაშენებლისა და თამარის საქართველოს მორალურ დონეს. არ უნდა დაგვაიწყდეს, რომ საქართველოს იმჟამინდელი ძლიერება არა მარტო ისტორიული ვითარების, არამედ დავითისა და თამარის მორალური დონის შედეგიცაა. შემთხვევით როდია უმაღლესი მხნეობით აღჭურვილი მეფეების ხელში რომ მიაღწია საქართველომ ძლიერების მწვერვალს. ამგვარი ზნეობა გახლდათ სიფხიზლის, კონცენტრირებისა და ძალუმი ნებელობის ის საფუძველი, უმძიმეს პირობებში შეუძლებელი შესაძლებლად რომ აქცია. და ეს არ მოხდებოდა ზედაზნზე, შიომღვიმესა და დავითგარეჯში დანთებული მორალური ცეცხლის გარეშე. ამ სულიერი ცეცხლის გარეშე არც მთაწმინდელებისა და არც რუსთაველის ქართული იქნებოდა, არც გარე სჯახი ეფრემ მცირისა და იოანე პეტრიწისა, არც ჩვენი საისტორიო მწერლობა, არც შესანიშნავი ქართული არქიტექტურა, ფერწერა და საგალობლები. რუსთაველის ბრწყინვალე ლიტერატურული ეპოქა წარმოუდგენელია გიორგი და ექვთიმე მთაწმინდელების, აგრეთვე სხვა დიდი მამების მოღვაწეობის გარეშე, რომელთა ხელშიც ქართულმა ენამ დასრულებული, კლასიკური სახე მიიღო (გავიხსენოთ სახარებისა და ლოცვანთა თარგმანები, შესანიშნავი ორიგინალური ქმნილებები). მათ, უზენაესი ზნეობისა და კაცთმოყვარეობის გვირგვინი დაადგეს ქართულ ენას, შეუშუსრავი რწმენის პოეზიით განმსჭვალეს იგი და ვინც ამ ენის სიმტკიცესა და სიმხურვალეს იგრძნობს, არ შეიძლება ერთხელ და სამუდამოდ არ განიმსჭვალოს მისით, გულისა და გონების, ღირსებისა და მეობის განუყოფელ ნაწილად არ აქციოს იგი, არ აღიმართოს მისი სიწმინდისა და უფლებების დასაცავად, თუკი ხელყოფას მისას ვინმე დააპირებს. ამიტომ უნდა იცოდეს ყველა ქართველმა იმ განძეულის ფასი, მისთვის რომ მოუხვეჭიათ დიდ წინაპრებს. და რომ იცოდეს, უნდა დაეუფლოს ამ მოსახვეჭელს. და რომ დაეუფლოს, ამისათვის უნდა იღვაწონ მათ, ვისაც უკვე მოუხვეჭია იგი, ვინც კურთხეულა ამ ენის მადლით. მათ უნდა მოაშზადონ საზოგადოებრივი აზრი სკოლებში ქართული ენის უფრო სრულყოფილი მიწოდებისათვის. მეცხრამეტე საუკუნემდელი ლიტერატურა სახადივით კი არ უნდა მოიხადოს მოსწავლეებმა ერთი-ორი წლის მანძილზე სადღაც მაღალ კლასებში, არამედ უკვე მეორე, ან მესამე კლასიდან უნდა გადიოდნენ ახალი ლიტერატურის ბარანდელურად. დაბალ კლასებში ჭერ მცირე რაოდენობით უნდა დავიწყეთ მისი მოსწავლეებისათვის მიწოდება და ყოველწლიურად გაგზარდოთ დოზები. მასალაც უკეთ უნდა შევარჩიოთ. ცხადია, მოწამეთა ცხოვრების ამსახველი ჰაგიოგრაფიული ქმნილებები დაბალ კლასებში ნაადრევია, მაგრამ რიგი ნაწყვეტებისა „ქართლის ცხოვრებიდან“ უდავოდ გამოდგება სასწავლო მასალად, განსაკუთრებით სიქველეთა ამსახველი ეპიზოდები, როგორცაა: ამბავი იოთამ ზედგინიძისა, ცოტნე დადიანისა, შანშე ქსნის

ერისთავისა, საჩინო ბარათაშვილისა, თევდორე მღვდლისა, ცალკეული ადგილები ვახტანგ გორგასლისა და თამარის ისტორიკოსთა თხზულებებიდან, ლეგენდა ქართლოსისა და შვილთა მისთა შესახებ და ა.შ. საერთოდ არა თუ სასურველი, ვფიქრობ, აუცილებელიცაა, უკვე მაღალ კლასებში მოსწავლეებმა თითქმის მთლიანად გაიარონ „ქართლის ცხოვრება“. „ქართლის ცხოვრება“ არა მარტოდენ ისტორიული, არამედ უზადო ისტორიული ქმნილებაცაა და ატარებს მეცხრამეტე საუკუნემდელი ქართულის ყველაზე მაღალ თვისებებს. ნურავინ შეგვეკამათება, რომ ეს მასალა კარგად ვიცით, რომ დიდი ქართველი მწერალი კონსტანტინე გამსახურდია თორმეტი წლის ასაკში კითხულობდა თამარის ისტორიკოსს და ყოველად დაუშვებულა ამ ამბავს ერთ-ერთი გადამწყვეტი როლი არ შეესრულებინა ქართული ენისა და ისტორიისადმი მისი პოზიციის ჩამოყალიბებაში. შაგიოგრაფიული ქმნილებებიც ხომ ისტორიაა, ან ცალკე ეპიზოდი გარკვეულ პიროვნებათა ცხოვრებისა და რა უნდა იყოს მოზარდებისათვის მხატვრულად მიწოდებულ ისტორიაზე უფრო მიმზიდველი, სადაც ყველაზე მნიშვნელოვან და საყვარელ ინდივიდუალობათა ცხოვრება და მოღვაწეობა შაგიოგრაფიულ ქმნილებათა გმირზე უფრო ვრცლად და დაწვრილებითაა აღწერილი? ნურც სასწავლო მასალის გადატვირთულობას მოიყვანს ვინმე საბუთად. სადმე შესაჩხერი მასალა როდია „ქართლის ცხოვრება“. მისი დამკვიდრება სასკოლო პროგრამაში მხოლოდ ამ პროგრამის გადახალისების შემთხვევაში შეიძლება. რამდენი, შედარებით მდარე, მხატვრული ნაწარმოები გაგვივლია სკოლაში? განა რამე შეგვმატა მიკირტუმ გასპარჩიებისა და სლომონ ისაკიძეების მანჭვა-გრენვამ? ეგნატე ნინოშვილის ერთი ნაწარმოები არ იკმარებდა განა გურული გლეხების მდგომარეობის გასაცნობად მეფის რუსეთის დროში? განა თანამედროვე მოთხოვნილებებს აკმაყოფილებს მისი მხატვრული დონე? შესაძლოა ვთქვათ მაშინ: აუცილებლად უნდა აღინიშნოს საზოგადოების მესამე ფენის გამოვლა ცხოვრების სარბიელზე, ისე როგორც ნებისმიერი ნიუანსი სოციალური ანტაგონიზმისა და ამადაც აუცილებელიაო ამ თემაზე შექმნილ ნაწარმოებთა სწავლება. მაგრამ იმას რაღა ვუყვით, იმგვარი მასშტაბები რომ არ ჰქონია საქართველოში ბურჟუაზიული ფენის მოძრაობას, როგორც ვთქვათ საფრანგეთსა და ინგლისში, არც დიდი პიროვნებები მოუცია მას და არც იმ დონის მხატვრული ქმნილებები ალნიშნულა, ამ თემაზე რომ შეუქმნიათ ბალზაკს, დიკენსს, ზოლას, მოლიერს, ბომარშეს და ა.შ.? ილია ჭავჭავაძემ და დავით კლდიაშვილმა დაკნინებული თავადაზნაურებისა და არა ბურჟუაზიის წარმომადგენელთა ზოგადეროვნული ტიპები დაგვიხატეს თავიანთ შემოქმედებაში. ქართული მწერლობის უდიდესმა წარმომადგენლებმა სხვაგვარად გამოხატეს თავიანთი მიმართება ბურჟუაზიის საქმიანობისადმი. ილია ჭავჭავაძემ სათავადაზნაურო ბანკის გახსნა მიიჩნია მიზანშეწონილად, რათა ფუქსავატ თავადაზნაურთა მამულები არაქართველ ვაჭართა ხელში არ გადასულიყო. ეროვნული ხასიათების ჩვენებით იგივე სულისკ-

ვეთება გამოხატა ვაჟა-ფშაველამ პოემაში „შაოსი და ქართლოსი“. ბალზაკისეული გობსეკის სრული ანტიპოდი გახლდათ ინჟამინდელი მკირერიცხოვანი ქართული ბურჟუაზიის უდიდესი წარმომადგენელი დავით სარაჯიშვილი, ნამდვილი განსახიერება გოგოლის მკვდარი სულის მურაზოვისა ქართულ ნიადაგზე, რომელმაც ქართული კულტურის განვითარებისათვის, გენიალურად წარმართული მთელი თავისი ქონება ქართველ ხალხს უანდერძა და ილია ჭავჭავაძეზე ნაკლებად არ უნდა ვუმაღლოდეთ მის აღორძინებას. ერთი სიტყვით, ამ კლასის საქმიანობაზე საქართველოში იმგვარი არაფერი დაწერილა, ოდნავადაც რომ გასწიოს „ქართლის ცხოვრების“ ღირებულება როგორც მხატვრული, ასევე იდეური თვალსაზრისით. ამას ბავშვიც მიხვდება. დაე, დამძრახოს ქართული კულტურის სიღრმეთა ნებისმიერმა გამომწვლილველმა, დაე, შემრისხოს მფარველმა სულმან ქართველი ერისამან, ეს თუ ასე არ არის. სისხლში ნაწილის კანძობით ნაწერი, მთელ რიგ ეპიზოდებში მემატიანეთა მიერ ჰომეროსისებული პოეტური გზნებითა და ეპიური პლასტიკებით მღალადები მატიახე ქართლისა, აღსარება, სინანული და გამართლებაა ქართველი ერისა ღვთისა და მსოფლიო ხალხების წინაშე. განუზომელია ამ მხატვრული დოკუმენტის ზემომქმედი ძალა. თავისი მნიშვნელობითა და დანიშნულებით „ვეფხისტყაოსანის“ შემდეგ მას ვერც ერთი ქართული წიგნი ვერ შეედრება. რუსთაველსა და სულხან-საბა ორბელიანს შორის მოქცეული მასალა სამგზისაც რომ შეიკვეცოს, მეცხრამეტე და მეოცე საუკუნის რიგი ქმნილებებისა რომ შეეწიროს ამ ამბავს, „ქართლის ცხოვრება“, მისი ყველაზე მნიშვნელოვანი ნაწილი, მაინც უნდა შევიდეს ქართული სკოლების სასწავლო პროგრამაში. უფრო ნაწარმოებთა მხატვრული ღირებულებითა და ზნეობრივი ფასეულობით უნდა ინელმძღვანელოს სასკოლო პროგრამების შემდგენლებმა და არა საზოგადოების სოციალური განვითარების წინასწარ მოცემული სქემით (საზოგადოების სოციალური განვითარებისათვის სულ სხვა საგანია სკოლაში განკუთვნილი). ამ სქემის როგორმე მექანიკურად შევსებას კი არ უნდა ცდილობდნენ ისინი, მას კი არ უნდა უსადაგებდნენ ლიტერატურას, არამედ მოზარდებს, უპირველეს ყოვლისა, უნდა აწვდიდნენ იმ საუკეთესო, წარუდინებელი ღირებულების ქმნილებებს, კალმის პირველი მოსმიდან დღემდე რომ შეუქმნია ქართველ ერს. მხატვრული ლიტერატურისა და არა საზოგადოების ისტორიის სპეციფიკიდან უნდა გამოდიოდნენ ისინი, რადგან მხოლოდ მაღალმხატვრული ღირებულებების ქმნილებებს ძალუძთ მაღალი გემოვნების გამომუშავება მოზარდებში. ცურტაველის დროინდელ და დღევანდელ ქართულს შორის იმხელა განსხვავება როდია, ძველისა და ახლის კატეგორიებით რომ მივუდგეთ ენას. მრავალ ენასთან შედარებით ამ თვალსაზრისით უპირატესობა გაგვარჩნია. დულაბი ქართული ენისა მის განუყოფლობასა და ერთიანობაშია. ამიტომაც მართებულად შერჩეულმა სასკოლო პროგრამამ და სწავლების გაუმჯობესებულმა მეთოდებმა უნდა შეასრულოს გადაუდებელი საქმე, რაიც პრაქტიკულად ერთიან ქართულს მთელი

ქართველი ერის საკუთრებად აქცევს და სიკვდილს არ დაუთმობს ქართული ენის არც ერთ ნაწილს, არც ერთ ნაწევარს. ერთიანი ქართულის ათვისება დღეს ცურტაველის, საბანისძის და მერჩულეს ენით საუბარს როდი ნიშნავს. სახლში ან მეგობართა წრეში თუგინდ ტკბილი იმერული, მეგრული, იუმორით გაჭერებული სხარტი გურული, ძარღვიანი ქართლ-კახური, დინჯი რაჭვეული, ან რვალისებრ ნაჭედი ფშავ-ხევსურული კილოთი ისაუბრე, მაგრამ ფლობა სიტყვიერი არსენალისა, ერთიანი ქართული ლიტერატურული ენის ფლობას რომ განაპირობებს, ნებისმიერი ქართველის უპირველეს მოვალეობად უნდა იქცეს. მხოლოდ ამგვარმა რვალმან და ქვეთკირმან ქართული ენისამან შეიძლება უზრუნველყოს სიმტკიცე ჩვენი ეროვნული შეობისა. მხოლოდ ქართული ენისადმი სწორ მიმართებას შეუძლია საშურო წინამძღვრების მომზადება საქართველოს მისაბაძერად გადაქცევისათვის.

მერაბ კოსტავა

რუსეთ - საქართველოს ურთიერთობა

გეორგიევსკის ტრაქტატი, საქართველოს და რუსეთის წარმომადგენლებმა ხელი 1783 წელს რომ მოაწერეს, იყო არა მარტოდენ საბაბი ამ ერების ერთობლივი ისტორიისა, არამედ მთელი შემდგომი დროის მანძილზე დღემდე მათი ურთიერთობის უცდომელი მორალური საზომი, სიტყვაზე მტკიცედ მდგომთა მხარის გამმაგრებელი, სიტყვის გამტეხთა მქენჯნელი და მამხილებელი.

მეტი ობიექტურობისათვის საშუროდ მივიჩნიე სამი თვალსაზრისის შეწონასწორება და ამ საკითხთან მიხლება არა მარტოდენ ქართველი კაცის, არამედ ეროვნებით რუსი და აგრეთვე მსოფლიო მოქალაქის პოზიციიდან. ამისათვის შესაძლებლობისდაგვარად რუსეთის ერის სულსაც უნდა ჩავწვდომოდი, რათა შემეგრძნო და მეაზროვნა როგორც რუს მოქალაქეს და იმ მკვიდრ დასაყრდენზეც დამედო ბინა, მსოფლიოს დიდმა მოაზროვნებმა რომ მოშმადლეს კაცობრიობას, ან თავად ჩემში რომ ჩამოაყალიბა შეურყვევ მრწამსად ცხოვრებისეულმა გამოცდილებამ, გარდა ამისა ჩემთვის იმთავთვე გახდა ცხადზე უცხადესი, რომ რუსეთ - საქართველოს ურთიერთო-

ბის ისტორიასთან დაკავშირებით აზრთა ორ კატეგორიას შორის უნდა გამეკვალა გზა ქვეშარტებისაკენ. ერთი კატეგორია აზრებისა რამდენადმე დაფარულად არსებობდა, შექმნილ ვითარებათა გამო დიდხანს არ ჩნდებოდა ზედაპირზე, დულდა და იცდიდა ადამიანთა გულელებში; და თუ ვინმე სიტყვაში გაცხადებას მათსას გაბედავდა, სათქმელს ხშირად ბოღმასაც ამოაყოლებდა, იმ უთქმელობით და-გროვებულ ბოღმას, იძულებითი, დუმილისგან გამოწვეული შეუ-რაცხყოფის გრძნობა ერთის ხელის მოსმით რომ უნდა ჩამოიჩეცხოს, ეს გაბედული ადამიანები, სინამდვილის მართლაც აღმაშფოთებელი ფაქტებით სამართლიანად აღშფოთებულნი და უკომპრომისობის მორალური განცდით ატაცებულნი, ზოგჯერ ვერ ხედავენ, ან აღნიშვნის ღირსადაც არ თვლიდნენ მთელ რიგ დადებით მოვლენებსაც. მეორე სახეობა აზრებისა ოფიციალურის წრეებში, ან მათ გარშემო ყალიბდებოდა და რამდენადმე დოკუმენტის ელფერს იძენდა. საყოველ-თაო კეთილდღეობის სურათის შექმნით იგი მხოლოდ დადებითად წარმოაჩენდა რუსეთ-საქართველოს ურთიერთობის ისტორიას და სინამდვილის უარყოფით მხარეებს ან დუმილით უვლიდა გვერდს, ან ისტორიული გარდუვალობის მარწუხებში აქცევდა მას.

რადგან ხანგრძლივი აღშფოთების სიმწარემ შხამი იცის, ხოლო გამუდმებულად ხოტბის აღვლენამ გულის ამსუყება, ამიტომ ვფიქრობ, რომ მნიშვნელოვანი ისტორიული საკითხების გაშუქებისას სასურველია დაივიწყო, თუკი როდესმე შავი, ან ფერადი სათვალე-დან გიმზერია ქვეყნიერებისათვის. საქართველოში ისე ვით მრავ-ალს, მეც მისგმას ნალველი ჩემი ერის ბედ-ილბალზე, მის წარსულსა თუ აწმყოზე ფიქრისას. ჩემთვისაც უცდიათ ფერადი სათვალის მორ-გება არსებულის ვარდის ფერებში დასანახვებლად. ამადაც არ მი-ვიჩნევ იოლ საქმედ ისტორიკოსის ცივი გონებითა და მოუსყიდველი მსაჯულის პირუთვნელობით მიახლებას იმგვარ საკითხთან, როგო-რიცაა გეორგიევსკის ტრაქტატი და მასთან მჭიდროდ დაკავშირე-ბული მოვლენების მდინარება. მაგრამ სიტყვა ითქვა, და ბარემ საც-დელიც იცადოს!

თავიდანვე უნდა აღვნიშნო გეორგიევსკის ტრაქტატის ერთობ მყარი და მაღალი მორალური საფუძველი, რადც ამ ერთა ურთიერთ-შეძმობისა და შეხმატკბილების საქმეს კარგ დასაწყისს და ჩინებულ გაგრძელებას უქადდა. ტრაქტატი სამოკავშირეოდ, ხოლო ფიზიკურ ძალთა არათანაფარდობის მიუხედავად საქართველო რუსეთის მო-კავშირედ იწოდებოდა და არა ქვეშევრდომად. ოდნავადაც არ ირღ-ვეოდა საქართველოს, როგორც სახელმწიფოს სუვერენიტეტი. ძა-ლაში რჩებოდა ტახტის მემკვიდრეობით გადაცემა, გვირგვინის მი-

რონით კურთხევა, ავტოკეფალიურობა ეკლესიისა, საკუთარი მონეტების მოჭრა. ქართული ენა სახელმწიფო ენად რჩებოდა და ქართული მხედრობა ერის საზღვრისა და ღირსებათა დამცველად; სავალდებულოდ ითვლებოდა ორივე მხარისათვის პარტნიორის მოყვასისა მოყვრად, ხოლო მტრისა მტრად შერაცხვა, სამხედრო და მორალური ურთიერთდახმარება.

სახელმწიფოთა შორის ამგვარი ხელშეკრულების დადების თარიღი დიახაც რომ ზარ - ზემით აღნიშვნის ღირსია; მაგრამ რისი ღირსია ის, რაც ტრაქტატის ხელმოწერის შემდეგ მოხდა? რაც შემდეგ მოხდა, ამისათვის მრავალი საარქივო და სამწიერლო მასალა დალაგებს და რაც მთავარია, ამ ამბავს დაწვრილებით აღწერს ივანე ჯავახიშვილი თავის საქართველოს ისტორიის მე-5 ტომში. მე მგონი მისი, როგორც მეცნიერის კომპეტენტურობასა და როგორც ადამიანის სინდისიერებაში ზედმეტია ეჭვის შეტანა. ფაქტი კი ის გახლავთ, რომ კრწანისის ომში გაურკვეველი მიზეზების გამო, არც თუ შორს დაბანაკებულმა რუსეთის ჯარმა არ გაუწია ერეკლე მეორეს ტრაქტატით გათვალისწინებული სამხედრო დახმარება, თუმცა არა ერთი მალემსრბოლი აფრინეს მათთან. ხოლო ერეკლეს ვაჟის, გიორგი მეცამეტის სიკვდილისთანავე, რუსეთის იმპერატორის, პავლე პირველის საიდუმლო ბრძანებით, უკვე საქართველოში დაბანაკებულმა რუსეთის ჯარის სარდლობამ აღარ დაუშვა მისი ჩვილი ძის მეფედ კურთხევა, დედოფალი მარიამი ძალმომრეულად გადააყენა ტახტიდან, დაატყვევა ყველა ბატონიშვილი, როგორც მოსალოდნელი პრეტენდენტი ქართლ - კახეთის ტახტისა და დედოფალთან ერთად გადაასახლა საცხოვრებლად პეტერბურგში, რის შემდეგაც გააუქმა საქართველოს სამეფო და რუსეთის იმპერიის ერთ-ერთ პერიფერიულ პროვინციად აქცია. ამას მოჰყვა რუსული ენის სახელმწიფო ენად გამოცხადება, ქართული ეკლესიის ავტოკეფალიის ხელყოფა, აკრძალვა ქართულად მღვდელთმსახურებისა, ქართული სკოლების დახურვა და დევნა ქართული ენისა ახლათავახსნილ რუსული ტიპის სკოლებში, ძველთუძველესი ქართული ფრესკების გადაღებვა ტაძრებსა და ეკლესიებში რუს მღვდელთმსახურთა მიერ, რუს ჩინოვნიკთა და სამხედრო პირთა მზვაობრული თვითნებობა და აღვირახსნილობა, რამც ცოცხლად აქვს აღწერილი თავის ქმნილებაში ალექსანდრე ყაზბეგს. მოკლედ, რუსეთის მხრიდან ადგილი ჰქონდა ზემოხსენებული ხელშეკრულების სრულ დარღვევას. ამგვარ შემთხვევაში ისტორიის ბრალდება მხოლოდ ფაქტების აღნიშვნით ამოიწურება, ისეთი მეთოდით რომელიც ხელს შეუშლის წარსულში მომხდარის ამბების მიჩქმალვას. მხოლოდ ჭკვათამყოფელს შეუძლია

მოსახლეობის ამჟამად მცხოვრებ რუსებს პასუხი იმისათვის, რაც უწინ მათი ერის მმართველმა წარუდგინა ჩაიდინეს საქართველოს მიმართ. მაგრამ გარდასულ დროთა ფაქტების მთელის სიზუსტით წარმოჩენა თუნდაც იმისთვისაა საჭირო, რომ ამ ერთა ურთიერთობისას აღარ დაიშვას იმგვარი მავნებლობანი, რასაც ადრე ჰქონდა ადგილი.

მაშ ზემოთ ზემოდ, სიმართლე კი სიმართლეა!

ერთი შეხედვით მოხდა საკვირველება. ქრისტიანულმა რუსეთმა სამეფოს გაუქმებით, ეკლესიის ავტოკეფალიის ხელყოფით და ქართული ენის დევნით ერთმორწმუნე საქართველოს გაუკეთა ისეთი რამ, რაც არ ჩაუდენია თვით სისხლის წვიმების არაერთგზის დამყენებელ თურქეთსა და საბარსეთს საქართველოში. და ეს ყოველივე ურთიერთობის დამყარებისთანავე მოხდა. რას მივაწეროთ ეს ამბავი? მრავალ და მცირერიცხვოვან სახელმწიფოებს შორის სხვაგვარი დამოკიდებულების შეუძლებლობას, თუ იმჟამად აღორძინებული ზოგადდევრობული კოლონიალიზმის უფრო დახვეწილი მეთოდებით მოქმედებას? უშვებდნენ კი საქართველოს მეფენი და მათ შორის უპირველეს ყოვლისა ერეკლე მეორე საქმის ამგვარად წარმართვის შესაძლებლობას, როდესაც მთელის გულმოდგინებით ცდილობდნენ გამუდმებული შემოსევებისაგან დასუსტებული ქვეყანა გადაერჩინათ ერთმორწმუნე ჩრდილოელი მეზობლის შემწეობით? ჩემის აზრით, არა, რადგან მათ არ იცოდნენ მათი თანამედროვე მსოფლიო კოლონიალიზმის, პოლიტიკისა და დიპლომატიის ისტორია; არა უწყოდნენ იმჟამინდელ ევროპელთა მეთოდურობაზე, ორგანიზებულობასა და თანმიმდევრულობაზე სხვათა, თუ ახალ მიწებზე ფეხმოკიდების საქმეში, რაც სავსებით განსხვავდებოდა დროებითი შემოსევებისა და ხარკის დადების მოძველებული აზიური მეთოდებისაგან; არ იცოდნენ ასიმილირების იმ უნარისა და მისწრაფების შესახებ მზარდ ახალგაზრდა ერებს რომ გააჩნდათ. რუსეთი და საქართველო თავიანთ ისტორიულ გზათშესაყარზე ერთმანეთს ერთობ ზერეღედ, ან თითქმის არ იცნობდნენ. საქართველოს რომ უძველესი ისტორია და კულტურა გააჩნდა, რომელიც ჯერ კიდევ პრომეთე – ამირანის, ნოეს კიდობანის, არგონავტთა ლაშქრობის მითებიდან და ლეგენდებიდან იღებს სათავეს, მის წარსულს სიქველითა და ვაჟკაცობით კოდრისზე, ლეონიდზე, ალექსანდრე მაკედონელზე, კიროსზე, კარლოს დიდზე, გუსტავ ადოლფზე, პეტრე პირველზე, მილტი ადზე, თემისტოკლეზე, ვილჰელმ ორანელსა და ალექსანდრე ნეველზე არანაკლები მეფეები და გმირები რომ განადიდებდნენ. საქართველოს და რუსეთს რომ ჰყავდათ ერთიდაიგივე ქრისტიანი ნათლია, ანდრია პირველმცოცხელი, საქართველო საბერძნეთთან

და სომხეთთან რომ ინაწილებს პიონერობას ქრისტიანობის სახელმწიფო რელიგიად გამოცხადების საქმეში, საქართველოს რომ გააჩნდა ძალზე მდიდარი შაგიოგრაფიული, ბრწყინვალე საისტორიო და დიდებული საერო მწერლობა და პირველი ქართული ლიტერატურული ძეგლი მეხუთე საუკუნით რომ არის დათარიღებული, ქართული კულტურა რომ იკვეთებოდა უფლისციხის, დავით გარეჯისა და ვარძიის კლდოვანებში, საქართველოს, იერუსალიმის, ბულგარეთის, სინასა და ათონის მთის მყუდრო სამონასტრო ცხოვრებაში, საქართველოს ხელოვნებას რომ ამშვენებდა დიდებული საეკლესიო არქიტექტურა, ფრესკული და მინიატურული ფერწერა, წარმართულ და ქრისტიანულ ეპოქათა უნიკალური ოქრომჭედლობა, საკუთარ სანოტო სისტემაზე შექმნილი უძველესი მრავალხმიანი საგალობლები, ჭერ კიდევ წარმართულ ხანაში რომ დაარსებულა აკადემია ფოთის მიდამოებში, ხოლო XI საუკუნეში გელათსა და იყალთოში, სადაც ანტიკური ფილოსოფიისა და ქრისტიანული თეოლოგიის გარდა მთელ რიგ მეცნიერებებსაც ეწაფვოდნენ, კანტიკუნტად, ან სულაც არ იცოდნენ არათუ მაშინდელი რუსეთის მმართველმა წრეებმა, არამედ თვით პუშკინმა, ლერმონტოვმა, გრიბოედოვმა, ტოლსტოიმ, კავკასიაში გადმოსახლებულმა ცნობილმა დეკაბრისტებმა და ა. შ. მათ შემოქმედებაზე უჩვეულო გავლენას ახდენდა საქართველოს ბუნება, კავკასიონის ზვიადი მწვერვალები. ისინი აქ პოულობდნენ ახალ თემებს, იმუხტებოდნენ მძლავრი შემოქმედებითი იმპულსებით, ექცეოდნენ უჩვეულო პოეტური ინსპირაციის არეში. ასე რომ ერეკლეს მარტოოდენ რუსეთის ჯარისთვის როდი გაუხსნია ვახტანგ გორგასლანის მიერ ოდესღაც მტკიცედ ჩარახული დარიალის კარიბჭე, არამედ რამდენადმე რუსული ლიტერატურის სტიმულირებისთვისაც. მაგრამ იმჟამად რუს მოღვაწეთათვის საქართველოს ისტორიისა და კულტურის კარიბჭე დახშული აღმოჩნდა. მათ საქართველო იზიდავდა უფრო როგორც აღმოსავლური ეგზოტიკის მხარე, ხიბლავდა ქართველთა სტუმართმოყვარეობა და სუფრის ლაზათი, მამაკაცთა რაინდული სიდარბაისლე და ქალთა კდემამოსილება, გულთბილი დამოკიდებულება და ის გაგება და თავისუფალი ატმოსფერო, რასაც ესოდენ მოკლებულნი იყვნენ თავიანთ სამშობლოში. რა იცოდნენ საქართველოს დიდებულმა სტუმრებმა, რომ ამ ხალხს ჭერ კიდევ მე-12-ე საუკუნეში ჰყავდა ბუმბერაზი მსოფლიო პოეზიისა – შოთა რუსთაველი, რომელმაც ქართული პოეტური გენიის პრიზმაში აღმოაბრწყინა გასაოცარი სინთეზი ძველშინდური, ძველსპარსული, ელინური, ქრისტიანულ – თეოლოგიური, შემდგომ – აღმოსავლური და ევროპის ქრისტიანულ – რაინდული კულტურ-

რებისა. ვინ იცოდა მოწინავე რუსთაგან ქართული ენა იმდენად, რომ გაცნობოდა რუსთაველს, გურამიშვილს, სულხან – საბა ორბელიანს, ქართლის ცხოვრებას, ჰაგიოგრაფიულ ძეგლებს; ან საიდან მოეტანათ მათ რუსული თარგმანები? რუსები იმჟამად ეწაფებოდნენ და თარგმნიდნენ ანტიკურ და ახალ ევროპულ ლიტერატურას. გუვერნიორებთან, ლიცეუმებსა და უნივერსიტეტებში სწავლობდნენ მკვდარ და ახალ ევროპულ ენებს და ევროპული განათლებით დატვირთულები, ქედმაღლურადაც კი უყურებდნენ იმ ენასა და კულტურას, რომელიც მათთვის ამოუცნობ სფინქსს წარმოადგენდა. ქართველოლოგიის დარგი რუსეთში გვიან იშვა და ერთობ ზანტად ვითარდებოდა. მთელი XIX საუკუნე XX - ის დასაწყისის ჩათვლით ისევ ქართველებმა იპყრეს ხელთ რუსებისათვის ქართული კულტურის გაცნობის ინიციატივა. დაუღალავად იღვწვოდნენ ამისათვის პლატონ იოსელიანი, ალექსანდრე ცაგარელი, ნიკო მარი, ალექსანდრე ხახანაშვილი, კირიონ საძაგლიშვილი, ექვთიმე თაყაიშვილი, კორნელი კეკელიძე და სხვები. ისინი თარგმნიდნენ რუსულად ქართული ლიტერატურის ძეგლებს, აქვეყნებდნენ რუსულად შრომებს ქართული კულტურის შესახებ. ამ ხნის განმავლობაში რუსებს არ ჰყოლიათ დიდი მასშტაბის რუსი ქართველოლოგი. გასაკვირია, მაგრამ იმჟამად ევროპელები მეტი გულისყურით ეკიდებოდნენ ქართველოლოგიის სფეროს. გავიხსენოთ თუნდაც მარი ბროსე, ოლივერ და მარჯორი უორდრობები. მაშ რას უნდა მივაწეროთ ის ფაქტი, რომ ინგლისურად უფრო ადრე ითარგმნა „ვეფხისტყაოსანი“, სულხან – საბას „სიბრძნე – სიცრუისა“, „ვისრამიანი“, ილია ჭავჭავაძის „განდეგილი“ და სხვა. რატომ არ გამოჩნდნენ იმ დროინდელ რუსეთში ისეთი დიდი მეგობრები ქართული კულტურისა და - ძმა უორდრობები და არტურ ლაისტი რომ იყვნენ? მართალია ილია ჭავჭავაძემ, ივანე მაჩაბელმა და სხვებმა ითამაშეს გადამწყვეტი როლი მათ დაინტერესებაში საქართველოთი და მისი კულტურით, მაგრამ განა ისინი უარს ეტყოდნენ რომელიმე ინტელიგენტს რუსეთისას ისეთივე სამსახურის გაწევაზე, თუკი იგი ანალოგიური საქმისათვის გულწრფელად მოისურვებდა მათ მეგობრობას. როგორც ჩანს ამგვარი მეგობრობისათვის იმხანად ვერ გადაილახა გარკვეული ზღურბლი. რუსეთის ინტელიგენციას ჯერ ვერ დაეძლია იმპერიის მოქალაქისათვის დამახასიათებელი ქედმაღლობა, ხოლო ქართველებს სამართლიანი წყენა გიორგიევსკის ხელშეკრულების დარღვევისა და მისი შედეგების გამო. აი რა ამუხრუჭებდა ქართველოლოგიის განვითარების საქმეს რუსეთში. თუმცა, რას უნდა დაეძრა ეს ყინული, როდესაც თვით ქართველებს არ ჰქონიათ იმჟამად ბოლომდე აღმო-

ჩენილი, აღწერილი, კლასიფიცირებული, ფილოლოგიურად დამუშავებული და გადმოცემული თავისი უზარმაზარი ლიტერატურული საგანძურით, არ ჰქონდათ ღრმად შესწავლილი თავისივე კულტურა. დამუშავებას ვინ დაეძებს, როდესაც გამუდმებული შემოსევებისას იკარგებოდა და ნადგურდებოდა ლიტერატურისა და ხელოვნების უნიკალური ნიმუშები. გაგაჩნდეს ისეთი უძველესი საგალობლები იგორ სტრავინსკიმ რომ მუსიკის სასწაული უწოდა და სხვადასხვა მიზეზთა გამო მხოლოდ ჩვენი საუკუნის სამოციან წლებში შესძლო მათი არა მარტო ჩაწერა და ნოტებზე გადაღება ერთადერთი ცოცხლად დარჩენილი მცოდნისაგან, არამედ გაცნობა მსოფლიოსათვის და თვით ქართველებისთვისაც, ან კიდევ უწყოდე რუსთაველის დანარჩენ პოემათა სახელწოდებანი და ხელთ არ გაგაჩნდეს, რადგან ნგრევისა და განადგურებას შავბნელმა დრო – ჟამმა შთანთქა ისინი, ერთობ სავალალო ხვედრია ერისათვის.

ერთი სიტყვით, რუსეთის ინტელიგენცია არ, ან ცუდად იცნობდა საქართველოს და მისი დიდი ნაწილი ვერც გაიგებდა იმას, თუ რა ხდებოდა ქართველთა გულებში გეორგიევსკის ხელშეკრულების დარღვევასთან დაკავშირებით. სამეფოს გაუქმება, ენის ხელყოფა ცხადია მძიმე ასატანი იყო, მაგრამ ყველაზე აუტანელი და შეურაცხმყოფელი უნდა ყოფილიყო ის მოულოდნელი ვერაგობა და ცხოვრება, იმთავითვე რომ ჩამოშლილი ნიღაბი მოყვრადმოსულის სახეს. ოდითგან ქართველების გაგებით საქართველოდ იწოდებოდა ქვეყანა, სადაც ღმერთმსახურება ქართულად სრულდებოდა. შესაძლოა ქვეყანა დროებით დაეპყრო დუშმანს და სახელმწიფო აპარატიც მოერღვია, მაგრამ სანამ ქართველი ქრისტიანად ირაცხებოდა და ეკლესიებში ქართული წირვა იდგა, ქვეყანას კვლავ საქართველო ერქვა. ახლა კი ქართველთა წარმოდგენაში აღარც საქართველო უნდა არსებულებოდა. მაგრამ საქართველო არსებობდა და ერთი რამაც გულწრფელად უნდა ვაღიაროთ: არ ვიცით სურდა თუ არ სურდა იმპერიის მთავრობას, მაგრამ ქართველობამ, მიუხედავად ენობრივ – სახელმწიფოებრივი უფლებების დაკარგვისა თუმცა ფარულად, მაგრამ მხოლოდ რუსეთთან შეერთების შემდეგ იკრძნო თავი ისეთ ერთიან ორგანიზმად დავით აღმაშენებლისა და თამარის ეპოქაში რომ ჰქონდა ადგილი. ერთიან ორგანიზმად მეთქი, რომ ვამბობ, როდი გულისხმობს იმდროინდელ დამოუკიდებლობასა და ძალმოსილებას. ვინმე რუსთაველს ღრმად რომ სცოდნოდა, მაშინ საქართველოს წარსული და იმჟამინდელ დონემდე ჩამოქვეითების მიზეზი, შესაძლოა ქართველთა პრეტენზიებზე ასე ებასუხა: „განა ერთმა საქართველომ მოაწერა ხელი გეორგიევსკის ხელშეკრულებას? არ-

სებობდა იმჟამად ერთიანი საქართველო? რად იდგნენ ცალ - ცალკე ქართლ - კახეთისა და იმერეთის სამეფონი, აფხაზეთის, სამეგრელოს და გურიის სამთავროები? ჩვენ გვისაყვედურებთ, სიტყვა რომ გავტყნებთ და ერეკლე მეორეს არ მივეშველეთ კრწანისის ომში, განა იმერთა სამეფო და სამთავროები მოეშველნენ? სად იყო კრწანისზე ის ორმოცდაათათასიანი მხდერობა, თელავიდან მცხეთისკენ რომ მოაცილებდა უკანასკნელ გზაზე ერეკლეს ცხედარს? სად იყო დანარჩენი საქართველო, სამცხე - საათაბაგო და აჭარა რომ შთანთქა თურქეთმა? ჩვენ გვიკიჟინებთ, საქართველოსათვის იმჟამად სავსებით უცხოთა და უცნობთა ერს: სიტყვა რად გატყნებთ, ტრაქტატით დადებული ხელშეკრულება რად დაართვიეთო! განა მათი ივანე მრისხანის, პეტრე დიდისა და ეკატერინე მეორის წინაშე დადებული ფიცის დავარდვით: ვიბრძოლოთ და ვიღვაწოთ რუსეთის იმპერიის გასაფართოებლად და საკეთილდღეოდ! ასევე არ შევიერთეთ ვოლგისპირეთის, ციმბირისა და შორეული აღმოსავლეთის ხალხები? ჩვენ რომ გვიკიჟინებთ, მაშინ რაღა ვთქვათ თქვენნივე თავისთვის მიცემული სიტყვის არაერთგზის გატყნაზე? განა ურთიერთის წინაშე დადებული ფიცის დარღვევა საკუთარი თავისათვის მიცემული სიტყვის გატყნვას არ ნიშნავს? თუ ასე არ არის, მაშ გიორგი ბრწყინვალის დროიდან დღევანდლამდე კვლავ ერთიან სამეფოდ გაერთიანება რად ვერ შესძელით? რად ვერ შესწირეს თქვენმა მეფეებმა და მთავრებმა საკუთარი სიამაყისა და პრიორიტეტის გრძნობა ერთიანი საქართველოს იდეას? გაჭირვებამ რატომ გაგთიშათ უფრო და არ შეგკრათ? შეკავშირებასა და ურთიერთდახმარებას ვილა დაეძებს: რატომ მტრობდით და ასუსტებდით ურთიერთს? ჩვენს მოსვლამდე განა დაკარგული არ იყო ქართლ - კახეთისათვის სამეგრელო, აფხაზეთისათვის გურია და იმერეთი და ა. შ.? განა ჩვენი მეოხებით არ ჰპოვეს კვლავაც ერთმანეთი საქართველოს კუთხეებმა? შესძლებდით უჩვენოდ კვლავ ერთიან ორგანიზმად შენივთებას? და ბოლოს, დაიბრუნებდით ოდესმე ჩვენს გარეშე თურქთაგან მიტაცებულ მესხეთ - ჭავჭავთსა და აჭარას? ვინ მოგანიჭათ საუკუნეების მანძილზე ნანატრი მშვიდობა, ჭრილობათა მოშუშების, დასვენების, შრომისა და სწავლა - განათლების საშუალება? გეყოლებოდათ XIX საუკუნის პირველ ნახევარში იმგვარად განათლებული პიროვნებები, როგორიც იყვნენ პლატონ იოსელიანი, სოლომონ დოდაშვილი, დიმიტრი ყიფიანი და ა. შ. ჩვენ რომ არ შეგვექმნა თქვენთვის პირობები ევროპულ კულტურასთან ზიარებისა? სად აღიჭურვნენ ცოდნის იარაღით თერგდალეულები, თუ არა რუსეთში? მადლიერების გრძნობას თავი რომ დავანებოთ, სადაა თქვენი ობიექტურობა?!“ არა, -

ვუპასუხებდით ჩვენ, - ქარველებს არც ობიექტურობა და არც ცოდვა - მაღლის გრძნობა დაგვიკარგავს. ჩვენ კარგად ვიცით იმ დადებითის ფასი, რუსეთთან ურთიერთობამ რომ მოგვიტანა, რაც თავის დროზე დაინახეს და აღნიშნეს კიდევ თავიანთ შემოქმედებაში ნიკოლოზ ბარათაშვილმა და გრიგოლ ორბელიანმა.

ვიცი, რომ მესხეთ - ჭავჭავაძისა და აჭარას რუსეთის გარეშე ვერ დავიბრუნებდით, მაგრამ მათი დაბრუნების მოტივი საქართველოში როდი იყო, არამედ რუსეთის იმპერიის გაფართოება. მაგრამ ამისთვისაც გმადლობთ! ვიცი, რომ რუსეთის იმპერიის მიერ საქართველოს სამეფო - სამთავროების გაუქმების შემდეგ საქართველოს ცალკეულმა კუთხეებმა შესწავიტეს შუღლი და მტრობა და ერთ ადმინისტრაციულ ერთეულში მოქცეულნი, მჭიდროდ დაუახლოვდნენ ურთიერთს. გვახსოვს წარსულში ჩვენი მთავრებისა და ფეოდალების მწვაობრობა და გადაჭარბებული ინდივიდუალიზმი, არგონავტების მითისა არ იყოს, ვეშაბის კბილებიდან აღმოცენებული დევ - გმირებივით რომ ებრძოდნენ ურთიერთს და ხშირად პირადულს ერთიანი საქართველოს იდეაზე მაღლა აყენებდნენ, გვახსოვს, რომ ჩვენი ისტორიის მანძილზე მხოლოდ ისეთი ზებუნებრივი ძალის მეფეებმა შესძლეს ქართული ინდივიდუალიზმის დაძლევათა ქვეყნის გაერთიანება, როგორც იყვნენ: ვახტანგ გორგასლანი, დავით აღმაშენებელი, თამარი და გიორგი ბრწყინვალე. პირველობისათვის ბრძოლა და შინათგამცემლობა აქუცმაცებდა ქვეყანას, მაგრამ ამასთან დაკავშირებით მხოლოდ ჩვენა გვაქვს უფლება თავს ვუსაყვედუროთ, რადგან ჩვენსავე თავს ვაზიანებდით და არა სხვას; და მისი ზემოხსენებული არგუმენტები ვერ გამოდგება რუსეთისათვის იურიდიულ გამართლებად გიორგიევსკის ხელშეკრულების დარღვევასთან დაკავშირებით. ვიცი ისიც, რომ მიუხედავად გათიშულობისა, საქართველო ნიადაგ მთლიანი იყო სულიერად, რადგან ქართული ეკლესია არასოდეს გათიშულა. და ბოლოს, ისიც ვიცი, რომ სხვა ჩვენს ადგილას არათუ სამეფოს, ალბათ, არსებობასაც ვერ შეინარჩუნებდა. ბიზანტიის იმპერიის ზურგს უკან, თურქებმა რომ იარვარჭყვეს, განა მთელი ეგრობა არ იდგა?

ღიან! უდავოდ გგჭირდებოდა მშვიდობა და დასვენება, რადგან სასიცოცხლო ინტერესს წარმოადგენდა საქართველოსათვის ევროპული კულტურისა და ცივილიზაციის უკანასკნელ მიღწევებთან ზიარება, რაც მხოლოდ ისლამური გარემოცვის გამო ვერ მოახერხა თავის დროზე ქვეყანამ.

საქართველო უხსოვარი დროიდან იდგა უძველეს სამხრეთელ და უახლეს ჩრდილოელ ხალხებს შორის და არ აძლევდა მათ აღრევის

საშუალებას. იგი არა მარტო სივრცულ, არამედ დროთა შორის წყალგამყოფსაც წარმოადგენდა, რადგან ამ ხალხების კულტურათა განვითარებას თავთავიანთი დრო უნდა ჰქონოდა და მათი აღრევა არც მათი საკუთარი მისიის და არც მსოფლიო კულტურის განვითარებისთვის იყო მიზანშეწონილი. ამით დაირღვეოდა ხალხების და აქედან გამომდინარე, კულტურათა დროში თანმიმდევრობის ურყევი მსოფლიო კანონი. ამაში გამოიხატებოდა იმუამად საქართველოს ეზოტერიული მისია. გარდა ამისა, საქართველო აღმოსავლურ და დასავლურ კულტურათა შორის გარკვეული სინთეზისა და დამაკავშირებელი რგოლის ფუნქციასაც ასრულებდა. მომდევნო პერიოდშიც ჩვენ და სომხები ვიდექით სადარაჯოზე კავკასიონის კარიბჭესთან, როგორც სამხრეთ – აღმოსავლეთისაკენ წამოწეული ფორპოსტი ქრისტიანობისა და ვაკავებდით სამხრეთიდან დაძრულ ისლამურ ურდოებს. საუბედუროდ, X საუკუნეში სომხეთმა დაჰკარგა სახელმწიფო, მაგრამ მისდა სასახელოდ უნდა ითქვას, რომ სარწმუნოება შეინარჩუნა, ასე რომ დავრჩით ერთადერთ ქრისტიანულ სახელმწიფოდ კავკასიაში. ჩვენზე ბლაგვდებოდა სიბასრე ისლამურ ურდოთა მახვილისა. ჩვენ ვაცლიდით მათ კავკასიონის იმიერ მოქმედების უნარს. რუსები სიამაყით აღნიშნავთ: რუსეთმა შეაკავაო მონღოლთა ურდოები და იხსნა ევროპა განადგურებისაგან. რად არ უკვირდებით იმ ამბავს, რომ რამდენადმე ჩვენს გამო ვერ მიაღწიეს თქვენამდე არაბთა, თემურ ლენგის, სპარსთა და ოტომანთა იმპერიის ურდოებმა. მონღოლი დამპყრობლები საქართველოსაც შესეგია და ამადაც ვუწყით, რომ მათ არ ჰქონდათ რელიგიური სისტემა და ამიტომ რელიგიურ დევნასაც არ ეწეოდნენ, ასე რომ ქრისტიანულ რელიგიას რუსეთში თითქმის არ განუცდია დევნა. მაგრამ ზემოთაღნიშნული ქვეყნების ისლამური მხედრობა რომ შესეოდა რუსეთს, შესძლებდა იგი ქრისტიანული რელიგიის შენარჩუნებას, ურომლისოდაც სამუდამოდ უნდა გამოთხოვებოდა ევროპულ კულტურასთან ზიარებას? მით უმეტეს, რომ ქრისტიანობა რუსეთში არც თუ დიდი ხნის წინათ იყო ფეხმოკიდებული და გამკვიდრებული? ხომ შესძლეს სამხრეთელმა დამპყრობლებმა ჯერ კიდევ თემურ-ლენგის ხანაში ჩრდილოეთ კავკასიის გამუსლიმანება? რუსეთსაც რომ იგივე ხვედარი რგებოდა? ეს ურდოები, დამპყრობლურის გარდა, განა გააფრთხულ რელიგიურ ომებსაც არ ეწეოდნენ? მოგვიანებით ოტომანთა იმპერიას, ევროპას რომ აზანზარებდა, სამი დაბრკოლება არ უღობავდა რუსეთისაკენ გზას: შავი ზღვა, კავკასიონი და საქართველოს სამეფო? მათ რომ საქართველოს სამეფო მოეშალათ, როგორც ეს ბიზანტიის მიმართ ჩაიდინეს, მათ რომ ქართველები გაემუსლიმანებინათ,

რაღა შეუშლიდათ ხელს თავიანთი იმპერიისათვის შემოემტკიცებინათ ჩრდილოეთ კავკასიის მუსლიმანი ხალხები და უშუალოდ ხმელეთიდან დაკავშირებოდნენ ყირიმის სახანოს? მაშინ ხომ ფართე ფრონტი და მთელის ძალებით უშუალოდ ხმელეთიდან მიაღებოდნენ რუსეთს, პეტრე პირველამდელი რუსეთის სამეფოს, რომელსაც ჯერ კიდევ არ ჰყავდა ევროპულ ყაიდაზე გაწვრთნილი რეგულარული ჯარები და ფლოტი და ყირიმის სახანოსაც კი ძლივს უმკლავდებოდა? საქართველო თხუთმეტი საუკუნის მანძილზე ამაოდ როდი იქნევა ხმალს ქრისტიანობის შესანარჩუნებლად. მას ჯერ ცეცხლთაყვანისმცემლურ, ხოლო შემდეგ მუსლიმანურ გარემოცვაში უნდა შეენარჩუნებინა ქრისტიანული სამეფო, თუნდაც წერტილის ოდენა არე ქრისტიანული სამყაროსი და არ მიეცა ამ გარემოცვისათვის რკალის შევიწროების საშუალება და ამ ამბავთან არა მარტო მისი არსებობა და პრესტიჟი, არამედ რუსეთის ბედიც იყო მჭიდროდ გადანასკვული. ამაში გამოიხატებოდა იმჟამად ქართველი ერისა და საქართველოს, როგორც სამეფოსა და სახელმწიფოს მისია. მოგვიანებით ამ რეგიონში მსოფლიო ისტორია დილემის წინაშე დადგა: ან ჩრდილოეთ კავკასიის მუსლიმანური გარემო უნდა შეერთებოდა თურქეთსა ან სპარსეთს, რისთვისაც მათ ერთობლივი ძალით უნდა გაერღვიათ შუა აღმართული ერთადერთი დაბრკოლება და საქართველოს სამეფოს შთანქმით მოესპოთ ქრისტიანობა ამიერკავკასიაში; ან, პირიქით, რუსეთ-ამიერკავკასიის ქრისტიანულ სამყაროთა შესაყრელად ჩრდილოეთ კავკასიის მუსლიმანური კედელი უნდა გარღვეულიყო. ამ დილემის დადებითად გადაწყვეტას მომავლისათვის არა იმდენად რელიგიური, რამდენადაც კულტურული და პოლიტიკური თვალსაზრისით ჰქონდა მნიშვნელობა, რადგან ისიც კარგად ვუწყით, რომ ქრისტიანობა გაცილებით მეტია, ვიდრე მხოლოდ რელიგია, რომ უპირველეს ყოვლისა, იგია ადამიანთმსახურება, მოყვასისადმი სიყვარული, მორალური ფანტაზიის დაუშრეტელი წყარო და მხოლოდ შემდეგ ღვთისმსახურება, ამიტომაც იგი თანამედროვე გაგებით მაღალი ჰუმანური კულტურის ერთადერთი მასაზრდოვებელი და ნურავის გაუკვირდება, თუკი მეტ ქრისტიანად ჩაითვლება ნებისმიერი სხვა რელიგიის მიმდევარი, თუგინდ ათეისტი, რომელიც ადამიანთმსახურებაში ქრისტიანული ღვთისმსახურების მიმდევარზე მაღლა დგას. ლაღადისი იგი თავად სახარებისეულია და ვისაც სმენად ყურნი ასხია, მას არა მარტო წაუკითხავს, არამედ შეუგვრძნია კიდევ, თუ რაგვარ სწერენ სიყვარულზე მოციქულნი. ამაოა ღვთისმსახურება ადამიანთმსახურების გარეშე, ერთხმად აღიარებენ ისინი და მოყვასისათვის თავდადებუ-

ლი კაცი უკვე ქრისტიანია, ქრისტეს სახელიც რომ არ ჰქონდეს გაგონილი. ასე ესმოდათ ქრისტიანობა საქართველოში ვახტანგ გორგასლანს, დავით აღმაშენებელს, თამარს, რუსთაველს, ვაჟა-ფშაველას, აღმოსავლეთში ალიშერ ნავოის, რუსეთში ტოლსტოის, ვლადიმერ სოლოვიოვსა და ანდრეე ბელის, დასავლეთ ევროპაში ლესინგს, ჰეგელს, გოეთეს, რუდოლფ შტიინერს და ა. შ. ამგვარ გაგებას გადამწყვეტი მნიშვნელობა აქვს არა მარტოდენ კულტურის განვითარების თვალსაზრისით, არამედ სხვადასხვა რელიგიის, ეროვნების, იდეოლოგიის წარმომადგენელთა და თვით მორწმუნეებსა და ათეისტებს შორის სათნოებისა და ურთიერთმომთმენიანობის დასამყარებლად.

უსამართლოზე უსამართლო იყო XIX საუკუნეში კავკასიის უბირველესი გმირის, შამილის, წინააღმდეგ რუსების მიერ წარმოებულ იმე, მაგრამ გლობალური, თუნდაც რეგიონული მასშტაბის კულტურულ-ისტორიული დილემების გადაწყვეტა უტრაგედოდ და უმსხვერპლოდ არასოდეს მომხდარა... დიან, გმირული და სამართლიანი იყო დაღესტანელთა იმი რუსეთის იმპერიის წინააღმდეგ, მაგრამ მანამდე, მეტადრე გმირული, ხანგრძლივი და სამართლიანი იყო ქართველთა იმი მუსლიმანურ გარემოცვასთან და რომ არ მისცა ზემოხსენებულ მტრულ გარემოცვას იბერიაში რკალის შევიწროების საშუალება, ამით და მხოლოდ ამით მოაზნადა კავკასიაში ევროპული კულტურისა და ცივილიზაციის უკანასკნელ მიღწევათა დამკვიდრების საფუძველი, იმ კულტურისა და ცივილიზაციის, თავისი უტეხი ნებისყოფის მეოხეობით რომ შემოიტანა და თითქმის ძალით დანერგა რუსეთში გიორგიევსკის ტრაქტატამდე თითქმის საუკუნით ადრე პეტრე დიდმა. უდავოდ ამგვარი საფუძვლის მომზადებაშიც გამოიხატება საქართველოს კულტურულ-ისტორიული მისია კავკასიაში. ამაოდ როდი იქცა XIX საუკუნეში თბილისი ქართველ და სომეხ მოღვაწეთა საასპარეზო სარბიელად, ქართველ, რუს და ევროპელ ინტელიგენტთა შეხების წერტილად იმუამად მარტოდენ ევროპის ლიტერატურასთან, ხელოვნებასთან და ფილოსოფიასთან ზიარება როდი კმაროდა. საქართველოსთვის სასიცოცხლო პირობლემას წარმოადგენდა ევროპის მეცნიერულ, არქიტექტურულ-სამშენებლო, ადმინისტრაციულ – საორგანიზაციო, მძიმე და მსუბუქი მრეწველობის და ა. შ. მიღწევათა ათვისებაც. და ნუ დაგვაყვედრით, რომ ყოველივე ეს რუსეთის გზით უნდა მიგვეღო, ნუ დაგვაყვედრით იმას, რაც საქართველომ უთუოდ დაიმსახურა თუნდაც იმით, საუკუნეების მანძილზე სხვის მოსაქნევე ხმალსაც თავად რომ იქნევდა. განა ევროპამ დააყვედრა, ან პეტრე დიდმა ქედის მო-

ხრით უპასუხა ევროპას იმ სულიერი ამაგისათვის, რუსეთისათვის რომ გაიღო? ხომ გაამართლა მან რეფორმაციის ეპოქის უპირველესი გმირის, გუსტავ ადოლფის, არც თუ უსაფუძვლო შიში რუსეთის მიმართ, რომელსაც ევროპა ჰეგემონიისათვის მებრძოლ საშიშ მეტოქედ აქცევდა, თუკი მისცემდა პატრიარქალური ძილიდან გამოსვლის საშუალებას. განა არ დასჭირდა პეტრე პირველს მის მიერვე წამოწყებული ილიადას მოგება, რათა შვედთა დამარცხებით ევროპისაკენ გაეჭრა კარი ბალტიის სანაპიროზე, განა არ გამოსტაცა მან ევროპას ახალი პალადიუმი, რომლის რუსეთში გადმოსატანად ტიტანური შრომის გაწევა მოუხდა? პეტრე დიდმა რუსეთის სულიერი ცხოვრება ბიზანტიური კულტურის გეზიდან ახალევროპული გეზისაკენ გადახარა და დაიწყო იქიდან, სადაც ბიზანტიის ერის სულმა დაასრულა თავისი მოქმედება. ბიზანტიურმა კულტურამ, რომელმაც თავის დროზე შექმნა იოანე ოქროპირის და ბასილი დიდის წირვა და შესანიშნავი რელიგიური ხელოვნება, მიუხედავად ცალკეულ მოძღვართა ცდებისა, არ მიიღო თავის წილში ანტიური ფილოსოფიისა და ხელოვნების სამყარო, ვერ მოახდინა მისი სინთეზი ქრისტიანობასთან, როგორც ეს იმჟამად კათოლიკურმა ევროპამ გააკეთა და ფაქტიურად დაადგა კონსერვაციის გზას. ამით მან თავისი მისია ამოსწურა, ხოლო კულტურული მისიის ამოწურვა ხშირად არსებობის შეწყვეტის ტოლფასია. პეტრე დიდს ძველი ახლისათვის რომ არ შეეწირა და არ შემოეთანა რუსეთში ქრისტიანულ-ანტიურ-არაბული კულტურების სინთეზზე აღმოცენებული ახალი ევროპული კულტურისა და ცივილიზაციის მონაპოვარი, მაშინ რუსეთის მისიაც ამოწურულად უნდა ჩაგვეთვალა, რადგან პეტრე დიდის გარეშე არც ლომონოსოვი იქნებოდა, ლომონოსოვის გარეშე კი შემდგომი რუსული ლიტერატურა და მეცნიერება. გააფრთხილებული წინააღმდეგობის მიუხედავად მან აიძულა რუსეთი მიეღო ის, რაც ადრე ბიზანტიამ უარყო და მხოლოდ ამგვარად უზრუნველყო მისი მომავალი. და ეს ყოველივე გეორგიევსკის ტრაქტატამდე თითქმის საუკუნით ადრე მოხდა, ურომლისოდაც, რუსეთ-საქართველოს ურთიერთობას სულიერი საფუძველი აღარ ექნებოდა. მართლმადიდებლური კულტურის სფეროში საქართველოს უფრო ღრმა და ხანგრძლივი ტრადიციები გააჩნდა, ვიდრე რუსეთს, ხოლო რაც შეეხება რუსთაველის „ვეფხისტყაოსანს“, იგი თვით რენესანსის კულტურის ყველა უმაღლეს მოთხოვნილებას აკმაყოფილებს. ასე რომ მთელი საქმე იმ ერთ საუკუნეში გახლდათ, რომლის განმავლობაშიც რუსეთი ევროპული განვითარების გზას დაადგა. ამ კულტურისათვის, მასთან გათანაბრებისა და შემდგომი

ბერსპექტივისათვის შეინარჩუნა თავი საქართველომ, რაც დაუშვებ-
დრებლად ეკუთვნოდა. ეკუთვნოდა თუნდაც იმიტომ, რომ საუკუ-
ნების მანძილზე ხელს უშლიდა სამხრეთიდან ანტიკულტურული
იმპულსების შეჭრას რუსეთში, და იმიტომაც, რომ არ დაეყვებოდრე-
ბის გაზიარება კულტურისა, რადგან კულტურა განყოფადი მატერია
როდია, მისი გაზიარებით რომ მოგაკლდეს რაიმე. ასე რომ არ იყვებს,
მაშინ ევროპის ქვეყნები გამუდმებულ ურთიერთობაში უნდა იყვნენ,
რადგან მათი მაღალი კულტურა საუკუნეთა მანძილზე გამუდმებულ
ურთიერთგავლენათა შედეგია.

დიახ! საქართველომ რუსეთის მეოხებით მოიპოვა ხანგრძლივი
მშვიდობა და ევროპულ კულტურასთან ზიარების საშუალება და
ჩვენც ამისათვის ყვირილით ქვეყანას შეგძრავდით ეს რომ კმაროდეს
კომპენსაციად იმისა, რაც საქართველოს იშუამად წაართვეს: გამოს-
ტაცეს ენა და სახელმწიფოებრიობა, ურომლისოდაც გარდუვალა
ნებისმიერი ერის დეგრადაცია და გადაშენება. როგორ უნდა დაეშვა
საქართველოს იმგვარი დეგენარაცია, რომლის მსგავსი თვით სის-
ხლის წვიმების დროშიც არ განუცდია? ევროპის პროგრესულ
იდებთან ზიარების შემდეგ იგი ამას მით უფრო არ დაუშვებდა.
ქართველი ერი არასოდეს ყოფილა მორჩილი და ბრმად მომყოლი,
არც თუ მარტოოდენ სხვათა კულტურების ამთვისებელი, არამედ
საკუთარი კულტურის ფესვებიც ღრმად ჰქონდა დედამიწის გული-
საყენ გამქდარი და ახალი სამომავლო მორჩების გამოღებაც არ გაუ-
ჭირდებოდა. ამაში უნდა დაერწმუნებინა რუსეთი საქართველოს და
გეორგიევსკის ხელშეკრულების დარღვევისთანავე საქართველომ
დაიწყო კიდევ შინაგანი ბრძოლა რუსეთის წინააღმდეგ, ბრძოლა,
რომლითაც რუსეთს კი არ ასუსტებდა, არამედ საკუთარ ძალთა მო-
ბილიზებას ახდენდა შექმნილი მდგომარეობიდან თავის დასაღწე-
ვად. რაღა თქმა უნდა მოწინავე ქართველთა ერთადერთი მიზანი
ტრაქტატიტ გათვალისწინებული უფლებების აღდგენა, ან რუსეთ-
თან ურთიერთობამდე არსებული მდგომარეობის დაბრუნება უნდა
ყოფილიყო. საქმემაც არ დააყოვნა: 1832 წელს შეთქმულება, სა-
ქართველოს ეროვნული ღირსებისადმი დიმიტრი ყიფიანის გამოქო-
მაგება, თერგდალეულთა მამულიშვილური საქმეები, ეკლესიის
მსახურთა, კირიონ საძაგლიშვილისა და ლეონიდე ოქროპირიძის
მცდელობანი ქართული ეკლესიისათვის ავტოკეფალიის დასაბრუ-
ნებლად, აი, გაუხუნარი ფურცლები საქართველოს ისტორიისა მე-
19-ე საუკუნის მანძილზე. რით უპასუხა ძალმომრეობისადმი ქართ-
ველი ერის ამ ბუნებრივ რეაქციას იმპერიის ხელისუფლებამ? რე-
პრესიებით! გადასახლებაში გარდაიცვალა 1832 წლის შეთქმულე-

ბის ყველაზე პრინციპული მონაწილე, პირველი ქართველი კანტიანელი სოლომონ დოდაშვილი; გადაასახლეს და მოსყიდული მკვლელის ხელით სიცოცხლეს გამოასალმეს ეროვნული სინდისის ქომაგი დიმიტრი ყიფიანი; ხანგრძლივი ვადით რუსეთს გაასახლეს საეკლესიო მოღვაწენი, კირონი და ლეონიდე. თითქმის გადაუღალავ დაბრკოლებებს უქმნიდნენ საქართველოს რჩეულ შვილებს მამულიშვილურ მიზანთა განხორციელების გზაზე, მაგრამ რაც მთავარია, მიზანი გამოიკვეთა და მოხვევის პასუხი ილია ჭავჭავაძის „მგზავრის წერილებიდან“: „ჩვენი თავი ჩვენადვე უნდა გვეყუდვინოდეს“ XIX საუკუნის სამოციანელთა და მთლიანად საქართველოს უმთავრეს სამოქმედო პროგრამად იქცა. საქართველოს სამეფო აღარ არსებობდა, მაგრამ სული ერისა კვლავ ფიზიკობდა და ძნელბედობის მარწუხებიდან თავის დახსნას ლამობდა. ინდივიდუალიზმის ის გამთიშველი ძალა, უწინ რომ სახელმწიფოს აქუცმაცებდა, ახლა სხვაგვარად მოქმედებდა. სხვადასხვა კუთხის რჩეული ახალგაზრდობა ადმინისტრაციულ ცენტრებში, თბილისსა და ქუთაისში იყრიდა თავს, სწავლა – განათლებით სულიერ კუნთებს იკაჟებდა და ცოდნის გასაღრმავებლად სარუსეთოდ წასული, კვლავ უკან ბრუნდებოდა, რათა ეროვნული დროშის გარშემო ერთ ბირთვად შეკრულიყო. უმეფოდ დარჩენილ ქვეყანაში ეროვნული საქმეებისთვის ზრუნვა კულტურტრეგერთა ხელში გადადიოდა. ილია ჭავჭავაძე და მისი თანამებრძოლები გულმოდგინედ ცდილობდნენ თუ პოლიტიკური დამოუკიდებლობის დაბრუნებას არა, რაც იმჟამად ნამდვილად არ ძალედვათ, სახელმწიფოებრიობისა და სუვერენულობის შეგნების გაღვივებას მაინც თავინათ თანამემამულეებში; რუსეთის გუბერნიის ადმინისტრაციულ პირობებში იმგვარი ატმოსფეროს შექმნას სუვერენულ სახელმწიფოებს რომ გააჩნიათ. უპირატეს საზრუნავად თერგდალეულებმა მართებულად მიიჩნიეს ქართული ენისთავის ჩამორთმეული უფლებების დაბრუნება და არც შემცდარან, რადგან ენა იყო და მუდამ იქნება არა მკვდარი სიმბოლო, არამედ თავად ერის სიცოცხლის უმთავრესი ნიშან-სვეტი. ამ უტყუარი საშუალებით თვითრწმენით ამაღლება, მოწინააღმდეგის თვალში ავტორიტეტის ამაღლებასაც ნიშნავდა, რაც შეუძლებელი იყო ახალი, მძლავრი ეროვნული ლიტერატურის შექმნის გარეშე. ეს გახლდათ იმჟამად ერთადერთი გარანტია საკუთარი მყოობადის შობისა. ამგვარი ბაზისის გარეშე ქართული ენა ცხოვრებისა და კულტურის ვერც ერთ სფეროში ვერ შეაღწევდა. გარდა ამისა, ლიტერატურა ხომ ენის, როგორც ცოცხალი ორგანიზმის ბუღსაციისა და განვითარების გამომხატველია, ნიშანი ერის სიცოცხლის უწყვეტობისა, რადგან მხო-

ლოდ მკვდარ ენებზე არ იქმნება ახალი ლიტერატურა, იმ ენებზე, დიდი ხნის წინათ რომ მიატოვა ეროვნულმა ორგანიზმმა. საქართველოს წარსულის გამირული ფურცლების გაცოცხლებით, ახალი ეროვნული და საკაცობრიო მნიშვნელობის პრობლემების დაყენებით ქართულმა მხატვრულმა და პუბლიცისტურმა ლიტერატურამ იმდენად დამუხტა მორალური ატმოსფერო, რომ საზოგადოებრივი აზრი ძირეული საჭირობორტო საკითხების გადასაჭრელად მოამზადა, სწორედ ლიტერატურის ამ ახალი პოზიციებიდან დალაშქრეს თერგდალეულებმა თვითმპყრობელობის ერთის შეხედვით მიუდგომელი სიმაგრეები და გამოსძალეს იმპერიის მთავრობას ქართული ჟურნალ-გაზეთებისა და წიგნების გამოცემის, ქართული თეატრისა და სკოლების და ეროვნული თვალსაზრისით მნიშვნელოვანი საზოგადოებების დაარსების უფლება. ყოველივე ეს არ მომხდარა იოლად, ცენზურასთან და შოვინისტ რუს მოხელეებთან შეხლამშემოხლის გარეშე; მაგრამ თავგამოდებულმა მამულიშვილურმა შემართებამ შეუძლებელი შესაძლებლად აქცია და გიორგიევსკის ტრაქტატის 100 წლის თავზე თუ პოლიტიკური არა, ქართველ ერს გარკვეული კულტურული ავტონომია მაინც მოუტანა.

ილია, აკაკი, ვაჟა-ფშაველა – ეს სამი სახელი ელავდა ყველაზე მკაფიოდ საქართველოს სულიერი ცხოვრების კაბადონზე. მიუხედავად დიდი გამჭირაზობისა, საყოველთაო ავტორიტეტისა და განსაკუთრებით კი ეროვნულ-განმათავისუფლებელი მოძრაობის ლიდერის, ილია ჭავჭავაძის ორგანიზატორული ნიჭისა, რაც უთუოდ მისი მკვლევლობის უმთავრესი მიზეზი გახდა, ისინი არ ყოფილან პრაქტიკოსი პოლიტიკოსები და არც მიუმართავთ პოლიტიკური აქციებისათვის გეორგიევსკის ტრაქტატით გათვალისწინებული სუვერენიტეტის მოსაპოვებლად, მაგრამ იმდენად დიდი იყო მათი დამსახურება ეროვნული თვითშეგნების გაღვიძების საქმეში, რომ ნადვაწი მათი მარადიულ საგზლად გაშყვება საქართველოს შორეული მომავლის გზებზე.

ქართველების სულიერი პოტენცია მარტოოდენ კულტურის სფეროში ან საზოგადოებრივი აზრის მომზადებაში როდი იხარჭებოდა. მიუხედავად იმისა, რომ საქართველოში არსებობდა შესაფერისი სარბიელი პოლიტიკური მოღვაწეობისათვის, რადგან ქართველებს არ გააჩნდათ საკუთარი სახელმწიფო, ხოლო რუსეთის იმპერიის სამსახურში ყოფნა კარიერის გარდა მათ სხვა არაფერს უქადდა, პოლიტიკურ ასპარეზზე სამოღვაწეო პოტენცია უმთავრესად ფარულ პარტიებში პრაქტიკული საქმიანობით ჰპოვებდა გამოსავლს. შემთხვევითი როდია, რომ რუსეთის რევოლუციების და მათ

წინარე პერიოდში ქართველებს ერთ-ერთი წამყვანი ადგილი ეკავათ რუსეთის სხვადასხვა პარტიებში, ზოგი მათგანი სოციალური პრობლემებითა და რევოლუციური პრაქტიკით იყო გატაცებული, ზოგიც ყოველივე ამას ეროვნულ-სახელმწიფოებრივი სუვერენიტეტის იდეასთანაც ათავსებდა. ხშირად ისინი, სოციალ-დემოკრატები იმდენად ანტაგონისტურ პოზიციებს იკავებდნენ ქართველი სამოციანელების მიმართ, რომ თავიანთ წერილებში თვით ეროვნულ-განმათავისუფლებელი მოძრაობის ლიდერს, ილია ჭავჭავაძესაც კი ესხმოდნენ თავს. ილიასაც, ხალხის სიყვარული, უდიდესი ავტორიტეტი და პოპულარობა რომ უმაგრებდა მხარს, არაერთგზის გადაუჭერია მათთვის პუბლიცისტის მათრახი. მძლავრი პუბლიცისტური შემართებისა და საყოველთაო ავტორიტეტის გამო ხედავდნენ ისინი ჭავჭავაძეში მთავარ მოწინააღმდეგეს. მათ ვერ უბატიებიათ ილიასათვის, პირველმა რომ შემოიტანა ქართულ ლიტერატურაში სოციალური უთანასწორობისა და ბრძოლის თემა, ის ამბავი, რომ იგი არ მივიდა მათთან და არ დადგა მათ პოზიციებზე და არც მივიდოდა, რადგან ვერ დადგებოდა იგი ვერც ერთი პოლიტიკური პარტიის პოზიციაზე. პარტიულობა წმინდა პოლიტიკური მოვლენაა. იგი იზღუდება მხოლოდ მისთვის მისაღები იდეების კომპლექსით და ძალაუფლებისათვის ბრძოლის გარდა შგულისხმობს ამ იდეების ცხოვრებაში გატარებას მიღწეული ძალაუფლების მეშვეობით. ვერც ილია, ვერც აკაკი და ვერც ვაჟა ვერ შეიზღუდებოდნენ რომელიმე პოლიტიკური იდეოლოგიით, რადგან მსოფლიო მოქალაქეები იყვნენ და თვით ეროვნულ-განმათავისუფლებელ ბრძოლას მსოფლიო მოქალაქეობრიობის და სამართლიანობის პოზიციებიდან ეწეოდნენ. მათი მიზნებისათვის უცხო იყო ძალაუფლებისათვის ბრძოლა და ამგვარი ბრძოლის მეთოდები. ილია ჭავჭავაძე პოლიტიკური ბრძოლისა და საკუთარი სურვილის გარეშეც აშკარად იყო აღიარებული ქართველი ერის მამად და სახელმწიფოებრიობის მოპოვების შემთხვევაში მის გარდა არავის ხედებოდა წილად ქართველი ხალხისა და ქართული სახელმწიფოს წინამძღოლობა. მიუხედავად ამისა, იმპერიის ტახტისათვის იგი არ წარმოადგენდა დიდ საშიშროებას და ამ თვალსაზრისით მეფის ხელისუფლებას სოციალ-დემოკრატებისა უფრო ეშინოდა, თუმცა არც მათი ლიდერების მიმართ იყენებდა ფარულ ტერორს. ერთი რამ კი უთუოდ უნდა აღინიშნოს, ილია ჭავჭავაძის საზარელი მკვლელობის შემდეგ მწერალი იროდიონ ევდომვილი დემონსტრატულად გამოვიდა სოციალ-დემოკრატული პარტიიდან, რადგან ამ მკვლელობაში მის წევრებს სდებდა ბრალს. ასეა თუ ისე, ილია ჭავჭავაძის სიკვდილით მხოლოდ ის უნდა ყოფი-

ლიყო დაინტერესებული, ვისაც საქართველოში იმჟამად მისი ავტორიტეტი უშლიდა ხელს ლიდერობის მოპოვებაში.

მოვლენათა ფარული ურთიერთკავშირების გამო მსოფლიო ისტორია სავსეა მოულოდნელობებით. მოულოდნელად დაშკარგა საქართველომ სახელმწიფოებრიობა და მოულოდნელად დაიბრუნა იგი 1918 წელს, დაშკარგა გარეშე ძალის ჩარევით, ხოლო დაიბრუნა საკუთარი ძალის ჩაურევლად, სისხლისღვრის გარეშე. თებერვლისა და ოქტომბრის რევოლუციებმა მოშალეს რუსეთის იმპერია, რასაც მისი არმიის რღვევა მოჰყვა, მალე რუსეთის ჯარის ნაწილებმა დასტოვეს საქართველო და ქვეყანა სახელმწიფოებრიობის რეალური დაბრუნების წინაშე დადგა. სრულდებოდა დიდი ხნის ნატვრა, რუსეთის იმპერიის მიერ გეორგიევსკის ხელშეკრულების დარღვევის მერე რომ არ მოსცილებია ქართველების გონებას. მაგრამ იმ დროის თავკაცები, რატომღაც გაუბედაობას ავლენდნენ და აყვავებდნენ საქართველოს დამოუკიდებელ სახელმწიფოდ გამოცხადებას. ძნელია დადგენა, მორიდებულობას იჩენდნენ იმის გამო, რომ უბრძოლველად მიიღეს ამის საშუალება, თუ ეს იდეა ჭერაც არ გამკვიდრებულიყო ქართველი ხალხის შეგნებაში, როგორც პოლიტიკური აუცილებლობა. თუმცა ვერ ვიტყვით, რომ საზოგადოებრივი აზრი არ იყო ამისთვის მომწიფებული. მაგრამ საზოგადოებრივი აზრის მზაობა როდის ნიშნავს, როგორც პოლიტიკური აუცილებლობის სიმყარეს. ამგვარ სიმკვიდრეს პროგრამა, ორგანიზებულობა და რიგი პოლიტიკური აქციებისა უნდა უძლოდეს წინ. ამ მიმართულებით ზემოხსენებულ საქმიანობას საქართველოში ადგილი არ ჰქონია. ამგვარ მოქმედებაში ეროვნულ-განმათავისუფლებელი იდეის მესვეურები ვერ შეედრებოდნენ სოციალ-დემოკრატებს, მაგრამ მოსახლენი მაინც მოხდა. ჭერ საქართველოს ეკლესიამ სცნო თავისი დამოუკიდებლობა, აღიდგინა ავტოკეფალია და ამით ერთხელ კიდევ დაამტკიცა, რომ ყოველთვის იყო ერთიანი და სუვერენული საქართველოს იდეის გამომხატველი. მის მაგალითს მალე თავკაცობის პრეტენდენტებმაც მიჰბაძეს და 1918 წლის 26 მაისს საქართველო დამოუკიდებელ სახელმწიფოდ გამოაცხადეს. ეს მონაპოვარი არ წარმოადგენდა ძალთა მობილიზების უშუალო კულმინაციას, მაგრამ იგი უთუოდ ჩაითვლება იმ მიზნის განხორციელებად, რასაც XIX საუკუნის მანძილზე თავიანთი სულიერი ენერჯია შეაღიეს საქართველოს რჩეულმა შვილებმა. ეს გახლდათ ლოგიკური და სამართლიანი ბასუხი გეორგიევსკის ხელშეკრულების დამრღვევთა მიმართ.

მაგრამ ხანმოკლე აღმოჩნდა საქართველოს დამოუკიდებელი სახელმწიფოს არსებობა. საქართველოს იმჟამინდელ მთავრობას ორი

ომის მოგერიება მოუხდა; იგი ხალხის მხარდაჭერითაც სარგებლობდა, მაგრამ მაინც ვერ აღმოჩნდა სათანადო სიმაღლეზე. მას არ ესმოდა ერთი ჭეშმარიტება, რომ ძნელია თავისუფლების მოპოვება, მაგრამ გაცილებით უფრო ძნელია შენარჩუნება, რომ დამოუკიდებლობის მოპოვებისთანავე საფრთხისა თუ უსაფრთხოების შემთხვევაში აუცილებელია გადამწყვეტი ზომების მიღება, ძალთა სრული მობილიზაციისათვის საშუროა დროებით მაინც მთელი საქართველოს ერთ სიმაგრე-ბანაკად გადაქცევა, სამხედრო და სამეწარმეოსამეურნეო საწყისთა გამთლიანება, ცხოვრების სხვადასხვა სფეროთა ერთიანი მიზნისკენ წარმართვა, თითოეული მოქალაქის ერთდროულად ჯარისკაცადაც და მეურნეადაც გადაქცევა, ყველგან და ყველაფერში უაღრესი მობილიზება და მკაცრი დისციპლინა, სამშობლოსადმი სიყვარულისა და მოვალეობის გრძნობის უმაღლეს შეგნებაში გადაზრდა, რადგან შეუძლებელია დამოუკიდებლობის შენარჩუნება იქ, სადაც თავისუფლება საკუთარი სიცოცხლისა და არსებობის ტოლფასოვნად არ მიაჩნიათ. იმჟამად საქართველოში საგანგებო-სამხედრო მდგომარეობაც კი არ გამოუცხადებიათ, რაც რთულ ვითარებაში აუცილებელი ეტაპია ნებისმიერი დამწყები სახელმწიფოსათვის. საქართველოს მთავრობა საკმაო უსუსურობას ავლენდა იდეოლოგიურ-დისციპლინური, დიპლომატიური და სახელმწიფო უშიშროებისათვის საშურ ღონისძიებათა გატარებისას; არ იგრძნობოდა გამოცდილება კადრების შერჩევაში, გაბედულება და დამაჭერებლობა აკლდა მის ყოველ მოქმედებას. არ იყო მკვიდრო და ორგანული საქართველოს პრეზიდენტი ნ. ჟორდანიას ხალხთან. მის ავტორიტეტს უდაოდ აკლდა ელვარება. არ იგრძნობოდა მასში ერთდროულად გმირი და ბრძენი, ნებისმიერ გარემოებაში უყოყმანოდ რომ მიჰყვება ხალხი. და საერთოდ, ახლადშექმნილ სახელმწიფოში არ იგრძნობოდა გონების დაძაბული მუშაობა, ნებელობის მძლავრი პულსაცია, მიზანდასახული საქმიანობა მთელი ერისა, სახელმწიფოს განმტკიცებისა და შენარჩუნების საწინდარი. ვის უნდა შთაებერა ხალხისათვის იმჟამად დაუცხრომელი აქტიურობის სული, თუ არა საქართველოს მთავრობას?

შექმნილ ვითარებაში გარდაუვალი გახდა ბოლშევიკების გამარჯვება ამიერკავკასიაში, რაც შემდეგმა გარემოებებმა განაპირობა:

1. სამოციანელთა მიერ გაღვიძებულმა ეროვნულმა თვითშეგნებამ ვერ ჰბოვა სრული რეალიზაცია პოლიტიკური პრაქტიკის სფეროში.

2. ქართული სახელმწიფოებრიობის შენარჩუნების საქმეს არ განამტკიცებდა ჭეშმარიტი ინიციატორისა და ეროვნული გმირის საყოველთაო ავტორიტეტი. საქართველოს იმჟამად არ აღმოაჩნდა თავად ისტორიის მიერ დაყენებული ამ საქმის ნამდვილი მისიონერი. მოწამეები კი მრავლად დაშინენ, რაც იშვიათი არ არის დამარცხების შემთხვევაში.

3. პოლიტიკური პრაქტიკის სფეროში ბოლშევიკებს იმჟამად ჰყავდათ ყველაზე ძლიერი და გამოცდილი წარმომადგენლები, ვიდრე სხვა პოლიტიკურ პარტიებს.

4. მსოფლიო პოლიტიკური მოვლენები საქართველოს სახელმწიფოსათვის არსასურველად ვითარდებოდნენ.

5. ქართველი მენშევიკების, სომეხი დაშნაკებისა და აზერბაიჯანელი მუსავატისტების უთანხმოებათა გამო ამიერკავკასიაში მოქმედებდნენ გამთიშველი ძალები. ქართველი, სომეხი და აზერბაიჯანელი ბოლშევიკების მჭიდრო კონტაქტი, განსაკუთრებით რუსეთში ბოლშევიკების გამარჯვების შემდეგ კიდევ უფრო ზრდიდა მათი წამატების შესაძლებლობას ამიერკავკასიაში.

6. საქართველოს მთავრობის წარმომადგენლებს არ ჰქონდათ მყარი, ერთიანი მიზანი. მთავრობის შემადგენლობაში მყოფი მენშევიკები, ალბათ, არც მოისურვებდნენ საქართველოს რუსეთისაგან გამოყოფას, იქ რომ მენშევიკებს გაეპარჯათ.

7. დამოუკიდებლობის შენარჩუნებისათვის ბრძოლის საქმე, სახელმწიფოებრიობა, როგორც სიკეთის ერთადერთი გაგება, ერთ-სათვის რჩებოდა მძლავრი იდეოლოგიური პროპაგანდის გარეშე, სტიქიური პატრიოტული გრძნობების ამარა მაშინ, როდესაც ბოლშევიკებთან პოლიტიკური პროპაგანდის საქმე უმაღლეს დონეზე იდგა.

8. არ ჩატარებულა პირველი ეტაპისათვის აუცილებელი საყოველთაო სავალდებულო გასამხედროების ღონისძიება.

9. არ დასახულა პერსპექტივები ფინანსურ-ეკონომიკური პოლიტიკის ძირეული გარდაქმნისათვის, მრეწველობისა და სოფლის მეურნეობის რეორგანიზაციისათვის. არ გადადგმულა კონკრეტული ნაბიჯები ახალი განვითარებადი სახელმწიფოს შესაქმნელად, რადც, როგორც დამოუკიდებლობის ღირებულების ასამაღლებელი გარანტია, აუცილებელი იყო თვით იმ რთულ და არეულ ვითარებაშიც კი.

საქართველოში ზშირად გამიგონია მოსაუბრეთაგან როყოოდ წამოსროლილი ფრაზა, ქართველებს რომ დამოუკიდებლობა მოგვცა, მარტო ჩვენი მარგანეცი, ბორჯომის წყალი და კურორტები შეგვიწინახვდაო. ეს პარაზიტული აზრი კარგს ვერაფერს ამბობს მთქმელის

სახელმწიფოებრივი შეგნების დონეზე და ძალაუნებურად გიპყრობს ფიქრი: ნუთუ ეს იმ დროიდან გამოყოლილი აზრია? როგორი მარგანეცი და კურორტები შეგვინახვდა და არა ჩვენი სულიერი სიმტკიცე, თავდადება და ტიტანური შრომა? გამოდის დამოუკიდებლობა და თავისუფლების არსი გაყიდვა და გაქირავება ყოფილა, რათა შემდეგ დაჯდე და სტომაქი ამოიყორო. გამოდის ჩვენც იმ პრიმიტიული ხალხების დონეზე ვყოფილვართ ბუნების მიერ მორთმეული მზამზარეულით, ან სხვისი ნასუფრალით რომ იკვებებიან. მაგრამ ასე არ სწირავს ჩვენი მღვდელი ჩვენ ოდითგან ხალიბებად და გიორგინებად წოდებული პირველი მეტალურგები და სოფლის მეურნეები ვიყავით. უხსოვარი დროიდან გვექონია გარემოსთან შემოქმედებითი მიმართება. ქემშარიტი ქართული გაგებით თავისუფლება შემოქმედებასთან იყო გაიგივებული, შემოქმედება კი უმძიმესი ტვირთის ზიდვასთან.

მაგრამ საქართველოს იმუამინდელმა მესაქეებმა ახალი ქვეყნის შემოქმედებად ველარ ივარგეს. მათ ვერ შეიშნეს და ხელიდან გაუშვეს ალაღბედათ ნაშოვნი თავისუფლება და 1921 წელს ბოლშევიკებმა შეიარაღებულ ძალთა მეშვეობით საბჭოთა ხელისუფლება დაამყარეს საქართველოში, ფარხმალაყრილი მთავრობა კი ემიგრაციაში წავიდა. ასე დასრულდა საქართველოს სამწლიანი დამოუკიდებლობა. გამარჯვებულებმა ამ ბრძოლას განმათავისუფლებელი უწოდეს, ხოლო დამარცხებულებმა ინტერვენცია.

რა მიზანი ამოძრავებდათ ბოლშევიკებს? რა იყო მოტივი მათი მოქმედებისა? რამ მოიყვანა ისინი საქართველოში? ბოლშევიკებს ნამდვილად არ მოეპოვებოდათ იურიდიული საფუძველი საქართველოს მთავრობის კანონგარეშე გამოცხადებისა, მით უმეტეს, რომ მათაც სცნეს მანამდე საქართველო, როგორც დამოუკიდებელი სახელმწიფო. იმ მთავრობას უკანონობა არ ჩაუდენია არც ხელისუფლების მოპოვებისას და არც შემდგომ, სხვა სახელმწიფოებთან ურთიერთობაში. მას არც რომელიმე კანონიერი მთავრობა დაუმხია და არც ვისმესთვის გამოუცხადებია სამართლიანი თუ უსამართლო ომი, არც რაიმე მანენე ანტიმშუმანური პროპაგანდა გაუწევია და არც რეპრესიებით შეუწუხებია თავისი ხალხი. ეს იყო არც თუ ძლიერი, ჩვეულებრივი მთავრობა, რომლის მსგავსი შეიძლება ჰყავდეს ნებისმიერ სუვერენულ სახელმწიფოს. მან რომ ქართველი ხალხი ფართე მასშტაბის მოქმედებაში ვერ მოიყანა, ეს როდი ნიშნავს, რომ ხალხი ანტიპატიურად იყო მისადმი განწყობილი და სურვილი არ ჰქონდა საკუთარი მთავრობა ჰყოლოდა. ხალხმა მას მხარი დაუჭირა, იბრძოლა კიდევ მედგრად და მოსულეებს წინააღმდეგობა გაუწია

იმდენად, რამდენადაც ამ მთავრობამ შესძლო მისი ძალების მობოლიზება. ზედმეტია მტკიცება იმისა, რომ ქართველ ხალხს ჩაგრულის პოზიცია ეკავა და განთავისუფლებას ესწრაფვოდა; არც საკუთარი სახელმწიფოს გაუქმებას ლამობდა იგი, რადგან არ არსებობს დედამიწის ზურგზე ერი, მსგავსი სურვილი რომ ამოძრავებდეს, და ან საიდან უნდა სცოდნოდა ქართველ ხალხს, თუ რას პირდებოდნენ ახლად მოსულნი ძველის მაგიერ?

ერთ-ერთი უმთავრესი მიზანი რუსეთის ბოლშევიკური ხელისუფლების სათავეში მოსვლისთანავე იყო საკუთარი იდეოლოგიისა და სახელმწიფოებრივი წყობილების გავრცელება ყოფილი რუსეთის იმპერიის მთელს ტერიტორიაზე, რუსული ენის გავრცელების არეში, ყველა იმ პუნქტში, სადაც კი როდესმე არალეგალური უჭრედი დაუარსებიათ იდეოლოგიური მუშაობისა და პოლიტიკური აქციების განსახორციელებლად. მათ რიგებში იყვნენ ყოფილი იმპერიის სხვადასხვა კუთხიდან მოსული პირები, რომელთა პრესტიჟი-სათვის როგორც ჩანს დიდი მნიშვნელობა ჰქონდა ამ იდეოლოგიისა და წყობილების გამარჯვებას მათი ყოფილი მოქმედების არეში. ის, ვინც მიესწრაფვის სოციალისტური წყობილების მთელს მსოფლიოში გავრცელებას, ცხადია დაიწყებდა იქედან, სადაც ხელი უფრო იოლად მიუწვდებოდა. ამგვარი მიზნების განხორციელებას რუსეთის ბოლშევიკურმა მთავრობამ შემდეგი იურიდიული გამართლება მოუწახა. თუკი ნებისმიერ მიმდებარე ქვეყანაში მათი მომხრეებისაგან შემდგარი თვით უმცირესი ჯგუფიც კი სთხოვდა მას შეიარაღებულ დახმარებას ადგილობრივი წყობილების დასამზობად, საკუთარი იდეოლოგიისა და წყობილების ერთადერთ მართებულ წყობილებად მიჩნევის საფუძველზე და პროლეტარიულ – ინტერნაციონალური სოლიდარობის საბაბით იგი ამგვარი ჩარევის უფლებას აძლევდა საკუთარ თავს, რაც ხსენებულ სახელმწიფოში შეიარაღებული ძალებით შეჭრას ნიშნავდა. იდეოლოგიურს, ან რელიგიურ საფუძველზე სხვა ქვეყნის საქმეებში შეიარაღებული ჩარევის მსგავს პრეცედენტებს ადრეც ჰქონია ადგილი მსოფლიოს ისტორიაში და ეს ამბავი ბოლშევიკების გამონაგონი არ განსლავთ. სწორედ ამგვარი იდეოლოგიური მოტივით და მოქმედების ექსპანსიური ფორმით შემოიჭრნენ და დამპყიდრდნენ ბოლშევიკები საქართველოში და იმის დასამტკიცებლად, რომ მათ მოქმედებას არაფერი აქვს საერთო ველიკორუსული დამპყრობლური პოლიტიკის გამოვლინებასთან, როგორსაც ადგილი ჰქონდა გეორგიევსკის ტრაქტატის დარღვევისას, გაუქმებული ქართული სახელმწიფოს ნაცვლად მათ რაიმე ისეთი უნდა შემოეთავაზებინათ, რასაც მათის აზრით უნდა უვნებელეყო

ამგვარი სახის მოსალოდენლი ბრალდება. რუსეთში შეძველ ოლქად საქართველოს გამოცხადების საკითხი არც კი წამოჭრილა, რადგან გაბათილების ნაცვლად იგი აშკარად ცხადყოფდა ამგვარი ბრალდების სისწორეს. ხელაღებით იქნა უარყოფილი ქართველ ბოლშევიკთა ერთი ჯგუფის მიერ შემოთავაზებული პროექტი, რომელიც ახლად დამყარებული წყობილების შენარჩუნებით საქართველოს რუსეთისაგან სრულ გამოცალკევებას ითვალისწინებდა. და ვინაიდან უკლონისტებად სახელდებული ეს დაჯგუფება პრინციპულად მოითხოვდა ამ პროექტის განხორციელებას, ეს შინაპარტიული კონფლიქტი ამ ჯგუფის ლიკვიდაციით დამთავრდა. როგორც ჩანს, ზემოხსენებული პროექტის უარყოფლებს არ ჰქონდათ იმედი რუსეთის გარეშე საქართველოში ახლად დამყარებული წყობილების შენარჩუნებისა და ბოლოს, ბოლშევიკებმა ახალი ტიპის ექსპერიმენტული სახელმწიფო შესთავაზეს ხალხებს, რითაც პირველად გადადგეს პრაქტიკული ნაბიჯი დაახლოებით იმგვარი მრავალფეროვანი სახელმწიფოს შესაქმნელად, ასე საოცრად რომ ჩამოშავს გერმანელი ფილოსოფოსის, ფრიდრიხ ემანუელ კანტის მიერ აპრიორული მეთოდით მიკვლეული სახელმწიფოს პროექტს (მსგავსებას მხოლოდ ეროვნული სტრუქტურის თვალსაზრისით აქვს ადგილი, რადგან სოციალურ სტრუქტურასა და იდეოლოგიურ საფუძველს კანტი არ შეჰხებია). ეს იყო სხვადასხვა სახელმწიფოს გაერთიანებით შექმნილი ერთიანი სახელმწიფო, რომელშიც არ უნდა ჰქონოდა ადგილი თითოეული მათგანის სუვერენიტეტის ხელყოფას. უწინ რუსეთის იმპერიად სახელდებული ქვეყანა ახლა საბჭოთა სოციალისტური რესპუბლიკების კავშირად იწოდებოდა და ეროვნული სხვაობის მიხედვით განიყოფოდა რესპუბლიკებად, ავტონომიურ რესპუბლიკებად და ავტონომიურ ოლქებად. თითოეულ ამ სახელმწიფო ერთეულს ჰყავდა თავისი მთავრობა, რომელიც ექვემდებარებოდა კავშირით შექმნილი ერთიანი სახელმწიფოს ცენტრალურ ხელისუფლებას, ერთიანი პოლიტიკური და ეკონომიკური ინტერესების გამომხატველს. კანტის წარმოდგენით, სახელმწიფოები ნებაყოფლობით უნდა შეკრებილიყვნენ ერთი ძლიერი სახელმწიფოს გარშემო და ამგვარი კავშირი მათ შორის მუდმივი მშვიდობის გარანტიად უნდა ქცეულიყო. რესპუბლიკებად წოდებული სახელმწიფოები, მათ შორის საქართველო, მართლაც, რსფსრ-ის გარშემო აღმოჩნდნენ შემოკრებილნი, თუმცა კანტის ფორმულა ნასესხებიც არ ყოფილა. აქვე გარკვევით უნდა ითქვას, რომ ამ ხალხების ხელახალი შემოკრება რუსეთის გარშემო მოლაპარაკებებით არ მომხდარა და ამდენად არც ნებაყოფლობითი ყოფილა. როგორც საქართველოს მაგალითზე ჩანს, იგი საბჭოთა რუ-

სეთის შეიარაღებულ ძალთა ჩარევით იქნა მიღწეული. მხოლოდ ამგვარი შემკრების შემდეგ იქნა შეთავაზებული ერთიანი სახელმწიფოს ზემოხსენებული პროექტი, სახელმწიფოსი, რომელშიც დაცული უნდა ყოფილიყო მასში შემავალი რესპუბლიკების სუვერენიტეტი, სსრკ-ის კონსტიტუციით გარანტირებული უნდა ყოფილიყო მათი კავშირში შესვლისა თუ კავშირიდან გასვლის თავისუფლება. აგრეთვე თანასწორუფლებიანობა თითოეული ერისა, ნებისმიერ რესპუბლიკას უნდა ჰქონოდა სახელმწიფოებრიობის აღმნიშვნელი ყველა ატრიბუტი თუ საკუთარი სიმბოლო: კონსტიტუცია, დროშა, ჰიმნი, გერბი და ა. შ. ერთაშორის ურთიერთადმოკიდებულების თვალსაზრისით რაც დაიწერა, უმაღლესი სამართლიანობის თვალსაზრისით დაიწერა და ყველაფერი დამოკიდებული იყო იმაზე, თუ ერთა შორის უძლიერესი როგორ გაატარებდა ცხოვრებაში ქალაქადზე აღნიშნულს. მასზე იყო დამოკიდებული ყველა ნებაყოფლობითობის ცხოვრებაში რეალიზება. რესპუბლიკათა თანმხლები სიტყვა მოკავშირე, სავსებით ეხმიანებოდა გეორგიევსკის ტრაქტატის სულისკვეთებას, ხოლო სიტყვა ძმობა, უფრო მეტ პასუხისმგებლობას გულისხმობდა. მაგრამ, მიუხედავად შემოთავაზებული პირობებისა, ქართველ ხალხს მაინც არ დაუკლია მცდელობა დამოუკიდებლობის დაბრუნებისა, რადგან ძალმომრეობა, მის კავშირში შეყვანის დროს რომ ჰქონდა ადგილი, ნდობას უკარგავდა მას იმათ მიმართ, ვისზეც უშუალოდ იყო დამოკიდებული კონსტიტუციით გათვალისწინებული ნებაყოფლობითობის ცხოვრებაში რეალიზება; რადგან ისიც ცნობილია, რომ სიტყვა სახელმწიფო, როგორც იძულების საშუალება, უკვე გამორიცხავს ნებაყოფილებას. ნებაყოფილება ადამიანის მხოლოდ ღვთისა და მოყვასისადმი მიმართებაში შეიძლება გამოიხატოს. მოქალაქის სახელმწიფოსადმი მიმართება კი ძირითადად ვალდებულებითია. ამით განსხვავდება ღვთისა და კეისრისადმი მისაგებელი. მაგრამ ვალდებულებითი შეიძლება იყოს ისეთი რამ, რასაც ნებაყოფლობითაც გააკეთებდი და ისეთი რამაც, რასაც იძულებით აკეთებ. იდეალურია სახელმწიფო, რომელშიც ვალდებულებითობა რაც შეიძლება მეტად უახლოვდება ნებაყოფლობითობას. მაგრამ ამგვარი იდეალურობისადმი რწმენა ქართველებში შეარყია მათ მიმართ დასაწყისშივე ჩადენილმა ძალმომრეობამ, რასაც მოჰყვა 1924 წლის გამოსვლები, პატრიარქ ამბროსი ხელაიას მიერ გენუის ეროვნებათა კონფერენციაზე გაგზავნილი მემორანდუმი, მწერალ კონსტანტინე გამსახურდიას ღია წერილი ლენინისადმი და ა. შ. ყოველივე ეს თვალნათლივ მეტყველებდა ქართველი ხალხის მცდელობაზე, დაებრუნებინა საქართველოსათვის იმ-

გვარი დამოუკიდებლობა, თავად რომ მიაჩნდა იდეალად. გამოსვლებს მოჰყვა სისხლიანი რეპრესიები. ამბროსი ხელაია თანამოსაყდრებთან ერთად დააპატიმრეს და გააციმბირეს. პატიმრობაში აიყვანეს კონსტანტინე გამსახურდიაც და სამი წლით სოლოვკებში გადასახლეს, ხოლო რესპუბლიკათა კავშირში შესვლისა თუ კავშირიდან გასვლის ნებაყოფლობითობა მიუწვდომელ ქიმერად რჩებოდა, რადგან ამ საკითხთან დაკავშირებით ერთხელაც კი არ მიუმართავთ ღია რეფერენდუმისათვის, რომლის გარეშეც წარმოუდგენელია ზუსტად განსაზღვრა და დადგენა ხალხის სურვილისა.

მას მერე საკმაოდ ბევრმა წყალმა ჩაიარა. თაობას თაობა მოჰყვა და ურთიერთობებშიც ბევრი რამ გაირკვა, ქართველმა ხალხმა რომ ვერ დაიბრუნა 1921 წელს დაკარგული სახელმწიფო, ამიტომ ხელებს ვერ დაიკრეფდა კულტურულ, მეცნიერულ და მატერიალურ საქმეებს ღვთის ანაბრად ვერ დასტოვებდა. მას ახალ, შემოთავაზებულ პირობებში უნდა ეცადა შემოქმედებითი ძალები, შეემოწმებინა თავისი სამოკავშირეო უფლებების იურიდიული სიმკვიდრე, და მთავარი მოკავშირის მიმართებანი მისადმი და კონსტიტუციური ვალდებულებებისადმი. მას მერე ბევრი ხოტბა და სადღეგრძელო აღვლენილა, მოთმინების თასმებიც გაწყვეტამდე დაჭიმულა და პრეტენზიებიც ცხადია დაგროვდა. და ეს ბუნებრივიცაა, რადგან არათუ სახელმწიფოებს, ერთ ჭერქვეშ მცხოვრებ ორ ადამიანსაც კი უჩინდება ხშირად პრეტენზია ურთიერთის მიმართ. ზოგიერთი ეროვნებით რუსი საბჭოთა მოქალაქე სიტყვა პრეტენზიის ხსენებაზე ნამდვილად ვერ მოითმენდა და ასე მომიგებდა: „თუ მართლაც სუბიექტურად არ უდგებით ჩვენი ერების ურთიერთობის საკითხს, რა პრეტენზია შეიძლება გქონდეთ ქართველებს რუსების მიმართ? რუსეთის იმპერიის მიმართ უკმაყოფილება კიდეც გასაგებია და ჩვენც არაერთგზის დაგვიგმია ცარიზმის პოლიტიკა, მაგრამ დღეს განა თქვენც რესპუბლიკად წოდებულ ისეთსავე ერთეულს არ წარმოადგენთ, და იმგვარივე ეროვნული მთავრობა არ გყავთ, როგორც ჩვენ? საკავშირო მთავრობის შემადგენლობაში განა იმთავითვე მრავლად არ შედიოდნენ სხვადასხვა ეროვნებათა წარმომადგენლები და მათ შორის ქართველებიც, დიდი ხნის მანძილზე წამყვანი ადგილები რომ ეკავათ? რატომ უნდა შევრაცხოთ მაინცდამაინც რუსები ყოველივე კარგისა თუ ცუდის მიზეზად და არა ყველანი ერთად? განა რუსებისათვის იგივე კანონები არ იწერებოდა რაც ქართველებისთვის? ჭირისა თუ ლხინის მეტ-ნაკლებობას ჰქონდა ადგილი? განა გუმილჯოვის, მანდელშტამის თუ სხვათა სიკვდილის მიზეზს ისევ დუმილით არ უვლიან ამჟამად გვერდს ბიოგრაფები, როგორც

მიხეილ ჯავახიშვილისას, ტიცინ ტაბიძისას, ვახტანგ კოტეტიშვილისას, ეგგენი მიქელაძისას და სანდრო ახმეტელისას? განა ისევე არ უჭირდათ როდესაც ცვეტაევას და ბულგაკოვს, როგორც დავით კაკაბაძეს, გუდიაშვილსა და გამსახურდიას? განა არ უდრის პაოლო იაშვილის თვითმკვლელობა და გალაკტიონის უკანასკნელი ნახტომი მარადისობისაკენ, ესენინისა და მაიაკოვსკის მიერ საკუთარი ხელით თავში დახლილ ტყვიას? განა ისევე არ მოჰკითხეს იაგოდას, ეტოვს, აბაკუშოვსა და რიუმინს ცოდვები, როგორც ბერიას, გოგლიძეს, რაფაელსა და რუხაძეს? და თუ რამ საქართველომ იწვნია, რუსეთსაც იგივე გადახდა: თუ ჩვენთვის ვაშენებდით, თქვენთანაც შენდებოდა, თუ რამეში დანაკლისს განიცდიდით, ჩვენც განვიცდიდით, გეგმებით გტვირთავდნენ? ჩვენც ვიტვირთებოდით, თუ რამე გეკრძალებოდათ, იგივე ჩვენც გეკრძალებოდა. თუკი რამ იმუამად სახელმწიფოში ხდებოდა, ინიციატორები ხელისუფლების სათავეში მდგომი ქართველებიც იყვნენ და თუ რამ არ მოგწონთ, მათაც უნდა მოკითხოთ. მაგრამ ზადს თუ ხედავთ, ბარემ კარგიც დაინახეთ. მოკავშირეობამ არ მოგვანიჭა ხანგრძლივი მშვიდობა მოცემულ რეგიონში? მშვიდობამ კი მეცნიერებისა და კულტურის მძლავრი აღმავლობა, აღმავლობა სახელდობრ ეროვნული კულტურებისა? განა არნახული აღორძინება არ განიცადა თქვენმა ლიტერატურამ და ხელოვნებამ ჩვენს დროში? განა იმგვარივე დარჩა მისადმი ინტერესი XIX საუკუნეში რომ ჰქონდა ადგილი? თითქმის მთლიანად არ ითარგმნა რუსულად თქვენი ძველი და უახლესი კლასიკური ლიტერატურა? ყოველმხრივ არ ვუწყობთ ხელს ქართული ხელოვნების საერთაშორისო ასპარეზზე გატანას? იგივე არ ითქმის სხვა დარგებზე? განა ჩვენს დროში არ იქცა აგრარული საქართველო ინდუსტრიულად? რამდენი ინსტიტუტი და სპეცსასწავლებელი გაიხსნა: და რაც მთავარია, მოგეცათ საშუალება საკუთარი ქართული აკადემიის დაარსებისა, რაიც მე-12-ე საუკუნის შემდეგ არ გლირსებიათ. და ან გყოლიათ როდესმე ამდენი მეცნიერი და მაღალკვალიფიციური სპეციალისტი ნებისმიერი დარგისა? მაშ რა გინდათ, რაღას გვემართლებით? ეგებ შენ და შენნაირები საკუთარ ბოლმას ვერ მორევიხართ და ჩვენზე გადმოსანთხევად დაეძებთ მიზეზს? თუ ასე არ არის, მაშ გეორგიევსკის ტრაქტატის ორასი წლის თავზე, ჩვენ რომ ვზეიმობთ, ნაგავში რატომ იქექებით? რატომ ამჩნევ მხოლოდ აუგს და კარგის დანახვა არ გსურს“. ამგვარი საყვედურის მთქმელს მოსარგებ პასუხს დაგუბარებ: „კარგად მესმის შენი მეგობარო, რადგან შენი თვალებითაც ძალმიძს ვუცქიროს სამყაროს, მაგრამ პასუხს მხოლოდ ჩემი თვალთახედვის საწყაულით მოგიწყავ“... არც ჩემი ერი, არც მე ბედის

მგომბელები არასოდეს ვყოფილვართ, არამედ ვიყავით მხოლოდ შავს ბედთან მებრძოლები. ამადაც ბოლშის ნთხევა უცნოა ჩვენთვის. არც თუ ნაგავში ქექვა გვჩვევია, მაგრამ თუ ჩვენი ურთიერთობის ისტორიის განხილვისას როდესმე ნაგვისთვის ფეხი წამომიკრავს, მერწმუნე იგი არც მე, არც ჩემს თვისტომებს არ დაგვიყრია. და თუ მის დანახვასა და აღნიშვნასაც ვერავინ დაგვასწრებს მადლიერების სინაკლებებს ვერავინ დაგვწამებს და არც განხილება გვჭირდება პატივი მივაგოთ ბალმონტს, პასტერნაკს, ანდრეი ბელის, ზაბოლოცკის, ნეოშაუზს, სიმონოვს, ახმადულისას თუ სხვა რუს მოღვაწეებს საქართველოს, მისი ლიტერატურისა და ხელოვნების დაფასებისათვის. მაგრამ ისიც კარგად ვიცით, რომ ქართველი კაცი მშვიდობიანობისას ისევე მარჯვედ ხმარობს კალამს, ფუნჯსა და გუთანს, როგორც ომიანობის დროს მახვილს. საქართველო სხვა კულტურისანი ერების მსგავსად ჰქმნიდა და თუკი ხელი არაფერმა შეუშალა, მომავალშიც შექმნის აზრისა და მშვენიერების საოცრებებს და მათ დამფასებელს თავად აეწევა ფასი ღირსეულის დაფასებისათვის. განა ბერძნებს მადლობის ძახილში უნდა ჩაუწყდეთ ხმა იმისათვის, მსოფლიოს ყველა კულტურისანმა ერმა რომ თარგმნა ჰომეროსი მშობლიურ ენაზე, ასევე ინგლისელებს შექსპირისა და ბაირონის, გერმანელებს გოეთესა და შილერისათვის და ა. შ. განა ქართველებმა ქართული კულტურის ზემოთხსენებულ დამფასებლებს არ მიუზღეს თავის დროზე სამაგიერო რუსული კულტურის დაფასებით? კულტურის სფეროში თუკი ღირსეული რამ იქმნება, თავზე მოხვევას არ საჭიროებს, რადგან იგი ყველასათვის მისაწვდომ ადგილას ძევს და თვალზე ხელის ამფარებელი ბევრიც რომ აღმოჩნდეს, ზეაწვდილი ჩირაღდანი ბნელს მაინც გაანათებს. იგივე ითქმის მეცნიერებასა და ტექნიკაზე. მეცნიერული აზრი ერთი ერისა და და სახელმწიფოს ჩარჩოებით ვერ შემოისაზღვრება, რადგან მისი განვითარების საწინდარი მხოლოდ მსოფლიოს მეცნიერთა გამუდმებული კოორდინირებული მოქმედებაა, ამიტომ ქართული მეცნიერებაც ერთ-ერთი რგოლია მსოფლიო მეცნიერული აზროვნების ერთიანი ჯაჭვისა. დღეს ნებისმიერი დარგი სათანადო მეცნიერებით თუ არ შეიარაღდა, ვერ მიაღწევს იმ დონეს, რა მოთხოვნასაც ებოქა უყენებს და რა გასაკვირია, თუკი იმ დარგებმა, რომელთა განვითარების საშუალებას საქართველო იძლევა მძლავრი მეცნიერული აღმავლობა განიცადეს. გარდა ამისა, მეცნიერების, განსაკუთრებით კი ტექნიკის განვითარება მსოფლიოში, უპირატესად ორი სისტემის დაპირისპირებამ გამოიწვია; ორი სისტემის დაპირისპირებამ, სადაც ერთი მეორის შესაფლავედ, ან შესაფლავის ქომავად მიიჩნევს თავს, წარმოშვა უნ-

დობლობა, ფარული თუ აშკარა შეჭიბრი შეიარაღებაში, რამაც ბიძგი მისცა ტექნიკის არნახულ განვითარებას; რადგან ისიც ცნობილია, რომ წარმოების საშუალებათა, დაზგათმშენებლობის, აგრეთვე ენერჯის წყაროთა მოძიების პრინციპი ერთიდაიგივეა სამხედრო, თუ სამოქალაქო ტექნიკისათვის. ისიც არ უნდა დაგვაგვიწყდეს, რომ თუ ერთი იდეოლოგიის პრიორიტეტი და ერთპარტიულობა რამდენადმე ამუხრუჭებს სიტყვის თავისუფლების საქმეს ჩვენში, სამაგიეროდ სწავლა-განათლების სისტემა ერთობ დემოკრატიულ პრინციპს ემყარება და ნებისმიერ მოქალაქეს აქვს შესაძლებლობა თავისი ნიჭის, სურვილისა და სიბეჯითის შესაბამისი განათლება მიიღოს, რაც უდავოდ საიმედო ბაზისია ხელოვნებისა და მეცნიერების განვითარებისათვის.

რაც შეეხება შენიშვნას, თუ რატომ უნდა მივიჩნიოთ ყოველივე კარგისა თუ ცუდის მიზეზად რუსები, რომლებიც გასაბჭოების შემდეგ არ ყოფილან ერთპიროვნული მმართველები, ამგვარად ვუბახუხებთ: დიახ! ყველას და მათ შორის სათავეში მდგომ ქართველებსაც უნდა მოგკითხოთ, თუ რამ სააუგო მომხდარა! მაგრამ ეგეც იცოდეთ: სწორედ სათავეში მდგომმა ქართველებმა, განსაკუთრებით იმან, ვის სახელსაც ხშირად სამშობლოსთან აიგივებდით, შეაკავა მასხა ქართველებისა და ხელი ააღებინა უკიდურესი ზომების მიღებაზე 1921 წლის ამბების საპასუხოდ, თორემ ისტორიის სარბიელზე ქართველ გარბილდისაც იხილავდით.

გარდასული დროის უსიამოვნო ფაქტები იმიტომ როდი გავიხსენე, რომ წინაპართა ცოდვები ამჟამად მცხოვრებ რუსებს დავაბრალო, რადგან ისიც კარგად ვიცი, რომ ისტორიისადმი ამგვარი მიდგომა სისხლის ალების წესზე უარესია. დამერწმუნე, აღშფოთება ჩემი, მტრობას როდი ნიშნავს, როდი ნიშნავს სურვილს რუსეთი ხელმოცარული ან დასუსტებული ვიხილო და ამით გული მოვიოხო, არამედ პირიქით, ვიხილო რუსეთი მართალი, თავმდაბალი, სიტყვისა და საქმის გამაიგივებელი, უაღრესად ზნეკეთილი და მორალურად ძლიერი, რადგან მის ფიზიკურ სიძლიერეში ეჭვი არავის ეპარება. ამიტომ ნუ გვიწყენს ჩვენი პარტნიორი, თუ ორიოდე პილპილმოყრილი სიტყვით მივმართავთ იმ სატყვივარისათვის ბოლო ხანებში რომ დაგროვდა. საყოველთაოდ ცნობილია, რომ გასაბჭოების შემდეგ ჩვენში არსებობდა ქართული ჭარის ნაწილები. მეორე მსოფლიო ომში ქართული დივიზიები იბრძოდნენ ფრონტზე, და არც თუ სხვაზე ნაკლებად. მაგრამ 1956 წლის 9 მარტის ამბების შემდეგ რატომღაც სავსებით გააუქმეს ეროვნული ჭარის ნაწილები. რაშია საქმე! აღარ გვენდობიან, თუ ქართული ან სხვა ენები გამოუსადეგარია სამხედრო

საქმისათვის? რესპუბლიკა თუ სუვერენულია, ეროვნული ჭარის ნაწილებიც ხომ უნდა ჰყავდეს? თუ მოძველდა გეორგიევსკის ტრაქტატის შინაარსი, სახელმწიფოებრიობის ამ ატრიბუტსაც რომ ჰგულისხმობს? მაგანმა სამხედრო სპეციალისტმა შესაძლოა აქ შეგვისწოროს, მიგვანიშნოს ამ საკითხში ჩვენს არაკომპეტენტურობაზე და დასძინოს, რომ ამგვარი ცვლილებები განაპირობა დღევანდელი სამხედრო სპეციფიკის თავისებურებებმა. რომ სამხედრო ტექნიკის სწრაფმა განვითარებამ და დღევანდელმა საერთაშორისო ვითარებამ განაპირობა ერთობ სწრაფი და ფართე მოქმედების არმიათა შექმნა, ჭარის სხვადასხვა სახეობათა ურთიერთშერწყმა, მართვის ცენტრალიზება და ერთი წარმმართველი მიზანისადმი მათი დაქვემდებარება, რომელთა მოქმედების წარმატება შესაძლოა თითოეულმა წუთმაც კი განაპირობოს, რისთვისაც საჭიროა ერთობ ზუსტი, სწრაფი, რთული ტექნიკური ცოდნით აღჭურვილი და კოორდინირებული მოქმედება. ამ სირთულეთა გასაიოლებლად კი სასურველია ერთენოვანება არმიაში და რუსულ, როგორც დამაკავშირებელ ენაზე უკეთ ამ ფუნქციას ვერც ერთი სხვა ენა ვერ შეასრულებს. ასე გამოდის, ამგვარი ვითარების გამო ოცნებასაც კი უნდა გამოვეთხოვოთ ქართული ჭარის ნაწილების არსებობაზე, სამხედრო შენაერთებში ქართული ენის ფუნქციონირებაზე. ნეტა საერთაშორისო ვითარება იმგვარად წარიმართოს, რომ ყველგან და სამუდამოდ გააუქმონ სამხედრო ნაწილები, მაგრამ რადგანაც ამგვარი ცვლილებებიდან ჭერ კიდევ შორსა ვართ, ამიტომ არ არსებობს არგუმენტი, რომელსაც ძალედვას უარყოფა რესპუბლიკის სუვერენიტეტის ერთ-ერთი ატრიბუტის, ქართული ეროვნული ჭარის ნაწილების საჭიროებისა. მაგრამ მარტოოდენ ეს ფაქტი როდია ჩვენი დაფიქრების საგანი.

ამა საუკუნის 70-იანი წლების შუა პერიოდში იყო მცდელობა ქართული სკოლებისა და უმაღლესი სასწავლებლების ქართულ განყოფილებაზე ზოგიერთი საგნის რუსულად სწავლის შემოღებისა. ქართული საზოგადოებრიობის აღშფოთებისა გამო ეს ღონისძიება ვერ განახორციელეს. აღშფოთება ერთობ ბუნებრივი და სამართლიანი იყო, რადგან ენა ქართული მარტოოდენ შაირებისთვის როდია ვარგისი, არამედ ნებისმიერი მეცნიერებისთვისაც. კარგად ვიცით, რომ მომავლის უნივერსალური ადამიანი თანაბრად უნდა სწავდებოდეს, როგორც მხატვრულ, ასევე მეცნიერულ სფეროებს. სამყაროს უნდა სჭვრეტდეს ერთდროულად ხელოვანისა და ანალიტიკოსის თვალთ, რაც აუცილებელია უმაღლესი შემეცნებისათვის. ანდრეე ბელის გამოთქმით იგი თავად უნდა იყოს მრავალძალი, მრავალსიმიანი, რომ შეეძლოს მარადისობის საკრავზე დაკვრა. ამგვარი

უნვერსალიზმის ეტალონები იყვნენ წარსულში ლეონარდო და ვინჩი, გოეთე, ლომონოსოვი, შტაინერი და ა. შ. მაგრამ ისინი როგორც მხატვრულ, ასევე მეცნიერულ ქმნილებებს თავინთ მშობლიურ ენაზე ქმნიდნენ, რადგან ნებისმიერი ენა განუყოფელია და თავისავე თავში ამთლიანებს ცხოვრებისა და საქმიანობის პოლარულ მხარეებს. ჩვენი სამართლიანი და შეუშუსრავი სურვილია მსგავსად ლიტერატურული ქმნილებებისა, ქართული მეცნიერებაც მუდამ ქართულად იქმნებოდეს და ქართულსავე ენას ამდიდრებდეს. ქართველი მოსწავლე თუ სტუდენტი საქართველოში ქართული სახელმძღვანელოებით უნდა ითვისებდეს ნებისმიერ საგანს და ამას მარტოდენ ფორმალური მნიშვნელობა როდი გააჩნია, არამედ უაღრესად მორალურიც. უფრო დიდი და შორეული მიზნებისათვის არავისთვის დაუშლიათ ჩაღრმავება რუს, თუნდაც გერმანელ ან ინგლისელ მეცნიერთა ნაშრომებში. და თუ საქმისათვის საჩქაროა საკავშირო ასპარეზზე გატანა, რომელ ქართველ მეცნიერს გაუჭირდება რუსულადაც გამოსცეს თავისი ნაშრომი. ინტერნაციონალური სულისკვეთების გაძლიერებას ცხოვრების ნებისმიერ სფეროში ერთენოვანების შემოღება და მშობლიური ენის უგულველყოფა როდი იწვევს. ზეეროვნულობისა და ინტერნაციონალიზმის საფუძველი არა ენის, არამედ აზრის ფენომენში უნდა ვეძიოთ, რადგან აზრია ჭეშმარიტად ზეეროვნული ბუნებისა, მყარი და უცვლელი ნებისმიერ ენაზე გამოხატვისას. მაგრამ მარტოდენ აზრი როდია ზეეროვნულობის დასაყრდენი.

ისე ვით ერთია ნებისმიერი ეროვნების წარმომადგენლისათვის სიზმრების სამყარო, მითოსური ეპოქიდან დღემდე ასევე ზეეროვნულია სიმბოლიკის ენა, რისთვისაც ღაღადებს სიმბოლური ანბანის, ხატოვან-სიმბოლური ნიშნების იდენტურობა სხვადასხვა ხალხებთან, ზეეროვნულია მშვენიერება სახვითობისა თუ ფერწერისა ხელოვნებაში, აგრეთვე, ენა მუსიკისა, რომელსაც თარგმნა არ სჭირდება. განა არის ამქვეყნად რაიმე ამაღლებული სიყვარულზე უფრო ზეეროვნული, რომლის წინაშე ყოვლად უსუსურია გამთიშველი ძალა ნაციონალური, რასობრივი თუ წოდებრივი ანტაგონიზმისა. ზეეროვნულია თავად სიკვდილი, ელვარე ვარსკვლავითი, ლაყვარდირება ცისა და უკვდავება სულეთში! აი სად უნდა ვეძიოთ და ვპოვოთ საწყისები კოსმიური მოქალაქეობისა და ჭეშმარიტი ინტერნაციონალურობის, და არა ერთენოვანების დანერგვის ცდაში. ენა წმინდათა წმინდაა ნებისმიერი ერისათვის, მისი ღირსებისა და განუმეორებლობის ბეჭედი და მასთან მიმართება მოკრძალებასა და მოწიწებას მოითხოვს. ამიტომაც დაჭრილი აფთარივით წამოვგნთე-

ბით ზოლმე ჩვენი ერის უფლებამოსილებას თუკი ვინმე შეეხება. ამასთან დაკავშირებით ერთი ამბავი უნდა გავიხსენო. 1978 წლის აპრილში ქართველ ხალხს მრავალრიცხოვანი დემონსტრაციის მოწყობა დასჭირდა იმისათვის, რათა სსრკ-ს ახალი კონსტიტუციით საქართველოს საბჭოთა რესპუბლიკის სახელმწიფო ენად მხოლოდ ქართული ენა ელიარებინათ და არა ქართული, რუსული და სხვა რესპუბლიკათა ენები, თითქოს მშობლიური ენა სუვერენულობისა და სახელმწიფოებრიობის ისეთსავე, ან უფრო აღმატებულ ატრიბუტს არ წარმოადგენს, ვიდრე ეროვნული დროშა, გერბი, ჰიმნი და ა. შ. განა ქართული ეროვნული დროშისა თუ გერბის არსებობა აკინებებს ჩვენს პატივისცემას სხვათა დროშებისა და გერბებისადმი? ასევე არ აკინებებს, და უფრო ზრდის სხვა რესპუბლიკათა ენებისადმი პატივისცემას ჩვენი განმასხვავებელი სახელმწიფოებრივი ენის არსებობა. ამაზე მეტყველებს თუნდაც ის ფაქტი, რომ ქართველები რუსულს ქართულზე არანაკლებ ფლობენ, ღრმად იცნობენ რუსულ ლიტერატურასა და სათანადოდ აფასებენ ამ ენის დამსახურებასა და მხატვრულ ღირსებებს. ნეტა ამის მეთედი ქართული იცოდნენ საქართველოში მცხოვრებმა რუსებმა. ჩვენც დიახაც გვესმის რუსული ენის საპატიო როლი მრავალ ეროვნებათა შორის ურთიერთობის დამამყარებლისა, რაც სავსებით საკმარისია ამ ენის ღრმა პატივისცემისათვის. ამ ენის შესათვისებლად მშობლიური ენის შესწავლაზე არანაკლები ენერგია გაგვიღია და ამიტომაც ღია კარის მტვრევად მიგვაჩნია, როცა კვლავაც და კვლავაც გვიყიჟინებენ მისი შესწავლის აუცილებლობისათვის. ქართულ ენაზე უკეთესად ჩვენ მას ვერც და არც შევისწავლით. ქართული ენა ქართველისათვის მუდამ უმთავრეს ენად დარჩება, რადგან ჩვენ იგი მიგვაჩნია ჩვენი ადამიანური და მოქალაქეობრივ -სახელმწიფოებრივი შეგნებისა და სინდისის უმთავრეს ნიშან - სვეტად; ჩვენი წარსულისა და მომავლის გამამთლიანებელ სტიქიად. დღეს, რუს-ქართველთა ურთიერთობის ორასი წლის თავზე, ღრმა ურთიერთგაცნობისა და თანამშრომლობისაგან მიღებული დიდი გამოცდილების შემდეგ სასაცილოცაა ისეთ რამეზე საუბარი, რაც თავისთავად ცხადი უნდა იყოს. თუ მხოლოდ ქართული არ იქნება საქართველოს სახელმწიფო ენა, თუ მეცნიერებებს ქართულ ენაზე არ დავეწაფებით სკოლებსა თუ უმაღლესებში და ქართულ მეცნიერებას ქართულის ბაზისზე არ განვაფიქრებთ, თუ სასწავლო დაწესებულებებში ღრად არ შევისწავლით საქართველოს ისტორიას, როგორც ცალკე საგანს, თუ საქართველოში განლაგებულ ჯარის ნაწილებში ერთ ქართულსაც ვერ გავიგონებთ, მაშ სადაური

ქართველები ვყოფილვართ, ან სადღა უნდა ვბოვოთ თავად საქართველო? ჩვენ რაც ოდითგან შევექმენით და დედის ნანასავით ერთად შევისისხლხორცეთ, რაც საკუთარი სისხლით გავაპატიოსნეთ, დავნვეწეთ, ათას ქარ - ცეცხლში გამოვატარეთ და თვალის ჩინივით შემონახული დღემდე ღირსეულად მოვიტანეთ, რატომ არ უნდა გავამარადისოთ ჩვენი მოქალაქეობრივ - სახელმწიფოებრივი ცხოვრების ნებისმიერ სფეროში. ქედმაღლობით ჩვენი თავი სხვა ერებზე მაღლა არასოდეს დაგვიყენებია და არც სხვაზე მეტ პრივილეგიებს მოვითხოვთ. საკუთარი მეობისა და თვითრწმენის განმტკიცება კი ზემოხსენებულ საკითხში, ჩვენს უმთავრეს სასიცოცხლო ინტერესად, თვითდამკვიდრებისა და ნებისმიერ პარტნიორთან გულწრფელი დამოკიდებულების ერთადერთ გარანტიად მიგვაჩნია. მხოლოდ ამგვარად თვითდამკვიდრებულ პარტნიორებს შორის შეიძლება ნაღდი, უმლიქვნელო მეგობრობა, სადაც ადგილი არ რჩება ფარული აზრებისა და განზრახვებისათვის. მეგობარმა შენს სახლში რომ არც პატრონად და არც მორიდებულ სტუმრად იჯარნოს თავი, ამიტომ შენვე უნდა იყო შენს ჭერქვეშ შენივე თავის ბატონი - პატრონი და ჭეშმარიტი მასპინძელი. უმაღურნი არ ვართ, და სიკეთეს არავის დავუკარგავთ, მაგრამ მოყვარულადვე პირში ვუძრახებთ, თუკი რაიმე არ მოგვეწონებია, ან მომავალში არ მოგვეწონება. ორი ადამიანის მეგობრობისას, იდეალურია იმგვარი ურთიერთობა, სადაც არც ერთის პიროვნული თავისუფლება არ კნინდება. მაგრამ აქ კიდევ დასაშვებია და ხშირად მოსაწონიც, როდესაც ერთის საკეთილდღეოდ მეორე თავისივე ნებით გაიღებს მსხვერპლად საკუთარ თავისუფლებას. მაგრამ სახელმწიფო პიროვნება როდია და ამიტომ ორი ხალხის მეგობრობისას, უფლებრივი წონასწორობა რომ არ დაირღვეს, ბრძნულად და გულწრფელად უნდა იქნას განბჭობილ - გააზრებული ურთიერთობის თითოეული დეტალი; ურთიერთის გამაბრუებელი ხოტბით კი არ უნდა მიიჩქმალოს, არამედ ერთობლივი ანალიზით გათვალსაჩინოდეს და მორალურ სასწორად იდოს წარსულის ყოველი დარღვევა, შეცდომა თუ გატეხილი სიტყვა, რათა შემდგომში მსგავსი რამ არ განმეორდეს.

შესაძლოა კიდევ გვიძრახონ: „რადგან ზემოთა, კარგი აღვნიშნოთ მხოლოდ და აუფის გახსენებით გუნებას ნულარ გავიფუჭებთ“. ღმერთმა დაგვიფაროს. თუ სინდისი სუფთა გაქვს, რისა უნდა გეშინოდეს! ამიტომ მოდით გუნებას ნუ გავიფუჭებთ იმის თქმითა და მოსმენით, რაც აუცილებლად სათქმელია და მოსასმენი, რადგან რა დასამალია და გეორგიევსკის ტრაქტატის აღმნიშვნელ თარიღზე მე-

ტად, მისეული შინაარსის ცხოვრებაში გამკვიდრება გვინტერესებს. ეს თარიღი მხოლოდ ამ შინაარსის გამოა ჩვენთვის ძვირფასი. გეორგიევსკის ტრაქტატი იყო და ამჟამადაც რჩება რუსეთ – საქართველოს ურთიერთობის განსახორციელებელ იდეალად. თუმცა მონარქია და ტანტის მემკვიდრეობით გადაცემის წესი ჩვენში რახანია გადაეგო, მაგრამ ამ ხელშეკრულების ძირეული შინაარსი ძალაში რჩება ნებისმიერი სახელმწიფოებრივი სტრუქტურის პირობებში. პარტნიორობა სუვერენულობის დაურღვევლად, აი, მისი უბერებლობისა და მარად ვარჯისიანობის საწინდარი. რუსეთ-საქართველოს ურთიერთობის მთელი ისტორია ამ ტრაქტატის ცხოვრებაში განხორციელებისათვის ბრძოლისა თუ მცდელობის ისტორიაა.

ერეკლე მეორე სხვაგვარ ხელშეკრულებას არ დადებდა რადგან მხოლოდ ამგვარი პირობები მიაჩნდა დარიალის კარიბჭის ერთადერთ საიმედო გასაღებად.

და იმ დღიდან დღევანდლამდე და დღეისიდან უკუნისამდე რუსეთ-საქართველოს ურთიერთდამოკიდებულების მიზანშეწონილება მხოლოდ გეორგიევსკის ტრაქტატით გათვალისწინებული უფლებრივი საწყაულით განიზომება. მკვიდრათ ჩავიბეჭდოთ თავში ეს აქსიომა, თორემ საკითხი: ან ტრაქტატით გათვალისწინებული სუვერენიტეტი, ან ხელშეკრულებამდელი მდგომარეობის დაბრუნება, არასოდეს მოძველდება.

მერაბ კოსტავა

20 მაისი 1976 წელი

ბამოლვიკების მტაკი

ჩვენი ორგანიზაცია, საქართველოს ეროვნული ხსნის მთავარი კომიტეტი და მასში შემაგალი წმინდა ილია მართლის საზოგადოება განლავთ ერის გადარჩენის, ეროვნული აღორძინებისა და საქართველოს სრული დამოუკიდებლობისათვის მებრძოლი ორგანიზაცია, რაც სავსებით შეესატყვისება მის სამოქმედო პროგრამა-მინიმუმსა და პროგრამა-მაქსიმუმს. პროგრამა-მაქსიმუმი გულისხმობს საქართველოს სრულ დამოუკიდებლობას, მის გამოყოფას სსრკ-ს შემად-

გენლობიდან და თავისუფალ, დემოკრატიულ, სამართლებრივ სახელმწიფოდ ჩამოყალიბებას; პროგრამა-მინიმუმი კი იმ პრობლემების მოგვარებას, 70 წლის მანძილზე რომ წარმოშვა ბოლშევიკური რუსეთისადმი საქართველოს დაქვემდებარებულმა მდგომარეობამ. ორივე პროგრამა, მაქსიმუმიც და მინიმუმიც უმჭიდროეს კავშირშია ურთიერთთან, საქართველოს დამოუკიდებლობის იდეა გვაიძულებს გავთავისუფლდეთ ჩვენი ცხოვრების ნებისმიერ სფეროში, საქმიანობის ნებისმიერ დარგში იმპერიის უწყებებიდან. მტკიცედ მივდივით ჩვენს მიერ პროგრამად ჩამოყალიბებული პოლიტიკური მიზნების განხორციელებას. პროგრამა-მინიმუმის წარმატებით შესრულება, როგორცაა, დემოგრაფიული კრიზისის დაძლევა, წარმოების, პროდუქტთა ხარისხის ვალუტაზე გაანგარიშება და შესატყვისი ტექნიკის მოძიება, საქართველოს მოქალაქეობის სტატუსის მკაცრად და გონივრულად განსაზღვრა, წარმატებები ეროვნული არმიის შექმნაში, ძლიერი სახელმწიფოს შექმნას განაპირობებს. ამიტომაც ჩვენ უნიათოდ მიგვაჩნია იდეა, თითქოს ეკოლოგიური, დემოგრაფიული, ეკონომიკური, კულტურულ-საგანმანათლებლო, სამართლებრივი, საჯარისო თუ სხვა პრობლემები მარტოდენ საქართველოს დამოუკიდებლობის მოპოვების შემდგომ მოგვარდება. რა თქმა უნდა, ამ პრობლემების სრულყოფილად გადაწყვეტას დამოუკიდებლობა სჭირდება, მაგრამ დღესვე კონკრეტულად თუ არ იბრძოლე ადამიანთა უფლებებისათვის, არ ებრძოლე მათ დარღვევებს სასამართლოებში, საპატიმროებში, სასწავლებლებში, დაწესებულებებში, წარმოებებსა და სხვაგან, ისე საფუძველს ვერ ჩაუყრი მომავალი დემოკრატიული სამართლებრივი სახელმწიფოს შექმნას, რადგან მარტოდენ ამგვარ საქმიანობაში, სულიერი მოძრაობის ამგვარ პროცესში იჭედება რაინდულ-მოქალაქეობრივი თვისებები, მომავალი თავისუფალი საქართველოს ზნეობრივ სიმტკიცედ, მის შეუვალ ცინებურჯად რომ წარმოგვიჩნდება. ქვემო ქართლსა და მესხეთ-ჯავახეთში დღესვე თუ არ ჩაასახლე კომპაქტურად ქართველობა, განა მშვიდობა დამკვიდრდება საქართველოში დამოუკიდებლობის მოპოვების შემდეგ? მაგნებლური კურსი წყალსაცავების მშენებლობისა რომ არ შეგვეჩერებინა, იარსებებდა საქართველო ახლო მომავალში გინდაც თავისუფალ, გინდა კოლონიურ მდგომარეობაში მყოფი? მაგრამ ამ პრობლემებისათვის დღესვე თავგამოდებული ბრძოლა როდი გვაგიწევს პოლიტიკური ბრძოლის პრიმატს, როდი გვაგიწევს ამ პრობლემების წარმოშობის მიზეზებს, ბოლშევიკური იმპერიას, რომელთანაც ხშირად ძალზე მწვავე, მაგრამ მაინც მშვიდობიანი საშუალებებით წარგმართავთ პოლიტიკურ ბრძოლას. ამ

ბრძოლაში ჩვენ ვცდილობთ ჩვენი ეროვნულ-სამართლებრივი პლატფორმის, ბრძოლის მწვავე თუ ნაკლებად მწვავე ხერხების ქართული საზოგადოებრიობის ნებისმიერ სფეროში დანერგვას. ამ ბრძოლაში ჩვენ ვცდებით და ვპოულობთ თანამზრახველებსა და თანამოზიარეებს იმპერიის შემადგენლობაში მყოფი სხვა ერების წარმომადგენელთა შორის ერთობლივი ღონისძიებების ჩასატარებლად, ამ ბრძოლაში ჩვენ ვცდილობთ მოვიზიდოთ მსოფლიოს საერთაშორისო ორგანიზაციები, დასავლეთის დემოკრატიული ქვეყნების მთავრობები და დიპლომატიური უწყებანი, რათა დავანახოთ და დავუმტკიცოთ მათ ბოლშევიკური რუსეთის მიერ საქართველოს თავისუფალი დემოკრატიული სახელმწიფოს მიმართ ჩადენილი სამართალდარღვევები 1921 წლის 25 თებერვალს, რაც საერთაშორისო დანაშაულის ტოლფასია და მოვთხოვთ საერთაშორისო სამართლის ნორმათა მთელი სიმკაცრით აგებინონ პასუხი ბოლშევიკურ იმპერიას 1920 წლის 7 მაისის ხელშეკრულების დარღვევისა და საქართველოს ანექსიისათვის. საქართველო ევროპის ზონაში იმყოფება და მსოფლიო დემოკრატიული ძალები ვალდებული არიან უზრუნველყონ მისი თავისუფლება და უფლებები ევროპის ყველაზე თავისუფალი ქვეყნების ნორმათა შესაბამისად. სახელმწიფოებრიობის უძველესი ტრადიციების მქონე ქვეყანა ღირსია ჩადგეს თავისუფალ ერთა საკრებულოში. ასე რომ, ჩვენი ეროვნული პლატფორმა, მთლიანად უპირისპირდება კომპარტიის ახლადგამოქვეყნებულ პლატფორმას იმავე საკითხთან დაკავშირებით. როგორც ეროვნული ხსნის მთავარი კომიტეტი, ჩვენი ორგანიზაცია იბრძვის არა მარტოოდენ საქართველოს დამოუკიდებლობისათვის, არამედ ძალაუფლების მოპოვებისთვისაც მხოლოდ მშვიდობიანი პოლიტიკური ბრძოლის გზით, ხოლო მასში შემავალი წმინდა ილია მართლის საზოგადოების ბრძოლა დამოუკიდებლობის მოპოვების ფარგლებს არ სცილდება. საქართველოს ამჟამინდელ ხელმძღვანელობაზე ძალუმი ზემოქმედებით იგი ცდილობს მისსავე გამოყვანას საბჭოური სუბორდინაციის მოჭადოებული წრიდან, რათა გადააჩვიოს იგი არსებული მმართველობითი სისტემის ყველაზე დიდ მანკიერებას, მარიონეტობას და როგორც დამოუკიდებელი ერთეული, დაუპირისპიროს ცენტრს. მხოლოდ ამგვარი გარდასახვის შემდეგ თუ შეძლებს ზემოაღნიშნული ხელისუფლება საკუთარი ძალაუფლების მიტანას პლურალიზმისა და დემოკრატიული არჩევნების წმინდა სამსხვერპლოზე (ეს თითქმის შეუძლებელია, მაგრამ შეჭიდება აუცილებელია).

ეროვნულ-გამათავისუფლებელი მოძრაობის ამჟამინდელ მდგომარეობას გამოვლიძების ეტაპი შეიძლება ეწოდოს. ეროვნული შეგნება ერთობ გაიზარდა, თუ მივიღებთ მხედველობაში დროის იმ მცირე მონაკვეთს, რომელსაც ორიოდე წლის წინათ გათავისუფლებული პოლიტპატიმრების მიერ წამოყენებული ეროვნული მოძრაობის ახალი ნაკადი მოიცავს. ამ ნაკადს გააჩნია როგორც ძლიერი, ასევე სუსტი მხარეები. ძლიერი მხარეა ამ მოძრაობის მასშტაბურობა, რადიკალიზმი, გაფიცვათა მიქანიზმების ფლობა, საბჭოურ იდეოლოგიასა და კანონებში, ხელისუფლების ყოველდღიურ პოლიტიკურ საქმიანობაში არასამართლებრივ მომენტთა განჭვრეტა და რეგულარული ფიქსირება. მათი მართებული და უკომპრომისო კრიტიკა და, აქედან გამომდინარე, ახალი, მწვავე მოთხოვნების წამოყენება საპროტესტო აქციებთან ერთად. ეროვნული მოძრაობის აღმავლობის პარალელურად, საზოგადოების ფართე ფენებში რელიგიური სულისკვეთების გაძლიერება და პოლიტიკური ცხოვრების თვალსაწიერზე ახალი, მნიშვნელოვანი ინდივიდუალობების გამოკვეთა, პრობლემების მრავალგვარობაში ძირეულის გამუდმებული დომინირება და ორგანიზაციულობით სტიქიურობის გადალახვისაკენ სწრაფვა. ეროვნული მოძრაობის აქილევსის ქუსლად უნდა ჩათვალოს ვიწრო პარტიული და ორგანიზაციული პატრიოტიზმის გამოვლინებანი, წარსულში არსებული ვიწრო-კუთხური პარტიკულარიზმის ტოლფასი. ამგვარ გამოვლინებად მიმაჩნია ეროვნულ-გამათავისუფლებელი მოძრაობის მაკოორდინირებელის, საქართველოს ეროვნული ხსნის მთავარი კომიტეტის დაშლის მცდელობა რამდენიმე ხნის წინათ, რაც, საბედნიეროდ, ვერ მოხერხდა. აქედან შეიძლება დავასკვნათ, რომ ეროვნულ-გამათავისუფლებელი მოძრაობა საქართველოში იმდენად დაიკავებს მართებულ პოზიციას, რამდენადაც ერთიანობის იდეას ყველა სხვა იდეაზე მალლა დააყენებს, როცა ყველა ჩვენთაგანს თავად ეს მოძრაობა ეყვარება და არა საკუთარი თავი ამ მოძრაობაში.

საქართველოში ეთნიკური კონფლიქტების გაღრმავების თავიდან ასაცილებლად საჭიროა იმ მშენებლობების შეჩერება, ხელოვნურად რომ იწვევს არაქართველი მუშახელის მოზიდვას საქართველოს საზღვრებს გარედან, მეორეს მხრივ, პირიქით, მშენებლობების დაწყება და გაფართოება (ძირითადად საცხოვრებელი სახლებისა) არაქართველებით კომპაქტურად დასახლებულ რეგიონებში. რა დასამალა, და ჩვენს მიზანია, ქართველების დაბრუნებით ამ ადგილებში დემოგრაფიული წონასწორობის აღდგენა, რათა საბოლოოდ გაუვნელოთ ქართულ მიწაზე ავტონომიების შექმნის სურ-

ვილი ზოგიერთი არაქართველი ეროვნების წარმომადგენლებს, გზა გადავუღობოთ ქართული მიწების საქართველოდან მოწყვეტისა და მეზობელი ქვეყნებისათვის მათი გადაცემის მცდელობებს. ამგვარი მოქმედება დემოგრაფიული კრიზისის მშვიდობიანად მოგვარების მშვიდობიან საშუალებად მიგვაჩნია შეგონება ან გაფრთხილება იმ არაქართველებისა, რომლებიც ხელს გვიშლიან საქართველოს ტერიტორიაზე დემოგრაფიული პოლიტიკის ეროვნული თვალსაზრისით გატარებაში. ახალი ავტონომიების შექმნისა, ან ქართული მიწების სხვისთვის მიერთების მსურველებს პირდაპირ ვეუბნებით: ან გონს მოეგეთ, ან დაუყოვნებლივ დატოვეთ საქართველოს მიწა-წყალი. ზოგიერთ რეგიონში, მშვიდობიანი ქართული მოსახლეობის წინააღმდეგ არაქართველებმა იარაღი იხმარეს, თუმცა ამ ბარბაროსთა მიმართ შურისგებისა და გენოციდის მცდელობას ადგილი არ ჰქონია, მაგრამ ინციდენტის განმეორების შემთხვევაში, ბანდიტები გამანადგურებელ დარტყმას მიიღებენ.

ეთნიკური კონფლიქტი საქართველოში მიწათმოქმედების სფეროზეც ვრცელდება. ბოლნისის, მარნეულისა და გარდაბნის რაიონებში მოლაღატე ქართველების მეშვეობით დატაცებულ მიწებზე აზერბაიჯანელები მიწათმოქმედების წმინდათა-წმინდა კანონების დანაშაულებრივ შერყვნას ეწევიან და თბილისს აწვდიან ქომიკატებით მოშხამულ პროდუქტებს. რაღა ტყვია გისვრია და რაღა საწამლაგი მიგიწოდებია კაცისათვის, ისიც ამდენისათვის ერთად. ეს ქომიკატები წამლავენ არა მარტოდენ მცენარეებსა და მათი მეშვეობით ადამიანებს, არამედ სპობენ ცხოველთა პოპულაციებსაც, თევზს, ფუტკარს, აბრეშუმის ჭიას. ერთი სიტყვით, ისინი ღმრთივ-მშვენიერი ბუნების დაუძინებელი მტრები არიან, ჩემი ღრმა რწმენით სისხლის სამართლის კოდექსში შეტანილ უნდა იქნეს ახალი მუხლი, რომელიც ნაკვეთის ჩამორთმევით დასჯის მინერალური სასუქის ბოროტად გამოყენებლ პირებს, საერთოდ, უნდა აღიკვეთოს მინერალური სასუქის სოფლის მეურნეობაში გამოყენება. მიწათმოქმედების მარადიული ტრადიციის მიხედვით, ნიადაგი უნდა ნოყიერდებოდეს მცენარეული და ცხოველური სასუქით. რადგან ქართველი კაცის მტერი კონკრეტულ შემთხვევაში ღვთისა და ბუნების მეტრიც გამოდის, ჩემი აზრით, ისევ ქართულ მოსახლეობას უნდა დაუბრუნდეს თბილისის ბოსტნეულითა და ხილით მომარაგების პრიორიტეტი, რაც მას გამოსტაცა დიღმისა და გლდანის საბოსტნე სავარგულების მშენებლობისათვის გამოყენებამ. უნდა მოიძებნოს ახალი, ალტერნატიული საშუალებები, მაგალითად, მიწები თბილისსა და რუსთავს შორის უნდა გადაეცეს ქართველ კოოპერატო-

რებს, რომლებიც მათ მიერ მოყვანილ ბოსტნეულს გაყიდვას საკუთარ კომპერატიულ მაღაზიებში, რასაკვირველია, იაფად, როგორც თვითნაწარმ და არა სბეკულაციურ ფასებში შექმნილ პროდუქტებს, რითაც საგრძნობლად დასწევენ ბაზრის ფასს და ჭანსალი კონკურენციის მეშვეობით გააძევებენ მოწამლულ პროდუქტებს და მათ კომინალურ პატრონებს საქართველოს ბაზრებიდან და ალბათ, საქართველოდანაც, რადგან ფარული ომი აქ, მიწაზე გაბატონებისათვის მიმდინარეობს. გადამთიელისათვის იგი დანაშაულებრივი ხერხით იოლი გამდიდრების საშუალებაა. ჩვენთვის კი იგი ისევ საკრალურ მოქმედებად უნდა იქცეს. ჭეშმარიტმა გეორგიანულმა თერაპიამ აქაც შეიძლება იხსნას საქართველო.

როგორც ჩანს, დასავლეთს არ სურს გორბაჩოვისეული „ბერესტროიკა“ სსრკ-ში მიმდინარე ეროვნულ-გამათავისუფლებელ მოძრაობას ანაცვალოს. გრძელვადიანი მოლაპარაკების გამო მას ეშინია კიდევ სტაბილური მდგომარეობის დარღვევისა სსრკ-ში, რაც შესაძლოა დამონებული ერების მისგან გამოყოფის მცდელობამ გამოიწვიოს. ზოგიერთებს დასავლეთში შესაძლოა იმიტომაც აწყობდეთ სსრკ-ში დღევანდელი მდგომარეობის შენარჩუნება, სოციალიზმი ნედლეულის ქვეყნად დარჩენის გარანტიას რომ უნაღდებს მათ. დასავლეთის ქვეყნების ფრთხილი დამოკიდებულების მიზეზები სსრკ-ს შემადგენლობაში მყოფი არასუვერენული ერების მიმართ ნატოს ბლოკის თავდაცვითი ხასიათიდანაც გამომდინარეობს, იგი არ განლავთ ის ძალა, რომელიც ჩაერევა იმპერიის მიერ ეროვნულ-გამათავისუფლებელი მოძრაობის მიმართ მრავალგზის ნაცადი სისხლიანი რეპრესიების გამოყენების შემთხვევაში. ამიტომ აფრთხილებს ზოგჯერ დასავლეთი ბალტიისპირეთის ქვეყნებს, ჩვენგან დიდ შემწეობას ნუ მოელოთო. როგორც ჩანს, ადგილი აქვს გარკვეულ გარიგებასაც, რის შედეგადაც სსრკ-ს მიერ ინტერნაციონალური სოლიდარობის საბაბით დედამიწაზე ცხელი წერტილების შექმნაში ინტენსივობის შემცირება პირდაპირპროპორციულია სსრკ-ში მიმდინარე ეროვნულ-გამათავისუფლებელ მოძრაობაში ჩარევის ინტენსივობის შემცირებისა, რაც არ უნდა მოხდეს, დასავლეთი მაინც რჩება მსოფლიო დემოკრატიის ციტადელად, თუმცა, ისიც უნდა ითქვას, რომ ეს დემოკრატია თანდათანობით კარგავს თავის მებრძოლ ხასიათს, ამიტომაც, ეროვნულ-გამათავისუფლებელი მოძრაობა საბჭოთა კავშირში, ძირეულად ისევ საკუთარ თავს, საკუთარ ძალებს უნდა დაეყრდნოს.

სოციალურ-ეკონომიკური განვითარების პროცესი განუყოფელია პოლიტიკური სუვერენიტეტის მოპოვების პროცესისაგან.

მაგალითად, საქართველოს უწყებების (სამინისტროების, კომიტეტების) გამოთავისუფლება ბოლშევიკური იმპერიის უწყებებიდან, რაც უსათუოდ უნდა დაიწყოს, ერთდროულად პოლიტიკური და სოციალურ-ეკონომიკური პროცესი იქნება. თანდათანობით საკავშირო დაქვემდებარებიდან უნდა გამოვიდეს კულტურისა და განათლების მთელი სისტემა, ნებისმიერი წარმოება და დაწესებულება: კურორტები, ფაბრიკა-ქარხნები, საპროექტოები. სჯობს, ქარხანა საერთოდ გაუქმდეს, ვიდრე საკავშირო დაქვემდებარებაში იმყოფებოდეს. ქარხანა, რომელიც მთლიანის რაღაც დეტალს ამზადებს, ეროვნული ეკონომიკის მტერია და უწინარეს ყოვლისა, იმპერიის ძლიერებას ემსახურება. ამიტომ, ნებისმიერი დაწესებულება, მეურნეობისა თუ წარმოების ნებისმიერი დარგი საქართველოში უნდა იყოს მთლიანი, სრული და თავისუფალი ორგანიზმი და არა ატომი, თუ შემადგენელი ნაწილი რაღაც მთლიანისა. აქ შეიძლება შემოგვედაონ: საბჭოთა სინამდვილეში დაუშვებელიაო უწყებების ამგვარი გამოთავისუფლება. მაგრამ თუკი არაფორმალური ორგანიზაციები და მთლიანად ქართული საზოგადოებრიობა ამგვარ უწყებებს მიუდგებიან არა როგორც პარტიულ ორგანიზაციებს, არამედ სპეციალობათა მიხედვით ჩამოყალიბებულ გაერთიანებებს, ხოლო მათ ხელმძღვანელებს მიიჩნევენ სპეციალისტებად შესატყვის დარგებში, ამასთან, აქციების მეოხებით აიძულებენ მათ არ დაემორჩილონ მოსკოვის დირექტივებს, იყვნენ დამოუკიდებელნი, გაატარონ საკუთარი ეროვნული ხაზი, ესწრაფონ მათდამი მინდობილი უწყებების პრაქტიკულ გამოყოფას და საკუთარ საფუძველზე დაყენებას, და თუ ამგვარი სულისკვეთება ნებისმიერი დარგის და მასთან საკავშირებულ ორგანიზაციების წიაღს განმსჭვალავს, უთუოდ გადავდგამთ გარკვეულ ნაბიჯებს ერთდროულად პოლიტიკური და ეკონომიკური დამოუკიდებლობისაკენ. ხოლო სრული დამოუკიდებლობის მიღწევის შემდეგ, რომელიც მარტოოდენ იმპერიის დამხგრევის ან დასავლურ ყაიდაზე მისი სრული გარდასახვის შედეგი შეიძლება იყოს, სოციალურ-ეკონომიკური განვითარების პერსპექტივები საქართველოში სულ სხვა მასშტაბებით განისაზღვრება. საკუთარი თავისა და ქვეყნის უძრავ-მოძრავი ქონების ბატონ-პატრონობა, დაგვემარებისა და რესურსების განაწილების, აგრეთვე პარტნიორი ქვეყნების არჩევის თავისუფლება, ენთუზიაზმი და გამომგონებლობა, ინდივიდუალიზმით აღბეჭდილ თავისუფალ მწარმოებლობას რომ ახლავს თან, სოციალურ-ეკონომიკური განვითარების სავსებით ახალ განზომილებებს გულისხმობს. განზომილებებს, რომელსაც მარადიული ღირებულებების გვირგვინს დაადგამს ღვთის რწმენისა და სულის უკვ-

დავების იდეა, მსოფლიო რელიგიური მიღწევები. ყოველივე ამას კი საფუძველი დღესვე უნდა ჩაეყაროს. ამის წანამძღვრები ახლავე ჩვენს სულში, ჩვენს ხასიათში უნდა ჩამოყალიბდეს, როგორც შედეგი ამ მძიმე, დაკაბალეზულ მდგომარეობაში წარმოუდგენელ წინააღმდეგობათა დაძლევისა, ტიტანური ძალისხმევით შეუძლებლის შესაძლებლად ქცევისა, რადგან სასიკეთო ძვრები ღვთისა და ისტორიის წინაშე მარტოოდენ შეუძლებელთან კიდილით აღინუსხება.

მერაბ კოსტავა
გაზ. „ლიტერატურული საქართველო“
6 ოქტომბერი, 1989 წ.

რატომაა საჭირო ნაციონალური არმია

ერთ-ერთი მნიშვნელოვანი ფაქტორი საბჭოთა ხალხების დისკრიმინაციისა გახლავთ ის, რომ მათ არ გააჩნიათ ნაციონალური არმია. არსებული არმია უალრესად რუსულია, რადგან რუსულ ენაზე ფუნქციონირებს და მის შემადგენლობაში მყოფი არარუსი ხალხების წარმომადგენელთა დეგრადაციასა და დენაციონალიზაციას იწვევს. არმია სახელმწიფოებრივი ეროვნების განუყოფელი, ორგანული ნაწილია და მოწოდებულია დაიცვას მშობლიური მიწისა და საკუთარი ხალხის ღირსება. მოქალაქის საუკეთესო თვისებები, პატრიოტული მოვალეობის აღზრდა წარმოუდგენელია ნაციონალური არმიის გარეშე, მაგრამ საუბედუროდ, საბჭოთა კავშირში შემაგალი ეროვნებები მოკლებული არიან ამგვარ შესაძლებლობას. ამიტომ გასაკვირი როდია, არარუსთათვის საბჭოთა არმიაში სამსახური ერთობ მძიმე უდელს რომ წარმოადგენს. თუკი რუსი მამაკაცი არმიაში სამსახურის გარეშე თავს არასრულფასოვნად მიიჩნევს, ხოლო რუსი ქალიშვილები ყველაზე მეტად ჭარისკაცებს აფასებენ, ასე როდია სხვა ეროვნების შვილთა ცხოვრებაში. ნებისმიერ ქართველ ჭაბუკს, თითქმის გამოწკლისის გარეშე, ჭირის დღესავით სძაგს არმიაში სამსახური და მისი მშობლებიც არაფერს ზოგავენ, როგორმე დაიხსნან ისინი ამგვარი უსიამოვნებისგან. იგივე შეიძლება ითქვას სხვა ეროვნებათა წარმომადგენლებზე. არა, ვაუკაცობა და ძალგულოვნება მათ

არ აკლიათ, მაგრამ ცნობიერად თუ ქვეცნობიერად ნებისმიერმა, როგორც ჭაბუკმა, ასევე მშობელმა უწყის: სწორედ ის არმია იმპერიის არსებობისა და მათი დამონებული მდგომარეობის განმამკვიდრებელ-გამახანგრძლივებელი, ხოლო შეგნებული შოვინისტი რუსისათვის, როგორც იმპერიის გამარჯვებული შვილისათვის, ჩვეულებრივ მოვლენას წარმოადგენს ჩარისკაცობით და ამგვარ არმიით თავის მოწონება. ხელისუფლებას ასეთი არმია ხალხების დაახლოებისა და ურთიერთშერწყმის ასპარეზად მიაჩნია. სინამდვილეში იგი მხოლოდ ხალხების „მკვლელობას“ უწყობს ხელს, რაც მათ უსახონაცრისფერ მასად გადაქცევას ნიშნავს, არცაა გასაკვირი, რომ ამგვარ არმიაში შეგნების დაბალი დონე ისადაგურებს. ეგრეთწოდებულ „მოხუცთა“ მიერ ახალწვეულთა საყოველთაოდ ცნობილი ტერორიზაციის გარდა იქ აშკარად მძვინვარებს ველიკორუსული შოვინიზმით მოწამლული ეროვნებათაშორისი ზიზღი. ბოლო ხანებში საბჭოთა არმიის რიგებში განსაკუთრებით გაძლიერდა არარუსი ჩარისკაცების აბუჩად აგდება და ჩაგვრა. მათ მიმართ შაუბტვანტებში სხვადასხვაგვარი წამების გამოყენება, ზოგჯერ სიკვდილითაც რომ მთავრდება. ამა წლის აპრილში საბჭოთა არმიაში საყოველთაოდ ცნობილი წამებით – „ლასტოჩკით“ – მოკლულ იქნა მოსკოვის ოლქის 528/8 ნაწილის ჩარისკაცი, ზემო აღვანელი მამუკა არაბული. სხვადასხვა მეთოდებით ამავე წელს მოკლულ იქნენ აგრეთვე ჩარისკაცები: გიგო თენგიზის ძე წიკიპოშვილი, მამუკა კოსტას ძე იმედაძე, ხვიჩა გიგოს ძე თორლოშვილი.

მიმდინარე წლის ოთხი თვის განმავლობაში, როგორც მამუკა არაბულის მამის, ირაკლის, მთავრობისადმი გაგზავნილ განცხადებაში ვკითხულობთ, ქალაქ თბილისის აეროპორტის ტვირთამწე პერსონალის მიერ ფიქსირებულია საბჭოთა არმიის სხვადასხვა ნაწილებში მომსახურე ჩარისკაცთა მკვლელობის 28 შემთხვევა. იგივე წყარო გვამცნობს, რომ „ლასტოჩკით“ სხვადასხვა დროს უწამებიან ჩეჩენი სათოევი, ქართველი ბერეკაშვილი, სომეხი მურადიანი. არარუსთა შეურაცხყოფისა და წამების ამაზრზენ ფაქტებს მრავალი ჩარმოხდილიც ადასტურებს, მაშინ როდესაც მსგავსი მეთოდებით რუსი ჩარისკაცების წამების შესახებ თითქმის არაფერი ვიცით. აქედან და სხვა ფაქტორებიდან გამომდინარე, უზარმაზარი მნიშვნელობა ენიჭება ილია ჭავჭავაძის საზოგადოების მოთხოვნას ქართველი ახალგაზრდობის მიერ სამხედრო სამსახურის საქართველოში გავლის შესახებ. ერთიანი რუსულენოვანი არმია ისე ვით ერთპარტიულობა, ანუ არდაშვება ოპოზიციისა, ამასთან, მთავრობის, სახელმწიფო ადმინისტრაციის პარტიისადმი, ცენტრალური კომიტეტისადმი დაქვემდებარება პირწავარდნილი ტოტალიტარიზმის საფუძველს წარ-

მოადგენს და ერთი კაცის, გორბაჩოვის მცდელობანი, განახორციელოს ლიბერალიზაცია მმართველობითი სისტემის საფუძვლიანი შეცვლის გარეშე, არავითარ სამომავლო გარანტიას არ იძლევა. ტოტალიტარიზმის დამღით განსაკუთრებით საბჭოთა არმიას აღბეჭდილი, რადგან პირისხლიან მონღოლებსაც კი, სიმამაცისათვის საომარ ოპერაციებში მონაწილეობას რომ ავალებდნენ ქართველებს, არასოდეს მოსვლიათ თავში საქართველოს სამეფოს გაუქმება, ქართული მხედრონის მონღოლთა ჩარში აღრევა და გათქვეფვა. ნაციონალური არმია ერთა დამოუკიდებლობის უმთავრესი ნიშანსვეტია და ამ თვალსაზრისით ვარშავის პაქტის ერები ახლოსაც ვერ მოვლენ ნატოს ქვეყნებთან. ნატოს ხალხებო და არმიების უფლებები აშკარად თანაბარია. ნებისმიერი მათგანისათვის გარანტირებულია სამხედრო და ეკონომიკური კავშირიდან გასვლის თავისუფლება და მათთვის რომელიმე იდეოლოგიის, ან ენის, გარედან თავს მოხვევას არა აქვს ადგილი. ვარშავის პაქტის ქვეყნებს თუმცა გააჩნიათ ეროვნული არმიები, მაგრამ ყოველი მცდელობა, რომელიმე მათგანის კავშირიდან გასვლისა მუდამ სისხლიანი ტრაგედიით გვირგვინდებოდა, რუსის ჩექმა თავსმოხვეული მარქსისტული იდეოლოგიიდან გამოთავისუფლების საშუალებას არ აძლევდა მათ. სსრკ-ში შემავალ ხალხებს კი, როგორც აღვნიშნეთ, არათუ არმია, საკუთარი სამხედრო ნაწილებიც არ მოეძებნება. ზემოაღნიშნულის შემდეგ თვალსაჩინო ხდება კარდინალური განსხვავება აშშ-ს და სსრკ-ს შორის. პარტნიორი ქვეყნებისადმი დამოკიდებულებაში პოტენციური უპირატესობის მიუხედავად, აშშ უდავოდ თანასწორუფლებიანი პარტნიორია ნატოს დანარჩენი ქვეყნებისა. იგი ცდილობს თითოეულმა მისმა მოკავშირემ რაც შეიძლება მეტი თანხა გაიღოს საკუთარი ეროვნული არმიის გასაძლიერებლად, მაშინ, როდესაც თბილისში მომხდარი 1956 წლის 9 მარტის სისხლიანი ტრაგედიის შემდეგ სსრკ-ში სავსებით გააუქმეს თითო-ოროლად შემორჩენილი ეროვნული ჯარის ნაწილები. მისი ოფიცრობა თადარიგში გაუშვეს. ვერც პრეზიდენტი, ვერც ნებისმიერი სამთავრობო კაბინეტი ვერ იძლევა ერთა სახელმწიფოებრიობის იმგვარ გარანტიას, როგორც ძლიერი ნაციონალური არმია. ასე რომ, შეერთებული შტატები პარტნიორთა სამხედრო პოტენციალის გაზრდით განაძლიერებს და განამკვიდრებს ამ ერების სახელმწიფოებრიობას, ხოლო საბჭოთა კავშირმა, პირიქით, იმიტომ მოსპო ჯარის უკანასკნელი ეროვნული შენაერთები, რომ ამ ხალხებში საბოლოოდ მოესპო სახელმწიფოებრიობის ნებისმიერი ელემენტი, გადაშენების გზაზე დაეყენებინა სსრკ-ში შემავალი ერები, რითაც დაამტკიცა, რომ მსოფლიოში ერთადერთ იმპერიად რჩება.

ამგვარია რუსეთის ნდობა საქართველოსა და ეგრეთწოდებულ რესპუბლიკების მიმართ. აშკარად ვხვდებით, თუ რატომ უგულვებელყოფს იგი ერთა სუვერენულობის უცილობელ ატრიბუტს, ნაციონალურ არმიას. იმპერიის მესვეურებმა უწყყან, რომ საქართველოში ქართული ენის ფუნქციონირება აშკარად დაანახებს ქართველობას, თუ რა ურყევი და ორგანულია კავშირი სამშობლოს ქემშარიტ გაგებასა და ეროვნულ არმიას შორის, თუ რა მნიშვნელობა აქვს ამგვარ კავშირს ჯანსაღი ფსიქიკის ჩამოყალიბებისათვის. მხოლოდ ასე თუ ამოიძირკვება ქართველების შეგნებიდან ღირსების შემლახველი აზრი: რომ თითქოს საქართველოს ურუსეთოდ, ანუ დამოუკიდებლად არსებობა არ შეუძლია. დიახაც, შეუძლია და ვერც სპარსეთი და თურქეთი დააკლებს რამეს, თუკი საკუთარი ძალებისადმი რწმენა დამკვიდრდება ქართველთა გულეში. ამგვარი რწმენის დამკვიდრება კი სხვა ყველაფერთან ერთად ეროვნული არმიისათვის ზრუნვით უნდა დაიწყოს. ქართველებმა სამხედრო სამსახური საქართველოში უნდა გაიარონ. ამით და აქედანვე უნდა ჩაეყაროს საფუძველი ეროვნული არმიის შექმნას, როგორც ქართული სახელმწიფოებრიობის სამომავლო გარანტიას. საქართველო ქართველების საკუთრებაა და სახელმწიფოებრივი უფლებების განმტკიცებით ეროვნული მეობის განმტკიცება, თვითდამკვიდრებისა და პარტნიორ სახელმწიფოებთან გულწრფელი დამოკიდებულების ერთადერთ საწინდრად მიგვაჩნია. მხოლოდ ეროვნული არმიებით თვითდამკვიდრებულ პარტნიორ სახელმწიფოებს შორის შეიძლება ნაღდი, უმლიქვნელო მეგობრობა. სხვაგვარად შეუძლებელია საკუთარ ქერქვეშ საკუთარი თავის ბატონ-პატრონობა და ქემშარიტი მასპინძლობა. ოდესღაც დავით აღმაშენებლისდროინდელი საქართველოს სიძლიერე სხვა ყველაფერთან ერთად როქის სპის შექმნამაც განაპირობა. მორიგე ჯარის შექმნისათვის ამაოდ როდი ირჯებოდა ერეკლე მეორე და სწორედ ამ იდეის ვერგანხორციელებამ ითამაშა ერთ-ერთი უმთავრესი როლი საქართველოს სამეფოს გაუქმებაში. სხვა რომ არა იყოს რა, ქუდზე კაცის დაძახება გამუდმებით უხდებოდა მთელი ისტორიის მანძილზე ქართველ სარდლობას. ვაჟკაცობაში გამუდმებით იწრთობოდა ერი, დღეს კი ამ სამართალდაცლილი მშვიდობის სიმდორეში წელკავმა დააძახუნა ოდესღაც დუშმანის თავზე რისხვის დამთენებელი ქართველი მამაკაცი, მას აშკარად აკლია სულისა და სხეულის წრთობისათვის აუცილებელი ეროვნული არმია.

ეროვნულ არმიაში ათეულისა და ასეულის თითოეული წევრი უთუოდ იგრძნობს განსაცდელისას ურთიერთის სიცოცხლისათვის უზარმაზარ პასუხისმგებლობას და ამგვარ შემთხვევაში კაცი

ღმერთს ეკუთვნის და არა საკუთარ თავს. ასეთი ომი, ჭერაკლიტე ეფესელის თქმისა არ იყოს, „ყველაფრის ღმერთია“, ამგვარ არმიაში ერთნაირად ბათილდება სიტყვა სავალდებულო, იძულების ის უსიამოვნო განცდა, საბჭოთა არმიაში რომ სუფევს, დამპყრობლურ არმიათა საპირისპიროდ. ასეთია სამშობლოს დამცველთა არმიის მორალური უპირატესობა.

ზემოთქმულის შემდეგ ერთადერთი დასკვნა შეიძლება გამოვიტანოთ: რუსეთის პარტინორობას ვერ ვიწამებთ, სანამ სსრკ-ში შემაჯალ ეგრეთწოდებულ რესპუბლიკებს ეროვნული არმიების შექმნის უფლებას არ მისცემს. მანამდე იგი აშკარად დამპყრობლის როლში გვესახება. ხოლო ქართველ მშობლებს მოვუწოდებთ, აღიჭურვონ და იბრძოლონ, რათა მათმა შვილებმა სამხედრო სამსახური საქართველოში გაიარონ, ამასთან, ეროვნულ არმიაში, რადგან არსებულ პირობებში არმიაში სამსახურს ისევ ციხეში ჯდომა სჭობია.

*მერაბ კოსტავა
1989 წლის 10 აგვისტო*

თავისუფლება ენბურს!

(მერაბ კოსტავას სიტყვა, წარმოთქმული
მესტიის 1988 წლის სექტემბერში)

მეგობრებო, როგორც კი სვანეთში ჩამოვედი, მე გავიგე, რომ სადაც ახლა ხუდონშესი შენდება, იქ ყოფილა წარწერა: „ენგურო, ჩვენ რამდენიმეგზის უნდა დაგიმორჩილოთ შენ“. რამდენიმეგზის დამორჩილება ნიშნავს რამდენიმე ჰესის აგებას, ანუ ენგურის გვირბებში გატარებას, ენგურის კალაპოტის დაშრობას გარკვეულ რეგიონებში და ა.შ. მე ვიტყვოდი, რომ ეს ენგურის დამორჩილების სურვილი კი არ არის, არამედ ენგურის მოკვდინების სურვილია, მეგობრებო, ე.ი. უნდათ ენგური მოკლან. ენგურმა თუ ის კალაპოტი არ გაიარა, გესმით, ენგურზე თუ ისეთი ნაწარმოებები არ დაიწერა, როგორიც იყო „მთვარის მოტაცება“, „ალმაცგირ კიბულან“, ალმაცგირ კიბულან თავისი შვილის საშველად გაცურავს ენგურს და შევა ზღვაში, როდესაც ქართული ვაჟკაცობის ეს ემოცია გადმოიდგრება ქართულ ქმნილებაში, ამის განმაპირობებელი არის საქართველოს ბუნება და უპირველეს ყოვლისა, ენგური. და თუკი ენგურის მოღ-

იღებას ჩვენ ვერ ვნახავთ, თუკი ჩვენ ვერ ვიგრძნობთ იმას, რაც იგრძნო თარაშ ემხვარმა, როდესაც აღიღებული ენგურის გადალახვა სწადდა, თუკი ჩვენ მთელ ამ სილამაზეს, მშვენიერებას, რაც ჩვენ განგებამ გვიწილავდა, ვერ ვიგრძნობთ, მაშინ, რასაკვირველია, ვერც ერთი ჰესი, ვერც ერთი ენერგეტიკული საშუალება ვერ გაამართლებს იმას, რასაც ჩვენ ვკარგავთ. ჩვენ უნდა დავაკვირდეთ ბუნების ქმნილებებს და საერთოდ მთელ დედამიწას. ამერიკის მთელ კონტინენტზე ჩრდილოეთიდან სამხრეთისაკენ განლაგებულია ანდეზები და კორდილიერები, და ასევე ევროპასა და აზიაში მთიანეთი გასდევს ევროპიდან, ალპებიდან შიმალაიმდე. ეს ერთი ხაზია. გადმოდის კავკასიონზე, შუა აზიაში – ბამირი, ტიანშანი და გადადის სამხრეთისაკენ. ჩვენ ვხედავთ, რომ რაც უფრო ჩრდილოეთიდან სამხრეთისკენ მოდიან ეს მთები, მით უფრო მაღლდებიან. იმიტომ, რომ ზემოთ არის ზოლი მარადიული მყინვარებისა და მარადი თოვლისა, რომელიც განგებამ იმისთვის შექმნა, რომ კაცობრიობას ჰქონდეს ისეთი ფენომენი, როგორიც არის მდინარე, მდინარე – ეს არის ადამიანის ცხოვრების წყარო. უწინ ყველამ იცოდა, რომ თითოეულ მდინარეს ჰყავდა თავისი ღმერთი. ეს ძველმა ბერძნებმაც, ძველმა ინდოელებმაც იცოდნენ. დიდი კულტურები იქ შეიქმნა, სადაც დიდი მდინარეებია.

ეგვიპტელები აღმერთებდნენ თავიანთ ნილოსს, ასევე ინდოელები – თავიანთ ორ მდინარეს, ასევე შუამდინარეთში აღმერთებდნენ მდინარეებს და კულტურაც ჩრდილოეთიდან სამხრეთისაკენ გადადიოდა და სამხრეთიდან ჩრდილოეთისკენ... მიდოდა ზღვისაკენ... ეგვიპტის კულტურა დაიწყო ნილოსის შუა წელში, გადავიდა დელტაში. ასევე მოხდა ინდოეთში, შუამდინარეთში, ე.ი. მე რატომ ვლაპარაკობ ენგურზე. იგი დასავლეთ საქართველოს ერთ-ერთი უდიდესი მდინარეა, მთელი ამ რეგიონის მაცოცხლებელი და მასულდგმულელებელი და იგი ვერ უნდა დაიმორჩილოს ადამიანმა რამდენგზის კი არა და ერთგზისაც. და თვით სიტყვა დამორჩილება ბუნებისა, მეგობრებო, ეს არის ბოროტება და ეს არის მკრეხელობა...

დედავ ღვთისაო, ეს ძველანა შენი ხვედრია

საქართველოს საადგილმამულო, მოსახლეობის განსახლებისა და დახმარების ფონდი გათვალისწინებულია იმავე მიზნების აღსასრულებლად, რაიც თავს იღვა XIX საუკუნის მეორე ნახევარში დიდი ილიას მიერ დაარსებულმა სათავადაზნაურო ბანაკმა. როგორც

ერთი, ისე მეორე ორგანიზაციის მიზანი იყო და არის – ქვეყნის მძიმე დემოგრაფიული და ეკონომიკური კრიზისიდან გამოყვანა, ქრისტიანულ-საქველმოქმედო საქმეთა განხორციელება, ქვრივთა, ობოლთა, უპოვართა, ხეიბართა და მარტოხელა მოხუცთა მოკითხვა და მოვლა-პატრონობა ეროვნული ნიშნის მიუხედავად, ვინაიდან გაჭირვება და სიკვდილთან მიახლოება ნებისმიერი ერის შვილს ათანასწორებს.

თავის დროზე ფრანგმა უტოპისტმა სოციალისტმა სენ-სიმონმა შენიშნა, რომ როგორც პიროვნებას, ასევე სახელმწიფოს შეუძლია არსებობა პროდუქციის წარმოების ან კორუფციის გზით.

სსრ კავშირი დაადგა არა პროდუქციის წარმოების, არამედ სხვადასხვა ფორმით კორუფციის გზით არსებობას. მოქალაქეთა ხელფასები და პენსიები არ შეესაბამება საარსებო მინიმუმს, რაც სტიმულს არ აძლევს საზოგადოების განვითარებას. სსრ კავშირში შეძველებილი ყველა რესპუბლიკა და ეროვნება განიცდის მძიმე ეკონომიკურ და მორალურ კრიზისს. ყოველივე ამან გამოიწვია საზოგადოების ნაწილის გარყვნა. ზემდგომ ორგანოთა წარმომადგენლებს დაარქვეს კორუმპირებული ელემენტები, ხოლო მუშებსა და გლეხებს – „ნესუნი“. ახლად დაარსებული საზოგადოების ერთ-ერთი ძირითადი მიზანია შრომის სტიმულირების გზით საქართველო აქციოს პროდუქციის მწარმოებელ ქვეყნად, ხელი შეუწყოს ერის ეთიკურ-ზნეობრივ გაჯანსაღებას.

ცნობილი დანიელი მეცნიერის ჰანს სელიეს აზრით, ფული არ წარმოადგენს საბოლოო მიზანს, მაგრამ მასზე გადის, მისგან გამომდინარეობს და მისი მეშვეობითაა შესაძლებელი ეკონომიკური, სოციალური, ზნეობრივი და სხვა საკითხების გადაწყვეტა. აღნიშნულ ფონდში ფულადი სახსრების ჩარიცხვა ხელს შეუწყობს ზემოაღნიშნული პრობლემის მოგვარებას.

მოგიწოდებთ ცალკეულ პირებს, ორგანიზაციებს, დაწესებულებებსა და კოოპერატივებს, რომ თქვენი შესაძლებლობების ფარგლებში ყოველწლიურად გადაარიცხოთ ფულადი სახსრები საქართველოს საადგილმამულო, მოსახლეობის განსახლებისა და დანაშრების ფონდში.

მერაბ კოსტავა
12. 10. 1989 წ.

საკრავები, მუსიკოსები, გონიერება...

ვინც თვალს გადაავლებს საკრავიერი მუსიკის მდგომარეობას ჩვენში, მაშინვე შეამჩნევს პიანისტების სიჭარბეს სხვა ინსტრუმენტალისტებთან შედარებით. ერთი შეხედვით, ეს არც თუ ისე დიდი ხარვეზია მუსიკალური კულტურისა. ფორტეპიანო მეტად პოპულარული ინსტრუმენტია. მისთვის მრავალი გამოჩენილი კომპოზიტორი წერდა ჩინებულ ქმნილებებს, რომელთაც ასრულებდნენ გამოჩენილი და ამჟამადაც ასრულებენ შესანიშნავი პიანისტები. მაგრამ საქმის არსში მეტი ჩაღრმავება წარმოაჩენს იმ სერიოზულ საშიშროებას, რომელიც უთუოდ მოსდევს საფორტეპიანო მუსიკის გადაჭარბებულ პოპულარიზებას.

რა არის ფორტეპიანოს ასეთი პოპულარიზების მიზეზი და არის თუ არა იგი მართლაც სიმებიანი და სასულე საკრავებზე მნიშვნელოვანი?

ფორტეპიანოს პოპულარობის უმთავრესი მიზეზი ის არის, რომ ასათვისებლად შედარებით უფრო ადვილია. თუკი ბაღს აკვანთან უხეიროდ ნათქვამმა იავნანამ არ გაუმრუდა ყურთასმენა, ასე თუ ისე, იგი მოახერხებს დამახსოვრებული მოტივის ცალი თითით აწყობას, და ეს იმიტომ, რომ ფორტეპიანო ტემპერირებული საკრავია ყოველი კლავისის წინასწარ განსაზღვრული სიმაღლით. მისი აბგერება (მხედველობაში არა მაქვს უღერადობის ხარისხი) არ მოითხოვს სმენის რაიმე დაძაბვას. ხემიან და სასულე საკრავებზე სუფთა ბგერის ამოღება კი ამწყობის სმენას საჭიროებს. სწორედ ამიტომაც, რომ ფორტეპიანოს თავს აფარებს მრავალი უსმენო ადამიანი, რომელიც საერთოდ ვერ ისწავლიდა ხემიან და სასულე საკრავებზე დაკვრას, რადგან ისინი იმთავითვე სმენის მაღალ მონაცემს მოითხოვენ. ამიტომ სამწუხაროა ჩვენში მრავალი მშობლის არასერიოზული, ზერელე დამოკიდებულება თავიანთი შვილების ბედისადმი, როცა ისინი ყურად არ იღებენ საქმეში ჩახედული ადამიანების შეგონებას და ხემიანი, ან სასულე საკრავების ჯიუტად უარყოფენ, მაინც საფორტეპიანო განყოფილებაზე აბარებენ შვილებს. ეს ამბავი რამდენადმე ხელს უშლის მუსიკალური კულტურის სწორ განვითარებას ჩვენში.

სარეგისტრო სივრცის, ჰარმონიული და დინამიური შესაძლებლობების მიუხედავად, ფორტეპიანო ბევრად ჩამოუვარდება ცალკეულ ხემიან და სასულე საკრავებს, რადგან თითოეული მათგანის ტემბრი განუმეორებელ ცოცხალ ფერად წარმოგვიჩნდება, ხო-

ლო მათი სხვადასხვა საანსამბლო და საორკესტრო შეხამებანი კი ფერთა უსაზღვრო ოკეანეს აღმოაცენებს. საფორტეპიანო ხმოვანება ისევე ვერ შესწვდება საანსამბლო ან საორკესტრო ხმოვანებას, როგორც გრაფიკა ფერწერას, მშრალი აბსტრაქცია ხატოვან აზროვნებას, ან ღრუბლიანი, ნაცრისფერი დღე სინათლით აღვსილ მზიან დღეს. რანაირად წარმართებოდა მხატვრების საქმე, უმრავლესობა მხატვრობისა რომ გრაფიკოსობდეს მხოლოდ და უგულვებელ-ჰყოფდეს ფერწერას?

ამგვარი შედარებით ჩვენ როდი უარყოფთ ფორტეპიანოს მთელ რიგ ღირსებებს. განა გრაფიკა დასაძრახნი სფეროა მხატვრობისა? განა ფერმწერთათვისაც სავალდებულო არ არის მისი ფლობა? ასევე სავალდებულოა ფორტეპიანო ყველა განხრის მრავალი დიდოსტატი უპირატესობას ფერს ანიჭებდა ყოველთვის. რა უფრო ახარებს თვალს, ფანქარში შესრულებული მთლიანი პეიზაჟი, თუ რაიმე მონაკვეთი ფერწერული პეიზაჟისა, დავუშვათ მშვენიერი გამჭვირვალე ფერი ცისა? დაახლოებით ასეთივე დამოკიდებულებაა ფორტეპიანოსა და სხვა საკრავებს შორის და რაც უფრო სრულქმნილია საფორტეპიანო შესრულება, მით უფრო უახლოვდება მისი ხმოვანება საორკესტრო ტემბრებს; და მაინც, შეუძლებელია ფორტეპიანოზე თუნდაც ისეთი პასტორალური განწყობილების შექმნა, ხის სასულე საკრავებსა და ვალტორნებს რომ ხელეწიფებათ. მისთვის ასევე მიუღწეველია პიკოლოებისა და ფაგოტების საკრავში ან იუმორი, საყვირთა ან ტრომბონთა ნებელობა და ძალისხმევა, ხემიანთა ჯგუფის გულიდან ამომდინარე სითბო და ამაღლებული გრძნობები და ა.შ.

ეს ამბავი კარგად უნდა შეიგნონ მშობლებმა. ნიჭით კეკლუცობა და თავის მოწონება კი არა, არამედ დიდი მუსიკის სარბიელო-სათვის ფიქრია აქ უმთავრესი საზრუნავი. საუბედუროდ, მშობლებს როდი ემეტებათ თავიანთი შვილები ანსამბლებისა და ორკესტრების წევრებად. ძნელია იმასაც „დაელოდო“, სანამ ბავშვი სუფთა ბგერას ამოიღებს ხემიანი ან სასულე საკრავიდან, რაც გაცილებით იოლი მისაღწევია ფორტეპიანოზე.

ფორტეპიანოს კონსტრუირებაში სხვა ინსტრუმენტებზე მეტად ჩაერია ადამიანური განსჯა. ლითონის ჩარჩოზე გადაჭიმულ სიმთა სიგრძის თანდათანობით შემცირება, — რეგისტრს რომ ამაღლებს — აქ ფიზიკისა და მათემატიკის წინასწარგანსაზღვრულ კანონებს ექვემდებარება. ამგვარი ტემპერირებული საკრავის შექმნა კაცობიობის თავისებურებებმა განაპირობა. ტემპერაცია მუსიკაში ისეთივე აუცილებელი გახდა, როგორც ოდესღაც ძველებურ მხატ-

ვრობაში (აპოლოდორე ათენელი) სამგანზომილებიანობის შემოღება. ბერძნული არქიტექტურისა და სკულპტურის სივრცული ელემენტი ფერწერაში აღიბეჭდა. მხატვრობაში იშვა ინტერიერის შეგრძნება, სივრცეში საგანთა კონტურების მკაფიო გამოკვეთით და სიშორეზე დამოკიდებული პროპორციებით. დრომ მოიტანა და ასევე აუცილებელი გახდა მუსიკაში თორმეტი ტონის გამოკვეთა და დასაზღვრა, ანუ ტემპერირება. ეს პროცესი თანდათანობით მზადდებოდა და საბოლოოდ მკაცრი სტილის პოლიფონიის აღმავლობისას დაგვირგვინდა. კლავისინი და ფორტეპიანოც ხომ ამავე პროცესის პირმშონი არიან. კლავიატურის აგებულება უდავოდ მეტყველებს ბგერათა დასაზღვრაში მხედველობის ფუნქციის გაზრდილ როლზე. ადამიანი აღარ ენდობა საკუთარ სმენას (ასევე აღარ ენდო იგი ოდესღაც თავის მენსიერებას, როდესაც პირველად ჩასწერა საკრალური წიგნები: ბიბლია, მანუს კანონები, ილიადა და ოდისეა და სხვა, მანამდე ზეპირად რომ გადადიოდნენ თაობიდან თაობაზე), ან არ სურს სმენის დაძაბვით ზედმეტად თავის შეწუხება. იგი ეძებს კომფორტს და განსჯითი აზროვნების ჩარევით იგონებს ფორტეპიანოს. სწორედ ამ თვალსაზრისიდან გამომდინარე უწოდა ამ ინსტრუმენტს მეოცე საუკუნის გამოჩენილმა მოაზროვნემ და ესთეტიმა რუდოლფ შტაინერმა საკრავთა შორის ყველაზე ფილისტერული ინსტრუმენტი.

ხოლო რაც შეეხება ხემიან და სასულე საკრავებს, ისინი განსჯაზე უფრო ადამიანის ნათელხილვითმა ინტუიციამ და ხატოვანმა აზროვნებამ ჩამოაშენა. ხემიან საკრავზე რეგისტრის ასამაღლებლად კონსტრუქტორის ნაცვლად შემსრულებლის მარცხენა ხელი ამცირებს დაკვრის პროცესში სიმების სიგრძეს. ბგერათა მიღება და დასაზღვრა, როგორც ადრე აღვნიშნეთ, შემსრულებლის სმენით, მისი კერძო ინიციატივით წარმოებს. ამგვარი აქტიურობა უფრო ბუნებრივია, რადგან ადამიანიც ხომ თავისი სმენის მეოხებით პოულობს სიმღერის დროს ბგერათა სიმაღლეს. ადამიანი კი თავადაა შემოქმედის სუნთქვით განმსჭვალული ბუნების გვირგვინი და უსრულქმნილესი ინსტრუმენტი.

ასე რომ, პიანისტების საპირისპიროდ ვოკალისტები, ხემიანი და სასულე საკრავების სპეციალისტები, თვით არიან მუსიკის ტემპერატორები. ისინი თავად გამოაწყოფენ დაუნაწევრებელი ხმოვანების ქაოსიდან ბგერათა კოსმოსს, ვითარცა შვიდი ცდომილისა და თორმეტი ზოლიაქოს ურთიერთქმედებათ მიკროკოსმიურ ანარეკლს (გამმის შვიდი საფეხური და თორმეტი ნახევარტონი). მათი გზა სმენიდან ბგერისაკენ მიემართება, პიანისტებისა კი პირუკუ (განსაკუთრებით პირველ ხანებში), ბგერიდან სმენისკენ. ამრიგად, ხემიან და

სასულე საკრავთა ბგერების წარმოებაში კოსმოსურ ურთიერთობათა უფრო კრეაციონისტული პრინციპი ირეკლება, ფორტეპიანოსთან მიმართებაში კი უფრო მექანიკური, – პირველ შემთხვევაში თავისუფლება, ხოლო მეორეში აუცილებლობა.

ხემიან და სასულე საკრავთა „ადამიან-ინსტრუმენტიდან“ წარმომავლობა სხვა ფაქტორებითაც მტკიცდება. მაგალითად, პირველთაგან ვიოლინო ადამიანის მაღალი ხმის, სოპრანოს დიაპაზონს შეესაბამებოდა და მარტოოდენ სამი პოზიციით შემოიფარგლებოდა. დანარჩენი პოზიციები მხოლოდ შემდგომ იქნა ათვისებული. იგივე ითქმის სხვა ინსტრუმენტებზეც; უფრო მეტიც, ხემიანი საკრავები თავიანთი ფორმითა და შინაარსით ადამიანის, ვითარცა მიკროკოსმოსის ქეშმარიტ ხატს, ანუ იმაგინაციას წარმოადგენს. მათი ხატოვანი კორპუსები ადამიანის ტანის ასოციაციას ჰბადებენ კიდურების გარეშე; მათი მრავალნაკვთიანი ფორმები მხატვრის მიერ ჩამოქნილს ჰგვანან უფრო, ვიდრე კონსტრუქტორის განსჯითი აზროვნების ნამოქმედარს. ხემიან საკრავთა თავი კი, სიმთა სამაგრი მოქლონებით, თავისებური სიმბოლოა ადამიანის აზროვნებისა, რომელიც თავად არის სამაგრი და მარეგულირებელი გრძნობათა და ლტოლვათა ქაოსისა...

ზემოხსენებულ საკრავთა დაპირისპირებას მეტს აღარ გავაგრძელებთ, რადგან ჩვენი მიზანია არა აგიტაცია, არამედ თავისუფლების პრინციპის დაცვა, რაც მხოლოდ ცნობიერებაზე ცნობიერებით ზემოქმედებაში გამოიხატება. ადამიანის ყოველი მოქმედება საჭიროებამ და გარემოს მოთხოვნილებამ უნდა განაპირობოს. სხვა არა იყოს რა, ჩვენს მუსიკალურ კულტურას დღეს ინსტრუმენტალისტები უფრო სჭირდება, ვიდრე პიანისტები. ნებისმიერ ორკესტრს ან ანსამბლს ერთი ფორტეპიანოც ეყოფა (ზოგჯერ ისიც არ არის საჭირო. აქ მხედველობაში არა გვაქვს სპეციალური შემთხვევები), მაშინ, როდესაც ფართო მოთხოვნილების მიუხედავად, ინსტრუმენტალისტების აშკარა სიმცირე იგრძნობა მუდამ. როგორც ზემოთ აღვნიშნეთ, ეს იმიტომ ხდება, რომ ჩვენში საგრძნობლად დარღვეულია ბალანსი პიანისტებსა და სხვა მესაკრავთა შორის, რაც უარყოფითად მოქმედებს ჩვენი ორკესტრების და ამასთან, მთელი მუსიკალური ცხოვრების დონეზე.

ჩვენში ერთბაშე საშუროა შეიქმნას რამოდენიმე სპეციალური საინსტრუმენტო-სამუსიკო სკოლა, სადაც განსაკუთრებით ნიჭიერი ბავშვები ორ ან სამ ინსტრუმენტს ათვისებენ. მათთვის აუცილებელი უნდა იყოს თითო ხემიანი და სასულე საკრავის ფლობა და ამასთან ფორტეპიანოსი, როგორც სავალდებულო საკრავისა. თვით

მიზანს მარტოოდენ ვირტუოზ-შემსრულებელთა მომზადება კი არ უნდა წარმოადგენდეს, არამედ კომპოზიტორების, დირიჟორების, ანსამბლებისა და ორკესტრის სრულფასოვანი წევრების აღზრდაც. გათვალისწინებული უნდა იქნას წარსულის პრაქტიკა. უმეტეს შემთხვევაში მსოფლიოს უდიდესი კომპოზიტორები ხომ რამდენიმე საკრავს ფლობდნენ (ჰენდელი, ბახი, ჰაიდნი, მოცარტი, შუბერტი, სიბელიუსი და ა.შ.). ამიტომ აღზრდის პროცესში, იდეალურად მათი გზა უნდა დავისახოთ, ბავშვი თავიდანვე უნდა ჩასწვდეს ტემბრთა მრავალფეროვნების იმ საიდუმლოებას, ხემიან და სასულე საკრავებს რომ გააჩნიათ. მან სიმფონიური მუსიკის ხმოვანება უნდა გაიშინაგანოს. ჩვენში ერთი-ც რომ იშვას ისეთი მუსიკოსი, რომელიც ერთდროულად გენიალური კომპოზიტორი და დირიჟორი იქნება, ჩვენი მუსიკალური კულტურის დონე წარმოუდგენლად გაიზრდება (ასეთი უნივერსალურები იყვნენ თავის დროზე რ. ვაგნერი, ჰ. ბერლიოზი, რ. შტრაუსი, გ. მალლერი, ი. სტრავინსკი). ყოველივე ამისათვის კი აუცილებელია აღმზრდელობითი პროცესის იმგვარად წარმართვა, ხელს რომ შეუწყობს ქვეცნობიერების წიაღში შთამალული ნიჭის სწორ აღმოცენებას.

კარგი ინსტრუმენტალისტების აღსაზრდელად ერთი მეტად საყურადღებო გარემოება უნდა იქნას გათვალისწინებული: მაღალმონაცემებიანი მოსწავლეები ხშირად ზიანდებიან სკოლებსა და სასწავლებლებში არამალაკვალიფიციური პედაგოგების მეოხებით. ასე რომ, კონსერვატორიაში უკვე კარგ პედაგოგებს უჭირთ ხოლმე მათ მუშაობაში ადრე დაშვებული ხარვეზების გამოსწორება. საშუალოა იმგვარად განაწილდეს მაღალკვალიფიციური პედაგოგების განაკვეთი, რომ მათ მიეცეთ ერთდროული მუშაობის შესაძლებლობა, როგორც კონსერვატორიაში, ასევე მუსიკალურ ათწლეულებში, რათა თავიდანვე სწორად წარმართონ მოსწავლეების აღზრდა, ხოლო კონსერვატორიაში ჩარტიცხვის შემდეგ თავისსავე ჯგუფში დატოვონ ისინი. ამ საკითხით უნდა დაინტერესდნენ, როგორც სასწავლო დაწესებულებათა ადმინისტრაციები, ასევე ზემდგომი კულტურულ-ადმინისტრაციული დაწესებულებანი. კადრთა განაწილების უფალნი და კულტურის მესვეურნი თავად უნდა იცნობდნენ თითოეული პედაგოგისა თუ ხელოვანის შესაძლებლობას, რათა სათანადო ადგილი მიაგონ მათ ცხოვრებაში. ნიჭიერ ხელოვანთა ბედი მათ ღვიძლ საქმედ უნდა იქცეს, მხოლოდ ამგვარად თუ შეიძლება დაჩქარდეს ჩვენში საკრავიერი მუსიკის განვითარება, რაც ხელს შეუწყობს სიმფონიური ორკესტრებისა და ანსამბლთა საშემსრულებლო დონის ამაღლებას.

ნებისმიერი განათლებული კაცისთვის აშკარაა, რომ კარგი საოპერო თეატრისა და სიმფონიური ორკესტრის გარეშე ქვეყნის სულიერი ცხოვრება ვერ ეზიარება სანუკვარ მწვერვალებს. ამისათვის აუცილებელი მაღალი კვალიფიკაცია კი მართლოდენ სასწავლო დაწესებულებებზე როდია დამოკიდებული. არსებობენ სხვა საჭირობოროტო საკითხები, რომელთა გადაუჭრელად შეუძლებელია სასურველი შედეგის მიღწევა. უპირველეს ყოვლისა, საშუროა მუსიკოსთა ყურადღება მართლოდენ ერთ საქმეზე იყოს კონცენტრირებული. სიმფონიური ორკესტრისა და საოპერო თეატრის მუსიკოსები ერთი სამსახურით უნდა შემოიფარგლონ. ექვსსაათიანი რეპეტიციები, კონცერტები, ან ყოველდღიური სპექტაკლები განა მცირე ჯაფას მოითხოვს მათგან? ფიზიკურთან ერთად ისინი ხომ უზარმაზარ სულიერ ენერგიას ხარჯავენ. ამიტომ სამართლიანი და აუცილებელია სიმფონიური ორკესტრისა და საოპერო თეატრის უმაღლეს კატეგორიაზე გადაყვანა. ხელფასის გადიდება მათ ხელს ააღებინებს დამატებითი სამსახურის ძებნაზე. ერთი გეზით წარმართული ენერგია კი საშემსრულებლო ხარისხსაც სრულმყოფს.

ხელოვანი არც უპოვარი უნდა იყოს და არც თუ ძალზე მდიდარი, — პლატონის ეს ყველა დროისათვის ვარგისი აზრი შემდეგ გოეთემაც გაიმეორა ერთ-ერთ კონკრეტულ შემთხვევასთან დაკავშირებით. ზედმეტი სიმდიდრე მართლაც ამძიმებს და აზარმაცებს ხელოვანს, რამდენადმე აღუნებს მის სულიერ ენერგიას, ხოლო სიღარიბე კი უსპობს ხელოვნებისათვის აუცილებელი საგნების შეძენის შესაძლებლობას და, ლუკმა-პურისათვის საშოვარზე გასულს, ართმევს სრულქმნისათვის აუცილებელ დროს. ასე, რომ უმთავრესად ეკონომიურ სფეროში ზომიერებაა ხელოვნებისათვის ხელსაყრელი. ამგვარად ზომიერებად მიგვაჩნია სიმფონიური ორკესტრისა და საოპერო თეატრის წევრთათვის ისეთი პირობების შექმნა, რომ უკვე მათ აღარ ეძებონ დამატებითი სამსახური. მხოლოდ ამის შემდეგ წარმოიშვება მორალური უფლება თითოეული მათგანისათვის უმკაცრესი მოთხოვნის წაყენებისა. ყოველი კონცერტი დღესასწაულს უნდა წარმოადგენდეს შემსრულებელთათვის და არა მოვალეობის მოხდას. ასეთ დღეებში დადლილნი რად უნდა მოდიოდნენ ისინი სხვა სამსახურიდან? ამ პრობლემის გადაუჭრელად ვერა და ვერ ეზიარება ჩვენი საოპერო თეატრი და სიმფონიური ორკესტრი უმაღლეს საშემსრულებლო მწვერვალებს: დროებითი და ეპიზოდური წარმატებანი ფონს ვერ გაგვიყვანს. აქ გაბედული პრაქტიკული ღონისძიებაა ყველანაირ საუბარზე უმთავრესი. ნებისმიერ რესპუბლიკას უნდა შეეძლოს ერთი სიმფონიური ორკესტრისა და საო-

ბერო თეატრის სრული უზრუნველყოფა. ნუ დაგვავიწყდება, რომ ჯერ კიდევ XVII-XVIII საუკუნეებში მართო ვენეციაში შვიდამდე საოპერო თეატრი იყო, ხოლო გასულ საუკუნეებში გერმანიის ნებისმიერ პროვინციულ ქალაქს გააჩნდა საკუთარი სიმფონიური ორკესტრი. ჩვენი ეროვნული კულტურის ამ ორ კერას მეტი ელვარება უნდა შევსძინოთ, რადგან საზღვარგარეთელ გასტროლიორებს ნიჟა დაგ გააქვთ უცხოეთში ამ კოლექტივთა მხატვრული დონის ამბავი. განსაკუთრებით სავალალოა მდგომარეობა ოპერის გუნდში, რადგან ფინანსური მოუწესრიგებლობის გამო მედასენი ხშირად დაუნანებლად სტოვებენ ხოლმე სამსახურს. სამწუხაროა, რომ საგუნდო ტრადიციათა ისეთ ქვეყანაში, როგორც საქართველოა, დღემდე არ მოიპოვება სპეციალური საგუნდო სკოლა, რომელიც მაღალკვალიფიციურ კადრებს მიაწვდის კაპელასა და საოპერო თეატრის გუნდს. მდგომარეობას ისიც აშუქებს, რომ სახელმწიფო კონსერვატორიაში ერთ-ერთ პირველ ადგილზე არ დგას სოლფეჯიოს სწავლება.

მთელი რიგი საჭირობოროტო საკითხების გადასაჭრელად საჭიროა კულტურის სამინისტროსა და საკომპოზიტორო კავშირის ერთსულოვანი, კოორდინირებული მოქმედება. განა კომპოზიტორებისათვის აუცილებელ ბაზისს არ წარმოადგენს საშემსრულებლო კოლექტივები? დრამატურგივით რატომ არ უნდა ფიქრობდეს წინასწარ კომპოზიტორი, თუ როგორი დასისათვის ან შემსრულებლისათვის წერს ნაწარმოებს? საშემსრულებლო კოლექტივები რამდენადმე განაპირობებენ კიდევ სხვადასხვა ჟანრის ნაწარმოებთა შექმნას. ასე ჩაუყარა პირველი ქართული სიმებიანი კვარტეტის ჩამოყალიბებამ საფუძველი საკვარტეტო მუსიკის აღმოცენებას ჩვენში, ხოლო ახალმა კამერულმა ორკესტრმა კი ამ ჟანრისადმი მრავალი კომპოზიტორი შემოქმედებითად განაწყო. კომპოზიტორებს უნდა ხელს აძლევდეთ არსებულ კოლექტივთა დონის ამაღლებაც და ახალი დასების შექმნაც. განსაკუთრებით ეს კამერულ-ინსტრუმენტულ ანსამბლებს შეეხება. კომპოზიტორთა კავშირთან უნდა არსებობდეს ისეთი ქმედითი და საშემსრულებლო კოლექტივი, რომელიც ნებისმიერი კამერული ჟანრის (ტრიოდან - ნონეტამდე) ნაწარმოებს შეასრულებს (ასეთი ელასტიური კოლექტივი ყველაზე მეტად სწორედ რომ კომპოზიტორთა კავშირს სჭირდება). დროა საკონცერტო ცხოვრებაშიც შეივსოს ამ სფეროში არსებული სიცარიელე. ქართველი მსმენელი (ვიწრო სპეციალისტების გარდა) ცუდად იცნობს კამერულ-ინსტრუმენტულ მუსიკის უზარმაზარ მემკვიდრეობას. მაგალითად, ჩვენში თვით ბეთშოვენის კვარტეტების დიდი უმრავლესობაც კი არ შესრულებულა დღემდე, მაშინ, როდესაც ყოველდღი-

ურად ჟღერს მისი საფორტეპიანო სონატები. ესეც თვალსაჩინო შედეგია ბალანსის დარღვევისა პიანისტებსა და სხვა ინსტრუმენტალისტებს შორის. კამერული მუსიკის უდიდეს მემკვიდრეობას ერთი ან ორი ინსტრუმენტული ანსამბლი ვერ მოერგვა. ამისათვის საჭიროა რამდენიმე კვარტეტი, ტრიო და ა.შ. ილუზია ხომ არ იქნება იმის გაფიქრება, რომ ჩვენი ფილარმონია ანსამბლების დიდ რაოდენობას შეინახავს როდესმე?

მუსიკალური კულტურის უმაღლეს მწვერვალებზე მხოლოდ მაშინ შეიძლება საუბარი, როდესაც საანსამბლო მუსიკა საფორტეპიანო მუსიკაზე ხშირად იუღერებს.

არ შეიძლება თქმა იმისა, თითქოს ინსტრუმენტული მუსიკის აღორძინებისათვის ჩვენში არაფერი გაკეთებულა ამ უკანასკნელ წლებში. მარტოოდენ კამერული ორკესტრისა და ახალი კვარტეტის შექმნა რად ღირს?

უდავოდ ახალი ეტაპია ქართული კამერული მუსიკის ისტორიაში რეორგანიზებული ძველი კვარტეტის ნაცვლად ახალი კვარტეტის ჩამოყალიბება. ეს არის მალაპროფესიონალური ანსამბლი (კ. ვარდელი, თ. ბათიაშვილი, ნ. ყვანია, ო. ჩუბინაშვილი), რომელმაც ბუდაპეშტის საერთაშორისო კონკურსზე ევროპული მასშტაბის აღიარება მოიპოვა.

კვარტეტის მიერ თბილისში ჩატარებულმა კონცერტებმა ცხადყვეს, რომ მის წევრებს თანაბრად ხელეწიფებათ როგორც გარდასული დროის, ასევე თანამედროვე კომპოზიტორთა ურთულესი ქმნილებების საუცხოოდ შესრულება. მათი პერსპექტიულობა ეჭვს არ იწვევს. ვიმედოვნებთ მრავალი ისეთი ნაწარმოების მოსმენას ცოცხალი შესრულებით, როგორც ჯერ არ ღირსებია ჩვენს ესტრადას. ხაზგასმით უნდა აღვნიშნოთ კვარტეტის მხატვრული ხელმძღვანელის გიორგი ბარნაბიშვილის დამსახურება, — სახელდობრ, მისი მოქალაქეობრივი პათოსით აღბეჭდილი მოქმედება. მას განდიდების მანია როდი ამოძრავებდა, არამედ ხელოვნების მაღალი ინტერესები, როდესაც საგანგებოდ მოიწვია მოსკოვიდან ბოროდინის სახელობის კვარტეტის პირველი მევიოლინე, ჩინებული მუსიკოსი როსტისლავ დუბინსკი, რომლის კონსულტაციებმა საგრძნობლად ასწია ჩვენი კვარტეტის პროფესიული დონე.

მხოლოდ საკუთარი ეგოიზმისა და ვიწრო-ეროვნული, პრიმიტიული გაგებების დაძლევით თუ შეიძლება თვისტომთათვის მეტი სარგებლობის მოტანა; მაგრამ ზოგიერთები ამგვარად როდი ფიქრობენ. ამისათვის ქვემოთ გვექნება საუბარი კამერულ ორკესტრთან დაკავშირებით. ამჟერად კი გვსურს თავად ამ ორკესტრის მდგომარეობაზე

რეობაზე შევჩერდეთ, რომელიც ამას წინათ დაშლის პირას იყო მისული ხელმძღვანელისა და ორკესტრის წევრთა შორის გამოწვეული უთანხმოების გამო. ამ ინციდენტს მესაკრავეთა უნიათობას ვერ მივაწერთ, რადგან ორკესტრი რომ ჩინებულად უკრავს, ამაში მრავალნი დაწმუნდნენ ქართველ კომპოზიტორთა პლენუმზე. დეტალებში არ ჩავლრმავდებით (ამას მთელი სიმკაცრითა და გულმოდგინებით მხოლოდ მაშინ მოვიმოქმედებთ, მოსალოდნელი კატასტროფის გამომწვევი მიზეზი თუ არ დაცხრება), იმას კი აღვნიშნავთ, რომ ორკესტრის დაშლა დიდი უპასუხისმგებლობა და დანაშაული იქნებოდა ქართული კულტურის წინაშე. იგი ზომ წლების განმავლობაში შედუღაბდა (ჩამოყალიბდა 1963 წ.) და მრავალი სასიამოვნო წუთი განაცდევინა ჩვენს მსმენელს. მსგავსი ორკესტრის ხელმეორედ ჩამოყალიბებას კვლავ წლები დასჭირდება, რადგან ასეთია მუსიკალური ანსამბლის სპეციფიკა. მხოლოდ სმენასთან შეჭერებული გრძნობების ხანგრძლივი ურთიერთშეგუებლობით აღმოცენდება ის იღუმალის ინტიმი, ერთ დიდ შარავანდედად რომ შეჭკრავს ცალკეულ წევრთა ინდივიდუალურ ფერებს. ანსამბლებისა და კამერული ორკესტრების უპირატესობაც ისაა, რომ მისი წევრები რამდენადმე სოლისტის ღირსებასაც არ ჰკარგავენ და არც საერთო მასაში ითქვიფებიან იმდენად, რომ დაკვირვებულმა მსმენელმა თითოეულის ყადრი ვერ გამოიწვლილოს. სანიმუშო უნისონის შექმნა ინდივიდუალობის დაუკარგავად – აი რამდენადმე ბარადოქსული ელემენტი სრულქმნილი ანსამბლისა, რომლის ერთიანი, დაწმენდილი შარავანდედის შეკვრას წლები და თავგადადებული, თითოეული ხმიერი ფერის ფანატიკურად მოტრფიალე ხელმძღვანელი სჭირდება.

კამერული ორკესტრის რეორგანიზება მთლიანად მოშლიდა მუსიკალური კულტურის მნიშვნელოვან უბანს, მით უმეტეს, რომ ამ ბოლო ხანებში მთელს მსოფლიოში გაიზარდა კამერული მუსიკის მოთხოვნილება (განსაკუთრებით გარდასულ დროთა შემკვიდრებობისა), რაც ალბათ თანამედროვე სიმფონიური ორკესტრების გრანდიოზულმა შემადგენლობამ და ხმოვანებამ განაპირობა, განსაკუთრებით კი რიტმული ჩონჩხის გაშიშვლებასთან დაკავშირებულმა ერთგვარმა ჰეგემონიამ დასარტყამი ინსტრუმენტებისა. სმენას არანაკლებ ესათნობა მშვიდი, უეჭსცესო და დაწმენდილი ემოციების სამყარო, ბავშვური სიხალისე და უმწიკვლოება. ეს განცდა საარქივო მასალისადმი დამოკიდებულებას როდი ჩამოშტავს. დიდ მდინარეთა მღვრიე ტალღები როდი ავიწყებენ ადამიანებს სათავეებთან ანკარა წყაროების არსებობას.

მუსიკა კამერული ორკესტრისათვის უმთავრესად გვიანდელი რენესანსის სულიერ იმპულსებზე აღმოცენდა. რენესანსის ეპოქაში საბოლოოდ შეერწყნენ ურთიერთს პალესტინური და ბერძნულ-რომაული ნაკადები. ასე როდი იყო პირველ საუკუნეებში. ჭერ იყო და რომის ხელისუფალნი დევნიდნენ პალესტინიდან შემოსულ ქრისტიანობას, შემდგომში უკვე სახელმწიფო რელიგიად გამოცხადებულმა ქრისტიანობამ შეუტია წარმართულ სიბრძნესა და კულტებს და იავარჰყო კიდევ ელინური ტაძრები და ხელოვნების ძვირფასი ნიმუშები. მხოლოდ რენესანსის ეპოქაში განმსჭვალა საბოლოოდ ბიბლიურმა სიუჟეტმა ბერძნული ფილოსოფია და ხელოვნების დგთაებრივი ფორმები. მუსიკალური ქმნილებებიც ამ ორი ძირეული იმპულსის ზეგავლენით იქმნებოდა იტალიაში. კამერული ორკესტრები გააჩნდათ როგორც ეკლესიებში, ასევე ანტიური კულტურის მოტარფიალე პატრიციებსაც. ერთი და იგივე კომპოზიტორები ქმნიდნენ როგორც საეკლესიო, ასევე საერო კონჩერტო გროსსოებს. თითქმის ბეთშოვენამდე მუსიკა ისეთივე მიმართებაში იყო მშვენიერებისადმი, ლესინგის თქმისა არ იყოს, ბერძენ სკულპტორებს რომ გააჩნდათ; ისინი ხომ თვით შემაზრზენ სიუჟეტებშიც კი არ ჰკარგავდნენ ზომიერებასა და სრულქმნილი ჰამონიის გრძობას. ამ მშვენიერებისა და კეთილშობილების ელფერიით არის აღბეჭდილი კამერული ორკესტრისათვის დაწერილი ნაწარმოებების უმრავლესობა. კამერული ორკესტრის პრაქტიკის ამოკვეთა მუსიკალური ცხოვრებიდან ნიშნავს საერთოდ უარი სთქვა ვივალდის, კორელის, ჰენდელის, ბახის, ჰაიდნის, მოცარტისა და სხვა კომპოზიტორთა მთელი რიგი ნაწარმოებების მოსმენაზე. ამიტომაც გონივრული იქნებოდა საუკეთესო სამუშაო პირობების შექმნა ქართული კამერული ორკესტრისათვის.

ერთი პერიოდი საქართველოს კამერულ ორკესტრს ჰქონდა უდირიჟორობის ხანა. იმჟამად ორკესტრის წევრებმა შემოქმედებითი კონტაქტი დაამყარეს ჩინებულ მოსკოველ მუსიკოსთან ლეო მარკიზთან. მარკიზი იყო ნიჟიერი ინსტრუმენტალისტი და მოსკოვის კამერული ორკესტრის კონცერტმანისტერი, რომელსაც ანსამბლის მკაფიო შეგარძნებამ საშუალება მისცა ბრწყინვალე დირიჟორი გამხდარიყო. იგი ხემიან საკრავთა ჯგუფის ერთ-ერთი უბადლო ოსტატთაგანია. ეს ჯგუფი კი თვით დიდი ორკესტრის სული და გულია.

საერთოდ, მიზანშეწონილია კამერული ორკესტრის ხელმძღვანელი რომელიმე ხემიანი საკრავის სპეციალისტი იყოს, მაგრამ სოლისტობიდან დირიჟორობისაკენ მიმავალ გზაზე მან პროფესიული თავისებურებებისა და საკუთარი ხასიათის გარკვეული

გარდასახვა უნდა მოახდინოს. სოლისტი „ეგოისტური“ საშემსრულებლო აზროვნების დაუთმობლად ვერ გახდება კარგი დირიჟორი. იმთავითვე მან „კეისრობას“ „რესპუბლიკელობა“ უნდა ამჭობინოს და საანსამბლო აზროვნების სპეციფიკას შეეთვისოს. კარგი მხედართმთავარივით, მან ჭარისკაცის გზაც არ უნდა ითაკილოს მუსიკაში; მხოლოდ ამის შემდეგ თუ გაუწევს იგი ორკესტრს ნამდვილ მწყემსობას, არა ერთი მბრძანებლისა და დანარჩენთა მონობის, არამედ ერთი მწყემსისა და ერთი ფარის პრინციპიდან გამომდინარე, სადაც მწყემსი როდი ფიქრობს დაუნანებლად გაჭვანტოს თავისი სამწყსო და სანაცვლოდ ახალი შემოიკრიბოს, არამედ მზად არის მთელი დრო და ენერჯია არსებული სრულყოფას შეაღიოს. ასე, რომ საანსამბლო აზროვნების სპეციფიკა სოციალური ჭარმონის წარმომშობ ეთნოსსაც გულისხმობს. და თუ დირიჟორი საანსამბლო აზროვნებისა და განწყობის თანაარსი იერარქიის გრძნობას გაიშინაგანებს, ღრმად დარწმუნდება, რომ კამერული ორკესტრის ხელმძღვანელი სხვა საქმით აღარ უნდა იყოს დაკავებული და რომ ყველანაირი შავი სამუშაო ორკესტრში მისი მკაცრი კონტროლის ქვეშ უნდა ტარდებოდეს. წინააღმდეგ შემთხვევაში ორკესტრის წევრები გერებად იქცევიან მისთვის და მასაც აღარ ექნება პრეტენზიათა წამოყენების მორალური უფლება. დირიჟორმა ერთხელ და სამუდამოდ უნდა განიშოროს „კასტური ქედმაღლობა“ ორკესტრის წევრებისადმი.

დირიჟორისათვის აუცილებელი პროფესიული და მოქალაქეობრივი თვისებების გამო შეიყვარეს ლეო მარკიზი თბილისის კამერული ორკესტრის წევრებმა. მათი თხოვნით იგი ხშირად ჩამოდიოდა თბილისში და თავისი კონსულტაციებით მალლა სწევდა ორკესტრის მხატვრულ დონეს. მის მიერ მომზადებული რეპერტუარი ამჟამადაც ორკესტრის ძირეულ სარეპერტუარო ბაზისს წარმოადგენს.

საუბედუროდ, სხვადასხვა მიზეზების გამო ამჟერად შეწყვეტილია ეს შემოქმედებითი კონტრაქტი. ორკესტრის წევრთა უმთავრესი სატიკვარიც სწორედ ეს არის. მათ კარგად ახსოვთ ამ ჩინებულ მუსიკოსთან ჩატარებული მუშაობის ბედნიერი წუთები და მის განახლებაზე დიანაც ოცნებობენ. მარკიზი ამჟამადაც მზად არის იქონიოს ორკესტრთან ამგვარი კონტრაქტი, ასე, რომ იგი არც ეკონომიურ საზღაურს გამოეღოს და არც სახელისათვის ზრუნავს. ამ თავისუფალ ინიციატივას მხოლოდ კოლევიალობის გრძნობა და ხელოვნების ჭეშმარიტი სიყვარული უდევს საფუძვლად.

მესაკრავეთა შრომითა და ინიციატივით შექმნილი ორკესტრის დაშლაზე კი არ უნდა ვფიქრობდეთ, არამედ იმაზე, თუ როდისთვის, ან როგორ შევძლებთ მომავალში ასეთივე ორკესტრების ჩამოყალიბებას საქართველოს რაიონულ ცენტრებში, განსაკუთრებით იმ ქალაქებში, სადაც მუსიკალური სასწავლებლებია. ისე კი, რად გვინდა სასწავლებლები, თუკი პრაქტიკულად არ იყდებიან მუსიკა მთელი მოსახლეობისათვის!

მერაბ კოსტავა

ქართული ხალხური სიმღერებისა და საგალობლების საყოველთაო სწავლებისათვის...

მშვენიერების შეგრძნებას, ამ შეგრძნების ჩამოყალიბებასა და დამკვიდრებას ადამიანებში მხოლოდ მშვენიერი საგნები და მაგალითები იწვევენო, ამბობდა დიდი გოეთე. მშვენიერია ჩვენი ხალხური სიმღერები და საგალობლები, ის უზარმაზარი მასალა, მეცხრამეტე საუკუნიდან მოყოლებული დიდი რუდუნებით რომ შეკრიბეს და ნოტებზე გადაიღეს ქართული მუსიკის მესვეურებმა. მაგრამ, სამწუხაროდ, ჩვენს კონსერვატორიასა და მუსიკალურ სასწავლებლებსა და სკოლებში ჯერაც არ არის შემოღებული ქართული სიმღერებისა და საგალობლების სავალდებულო საყოველთაო პრაქტიკული სწავლება. ასე რომ ამჟამად ქართული სიმღერებისა და საგალობლების პრაქტიკული შესწავლა თითქმის მარტოოდენ სახელმწიფო და თვითმოქმედ ანსამბლებში ხდება, ხოლო სპეცსასწავლებლებში თეორიული გამოკვლევების საგანს წარმოადგენს.

საქართველო რომ უძველესი მუსიკალური კულტურის ქვეყანაა, დღესავით ნათელია იმათთვის, ვისაც სმენად ყურნი ასხია და მშვენიერების მიუკერძოებელი შეფასება ძალუძს. მონოდიური მუსიკის გარემოცვაში აღმოცენებული მისი საგუნდო მრავალხმიანობა ლოკალურ წარმოშობასა და მიმდებარე ქვეყნების ზეგავლენისაგან ხელშეუხებლობაზე მიგვანიშნებს. მართლაც, ერთხმიანი იყო არა მარტო მუსლიმანი მეზობლების, არამედ თვით ქრისტიანული პა-

ლესტიანის, სირიისა და ბიზანტიის საგალობლები და სიმღერები. ამიტომაც არის ესოდენ განსაცვიფრებელი ქართული მუსიკის ორგინალობა. ქართული მუსიკალური ენის თვითმყოფადობა და მისი მრავალმნიანობის წარმოშობა არანაკლებ იდუმალია, ვიდრე იოანე ზოსიმეს მიერ მინიშნებული ის საიდუმლოება, ქართული ენის წიაღში რომ არის დამარხული. ორთავე ისინი ერის სულის ერთიანი მეტყველი ენის სხვადასხვა გამოვლინებაა. მხოლოდ ჩვენს დაუდევრობას უნდა მიეწეროს, თუ არ წარმოვჩინებთ და ჩვენს კულტურულ ყოფაში შესაფერის ადგილს არ მივუჩინებთ ყოველივე ღირსეულსა და მაღალმხატვრულს, რაც კი ოდესმე შექმნილა, ან იქმნება ჩვენს ხელოვნებასა და ლიტერატურაში. მართალია, ამჟამად უფრო ხშირად გაისმის ესტრადიდან ქართული სიმღერები და საგალობლები, მაგრამ ეს როდია საკმარისი. უთუოდ უნდა შემოვიღოთ ქართული სიმღერებისა და საგალობლების საყოველთაო სწავლება. საგალობლებს ხომ ნიადაგ ასწავლიდნენ უძველეს ქართულ აკადემიებსა და საეკლესიო სკოლებში. ისინი მუდამუამს მიიჩნეოდნენ პროფესიული მუსიკის მაღალმხატვრულ ნიმუშებად და მათი შესწავლა ისევე იყო სავალდებულო, როგორც მშობლიური ენისა. პროფესიულ მუსიკას რომ დიდი სერიოზულობით ეკიდებოდნენ, ამაზე ღალადებს საკუთარი ქართული სანოტო დამწერლობაც და ისეთი უზარმაზარი პიროვნების ყურადღებაც მუსიკის თეორიული საკითხებისადმი, როგორც იყვნენ იოანე პეტრიწი და იოანე ბატონიშვილი.

ჩვენი ლიტერატურის უთვალსაჩინოესი მოღვაწენი გრიგოლ ხანძთელი, გიორგი მთაწმინდელი და სხვები იმავე დროს მგალობელთაუხუცესნი ან მგალობელთაგარნი იყვნენ. ხშირად ერთი და იგივე პირები თხზავდნენ ჰიმნებისა და საგალობლების სიტყვიერ ტექსტებსა და მუსიკას: იოანე მინჩხი, იოანე მტბევაძე, ეზრა, იოანე ქონქოზის ძე, მიქაელ მოდრეკილი, დემეტრე მეფე და სხვები. თუ ეს სიტყვიერი ტექსტები და ჰაგიოგრაფიული ლიტერატურის ძეგლები ქართული ლიტერატურის ღირსეულ ნიმუშებად მიგვაჩნია და მათი სწავლება უმაღლეს სასწავლებლებსა და სკოლებში სავალდებულოა, კვლავაც ვიმეორებთ: რატომ ქართული საგალობლებიც არ უნდა ისწავლებოდეს შესაბამის სასწავლო დაწესებულებებში? განა ერთი და იმავე წყაროდან არ საზრდოობდნენ ისინი?

საგალობლებთან ერთად მუსიკალურ სასწავლებლებში ხალხური სიმღერების პრაქტიკული შესწავლაც უნდა ხდებოდეს. თუ ქართული საგალობელი იმპულსების მატარებელია, ხალხური სიმღერები აღსავსეა უმთავრესად დიონიდური ენერგიითა და ძალმოსილებით. ქართულ ხალხურ სიმღერებსა და ცეკვებს მიესადაგება

სხეულის მოძრაობასა და სიმღერებზე პლატონისაგან სწავლა-თქმული, რომ: „ვაჟკაც ადამიანებს მშვენიერი ცეკვები და სიმღერები აქვთ, ხოლო მხდალებს – შემაზრზენი“.

იშვიათად შეხვდება კაცი ესოდენ მცირე ტერიტორიაზე ისეთ მრავალფეროვნებას სიმღერებისას, როგორც საქართველოში. ჰარმონიის ერთიანი, მტკიცე ბალავერის მიუხედავად, თითოეული კუთხის სიმღერა თავისი ხასიათითა და სტრუქტურით მკვეთრად განსხვავდება ერთმანეთისაგან. ქართლ-კახური ჰომოფონია, სვანური კომპლექსური ჰარმონია, გურულ-იმერული პოლიფონია მუსიკალური აზროვნების სავსებით განსხვავებული მოვლენებია. თუ დაქსაქსვისადმი მიმდრეკი კუთხეების შეკვრა-შედუღაბება მხოლოდ ისეთ ენერგიულ და შორსმჭვრეტელ ადამიანებს ხელეწიფებოდათ, როგორც იყვნენ ვახტანგ გორგასალი, ბაგრატ მესამე, დავით აღმაშენებელი და თამარ მეფე, ერთიანი ქართული კლასიკური მუსიკალური ენის შექმნა მარტოდენ მას თუ ძალიდგა, ვინც ღრმად ჩასწვდებოდა ყოველი კუთხის სიმღერის საიდუმლოებას და მათ გამთლიანებას შესძლებდა. ასეთი გახლდათ ზაქარია ფალიაშვილი. მისი „აბესალომ და ეთერი“ იმიტომაცაა გენიალური, რომ მან ურთიერთშეაჭერა ქართული ლეგენდა და ის, რაც ღირსეულია ქართული მუსიკისათვის – მისი საგუნდო კულტურის მონაპოვარი. ამ მონაპოვარს ქართული ეროვნული ოპერის შექმნისათვის გერმანული მუსიკის მონაგარს, მის მაღალგანვითარებულ სიმფონიურ შემოქმედებას. ამის შეგნებამ მით უფრო უნდა აღიმაღლოს მისწრაფება – მოზარდ მუსიკოსებს ძვალ-რბილში გაუჭდეთ ჩვენი სიმღერა-საგალობელთა ჰანგები. ნუ დაგვავიწყდება უკანასკნელ ხანებში უცხოეთში შექმნილი აზრიც ჩვენი კულტურის ამ ფასდაუდებელი საუნჯის შესახებ. ცნობილია, თუ რაოდენ დიდი შეფასება მისცა თანამედროვეობის უდიდესმა კომპოზიტორმა იგორ სტრავინსკიმ ქართულ სიმღერებს, მათ შორის გურულ სიმღერას, რომელთაც იგი ჩანაწერით გაეცნო. მსცოვანმა კომპოზიტორმა გულწრფელად აღიარა, რომ ეს მისი საუკეთესო შთაბეჭდილებათაგანი იყო უკანასკნელი წლების მანძილზე.

სტრავინსკი რომ ქართული კლასიკური მუსიკის უკანასკნელი ასწლეულის ისტორიას გასცნობოდა, იგი დაინახავდა, თუ როგორი მონდომებით ივსებდა ჩვენი ერი დანაკლისს ევროპის ქვეყნებთან კულტურული ურთიერთობის ხანგრძლივი უქონლობის გამო, როგორი ცხოველი ენერგიით ითვისებდა იგი მისთვის სავსებით ახალ უარნებსა და მუსიკალურ ფორმებს, მისთვის სავსებით უცხო ინსტრუმენტებს. მიუხედავად ამისა, პირუთვნელობა მას უთუოდ ათქ-

მევენებდა, რომ ქართველ ხალხს ჭერ კიდევ არ უთქვამს ახალი სიტყვა მსოფლიო საკომპოზიტორო ხელოვნებაში. ქართულმა საკომპოზიტორო ხელოვნებამ ხომ სულ რაღაც 70-80 წელიწადში, თითქმის ერთდროულად და ამასთან სტიქიურად, აითვისა დღემდე განვლილი ყველა მიმდინარეობა – წინაკლასიკური და ვენის კლასიკური პერიოდები, რომანტიზმი, იმპრესიონიზმი, ექსპრესიონიზმი და მოდერნიზმის სხვადასხვა განშტოება, მაშინ, როდესაც ყოველი ეს მიმდინარეობა ევროპაში ეტაპობივად ვითარდებოდა მისთვის შესაბამის ეპოქასა და გარემოში და ამასთან საკმაოდ ვრცელი დროის მანძილზე.

ქართული პროფესიული მუსიკა დღესაც ითვისებს მსოფლიო მუსიკალური ხელოვნების უახლოეს მიღწევებს, მაგრამ შეგიძლოა სიარცხვილი როდია. ევროპის ყველაზე განვითარებული მუსიკალური ქვეყნის – გერმანიის მუსიკოსები იტალიის მუსიკოსთა შეგირდები იყვნენ საუკუნეების მანძილზე. ასეა ქეშმარიტებისა და მშვენიერების ყველა დიდი მაძიებელი, იგი მიაგავს იმ ძვირფას ქურჭელს, რომელიც ნიადაგ მზად არის დაიცარიელოს თავი ქეშმარიტების უფრო აღზევებულ სფეროებთან საზიარებლად. ამიტომაც უმჭობესია გადაუჭარბებლად შევაფასოთ ჩვენი მუსიკის მდგომარეობა ამჟამად და მკაცრნი და მიუკერძოებელნი ვიყოთ საკუთარი თავის შეფასებაში, რაც საშუალებას მოგვცემს მეტი სიფხიზლით განვჭვრიტოთ მომავლის გზები. საქართველოში ახალი პროფესიული მუსიკის პოპულარობა ჩვენი მხატვრული ლიტერატურისა და პოეზიის პოპულარობას რომ ვერ შეედრება, ეს ჩვენი ხალხის მუსიკალური პოტენციის სიმცირეზე როდი მეტყველებს. გავიხსენოთ, თუ რაოდენ დაავვიანდა ევროპაში მუსიკის რენესანსის ლიტერატურისა და ხელოვნების სხვა დარგებთან შედარებით, რაოდენ დაშორიშორებულნი იყვნენ დროში დანტე და მოცარტი. ასეთივე აღორძინება მოელის ალბათ მომავალში ქართულ მუსიკასაც. სტრავინსკის, ალბათ, ამ ამბის გაგებაც არანაკლებ განაცვიფრებდა, რომ მარტოოდენ მისთვის, ამერიკის კონტინენტზე მცხოვრები კომპოზიტორისათვის როდი იყო ქართული საგალობლები აღმოჩენა, არამედ ქართული მუსიკალური საზოგადოებრიობისთვისაც. როგორც ბახის ყველასაგან მივიწყებულმა ზემოქმედებამ დაიქუნა მოულოდნელად ევროპაში მისი შექმნიდან თითქმის საუკუნის შემდეგ, ასევე ანაზღეულად გამობრწყინდნენ საუკუნეების წიაღში შობილი ეს ყველასაგან მიტოვებული შედეგები ჩვენი მსმენელების წინაშე. მაგრამ აღიტაცებს კი მათ ჩვენი საზოგადოებრიობა ისე, ვით ევროპამ ოდესღაც ბახის მუსიკა აიტაცა? გაიხდის მას საყოველთაო თაყვანისცემისა და სავალ-

დებულს შესწავლის ობიექტად? სხვა რომ არა იყოს რა, ქართული სიმღერა-გალობა საუკეთესო ვაქცინაა, ბრძოლის უებარი საშუალებაა ჩვენი მუსიკალური კულტურის ორი დაავადების, ორი დაუძინებელი მტრის – აღმოსავლური ბაიათებისა და ახალგაზრდების ერთ ნაწილში მოდებული იაფფასიანი ჯაზური მუსიკის წინააღმდეგ. რატომ უნდა გაისმოდეს ჩვენს ქორწილებსა თუ თავშესაყარ ადგილებში, განსაკუთრებით სოფლად, ნაცვლად შესანიშნავი სუფრული და მხედრული სიმღერებისა, მხოლოდ დოლ-გარმონისა და ზურნის გულისგამაწვრილებელი ჰუვიტინი? რად გარდიხვეწენ ჩვენი სანიშნულო სიმღერები ყოფიდან? აქ საცნაური ხდება ქართული მუსიკალური ფოლკლორის დაუძინებელი მტერი, ჩვენთვის უცხო აღმოსავლური ელემენტი. დღესაც კი ვიმკით როსტომ მეფის დროინდელ კომპრომისს მუსლიმანური სამყაროს წინაშე, რისთვისაც ასეთი გულისტკივილით მოგვითხრობს „ქართლის ცხოვრება“: „და მას უამსა შინა იწყო ქართლის წესმან და რიგმან გარდაცვალება... და მიიქცნენ სრულიად წესსა ზედა ყიზილბაშისასა, და განმრავლდა სახლსა მისსა შინა მისსა სიძვა და არა-წმინდება, ცოდვა იგი სოდომ-გომორული და მეძაობა და დედათა თანა აღრევა და იყვნენ დღითი დღე სმასა და განცხრომასა შინა, ხოლო სულისათვის არარას ზრუნავდნენ: მოიყვანეს მეჩანგენი და მუტრიბნი და აქებდნენ ქართველნი, და მათაც აგრეთვე იყოლიეს მუტრიბნი და მრავალნი მხელავნი და არღარა იყო სირცხვილი სიძვისა და მეძაობისა“. ეს იყო შავბნელი უამი ქართული კულტურისა, რამეთუ წინანდებურად აღარ იქმნებოდნენ ქართული ხუროთმოძღვრების შედეგები, ოქრომჭედლობაში თითქმის მთლიანად გაშქრა ჩვენი ოსტატების უსაყვარლესი მოტივი – ვაზის ფოთლის ვარიაციები: უფაქიზესი ტიხრული მინანქარი დამკვიდრდა. პოეზიაში შემოიჭრა სპარსული ლიტერატურის გავლენა. მოგვიანებით ქართულმა დრამატურგიამაც და მხატვრობამაც იწვნია თემურ-ლენგისა და შაშაბასის თარეშის შედეგები. განსაკუთრებული ზიანი კი იმხანად ქართულმა ქალაქურმა მუსიკამ განიცადა. აშუღურმა და მუტრიბულმა ხელოვნებამ დაბანგა სპარსულ კულტურას ნაზიარები მეფენი და მათნი წინაშემდგომნი, ხოლო სამეფო კარის ესთეტიკური დონე კი იმუამინდელ მოქალაქეთათვის საზომად იქცა. აქედან გამომდინარე, ქალაქური ფოლკლორიც აღმოსავლური ელემენტით განიმსჭვალა, რაც ცალკე რკ კინტოებისა და ყარაჩოღლების ბაიათისებურ მუსიკაში აირეკლა. ხოლო მეორე მხრივ, უფრო დახვეწილი ხვანჭებით პროფესიული მუსიკის წიაღშიც შემოიძარა. მუსლიმანურმა კულტურამ თემურ-ლენგიდან მოყოლებით გააფთრებული იერიში მიიტანა ქართული კულტურის მონაგარზე. მდგო-

მარეობა მით უფრო გაართულა თემურ-ლენგის მიერ ჩრდილოეთ კავკასიის გამაჰმადიანებამ და კონსტანტინოპოლის დაცემამ, რითაც საქართველო ქრისტიანული სამყაროსაგან იზოლირებული აღმოჩნდა. მთელი ეს დრო თავდაცვასა და მტრული გარემოცვის გარღვევას მონადრომა გმირმა ქართველმა ხალხმა და ამიტომაც დარჩა იგი ამჟამად გარეშე იმ მძლავრი კულტურული დინებისა, რომელმაც განვითარების უმაღლეს საფეხურზე აიყვანა ევროპის ინსტრუმენტული მუსიკა და მუსიკალურ-დრამატურგიული ფორმები. ეს მაღალი მუსიკალური კულტურა ევროპის ცალკეული ქვეყნების თანაშემოქმედების შედეგი გახლდათ, ვინაიდან მუსიკის ენას სალაპარაკო მეტყველების დარად როდი შეეხებია ბაბილონის გოდოლის მსხვერვა. მასში უფრო მეტად იგრძნობა ეროვნული ელემენტის ძალუმი ფეთქება. ამიტომ სწორედ მუსიკოსები აგებდნენ ევროპაში სხვებზე კარგად ერთა შორის ურთიერთობის ხიდებს. გააღმასებით იქნევდა ქართველი კაცი მახვილს, რათა არ გაეწყვიტა კავშირი მისთვის ახლობელი ევროპის კულტურასთან. ეს სურვილი იმდენად ძლიერი იყო, რომ ამჟამად ხელოვნების სადინარში მისი გადართვა საოცრებებს ახდენინებს მას კულტურის სფეროში. ეს პროცესი რომ უკვე დაწყებულია, ამას მეტყველებს ჩვენი მუსიკოს-შემსრულებლების ბრწყინვალე გამარჯვებები საერთაშორისო სარბიელზე. მაგრამ მუსიკალური გემოვნების შემდგომი დახვეწა-განვითარებისათვის უმჯობესია საკუთარი მახვილი მოვიქნიოთ.

საამისო ფარი და მახვილი კი, როგორც ზემოთ აღვნიშნეთ, მუსიკალურ-სასწავლო დაწესებულებებში ქართული სიმღერა-გალობის საყოველთაო პრაქტიკული სწავლების ფართოდ დაწერგვაა.

ქართული სიმღერებისა და საგალობლების სასწავლო პროგრამაში შესატანად კონკრეტული ზომების მიღებაა საჭირო. ამისათვის სახელმწიფო კონსერვატორიაში უნდა შეიქმნას გარკვეული ცენტრი, რომელიც ამ საქმეს უნელმძღვანელებს.

თბილისის სახელმწიფო კონსერვატორიაში თუმც კი არსებობს მუსიკალური ფოლკლორის კათედრა, მაგრამ მაინც უნდა დავსძინოთ, რომ უძველესი ქართული პროფესიული მუსიკა ახალთან ერთად სწორედ რომ ღირსია ჰქონდეს საკუთარი კათედრა, რომელიც ქართული მუსიკის ყველა არსების საკითხს წარმართავდა: ზომ წარმოუდგენელია, ჩვენი უნივერსიტეტის ფილოლოგიურ ფაკულტეტს რომ არ ჰქონდეს ქართული ენისა და ლიტერატურის კათედრა: სწორედ ქართული მუსიკის კათედრამ უნდა წარმართოს კონსერვატორიის, რომელიც გნებავთ ფაკულტეტზე ქართული სიმღერებისა და საგალობლების სავალდებულო პრაქტიკული სწავლების საქმე.

მანვე უნდა მოამზადოს ამ დარგში უმაღლესი განათლების პედაგოგ-ლოტბართა კადრები, როგორც კონსერვატორიის, ასევე მუსიკალური სასწავლებლებისა და სკოლებისათვის. ამ საქმის განხორციელება უნდა დაევალოთ საუკეთესო სპეციალისტებსა და შემსრულებლებს, რომელნიც საბედნიეროდ საკმაოდ არიან ამჟამად. პროფესიული მუსიკა მხოლოდ მაშინ არ იქნება ვიწრო სპეციალობა, როდესაც ჩვენ რომელიც გნებავთ მუსიკოსს, შემსრულებელს, კომპოზიტორსა თუ თეორეტიკოსს თავის საგანთან ერთად ქართული სიმღერა-გალობაც კარგად ეცოდინება. მხოლოდ ამ გზით შეიძლება ჩვენში მუსიკის ასეთი იზოლირების მოსპობა და მრავალთა გულების შეძვრა. დაე, ჩვენმა თანამოძმეებმა ღრმად აღიბეჭდოს ძველი ბერძნების ბრძნული მოწოდება: „კარგად აღზრდილი ადამიანი ჩინებული მოცეკვავე და მომღერალი უნდა იყოს“.

მერაბ კოსტავა

პროზა

ნაწარმოები

საკანი. სენაკს მაგონებს იგი, პატიმარი – მეუღაბნოეს არანებაყოფლობითს. ასე განსაჩეთ, აქ იძულებით უნდა დავატყვევო ჩემსავე თავში უსასრულო წყება სურვილებისა, სამშვინგელისეული ქაოსის უმისამართო ენერგიით აღძრული, ლტოლვილები, რომელთა დასადავება, გათოკვა და ჭკუაზე მოყვანა მეუღაბნოეთა სოფლისაგან განდგომილთა სანუკვარი მიზანია.

მეც აღარ დავაყოვნე და უმკაცრესი კანონმდებელივით სანქცია დავადე ჩემს აბეზარ სურვილებს, გარდაუვალობის ძალით სათითაოდ დავატუსაღე და შეგუდექი მათ უღმობელ განკითხვას. გაუჩინარდა გლუვი გველაძუა, ნაირფერად აელვარებული ხატება მათი. შეწყდა მათი მოუსვენარი, საყვედურით აღსავსე სისინი. მოისვენა სხეულმა, და სადღაც, გონებაში აკიაფდა სიმშვიდის მომფენი კანდელი სულისმიერი.

სარკმლის დამხანჯლავი სინათლე შთენილა მარტოოდენ ერთადერთ, ჩაუფერვლავ სურვილად. ცის ნაფლეთები მარადისობის ლურჯი იებივით მოსდგომიან ცხაურის ვიწრო სამზერებს. თვალბუდეები ძლივსლა ამგარებენ ამოსავარდნად გამზადებულ, უსასრულობის მირაჟით დატყვევებულ თვალებს. შორს, კაბადონზე, იალქანივით ლაპლაპებს სივრცეში მონავარდე მტრედი. უცნაურად ენამქვერობს იგი, როცა ფერწერის სიმსუბუქით შაერში ავლებს იდუმალ ხაზებს. ნეტა თუ ფიქრობს, ამ ფარულ ნიშნებს აღმოუჩინოს სადმე წამკითხველი. ამოდ, რადგან ისტორიის სათავეებთან აღმართული გასაოცარი სახე კალხასისა ჩვენმა აკადემიურმა საუკუნემ არათუ ანაქრონიზმად, ბაღლობისჟამინდელი „უმეცარი“ კაცობრიობის მონაჩმახად მიიჩნია, როგორც ყოველივე მითოლოგიური.

რადენი თავისუფლებაა, საოცარო ფრინველო, შენს მოძრაობაში! განუსაზღვრელი ექსტაზი სივრცეთა შთანთქმისა, ერთდროულად ყველგანყოფნის სურვილი. თავისუფლება დიახაც ჰგულისხმობს ყოვლისმომცველობას და შენ უთუოდ ჰგლობ მას სივრცეში, რომლის სინაკლებესაც მომეტებულად განვიცდი მე, როგორც პატიმარი. მაგრამ შენს უბოროტო გულს, შენს უმანკობას ვფიცავ, უსპეტაკესო, კიდევ მეტად რომ დავიწროვდეს საკანი, თუნდაც რომ დაიძრნენ და კუბოს ფიცრებივით შემომქედონ მისი კედლები, შენ მაინც ვერ იქნები ჩემზე თავისუფალი. შენ სივრცეებმა გასწავლეს ფრენა, მზემ ოქროს ცვარში ამოავლო საშურველი სითეთრე შენი სხეულისა. მიწამდე დაჰყვინთავ და წამისყოფაზე უმაღ დიდებულ

მნათობის კალთასთან ნებიერად ამოჭყვინთავ ფირუზოვან თვალსა-
წიერის მეუფევე, მაგრამ ვერ მომატყუებს ეგ შენი თავდავიწყებამდე
დაუცნობელი ნავარდი. არამც და არამც შენ არა ხარ თავისუფლებ-
ა, არამედ მარტოოდენ სიმბოლო ხარ თავისუფლებისა. ნამდვილი
თავისუფლება აქ, კუბოსდარ ვიწრო საკანში იშვის. აქ, შეგრძნება-
თათვის, ხანგრძლივ მოწყენილობაში იბადება იგი. უჩინრად ისახება
ენერგიულ ფიქრებში, დაიძვრის, როგორც მდინარე მეხსიერებისა და
მიეშურება ჩემივე ცხოვრების სათავისაკენ, დავიწყების უფსკრუ-
ლიდან მოუხმობს გარდასულ სახეებს, აწ განვლილ ცხოვრებისეულ
შემთხვევებს, ნაფიქრ-ნაგრძნობსა თუ წარმოსახვაში აელვარებულ
სურათ-ხატებს. ხელახლა აცოცხლებს, ახლებურად წარმოგვიჩენს
მტერსა და მოყვარეს და შენში ჰბადებს ახალ თვალს, თვალს მსა-
ჯულს, შენივე სიღრმისაკენ მიქცეულს, რომელიც დაწვრილებით
გამოიწვლილავს მთელს შენს წარსულს, შენს ნამოქმედარს, ნათქ-
ვამს, გულისნადებსა თუ ნააზრევს, ადამიანებისადმი მიმართებას,
პირუთვნელობის უქცეველი სასწორით ასწონის ყოველივეს, ნაწე-
ვარებს გაამთლიანებს, მიზეზებიდან გამოიყვანს შედეგებს და შედე-
გებიდან კვლავ მიგაბრუნებს მიზეზებისაკენ, რითაც გასწავლის
კითხვას დრო-ჟამისეულ კანონებში არეკლილი ბედისწერის წიგნი-
სას. დრო-ჟამისეულ მდინარებაში გასწავლის ნავარდს, ისე, ვით შენ
დანავარდობ, საოცარო ფრინველო, უკიდევანო სივრცეში, სინანუ-
ლის საკურთხეველთან განბანილს, სინდისის ცეცხლში გამოგაწრ-
თობს, საკუთარ თავს, საკუთარ ჭეშმარიტ არსს გაპოვნინებს, სიქვე-
ლის საწყისსა და უჟამობის სამანებს მიგაახლებს და მაშინ, ამ ახალი
სიმაღლიდან განახლებული სულითა და შემართებით გააცნობიერებ
და გადააფასებ ნებისმიერ არსებას, ნებისმიერ საგანსა თუ მოვლენას
და ისეთ უმნიშვნელო გასაჭირსაც, როგორიცაა პატიმრობა, ოთხკე-
დელშუა გამომწყვდევა, გიხსნის და, რაც მთავარია, დასაბამს აძლევს
შენში ახალ, ჭეშმარიტ ცხოვრებას, შინაგანი თავისუფლების შუქით
გასხივოსნებულს.

მაშ ასე, სივრცეების პატარა ბინადარო, შენ მხოლოდ მშვე-
ნიერი სიმბოლო ხარ იმ თავისუფლების, ამ ბნელ საკანში რომ იწყო
აღმოცენება. ოდესღაც მტრედისფერი დაარქვეს რიჟრაჟს, როცა კა-
ცობრიული ცნობიერების გარიჟრაჟზე პატრიარქთა დიდმა წინაპარ-
მა ნომე წარღვისეულ სტიქიათა დაცხრომისას გამოგტყორცნა კი-
დობანიდან, როგორც მაცნე გადარჩენილი კაცობრიობის ახალ სა-
ფეხურზე აღზევებისა, და შენ მაშინ ცნობიერების გარიჟრაჟის სიმ-
ბოლოდ იქეცი. სპეტაკზე უსპეტაკესად გიხილა ზეცით გარდამო-
სული იორდანეზე წინამორბედმან უფლისამან და ნათლისმცემელმა,

როცა ლაჟვარდოვანი სიწმინდის მისაღებად მოიწიფა კაცობრიული გონი, და ამ ახალი განწმენდილი ცნობიერების სიმბოლოდაც შენ შეიქმენ. ცნობიერება მიგვაახლებს ჭეშმარიტებას, ხოლო ჭეშმარიტება თავისუფლების ძალუმი ფრთებით გვაუნჯებს. ანგელოსის ორი ფრთა ფრესკაზე მაღალი ცნობიერი ცნობერების ხატია, ხოლო ჭერუბიმის ექვსი ფრთა ხატი განუსაზღვრელად უფრო მაღალი ცნობიერებისა, და ვინ უნდა გაგიმართოს მზერა შენ, უფალო, რომელი ყველგან ხარ და ყოველივეს ადავსებ მაღლითა შენითა. ეს შენ მოგვივლინე სულიწმინდის ხატად ელვარე ნიშნით მოსილი პატარა მტრედი, სხეულისმიერი საკნის წიაღში რომ აღგვინათებს ცნობიერების კანდელს და გვაზიარებს ანგელოსურ ბუნებას შენსას, უკვდავებისა და თავისუფლების საწინდარს. ჭეშმარიტად არსებობს შენგან დადგენილი ცით დედამიწამდე დამავალი და მიწით ზეცამდე აღმავალი ანგელოსური კიბე ცნობიერების ხარისხებისა, შენგან რჩეული ერის ნუგეშად რომ იხილა ოდესღაც ბიბლიურმა იაკობმა. შენა ხარ, მტრედო, ხატი ცნობიერების ამ სიმაღლეთა ერთაინობისა. ვუმზერ სივრცეში შენს დაუსრულებელ ნავარდს, როგორც ჩემი სულის პროექციას გარე სამყაროში და ვტკბები მშვენიერი სიმბოლოთი, რომლის ჭეშმარიტმა არსმა ჩემშივე იწყო აღმოცენება.

მერაბ კოსტავა
1978 წ.

ცხენი

რა შეედრება ჭიშინი, ნაკვთად კეთილი ბედაურების ჭვრეტას, დიდრონი, ჭკვიანი, მიმდობი თვალები, მაღალი, მწყობრი, ჰაეროვანი წვივები, ამაყად აზიდული, მასიური მკერდი, მოღერილი კისრის მტკიცე ბალავერი, მჭიდროდ შეტკეცილი, კუნთთა ზამბარებში მომწყვდელი მუცელი, სისხლძარღვების მოუსვენარი ტოკვა მოელვარე კანქვეშ, თითქოს ქალური გულმოდგინებით ვარცხნილი ფაფარი; ავდრის მოლოდინი დგომისას, ქარიშხალი აბორჯებული ჭენებისას. ქარცეცხლის მფრქვეველი ნესტოები და ლაგამის მკვნეტავი, გაალმასებული კბილები, სისხლის მაჩქროლებელი რიტმები ფეხთა ხმისა, ფლოქვებიდან ავარდნილი მტვრისა და ნაპერწკლის კორიანტელი...

და ბოლოს, ამ თავაწყვეტილი სამუმის გამხედნავი და დამასა-
დავებელი ფოლადის ხელი.. აი, ღირსად მისაჩნევი მიზეზი ექსტა-
ზისა და აღფრთოვანების.

მხოლოდ გრძობაგამრუდებულ ადამიანს არ ძალუძს
შეგრძნება იმ მოჭარბებული მშვენიერებისა და კეთილშობილებისა,
ცხენს რომ აქვს.

საუბედუროდ ასეთ სილამაზეს დღეს იშვიათად თუ დალან-
დავს კაცი, ჩვენს სოფლებსა და დაბებში ბედაურთა ჭაჭანებაც
თითქმის აღარსად არის. რამდენიმე წლის წინათ ფილმ „დიდოსტა-
ტის მარჯვენის“ გადაღებისას, მთელს საქართველოში ვერ მოუყარეს
თავი ბატალური სცენებისათვის საჭირო ოდენობას ცხენებისა...

ოდითგანვე ცნობილია ადამიანის უსაზღვრო გატაცება ცხენე-
ბით. ცხენი პოეტების უსაყვარლესი ცხოველი იყო. იგი პოეზიის
ასპარეზსაც ამშვენებდა, რადგან საგმირო საქმენი პოეტების შთაგონ-
ების წყაროს წარმოადგენდნენ. ვინ არ აღუფრთოვანებია აქილევსის
თუ ტარიელის ლაგამისმკვნეტელ ტაიჭთა თუ სხვა ბედაურთა საქე-
ბარ მგზნებარე სტროფებს პოეზიაში. მაგრამ არც მითები დარჩენი-
ლან ვალში. წარმოდგენას მუდამ ატყვევებდნენ ოქროს ეტლის
მზიდველი მერნები ჰელიოსისა თუ ჰერსეუსისა...

მაგრამ მითი თუ პოეზია არასოდეს განდრეკილა პრაქტიკისა-
გან, ამიტომ ზედმეტია მტკიცება იმისა, თუ რაოდენ ესათნობოდათ
ცხენები გამოჩენილ მხედართმთავრებს. ამგვარი პატივისგების
მწვერვალია ალექსანდრე მაკედონელის მიერ ინდოეთში აგებული
ქალაქი საყვარელი მერანის, „ბუცეფალის“ უკვდავსაყოფად. ცხენი
მრავალი გამოჩენილი ადამიანის ცხოვრების ნაწილს შეადგენდა,
ხშირად ცოცხალი ადამიანივით პერსონიფიცირებულს მათს ბიო-
გრაფიაში. ამოდ როდი იშვა მოქანდაკეთა წრეში ტრადიცია დიდი
ქალაქის ფუძემდებელთა ამხედრებულად წარმოჩენისა, და ეს
შემთხვევითი როდია, არა თუ ქალაქების, თვით ერებისა და კულ-
ტურების ფუძემდებელნი და ამგდარნი გამოჩენილი მხედრები ყო-
ფილან ხშირად.

საქართველო უხსოვარი დროიდან მხედრების ქვეყანაც იყო.
იგი ამასთან ერთად კეთილშობილი ბირუტყვის აპოლოგიით არის
ცნობილი.

ძველთაგანვე აქ მრავლად ყოფილან მეცხენეობის დიდოსტა-
ტები, მეცნიერნი და ჭიშთა გამომყვანნი. ღრმა ცოდნაზე დაფუძნე-
ბით იწერებოდა ძვირფასი კარაბადინები ცხენისა. ცნობილია, რომ
ჩერ კიდევ 2000 წლის წინათ ჩვენს წელთაღრიცხვამდე აქ ითესებო-
და საგანგებო ჭიშის ბალახეული ცხენისთვის. ნიკო მარის თქმით,

ძალის კულტის შემდეგ საქართველოში ცხენის კულტი დომინირებდა. საქვეყნოდ ყოფილა განთქმული კოლხური ჭიშის მაღალტანიანი ცხენი, რომელიც სამწუხაროდ, უამთავლაში გადაშენებულა.

ცხენისა და ცხენოსნობის კულტისთვის ჩვენში მთელი რიგი ისტორიული ფაქტები ღალადებენ. ტყუილუბრალოდ როდი დაუდგეს რომაელებმა ქანდაკება რომში, მარსის მოედანზე, ცხენზე ამხედრებულ საქართველოს მეფე ფარსმანს (მეორე საუკუნის მეორე ნახევარი), რომელიც თავისი ამალითურთ კეისართან სტუმრად იმყოფებოდა. განა ადვილი იყო ცხენოსნობითა და ვაჟკაცობით ეგოდენი აღფრთოვანება იმგვარი ქვეყნის შვილებისა, რომელთა სამხედრო ძლიერება იმჟამად მთელს მსოფლიოს შიშის ზარს შგვრიდათუნდაც მეორე, მოსახსენებლად ღირსი ამბავი. სხვა ქვეყნის მკვიდრთაგან მარტოოდენ ქართველებს შქონიათ იერუსალიმში ცხენზე ამხედრებულად შესვლის უფლება. და ეს ტრადიცია შემდგომშიც დიდხანს გრძელდებოდა (ივანე ჯავახიშვილი, „ქართველი ერის ისტორია“). საქართველოს სამეფო კარზე მთელი ინსტიტუტები არსებობდა მეცხენეობისა. მეჩინიბეთუხუცესი მეფისა უაღრესად ბატისაცემ პირად ირაცხებოდა. თითოეულ სათავადოს საკუთარი ჭიშის ცხენები ჰყოლია თურმე. არსებობდა ბაგრატივანთ, ამილახვრიანთ, წერეთლიანთ ცხენები და ა.შ. მაგალითად, წერეთლიანთ ცხენები მთლად ოქროსფერნი უნდა ყოფილიყვნენ, თოვლივით თეთრი კავშებით. ასევე გამორჩეული ფერისანი და აღნაგობისანი იყვნენ სხვა სადროშოთა ბედაურები.

ეს ძალუმი სიყვარული ცხენებისადმი, გარდასული დროის ხელოვანთ და მხედართ რომ შქონდათ, ასეთივე გზნებით აისახა ჩვენს შედარებით გვიანდელ ლიტერატურასა და ხელოვნებაში. გავისხენოთ ბედის სამზღვარს გადაცილებული „მერანი“ ბარათაშვილისა, ბრწყინვალე სტროფები ვაჟას პოემებიდან და კონსტანტინე გამსახურდიას რომანებიდან, გალაკტიონის „ლურჯა ცხენები“ და „ეფემერა“, გურამ რჩეულიშვილის მოთხრობები „ალავერდობა“ და „თვირთვილა“, ბასილ მელიქიშვილის მინიატურა „ქვირინა“, ელგუჯა ამაშუკელის ვახტანგ გორგასალი და მერაბ ბერძენიშვილის გიორგი სააკაძე, ლადო გუდიაშვილის ზოგიერთი ნამუშევარი...

და, სამწუხაროდ, ასეთი მშვენიერი და ვაჟკაცური წარსულის მქონე პირუტყვი ჩვენს თვალწინ ქრება.

ცხენთა ჭიშების დაკნინება უკვე მეთვრამეტე საუკუნის ბოლოს დაწყებულა. „სადღა არიან ის კარგი ბედაურები საჩინიბობში“, უკითხავს ერთხელ საქართველოს უკანასკნელ მეფეს გიორგი მეცამეტეს ერთი მეჩინიბისათვის. მეჩინიბეს უპასუხნია: „მაშინ რომ

იყვნენ, ის კარგი ვაჟკაცები შესხდნენ იმ კარგ ბედაურებზე და მათთან ერთად გადაიხვეწნენ“.

ამჟამად, მექანიზებული ტრანსპორტისა და გამწევი ძალის ეპოქამ, საცხენოსნო და საურმე გზების სამანქანო და საარკინიგზო მაგისტრალებით შეცვლამ კატასტროფულად დაამცრო დანიშნულება ცხენისა ყოველდღიურ ცხოვრებაში. ცხადია, დღეისათვის აღარავინ ისურვებს ცხენით გამგზავრებას მოსკოვში ან თუნდაც აქვე, დასავლეთ საქართველოში. ამას დღეები, კვირები, თვეები დასჭირდება და ამჟამად ასეთი მოცალეობა არავისა აქვს, მაგრამ მოკლე მანძილზე, ბარში და განსაკუთრებით მთაგორიან ძნელადსავალ ადგილებში, ცხენი დღესაც შეუცვლელია. ამიტომ ცხენთა ოდენობის ასეთი საგანგაშო კლება სავსებით გაუმართლებელია.

აი, ფრიად დამალონებელი სტატისტიკა, რომელიც ზოოგეტერინარული ინსტიტუტის პორფესორმა, მეცხენეობის საუკეთესო სპეციალისტმა დავით ქობალავამ მომაწოდა: ამ ოცი წლის წინათ საქართველოში ას ოცი ათასი სული ცხენი ყოფილა. ამჟამად კი მხოლოდ ორმოცდაოთხი ათას რვაასი სულია. სულადობის კლების სტატისტიკა ბოლო რვაწლეულში ასეთია: 1968 წ. – 63400 სული, 1969 წ. – 61300 სული. 1970 წ. – 56000 სული, 1971 წ. – 52548 სული, 1972 წ. – 48500 სული, 1973 წ. – 46660 სული, 1974 წ. – 44867 სული. გამოდის, რომ საქართველოში ყოველწლიურად ცხენების რაოდენობა 2500 სულით კლებულობს. თუ ასე გაგრძელდა, 17-18 წელიწადში ერთი სულიც აღარ დარჩება. სავალალო მდგომარეობაშია ცხენების გამრავლების საქმე. ყოველ ას დედა ცხენზე ყოველწლიურად თერთმეტ კვიცს ღებულობენ. ნორმალურ პირობებში კი უნდა მიიღონ სამოცდაათი. სამი ცხენთსაშენიდან დაიხურა ორი. გაუქმდა სახელმწიფო საჭინიზო (ომამდე), საკოლმეურნეო მეცხენეობის ფერმები კახეთსა და დასავლეთ საქართველოში. საგრძნობლად შემცირდა ცხენების რაოდენობა ოჯახებშიც.

განა მარტოოდენ პრაქტიკულ-უტილიტარული დანიშნულებისათვის აშენებდნენ ადამიანები ცხენებს? რად უნდა გადახვეწილიყვნენ ისინი ავტომანქანების მომრავლებისთანავე? ნუ იფიქრებთ, ტექნიკის საწინააღმდეგო პროპაგანდას ვეწეოდე. ცხადია, გვერდს ვერ აუვლი იმას, რაც ღროის სულმა მოიტანა. მაგრამ როგორ დავიჟუროთ ტკივილის გრძნობა, როცა საქართველოს უმეტესი რაიონების (განსაკუთრებით ბარის) მოვლისას ველარ ვტკბებით ამ მშვენიერი, მართლაცდა ვაჟკაცური სანახაობით, მხედრებისა ან ცალკე ბედაურების ცქერით (აქ იპოდრომებზე როდი ვსაუბრობთ, არამედ სოფლებზე, გლეხკაცთა სამოსახლოებზე), გულისტკივილის გრძნობა

სამართლიანი რისხვით იცვლება, როდესაც ცხენის გაუჩინარების ერთ მნიშვნელოვან მიზეზსაც ვგებულობთ. თურმე ნუ იტყვით და მას შემდეგ, რაც საქართველოში მეღიების ფერმები მოაშენეს, მრავალი ცხენი მეღიების გამოსაკვებად განადგურდა. ასე რომ, უკეთილშობილესი და ადამიანის უერთგულესი მეგობარი ცბიერთა ჭილაგს შეეწირა. ღმერთმა ნუ გვაფიქრებინოს, რომ ჩვენ ხალხს გამოუწილდა ვაჟკაცური სულისკვეთება და სილამაზის ჭეშმარიტი შეგრძნება. ამგვარ საქმეთა მიზეზად ჩვენივე დაუღვევრობა და არასწორი ინსტრუქციები უნდა მივიჩნიოთ. ეჭვი მაინც არ გასვენებს, როდესაც ხედავ, რომ ჩვენი გლენკაცობა, მთელი ჩვენი ინტელიგენცია მართოდენ უტყვი მოწმის როლში აღმოჩნდა და წინ აღარ აღუდგა ამ აღმაშფოთებელ ამბავს. განა ცხენებს გაუჭირდებოდათ არსებობა მანქანების გვერდით? განა ურიგო ოქნებოდა, თუნდაც მომწუხრისას გაჭირვება ბუნების წიაღში? ჭანსალი ემოციისა და მშვენიერების შეგრძნება ამ კეთილშობილ ბირუტყვთან ერთად? ფიზიკურ შრომისგან დამაშვრალ გლენკაცებს კი არა, ქალაქელებსაც არ აწყენდათ ამგვარი დასვენება. განა ასე არ იქცევიან ამჟამადც ევროპელები ბულონისა და ვენის ტყეებში, ინგლისურ პარკებში? საუბედუროდ, დღეს არც დოღები იმართება ისეთი მასშტაბით, როგორითაც უწინ, აღარც ამ ვაჟკაცური სპორტის გულშემატკივრები მოიძებნებიან იმგვარი ოდენობით, როგორიც ფეხბურთსა და სპორტის სხვა სახეობებს ჰყავთ.

მოდით, ავმალღდეთ პრაქტიციზმზე!

კვლავაც ფართოდ დავნერგოთ ჩვენში ყველა დროის უმშვენიერესი ბირუტყვის, ოდითგანვე რაინდთა უერთგულესი მეგობრის, ცხენის კულტურა.

მერაბ კოსტავა
1975 წ.

ჰოჯონა

ანტიოქიის უდაბნოში აღძრული ხმები
ვინ შეუწყვილა კავკასიის ველურ ექოებს,
ღვარძღვამოცლილი თავთუხები ვინ შეჭკრა ძნებად
და სამსხვერპლოზე აუტანა ზოდიაქოებს.
დემონნი ბილწი ბომონების ვინ ასაბყარა,
მაგიურ სიტყვით ვინ გაძაგრა სიქველის მტერი,
გარეჯის ურწყულ ხრიოკებში ვინ ასაყდარა
უშქარი ლავრა უდაბნოსი და მონასტერი.
ვინ აგალობა საღვთო შანგი უცნაურ ხმაზე,
უკვდავ ვარსკვლავთა ელვარების განუქარვებლად,
მთაწმინდის თეთრი ბილილების ამონაყარზე
ვინ დაიფერფლა და თბილისის იქცა მფარველად.
ჰოი, თბილისო, შენს დიდებად მთაწმინდა კმარა,
იმისი მადლით ხამს სატანა შენგან განვიდეს,
მთაწმინდის ზეცა თავადაა ლოცვა ანკარა,
ლოცვა წართქმული წმინდა ბაგით მამა-დავითის.
წმინდა ალაგო, შენს კვარცხლბეკზე ამალღებულმა,
თავად ღმერთკაცმა ტანთ აგასხა რწმენის აბჯარი,
დაიგიზგიზა შენში ცეცხლმა მინავლღებულმა,
ოდეს ზეგარდმო გადაგსახა მძღვეელი ჭვარი.
მთაო პოხილო, იმ ზეკაცურ ნატერფალებით,
ნაოცნებარით თუ ცრემლებით ხარ დაღარული,
მზერაუქცეველ აღმართხედვით ნამწვერგალები
ჩუმი ფიქრების საკმეველით შემოჭარული.
მთაო მეტყველო, რაკი მისი ფიქრი გაცრიდა,
სწორედ ამადაც, სწორედ ამადაც... გეწოდა წმინდა.
იდუმალია იმ მაგიის საშინელება,
დაბრკოლებათა უტეხელის ნებით მძღვეელი,
უმანკოების ღვთაებრივი გამოეღვება
და მადლი ცისა, მოუწყველი, დაუღვეელი,
გარდუვალია წამი იგი იდუმალების,
გულდაწრტილი ოდეს ღმერთთან რჩება ეული,
მხოლოდ ერისთვის განხელილი გრჩება თვალები
და მოგაქვს მსხვერპლი, უანგარო, სისხლხორცეული.

ღრუბლების რუხი საბურველი დაადგა თბილისს,
 და მცდელობანი ტაროსისა გახდა ამაო,
 ოდეს თვალეზში ცრემლის ნაცვლად ჩადგება თრთვილი,
 ისევ და ისევ შენ მოგიხმობ წმინდა მამაო.
 ო, რა ძნელია, რა მძიმეა უამი ლოდინის,
 მო, მოგვეხლე, გვანუგეშე მცირეოდენი,
 ფარვანასავით გიტაცებდა არსთა ზეობა,
 კაცს ანგელოსურს და ბიბლიურ ღმერთის სახიანს.
 ვითა პრომეთემ, გამოსტაცე ზეცას ზნეობა
 და ჩვენს მიწაზე გადმონერგე ძლევის მაგიად.
 ვნებების რაში რკინის სალტით დაასადავე,
 და ნებელობა უძლეველი მეაბჯრედ იწამე,
 გამჭოლავ მზერას აღაძვრობდი უძრავ ვარსკვლავეთს,
 და საოცრებას დაეძებდი ვარსკვლავებს მიღმა.
 შენ მეფე-მოგვის სათნოება იერად გადევს,
 და აღთქმის ნიშნად გადმოგნათის თავზე ირისე,
 შენივე ხორცი სისხლთან ერთად ბარძიმში ჩასდევ
 და უზიარე მწყურვალ შვილთა იბერიისა.
 მოყვასისათვის განილიე გულგანემსილი,
 ოდეს სამწყოსთვის სული დასდევ კეთილ მწყემსივით,
 რომ სასოება არ გქონოდა ჯვარზე ვნებულის,
 ბუბაქარების გოროზობას ვით გაუძლებდი,
 შენ მამის წიაღს დაუბრუნე შენანებული
 შვილი ნაკლული, შვილი ურჩი, შვილი უძღები.
 ვით ჰიბერნიას კოლუმბაში, უდრეკი ბერი,
 შენ იბერიის წმინდა მიწას გამოესარჩლე,
 ჰგავხარ შექსპირის „ქარიშხლის“ მსცოვან პრისპეროს,
 ქარიშხლის პირმშოს და ბუნების ძალთა მესაქვს.
 ასიზელისკენ ძმობის ხიდი ღვთით გაგიდგია
 და მთა ულუმბოს ბინადართაც გადაამეტე,
 შენ თავად იყავ ფშაველ ვაჟას ბრძენი მინდია,
 იდუმალთწვდომით მინდიაზე იყავ უმეტესს.
 მამაო, გულო ტრედისაო, გრძნობავ მარტივო,
 ქვეგამხედვართა და მზაკვართა ფართე მთხრებელო,
 ჩვილი ნუკრების ძუძუმტეო, სულო მარტვილო,
 წიაღთა სიბრძნის აიაზმად მასხურებელო.

გარეჯსად იდექ, ღამეების თეთრად მთეველი,
ნათლისა სვეტი, წყვდიადისგან დაუძლეველი,
ანაზღეული ჩამოგესმა რეკვა ციდანა,
იესოს კვალზე როს ედემში ალგად იზარდე,
მხოლოდ წარსულში? მყოფადშიაც გცნობენ წმინდანად,
წმინდათ დაშთები უკუნითი უკუნისამდე!
მოვედ ჩვენს შორის კათაკმეველთ მადლის მყოფელო,
ლავრების თაღქვეშ აღვლენილო საგალობელო.
ღირსო მამაო, თუ წმინდანი არა ხარ მართლაც,
რტო ფებუსისა, პოეზიის ისრით ჭდეული
რალად ისწრაფვის მაღალ ნიჭის შენგან განათვლას,
შენს კვალს რად შესტრფის მელექსეთა დასი რჩეული?
და თუ მოსნების განათვლაში არ ხარ პირველი,
პარნასის თხემზე აზიდული ტინის კედელად,
მაშ გულზე ნაოჭდაჭდეული მთა საკვირველი
რატომ აქციეს პოეტების საგოდებელად?
სად მოსანათგან ვინ არ იგრძნოს მადლი ციური,
რალაც ძვირფასი, იდუმალი და მისტიური,
თუ პოეზიის შენ არა ხარ წმინდა ემბაზი,
ლექსის კამარა მადლით თუ არ დააირისე,
მარქვი, ძვირფაო, შენს უბრალო გახსენებებაზე
ტანში რადა სცრის ყველა ქართველს, ყველა თბილისელს?
მთას შესეგია ბილიკები კენტი და ლუწი,
ამ აღმაფრენის სპირალებით ვის არ უგლია,
ამ რძიან გზებით დავაბიჭებთ და არ კი გუწყით.
რომ ეს ბილიკი შენის ტერფით გაკვალულია.
ფერს შეეპარა მტრედისფერი ცისკრის სინორჩე,
სიბერე დღისა, დაისების გაფერმკრთალება,
მთაწმინდის მკერდზე გაზაფხულის ნედლი სინორჩე
და შემოდგომის ბანაშვიდთა ფერისცვალება.
ოდითგან ფუნჯის დიდოსტატთაც მაქა აკურთხე,
ფერთა ზეობის საფუძველი იცან რომელმან.
ამადაც ფრესკის მჭვირვალეების ხარ სიმსუბუქე,
რათა ექსტაზში ნეტარება ჰპოვოს ყოველმან.
მამაო, გვარქვი, უშენობად ნეტავი ვინ სძლოს,
მამაო, ჩვენდა გადახსენი უცხო სამყარო.
მამაო, წყარო ცნოვრებისა ვისხუროთ ვინძლო.
მამაო, ვინძლო დამჭკნარ კვერთხზე ყლორტი ვახაროთ.

მამაო, ღირსო ქადაგების ცეცხლო და რვალო,
მამაო, მაღალ სასწაულთა ღირსო ქმედებაჲ,
მამაო, ზეცით მომზირალო უშირეტო თვალო,
მამაო, ქველთა ხელოვანთა შემოქმედებაჲ
მამაო, შვილთა უპოვართა შესამოსელო,
ცხოვრების გზაზე შეჭირვებულთ მწეო მართალო,
მამაო, უბრად გამოუთქმელ არსის მმოსავო,
მამაო, სიწრფით ღვთის სასწორო და სამართალო.
ვერ დაგვიხსნიდა ავგაროზი, ვერცა თილისმა,
დუშმანისაგან ვერაფერი დაგვიფარავდა,
თუ გორგასალმა აღაშენა ფუძე თბილისის,
შენის კურთხევით ჰყავ უკვდავი აწ და მარადისი
შენ ამწყალობე მის სანახებს მკაცრი იერი,
და ქართულ მიწას ააცილე უსახურობა,
სულის საჭრეთლით ჩვენი ერი ჰყავ სახიერი,
როს საიდუმლო აღასრულე ღმერთმსახურება.
ღირსო, მამაო, ხამს აღლესო სიტყვის მახვილი,
და ახალ ნერგებს სხვა ახალი მისცე საზრდელი,
საუკუნეთა გოლიათურ გადაძახილში,
ხაზს მოგაწვდენენ შენი შიო და ზედაზნელი.
ანტიოქიის უდაბნოში აღძრული ხმები,
თქვენ შეუწყვილეთ კავკასიის ველურ ექოებს,
ოქროცურვილი თავთუხები შეჰკონეთ ძნებად,
და სამსხვერპლოზე აუტანეთ ზოდიაქოებს.
დამაშვარალები მოადექით თბილისის კარებს,
ქალწულებივით მოგეგებნენ ზვრებში ბწკარები,
ცრემლი სდიოდათ კაბადონის უხილავ ბზარებს,
და სამრეკლოთა თავისთავად სტეჟდნენ ზარები.
სასულიეროს არ ელტვოდით მაღალ წოდებას,
არ დაეძებდით არც დიდებას, არცა სახელოს,
სხვა მისწრაფება, სხვა მიზანი მოგიწოდებდათ,
დაუსაბამო, უწვდომელი და უსახელო...
სიმდაბლე თავად დიდების გზით მიემართება,
შემწყნარებელი მყის მოიმკის პირუთვნელ მსაჯულს,
თავისმოდრეკით დამდაბლების ეს შემართება
არ იავარჰყოფს, არ დალაშქრავს ან რომელ ქაჯეთს.

როგორც ყინვართა ჩიქანიდან ჩვილი ბინული,
აღძარით ტალღა სინანულის ქართლისა წიად,
უშრეტი ცეცხლი მოაზღვავეთ ქერუბიმული,
ცეცხლი, რომლითაც მოაპობდით უსიერ წყვდიადს.
ცეცხლი წვავს მიწის ყველანაირ წარმავლობას,
მაგრამ ვინ ჰპოვოს ქვეყნად ცეცხლი ბიწთან ნაზავი,
იგი წმინდაა და მის წმინდა შეუვალობით
არ დაიდების, არ ეგების ბოროტთან ზავი.
თქვენ მცხუნვარება გვაგარძნობინეთ უდაბნოს ლომის,
და ძღვევის ცაზე შთაბრიალდით, როგორც არწივი,
დაუცხრომელი სპარაზენნი სულიერ ომის.
ჩვენი სინდისის და მეობის აკვანს არწევდით.
არ დაიშრიტოს ცეცხლი თქვენგან ანატაცები,
ცეცხლი მგზნებარე, ჩვენს ძარღვებში სისხლად ნადენი,
რადგან ზნეობის რაინდები და ღმერთკაცები,
ჩვენი კაცობის ბასტიონად აღემაართებით.
არ იმცრობიან სასწაულნი საარაკონი,
ჟამთა დინებას მხოლოდ ტვირთი სუბუჟი მიაქვს,
საქმეთა თქვენთა ასაპყარეს ბილწი დრაკონი
და ბოროტება უმსახურეს სიკეთის წიადს.
მოხველით დასი ათცამეტთა მწირთა ასურთა,
როს შორეული მყინვარწვერის ელაგდა ქიმი,
უკვდავებასთან დიდებული აღთქმა აღსრულდა,
და თბილისს ცაზე აღებეჭდა ღვთისმშობლის ღიმი.

ქართული საგალობელი

არ ამოვიკრავთ პირს ვინაიდან
წილად გვარგუნე ღმერთების ენა.
გიგალობთ, რადგან დასაბამიდან
ყოველი არსი გიგალობს შენა.
სიმღერის მაღლი მოგვდგამს მას იქით,
როგორც გულის ხმა დაუძლეველი,
ყველა ქართველში შენი მუსიკის
ანთია წმინდა საკურთხეველი.
შემაძლებინე მაღალო ღმერთო,
მოყვასთა ჩემთა მუხლი ვუყარო,
მოძმე მკერდიდან არ მომიკვეთო,
ტრფიალი მისი არ განმიქარვო.
მის გულისტკივილს ვგრძნობდე უსიტყვოდ,
გავუადვილო წუთისოფელი,
აი, ყველაზე ნალდი მუსიკა,
აი, ქართული საგალობელი.
უნდა ევნო მისი გულისთვის,
უნდა იწვოდე მისი სახმლით,
აჰა, მამულო, შენი გულისთქმა,
შენი სიმღერა და მოძახილი.

კვლავ მოლოდინში

კვლავ მოლოდინში დაგვათენდება,
კვლავ შემოანგრევს რიჟრაჟი სარკმელს,
სული ლოცვებში მოითენება,
მხურვალე ცრემლით დაალტვობს კანკელს.

ოცნებას აშლის ზედაზნის ზეცა,
მცხეთისკენ თვალის შენავარდება,
მონასტერს კალთა რამ შეაკვეცა,
ან სული უფალს რად არ ბარდება?

დიდი ცარგვალის ლურჯ იმედებში
სვეტიცხოველი დაგვინთებს ედემს,
მარქვი, მონასტრის დახშულ კედლებში
რატომ ვერ ხედავ შაოსან დედებს?

რატომ ვერ ხედავ მიმქრალ სახეებს,
მენელსაცხებლეს, ნიშის წინ დახრილს,
კდემით წართქმული წმინდა სახელი
რად არ მიშუშებს ტანჯვათა სახმილს?

სული ლოცვებში მოითენება,
მდულარე ცრემლი ეცემა კანდელს,
კვლავ მოლოდინში დაგვათენდება,
კვლავ შემოანგრევს რიჟრაჟი სარკმელს.

* * *

დე, ჩამოიქცეს ტანჯულის ცრემლი
ცისკრის ნამივით,
ცისკრის ვარსკვლავმა მოჰხაზოს ბჰენი
და სოფლის გოგომ
მაშინ ნახირი მისდენოს ჭასთან,
ჭის წყვდიადიდან თუნდაც უნასი
აბრდღვიალებდეს თილისმა თვალსა
თუნდაც წყეული უდგეს კრიჭაში
მზე ჩაბრძანდება მაინც იმ ჭაში.
და უნასს აქცევს უნაზეს ქალად.

ტანჯვათა ტიტანი

(გუძღვნი დოსტოევსკის)

ლურჯად ლივლივებს ზეცა უზადო,
ირკალებიან სტეპნი დონისა,
გაშიშვლებულა დიდი რუსეთი,
როგორც მეძავი ბაბილონისა.
ნუთუ ფორტუნას ჰყავს ატანილი
და თავს საკუთარს ველარ იბოვის...
როდემდე გასტანს აუტანელი
უსულგულობა ჩინოვნიკობის.
ვაჰ, თუ მეუფემ ისევ ინება
მახვილად დაგვცეს ფრთა ანგელოსის,
არა, არა სურს ჭეშმარიტებას
გაწირვა დედა საქართველოსი.
როცა აშყარა დედაბუდიან,
მამის ბეჭედი ებყრა სარჩულად,
რადგან გასწირა მან იუდეა
კაცობრიობის გადასარჩენად.
მისგან განდგომილთ დაატყდა წყევლად,
სახეტილო დრო მერმინდელი,
მაგრამ სიკეთით ატარა ყველა
მან ჭეშმარიტი ისრაიტელი.
წოდებულთაგან რჩეულ თავკაცთა
ახალი დროის გვამცნეს დადგომა,
ხალხებს აგლოვეს მესიის ჯვარცმა,
ახარეს ღმერთის მკვდრეთით აღდგომა.
საქმეა იქცე მსოფლიო კაცად
და არ უმუხთლო ერსა და თვისტომს,
ცის მაღალ ყელზე ვარსკვლავთა აცმას
შმატო ზურმუხტი და ამეთვისტო.
ცხოვრება მუდამ სვამდა საკითხებს
უკომპრომისოდ, ულმობლად, მწვავედ,
საკუთარ სინდისს მკაცრად მოჭკითხე,
თორემ პირისგან მისისა განვედ.

დღევანდელიობის ავითანთ ბროზას,
რადგან განზრახვა შემოქმედისა
გვბირდება ახალ მეტამორფოზას,
თანამდგომელად ქართლის ბედისა.
ზიზლით გასტყვორცნის ალესილ ნაჯახს,
ვინც სინანულის ბილიცს იპოვის,
საკუთარ სულში გარდაშქმენის ყაჩაღს
რუსეთი – ბნელი რასკოლნიკოვი.
აკრთობდა ჯალათს მაღალი შუბლის
გადაღარული ელვით რკალები,
კობებთან შეყრა საწვიმარ ღრუბლის
და ხანჯალივით ბასრი თვალები.
მაგრამ დაღუბვა მისი არ სურდა,
გამოცდა სწადდა მფარველს უჩინარს
და სამერმისოდ იგი აღსრულდა,
ბედის ვარსკვლავმა რაც განუჩინა.
ჰა, კატორღელი სასწაულს ელის,
თანანადებთა მოსჩხრეკს იარას,
გზები კაენის, განცდები მკვლელის,
ცოდვის ზიარად შემოიარა.
არ აიცდინა იღბალი კრული,
შხამად რომ ასვა წუთისოფელმა,
სინდისის ცეცხლში გავლებულ სულის
მენელსაცხებლე მახარობელმა.
გადაეძაბა ლოდინის ძაფი,
იმედის ელდამ გული გალია,
სად თანაგრძნობას კამარით მძაფრით
ქვესკნელით ზეცა განუმსჭვალა.
ვერ ანარცხებდა ცხოვრება მრუში,
არ უდრკებოდა შემზარავ ფერებს
და განაგონი ნახევრად რულში,
ახსენდებოდა დიდი ხნის მერე.
ააგიზგიზებს შორეულ ესკიზს,
უხამს სიფათებს ვერ მონინელებს,
აწამებს ხსოვნა და დოსტოვესკის
დაალტობს ცრემლი მაგდალინელის.

საშოს სულისას არ დაიბერწებს
ქვით დამკრეფელთა მკაცრი მქირდავი,
მეძავის დარღში მარგალიტს ეძებს
შვიდი დემონის ტანით მტვირთავი.
ვის წიაღიდან დიდმა უფალმა
ლოცვით განასხა ეშმათა დასტა,
ახლა თვით არის ჰირისუფალი
ცოდვის საწერლით დადალულ კაცთა.
სჭვრეტს მეოხებას, მონადენს მაღლით,
სად ლოთობაა, სიძვა, როზგები,
და განგვაცვიფრებს თავისი ხალხის
აღუწერელი პარადოქსებით.
და როგორც მოგვი, ორგზის ნაშობი,
ქეშმარიტების ხდება მხლებელი,
ეოცნებება სულ სხვა სამშობლო,
ქვეყანა ღმერთის მაძიებელი.
კაბადონივით გადაიავდრებს,
გულს გააშიშვლებს უზომოდ ალაღს
და უჩვეულოს შესძენს სიმძაფრეს,
მოყვასის ხვედრში ჩაწობილ კალამს.
სისხლად ნანთხევი თითო ბწყარედი
უძირო ტანჯვის არენს ტიტანად,
სიზმართა წყების გენისარეთი
ვინც პეტერბურგში გადმოიტანა.
ბნედიანივით შეაზანზარებს
აბოკალიფსი მეხის და სეტყვის,
მკვდრეთით აღმდგარა მისი ლაზარე,
სისხლი და ხორცი დიდი მესიტყვის.
ის მოგონება არ არის მითი,
გამონაგონი ბოგანო რუსის,
მასში იმძლავრებს ხმა პირველ სკვითის,
ვარდისჭვრიანი სკვითიანუსის.
მყოფადის ბედი არ წყდება უცებ,
არ გადიხნება ზეცა იოლად,
უფალი ბევრჯერ გამოცდის რუსეთს,
ვეშაპის მუცლით გასულ იონას.
და აიაზმას გადაასხურებს,
როცა განწმენდის ჟამი იელვებს,
როცა იქცევა ყველა მსახურად,
როცა ფეხს დაშბანს გადამთიელებს.

გაზაფხული

ხატებაო, ნატერის ხისა,
უცხო მხარეს დარგულო,
ხეო, მიწნურთ სამოთხისა,
ცხრა მთას გადაკარგულო.

კაეშანი გარდამიგდე,
დარდი განუკურნელი,
დამიმკვიდრე სულში ქრისტე
და აღდგომის სურნელი.

ნუში, მთელი და ველები,
შუქთა ფენა მთიების,
თეთრი, თეთრი ყვავილები,
თეთრი ეკლესიები.

ვერ დაფარავთ ვერა ღიმილს,
მანგად განაელვებო,
მგლოვიარე სერაფიმის
დაკარგულო ცრემლებო.

ჩაგელვართ რა ნექტარი
ფერად აღმას შუშისა,
თვალთა ჩვენთა სანეტარო
ყვავილების ნუშისა.

უელვებდით სივრცეს თოლებს,
აღბათ ფრება გეწადათ,
ლურჯი ფერით ანათართლი
მიიწევდით ზეცადა.

თუმცა ფრთენი, ფრთენი ოდენ
ასაფრენად გელოდნენ,
გული ცისტვის გელეოდათ,
რტონი ვერ გელეოდნენ.

ბოლოს ქარი აგეანცათ,
მოვარდნილი ქადილით,
მეცხრე ცაზე აგიტაცათ,
აგისრულდათ წადილი.

წყაროვ, ო, წყაროვ

წყაროვ, ო, წყაროვ უწრფელეს გზებით
კლდიდან ველებს რომ ჩამოეჭრები,
შენი სიმღერით სარბენი გზები,
მოგებულია თეთრი კენჭებით.

საარწივო და საშეგარდენო,
უწარმტაცესო მთების ალერსით,
წყაროვ, ო, წყაროვ ცის მონადენო
მიჯნურის ცრემლზე უსპეტაკესო.

ღვთისმშობლისაგვით განვიბან ხელებს,
მოწყურებული შეგსვამ გულითა,
რადგან მაგონებ ჭაბუკურ ცრემლებს,
გამთბარს პირველი სიყვარულითა.

დიდგორი

ვით მღვრიე ტალღები, შეიხნი, ხოჭები
ვამპირულ ცოფით და სატანურ ღოჭებით
აღიძვრენ, უძლოდათ მზერათა მზარავი
არაბულ ტაიჭით მქროლავი არავი.
დუშმანს გაეგება დავით თოროსანი
მესსიის ელვა და ედემის სოსანი
და ბოცომკალივით მომდგარი საშარა
მკლავზე დაიგრიხა, მშვილდივით წაზარა.
გულდაგულ შემუსრა მტარვალთა კერპები,
გველს და ბასილისკოს დაასო ტერფები,
ბაღდადურ ღრიანკალს დასთხარა ჭანგები,
იდიდოს მაღლი და კურთხევა განგების!
აქეთ იყალთოთი, იქეთ გელათითა,
მაცხოვარ, მან შენი სახელი აღიდა,
აღსავლის კარიდან ასტყორცნა არწივი,
ზეცას დაუბრუნდა სერაფიმ-ბარძიმი.

ირაკლის

არა, წუწუნი იქ არ გაისმა,
რამეთუ ჰფლობდი სიღრმეს გაუმხელს,
თავი მოიკალ, როგორც კლაისტმა,
ვერთერულ განცდებს ველარ წაუხველ.
რად მოგიწამლა ასე გუნება.
საწუთრომ თვისდა წესის მიხედვით,
რად ვერ გაუძელ მწარე ცდუნებას,
ფაუსტობამდე რად არ მიხვედი?

მეტის გაბედვით და ვაჟკაცობით,
სიცოცხლის ძარღვი რად გაიწევიტი,
ისრები, შხამში ამონაწობი,
უკლებლივ რატომ ვერ აისხლიტი?!
ვერც მოგეფერე, ვერც დაგიტირე,
ჭირსა შიგან მყოფს, ეს რა მიყავი,
იმ დაწვევლილ დღეს, მე სასიკვდილე,
ვაგლახ, შენს გვერდით რომ არ ვიყავი.
ო, როგორ ვდარდობ, როგორ ვინაღვლი,
აწ მომხდარს რომ ვერ გადაველობე,
კიდევ კარგი, რომ ჩემთვის ირაკლი,
გარდაცვლილები არ არსებობენ.

და არც კვდებიან, და არც ჰქრებიან,
გარდქმნებიან ღმრთივ საოცრებად,
რადგან ისინი მუდამ რჩებიან,
ჩემთვის ცოცხლებზე უფრო ცოცხლებად.

გუმანით გრძნობდი, რომ ბედისწერას,
მუდამ დაჰყვება ხმა განგმირავი,
მაგრამ ღმერთს, აბა, ვინ გაუწირავს,
რომ შენში ვპოვოთ გასაწირავი?!

წამქეზებელი წყეული თესლის,
მოძალადეთა მომრიგებელი,
მუდამ შიშობდა აღვსილი გესლით,
წუთისოფელი შურისმგებელი.

დამმკვიდრებელნი ჭეშმარიტ გეზის,
ნებით უდრეკით, შეურყეველით,
რომ შევმტკიცდებით, ირაკლი, გესმის,
როგორც გოდოლი აუღებელი.
და სულით ეგზომ უახლოესნი,
გავვნთესა ისე, ვით შორებელნი.

გათიშვით სურდა ჩვენი წვალება,
კავშირი მძლავრი რომ დაეშალა,
და არ მიეცა საშუალება,
გულისნადები გადაგვეშალა,
მას უკვდავების წმინდა წყლებითა,
არ სურდა მორწყვა დასიცხულ ზვრების,
რათა უმაღლეს საწყისებიდან,
მერმისის თავთავს იმკიდნენ სხვები.
გადავეცდინეთ სურდა გეზიდან,
მუხთლალის ზრახვას ნუთუ ვერ ხვდები,
გონება ისე გადამებინდა,
ველარ ჩავშალე მტარვალის ცდები.

შემოგვიტია, არ მოგვერიადა,
ირონიით და ნიშნის მოგებით,
ეს რა უწყალოდ გადაგვეკიდა,
რა უსაშველოდ მოგვაწვა რქებით,
როდესაც შენი დაბადებიდან
შეუბრალებლად გააჭყარა გზები.

მაგრამ გამორჩა მტარვალს ხედვიდან,
წმინდა კანონი შინაგან ძვრების,
მამა-შვილობა გვიჩნს აგბედითად,
თუ სულიერი არ გავხდით ძმები.

ამგვარი ხვედრი რად არ გვეტვირთვა,
აღვლესით გულნი, ვითარცა ხმლები,
რადგან სამკალი ასე გვემდიდრა,
ისევ ჩვენ შეეკრათ თავთუხის ძნები.

თუმცა მე აქ ვარ სოფლად შთენილი,
შენ კი სულეთში, იქ, ზესთასოფლად,
ხარ შენის ნებით გარდავლენილი,
თავს ნუ ვიგულვებთ, ირაკლი, ობლად.

ტრფობა ნაჭარბი რადგან გულებით,
სასუფეველი იიძულების,
უდრეკ ზღუდეთა მარად დამძლევვი,
ვყოთ სიყვარული ჩვენ გზად და ხიდათ,
და ბნელში ნათლით გეზის გამკვლევი,
მეოხ გვექმნების განგება დიდათ.

ცხადად ერთურთს რომ არ მოველანდოთ
და ურწმუნობას ავუგოთ წესი,
ჩვენ უნდა შევხვდეთ ჩემს სიკვდილამდე,
ვით ლაერტის ძე და აქილეგსი.

რომ შევამტკიცოთ ორი სოფელი,
 მზით ნათელღებულ შუალამეში,
 ჩვენ უნდა შევხვდეთ უცილობელად,
 როგორც ენქიდუ და გილგამეში.

არცოდნა აღარ გვებატიება
 იმის, თუ რაა გეზი ღმერთისკენ,
 ეს ურთიერთის არის ძიება,
 იგი გზა არის ურთიერთისკენ.

ასე იკვრება მრავალი ერთით,
 მსგავსი რომლისაც არ გვეგულებს,
 თუკი სამყაროს გულია ღმერთი,
 გზაა სიწორფლევც და ერთგულებაც,
 და ამიტომაც დაგვმოძღვროს, ვვედრით,
 უღირსთ გვაჩვენოს თვისი დიდება,
 თუკი სამყაროს აზრია ღმერთი,
 გზაა სიბრძნევც და ჭეშმარიტებაც.

და თუკი ვინმე ეს დაჰბედვია,
 ერთი აქვს სიტყვა, საქმე და ცნება,
 რადგანაც ღმერთი შემომქმედა,
 გზა არის საქმევც და წმინდა ნებაც.

მაშინ გაუვა ყავლი წამებას,
 შეხვედრის წამი როს არ აგვცდება,
 როს ჩვენს წიაღში, ესე სამება,
 მძლე სიყვარულით გაერთარსდება.

და როცა ზღუდეს გავუმკლავდებით,
 როგორც ანქიზე და ენეოსი,
 მიწას მოვწყვიტოთ მძლავრი მკლავებით,
 ცაში დავახრჩოთ ჩვენ ანთეოსი.

აღსასრულებლად თუნდ იყოს ძნელი,
 ღმერთმა ხელი ნუ აგვალებინოს,
 რომ საქმე, თითქმის შეუძლებელი,
 ამ სიყვარულმა შეგვაძლებინოს.

მსხვერპლი

რამ მოგანიჭა ესე ტრფობა დაუღვეელი,
შენი შემეყურე ვით არ გავხდე ჭკუათმყოფელი,
თუ გსურს ბოლომდე დაიმკვიდრო სასუფეველი,
უნდა ბოლომდე შეიყვარო ესე სოფელი,
ისე ვით ქრისტემ შეიყვარა იგი ბოლომდე.

* * *

იყავ უმწიკვლო, ვითა ცხოვარი,
სიწმინდის თვალი, ასპიტის ელდა,
მხსნელად მივირქვათ ჩვენ მაცხოვარი,
დაგვიშოშმინებს მსოფლიო სევდას.

განურჩევლობა დაშგმე მცონარი,
ბადაგის ხარბო, ძმარი მიირთვი,
აღვდგეთ, აღვიღოთ ჩვენ ჩვენი ჯვარი,
უმძიმეს ტანჯვის ვიწვნიოთ ტვირთი,

დავგმოთ, დავთრგუნოთ მომხვეჭელობა,
მალამო წარცვხოთ წარსულ იარებს
და უზენაეს პირუთვნელობის
გაბრწყინებული გზებით ვიაროთ.

არცოდნა აღარ გვეპატიება
იმის, თუ რაა გეზი ღმერთისკენ,
ეს ურთიერთის არის ძიება,
იგი გზა არის ურთიერთისკენ.

ასე იკვრება მრავალი ერთით,
მსგავსი რომლისაც არ გვეგულება,
თუკი სამყაროს გულია ღმერთი,
გზაა სიწრფელეც და ერთგულებაც.

და ამიტომაც დაგვემძღვროს, ვვედრით,
უღირსთ გვაჩვენოს თვისი დიდება,
თუკი სამყაროს აზრია ღმერთი,
გზაა სიბრძნეც და ჭეშმარიტებაც.

და თუკი ვინმეს ეს დაჰბედვია,
ერთი აქვს სიტყვა, საქმე და ცნება,
რადგანაც ღმერთი შემომქმედია,
გზა არის საქმეც და წმინდა ნებაც.
მაშინ გაუვა ყავლი წამებას,
აღთქმულის მაღლი როს არ აგვცდება,
როს ჩვენს წიაღში ესე სამება
მძლე სიყვარულით გაერთარსდება.

შეგვაძლებინე, მაღალო ღმერთო,
მოყვასთან ჩვენთა მუხლი ვუყაროთ,
მოძმე მკერდიდან არ მოგვიკვეთო,
ტრფიალი მისი არ განგვიქარვო.

ღირსი გაგვხადე ჩვენი ერისთვის
არ შევეპუოთ ხვედრის სიმძიმეს,
აქ გამოვლილი სატანჯველისთვის,
იქაურ ტანჯვას ნუ შეგვიმციობ.

გთხოვთ, მარტვილობა გვიქციო ბრძმედათ,
გარდასახდენი არ განგვარილო,
ღირსად გვყო ძისა შენისა ჰერეტად
ჩვენი ცხოვრების სამაგლითოდ.

რამეთუ გვწადის დიღო გამჩენო,
მოსახდენს ზურგი არ შევაქციოთ,
სურვილი შენი, განზრახვა შენი,
მიზნები შენი ჩვენად ვაქციოთ.

* * *

ძალუმი ვით იეჭოვა,
ვითარცა ზვაგების თოვა,
ცეცხლოვან მდინარედ მოვალ.
დავანთებ ცრემლსა და გლოვას,
ზათქით და გრიალით მოვალ...
მთიდან რომ მოგაწვდი ყვავილს,
იცოდე, ცეცხლისა არის,
ვითარცა ღველფისა გუნდა,
ხელები დაგთუთქოს უნდა.
შემცნობის ქველის და ავის,
მარადი ომი და ზავი,
ზვაგთა და მერენთა თოვა,
ელვათა კვეთებით მოვალ.
იათა ცრემლიან გულად,
განმეხვენ ნუგეშის დაო,
შთამასვი ცხოვრების ზმულა,
შემმოსე სიმშვიდის ბაო.
გრძნობების ეს სახიობა,
გაუხსენ ჩემს სიმშფოთვარეს,
უსაყდროდ გამრიყავს ყოფა,
შენ თუ არ გამიღებ კარებს.
ზვაგთა და მერენთა თოვა,
სისხლით და ცრემლებით გლოვა,
ლოცვად და ვედრებად მოვალ,
ლოცვად და ვედრებად მოვალ.

ჩაგუხტმთ ბარათაშვილსა

ი არსენა რა ყოფილა,
რა არი ამისთანაო.

რას იკვებ, ბარათაშვილო,
შენი ლამაზი ქალითა,
ჩაგიმწყვდევია ცხრაკლიტულს,
მზეს არ ანახვებ თვალითა.
ტალად ვეფხვები დაგისვამს
ულამაზესი ბრჭყალითა,
ვერ დაიფარვენ, დაგავსებ,
ქალს წაგგერი მაჯაგანითა.
აბჯარ აისხა, შეტკაზმო,
შენი ქურანი მალია,
ღვთის რისხვა გამამადევნო,
ქვას ფრეწდის ქორის თვალითა,
ცხრა ვაჟი შამამასივო
ცხრა ალესილი ხრმალია,
ცხრა რძალი ბანზე დაგისვა
დაღრეჯით მათირალია.
შევარდნის მართვე გახლავარ,
მოყმე ვარ ალვისტანაო,
ცხრა მუნა აკვანს მირწევდა,
ცხრა წყარომ პირი მბანაო.
ცხრა დევი ხელით შავიბყარ,
შავკოჭე, ჩავეც დანაო,
ცხრა სიკვდილ ისე დაგლახენ,
წარბიც არ შამექანაო.
ჩემი აკვანი კუბოა,
ზარი გლოვისა – ნანაო,
სული გვამს როცა გასცდება,
მიმღერე სულთანანაო.

* * *

ბაღლო ლომისფაფარიანო,
მკათათვისფერო თმისაო,
სერაფიმ-საგალობელო,
უფსკრულო სინათლისაო.
მზერაო დაუშრეტელო
და პურო ცხოვრებისაო,
წყაროო უკვდავებისაგ,
სასუფეველო ცისაო,
ცვარ-მარგალიტის სიგრილევ,
ნიაგო წალკოტისაო,
ვარსკვლავეთისა საუნჯევ,
მშვენებავ ედემისაო,
ამ სოფლად მოვლინებულო
შენ ბინადარო ცისაო.
ხელთუმტკიცესო ბეჭედო
მაღალი განზრახვისაო,
უსათუთესო შეხებავ
ანგელოსური ფრთისაო.
დაუტკნობელო ყვავილო,
კდემაო ქალწულისაო,
აღურაცხელო მადლო და
სასუფეველო ცისაო.

სულო ღაიცა...

საით მიილტვი, სულო, ღაიცა,
სულო მბორგავო, შესდექ!
ცხრა კართაგენი თუნდაც დაეცეს,
უნდა ელოდე შემდეგს.

სულო გასდიე სალი კლდის არწივს,
ლაჟვარდში შვება იცან,
გარსკვლავთა წალკოტს ოცნებით ასწვდი
და ეამბორე მიწას.

აუწყვეტია კლდეთით პრომეთეს,
დამცხრალა მთებში ზვავი,
ადევნებიხარ ცაში კომეტებს,
ზევსთან შეკრული ზავით.

სჭვრეტ მეუფებას ოქროს ტახტიანს,
მნათობთა ბადეს გაშლილს,
განგებას შენტვის დაურახტია
ცეცხლის მფრქვეველი რაში.

ჰა, გარიჟრაჟმა ცეცხლი დაგინთო,
აღდგომა კვირის დამდეგს,
ხამს სინანულის ზღვაში ჩაყვინთო,
მოკვდი და მკვდრეთით აღდექ!

რა უკვდავების ქნარით გვიგალობ,
ეს რა სამკვიდრო გერგო,
ბოროტებასთან შეურიგალი,
მარადისობის ნერგო.

სად მიისწრაფი სულო, ღაიცა,
სულო მბორგავო, შესდექ!
წმინდა ლაჟვარდიც უნდა გაიცრას,
რომ მიემთხვიოს ედემს.

შიშვილობა*

თუკი ქადაგებ ქვეყნად ჰუმანიზმს,
კიდევაც შესძელ ტანჯვის ატანა,
შესძელ ალაგმო შენში გურმანი,
გაავებული, როგორც სატანა.
შიშვილის განცდა მწვავეა ფრიად,
ვით სიცოცხლეზე აღმართვა ხელის,
გვამში გელვრება, ვით ცხელი ტყვია,
თავს დასტრიალებს სიკვდილის ცელი.
ქარქაშში ხმალს ნუ ჩაგაგებინებს
დრო სიმუხთლისა და უხამსობის,
მხოლოდ შიმშილი შეგაგნებინებს
რა არის პური ჩვენი არსობის.
რაა შიმშილი, მეტადრე ჩვენმა
გამოცდილებამ უწყის პირადმა,
უწყოდა განდომ, ლიკურგემ ბრძენმა,
ნიდერლანდებმა და ლენინგრადმა.
მხოლოდ ძლიერთა ძალუძთ ალაგმონ
სულმდაბლობა და ძაბუნი შიში,
გარემოცვისას ბევრმა ქალაქმა
მონის ბორკილი არჩია შიმშილს.
რადგან ქალაქი, ვით პიროვნება,
თვითაა თავის ბედის მჭედელი,
საკუთარ ხალხის და ეროვნების
სინდისისაგან მოუკვეთელი.
თუ გამოირჩა უფლის წინაშე
და მოიხადა საქვეყნოდ ვალი,
უკვდავეოს ხსოვნა ხალხის წიაღში,
წარუხოცველი დასტოვოს კვალი.

* დაწერილია პატიმრობისას, შიმშილობის მერვე თვეს. მერაბ კოსტავამ ერთ წელზე მეტი ხნის მანძილზე იშიშვილა. აღმინისტრაცია კვირაში ერთხელ, ძალდატანებით, სტომატოლოგიური ხელსაწყოთა მეშვეობით უღებდა პირს ბორკილდადებულს და ზონდის მეშვეობით აწვდიდა ორგანიზმს თხიერ საკვებს.

სულეთისაკენ ვინც იჩქაროდა,
სპარტის დიდებად დელფოსს მისული
და მიდიოდა ამ სამყაროდან
მისნების დასით გარემოცული.
ძალას არ ჰქონდა მისას სასრული,
გასძლო, რამდენიც სულს გაეძღება,
შიშშილით სხეულს გაშყარა სული,
რამეთუ ჰქონდა ამის შეძლება.
ერის მსახური, ხალხის მზღებელი,
ბერძენთა დიდი კანონმდებელი,
პირნათლად დადგა სამარის კართან,
ძღვევის მახვილი შეაბა სპარტას.
იგი სიკეთით გახლავთ საცნობი,
თემიდას სვეტი, მეცვლე დამდეგის,
პიროვნულ ეგოს სულმთლად დამთმობი
და უდრტვინველად მსხვერპლად დამდეგი,
სიმდაბლით თვისით გასაოცარი
და ვაჟკაცობის დიდი მოძღვარი.
რომ ვერ იხილონ სპარტა ძღვეული,
შორს ფუფუნება, განცხრომა, ფული,
მხოლოდ ჯანსაღი სწამდა სხეული
დასავანებლად ჯანსაღი სულის.
უხვად მიაგებს ცეცერა სართავს,
და აკარგვინებს ანგარიშს უცებ,
ვინც ლუკულუსის ნადიმებს მართავს,
დაუცხრომელად ახარებს მუცელს.
ვისაც თან დააქვს მსოფლიო ხვავი,
გადაუანგებულს მიაგავს ძრავას,
და ასე ცხოვრობს, რაც ახსოვს თავი,
უიდეალოდ, დუნედ, უძრავად.
მუდამ დამუხტავ, თუ გსურს ძალიან
ცხოვრების შენის პირქუშ პოემას,
იქ სახუმაროდ სადღა გცალიან,
როცა სიკვდილთან ნიშნავ პაემანს,
სიკვდილზე ფიქრებს, სიბრძნის ამ დედას,
თუ სამარცხვინოდ არ გაექცევი,
ჯანგალეული სხეულის ჭვრეტა,
შემაზრუნე შეიშად თუ არ გექცევა.

გარეშემოთა და შენდა ბედად,
მაღალი აზრი უფსკრულთა ზედა,
კვლავაც აგლმართავს ხელთუქმნიელ სვეტად,
ქეშმარიტების შენისა ჰვრეტად
მშობლიურ ცასთან კვლავ შეგაერთებს.
როს შიმშილობა ბოლომდე განდობს
საიდუმლოთა დიდთა სიკეთეს,
იგრძნობ ტოლსტოიმ, შამილმა, განდიმ,
ხორცის მიღება რად აღიკვეთეს.
რად არ ემსგავსნენ ცოცხალ სამარეს,
მარადის ხრწნადი გვამის სათავსოს,
ირჩიეს გეზი მხოლოდ მთავარი,
დაშემეს წვრილმანი ათი ათასი.
როს შეგრძნებების აღორძინება
ისევ და ისევ წარმოშობს ახალს,
მიხვდები, ეგზომ გულმოდგინებით
რად ინახავდნენ ძველები მარხვას.
შიმშილმა ისე უნდა დაგცადოს
და შეგიჩვიოს სიცოცხლის ღერძი,
გემოც, ხარისხიც ყოველი კერძის.
როცა შიმშილი დაძრწის წელებში
და ცხედარივით ნარზე დაგდებენ,
მიხვდები მიზეზს ჩვენთან ქელებში,
ხორცეულს რატომ არ ამზადებენ.
სწორედ ის არის გასაკვირველი,
როს ახარისხებ კერძების წყებას,
იგრძნობ, რომ შენში თავდაპირველად
უხეშ საკვების სურვილი ჰქრება.
და ზეციურის ნესტრით ვნებული,
კერძთა სურვილის იგრძნობ ხელყოფას,
იგი ჰგავს განცდას მიცვალებულის,
როს ემიჯნება მიწიერ ყოფას.
და გინელდება მაშინ წყურვილი,
ეს თვითდინება აღარას გკითხავს,
ანაზღად ქრება ხორცის სურვილი,
სურვილი პურის არ ცხრება დიდხანს.

ხე მსხმოიარე მზისკენ მიქცევით,
თუკი ნაყოფის იმკის დიდებას,
არასდროს შეშად მას არ აქცევენ,
ცეცხლზე არასდროს არ დაიდება,
ნთქავს მატერიას ჭია და ჩრჩილი,
არავინაა აქ დაზღვეული,
ძმარდება ღვინო, ფუჭდება ხილი,
ბალჩეულობა და ბოსტნეული.
მიზეზი იგი მიწის ბარაქის,
ძნელდა იხილონ უანგმორეული,
ფორმადქმნელ ძალთა სრული მარაგით,
ერთობ ზანგრძლივად სძლებს თესლეული.
სიქველეს ფრიადს ვერ ჰგუობს შური,
რძისმიერ ნაწარმს სიმუავე მძაფრი,
იხრწნება ხორცი, ობდება პური,
არვის უხილავს ხრწნადობა თაფლის.
ნაყოფში წვენი არ დგება სწრაფად,
რაც დიდი ხარჯის შესატყვისია,
ყვავილის წვენი რომ იქცეს თაფლად,
ამისთვის წუთიც საკმარისია.
მთელი ზაფხული მზე იღწვის ასე,
უანგაროდ და დაუყვედრებლად,
ამადაც გარჯა ფუტკართა დასის,
მის კოლოსალურ ძალას ედრება.
განიბნევიან როგორც ფანტელი
და გარჯა მათი საკვირველია,
სადაც ბებლების კორიანტელი
მინდვრის ყვავილებს ცით დაშფენია.
ტაძრებს მოშმადლეს წმინდა სანთელი,
წმინდაა, რაიც ყვავილთ მტვერია,
რადგან უფლისად ხამს მისარქმელად,
რაც მხოლოდ უფლის შესაფერია.
მოუსხამს ლურჯი ცას კრეტსაბმელი,
გავდარება არ უწერია,
სამყარო ელავს როგორც კანკელი
და ენა მისი ერთობ მჭევრია.

არ დაიმცრობის მისი სახელი,
რაიც აშკარად უფლის მწერია,
რამაც შთაღვარა თაფლში ნათელი,
მზის სასწაულად და მისტერიად.
მადლი იმისი ხამს გაიაზრო
და დაადგინო, თუ რა განძია,
მთელის არსებით რათა განსაზღვრო
მისი ბუნება და სუბსტანცია.
ვგრძნობ როგორც სიზმარს, თითქო მითიდან,
ვით ნამსხვრევეები ძვირფას ზოდების,
ხსოვნაში მშვიდად ამოტივტივდნენ,
ცხოვრების ჩემის ეპიზოდები.
როს რელიგიის ვსვამდი ზედაშეს,
ვგრძნობდი სურვილებს ათასგზის ნაკლებს,
არ ვაწუხებდი დიდად დედაჩემს,
თუ მცენარეულს ვითხოვდი საკვებს.
როს ოკუპლტიზმის ნესტრით ვეწამე,
ფილოსოფიის ვეწიე სიბრძნეს,
მეც შევიცვალე და რძის ნაწარმის
მოთხოვნილება ანაზღად ვიგრძენ.
როდესაც შევრგე თავი ხიფათში,
და უჩინარი გავხდი საჩინო,
ოდეს შევები პოლიტიკაში,
კვლავ ვეზიარე ხორცსა და ღვინოს.
თუმც ურთიერთში არ აღვურიე
საპირისპირო ორი საწყისი,
სჩანს, ნებისმიერ სწრაფვას სულიერს,
ამსოფლიური აქვს შესატყვისი.
წუხნარ, რატომღაც არ მოდის რული,
წევხარ გამხდარი და გაღეული,
აქეთ ნახევრად ამოხდილ სულით,
იქეთ ერთთავად ჩონჩხადქცეული.
სამშვინველი კი თუ დარჩა ვალში,
ხილვები რკალად შემოეკვრება,
ანგელოსთ დასის უბიწო თვალში
როს მთელი ზეცა აირეკლება.

მოგვხედე მალლით მალალო ღმერთო,
შენი აღთქმით და დანაპირებით,
არასრულქმნილნი თუ ვჩანვართ ერთობ,
იმათ თვალებში როს ვიმზირებით.
ისევ წვალება, ისევ წუხილი,
გამოსაცდელად ჩემდა წვეული,
სიკვდილის პირას ვიყავ წუხელის,
მაგრამ გაბრუნდა, მომწყდა ძლეული.
ბუნების წესებს არ მოხედავენ,
ეგზომ უშუალოდ ჩვენში რომ იშვის,
და ხელოვნურად ვისაც კვებავენ,
შეუნელებელს განიცდის შიმშილს.
ტანჯვაში ვერვინ შეეცილება
ამგვარი ხვედრი ვისაც არ ასცდა,
ებრძვის შიმშილის გამოცდილება,
უკმარისობის შემზარავ განცდას.
ამგვარი ზრუნვა გინდაც შეაქეთ,
წვას გვიხანგრძლივებს, აღრევე გვითქვამს,
ფხვი არც იქით და აღარც აქეთ,
სულს ველარც ვლაფავთ და ველარც ვითქვამთ,
ვფიქრობ, აღსრულდი სანამ დრო არის,
საგზურს მიწისას რა თავში იხლი,
სიცოცხლე განა უვალო არის,
ამაოებით თავს რატომ ილლი.
შეუპოვრობის განცდა ჭიუტი,
დე, ნადრევად სიკვდილს განელოს,
ოღონდ კი ტანჯვის ყოველი წუთი,
ცნობიერების არეს შეეხოს.
მაგრამ ჩვენ ვიცით ცხოვრების ფასიც,
გვაქვს მიწიერი ვალის შეგნება,
განვლილ დღეთათვის ჩვენ ვაგებთ პასუხს,
სხვისგან ნუ ელით პასუხისგებას,
როცა არ ვჩქარობთ, თვალში არ მოგვდის,
თითქო განცდაა ჩვეულებრივი,
სიკვდილი როცა თავისით მოდის,
არის დროული და ბუნებრივი.

მის მოლოდინში დარდს ნუ ვიახლებთ,
აწ მოსახდენის ვერ შევცვლით შედეგს,
მოვიდეს, წყლულებს ნუ განვიახლებთ
თუნდაც დღეს, თუნდაც ასი წლის შემდეგ.
არ დაგვჭირდება ჩვენ ახსნა ვრცელი,
და განმარტება იმისთვის, რათა
მივხვდეთ, ჩონჩხი და ელვარე ცელი,
რად მიიჩნიეს სიკვდილის ხატად.
შესახლებულა სიკვდილი ძვლებში,
დაათრევს ნექნებს და თავის ქალას,
ჩაუკირია სიმყიფე წლებში,
სულს გამოსწოვა ფორმადქმნის ძალა
და ამ ხრწნადობის ნებით მძლეველი,
ვინც შეუპოვრად მიაპობს ტალღებს,
მიხვდება, ცათა სასუფეველი
რატომ ამსგავსა იესომ ბაღლებს.
ცხოვრების წყარო რადაა ბაღლი,
წამის ყოფითაც რომ არ ყუჩდება;
იმის წინაშე მორჩილი სახით,
ბრძენიც, ყარბიც რატომ მუნჯდება;
ნაჭდევი რატომ არ უმწვავდება,
ანაზღად ფეხი თუ მოუცდება,
ხოლო მოხუცი თუ დაშავდება,
ტრავმები რატომ არ უხორცდება.
ეგ ოდითგანვე კარგად იციან,
ცნობილი განა ახლახან გახდა,
თუ ძველი სიბრძნე და ტრადიცია
რად აიგივებს ანგელოზს ბაღლთან.
იქ კვლავად ვხედავთ მბრუნავ იქცევისს,
ვით უძლებობის ჩვენისა მიზეზს,
ხელახლა ბაღლად თუ არ ვიქცევით,
სასუფეველში ვერ შევალთ ისე.
ვინაც ირეკდა, განელო კარი,
მაღალთა შორის მოიხსენებენ,
ის სანუკვარი საცაა მხარე,
სადაც მართალნი განისვენებენ.

ეგეც ვიკითხოთ, განა ღირსი ვარ
შევერთო წმინდა განსასვენებელს,
ეგება ცოდვის მორევეში ვზივარ,
ღირსიც არა ვარ მათი ხსენების.
ჩემგან ნათქვამი აქ ძევს უკლებლად,
სიტყვა ბილწი და არგასამხელი,
და ამის შემდეგ მაქვს კი უფლება
გახსენო უფლის წმინდა სახელი?
უფალო, ღირს მყავ ჩემი ერისთვის
არ შევებუხო ხვედრის სიმძიმეს,
აქ გამოვლილი სატანჯველისთვის
იქაურ ტანჯვას ნუ შემიმცირებ.
გთხოვ, მარტვილობა მიქციო ბრძმედად,
გარდასახდენი არ განმარდო,
ღირსად მყო ძისა შენისა ჰერეტად,
ჩემი ცხოვრების სამაგალითოდ.
განმისპეტაკე მაღალო ცაო,
გველისა ტრედთან შეხმატბილება,
ბაღღურ სიწმინდეს რომ შეგუზავო
ცხოვრების ჩემის გამოცდილება.
ედემის ბალი სხვა არა არის,
თუ არა წყარო ფორმადმქმნელ ძალთა,
სადაც მუსიკობს სფეროთა ქნარი,
გამომქერწავი სახეთა, გვართა.
გამოუთქმელმან აგვასხა ფარი,
გადაგვაფარა წყალობის კალთა,
ძე მოგვივლინა ვით გზა და კარი,
ვდგავართ ახალი ცხოვრების კართან,
გადმოგვასხურა ციური ცვარი,
გადაგვეფარა სიწმინდის კვართად.
კაცობის ჩვენის იქცა მდინარედ,
წყაროდ რწმენის და წყაროდ ცხოვრების,
დაუფარავად გვამცნო ვინ არის
ბურიც, სახსარიც ჩვენი ცხოვრების.
ფიქრთა ნაკადი იმედებს გისევს,
კვლავაც დაიქუხებ, თუ ისევ მორჩი,
თუ ველირსები ნეტავი ისევ,
იმ ჰარმონიას სულის და ხორცის.

გაშლილი გულით, ღიმილით პირზე,
ისე, ქართველ კაცს რომ ეკადრება,
თუ მელირსება ნეტა გამზირზე,
ამაყად დგომა ნაცნობ ჭადრებთან,
კოლხეთით ტკბობა რიონის პირზე,
მუხლის მოდრეკა ქართულ ტაძრებთან.
ეს თუ არ მოხდა, აღარ ვინაღვლი,
ცხოვრება ჩემი განვლივ სწორად,
მუდამ მთლიანი ვიჭეჭე ინახად,
არ გავთიშულვარ აროდეს ორად,
წილხვდომ სიკვდილს თუ ვუმზერდვ ავად,
მაშინ ნამუსის ქუდი გავთელო,
ჩემი სამშობლო ზეცაა თავად,
შემდეგ ეს მიწა და საქართველო.
გინდა მომკალ და გინდ დამარჩინე,
მასზე მეტი ვარ, ვიყავი რაცა,
გმადლობ უფალო, რომ გამაჩინე,
აუხდენელი ოცნების კაცად.
რომ შემაყვარე იდეალური
სავსება გარეშეუწერელის,
მიზანი მუდამ მაქსიმალური,
სურვილი, მხოლოდ შეუძლებელის.
შენგან მივიღე მძალვარი სხეული,
ჯანმრთელი, მკვრივი, არც თუ სწეული,
ახლა, რომელიც ჩონჩხად ქცეული,
ჭგია გამზდარი და გაღეული.
ნაყოფი უნდა დამწიფდეს დროზე,
რადგან კანონი რვალზე მტკიცეა,
სატარტაროზოც, საანგელოზოც,
ეს სული შენთვის გადმომიცია.
რა უნდა მქონდეს აქ დასარჩენი,
თუ მომელიან და იქ მნატრობენ,
აღურაცხელნი მოყვასნი ჩემნი,
საიქიოში თუ ბინადრობენ.
მაგრამ ჭაბანი თუ გსურს გასწიო,
საფუძვლად საქმე დაუდო სიტყვას,
სერიოზულ შედეგს აქ მიაღწიო,
მიწაზე უნდა იცხოვრო დიდხანს.

რადგან შენს მიზნებს ველარ ვიაზრებ,
აღუწერელო კაცთაგან ენით,
სავალნი დღენი ხამს განმისაზღვრო,
ამადაც იყავნ ნებაი შენი.
ვინც გამაჩინა, მან განმიჩინოს,
განზრახვა მისი დე იყოს წმინდა,
ადგილი ჩემი მან მომირჩინოს,
ზედმეტი ბარგი არაფრად მინდა.
რამეთუ მწაღის დიდო გამჩენო,
მოსახდენს ზურგი არ შევაქციო,
სურვილი შენი, განზრახვა შენი,
მიზნები შენი ჩემად ვაქციო.

* * *

ვერაფერმა განაქარგოს
ხსოვნა გარდასულისა,
საიქიოც, სააქაოც
სუნთქვა არის სულისა.
თუ გგონიათ დამაბერონ
წუთისოფლის ვალებმა,
ან როდისმე დავიჭერო
სულის გარდაცვალება.
დაისებში ჟონავს სული
აისობის სიალით.
ხან მტრედევით გალურსული,
ხან ელჭექის გრიალით.
ანთებული უშრეტ ალად
ბრძენთა გულის მღეველი.
ათასჭერი, ათასთვალი,
ქვეყნად დაუტეველი.
თვით სიქველეუღეველი,
უჩინარი მხლებელი,
მჭვრეტელთაგან უხილველი,
ხელით შეუხებელი,
დამავალთა ზეობაა,
მდაბლის მაღლით მზეობა,
უქცეველი ზნეობაა,
უტეხელი მეობა.
იდეალთა იდილია,
თავგანწირვის სიშიშველი.
სამსხვერპლოზე სიკვდილია,
ღვთაებრივი სიგიჟე,
ჰა, საკანი დაუტევა,
მოდგა ჟამი ქროლვისა,
ვიცი, ვერსად დაეტევა,
აღმვსებია ყოვლისა.
ვიცი, ვერსით აღუდგება
ვერა ზღუდე-კედელი,
ოდეს ბოროტს განუდგება
ხუნდ-ბოროკილთა მკვნეტელი.

კმას ქრისტესმიერს

როს მიაკითხავ წმინდა ალაგებს,
თითქოს იერი ეცვლებათ ტაძრებს,
წმინდა მამათა ძვალშესალაგებს,
მღვდელმთავართა და მეფეთა საძვლეს.
გეკითხებიან, მოსულხართ სადით
ხატება შენი ველარ გვიცვნია,
წარსულის სუნთქვა ესდენ სიცხადით
საუკუნეა არ განგვიცდია.
ხარ მწირი თამარ დედოფალისა,
საღვთო სინედლის გულში აღმძვრელი,
თუ ნახევარძმა პარსიფალისა,
დიდგორს მოსული ვინმე ტაძრელი,
სამსხვერპლო სისხლით აღვსილი წმინდა
გრაალის მცველი ღვთისგან ცხებული,
თუ საიდუმლოდ ათონის მთიდან
თორნიკესავით დაბრუნებული.
ვინც განგვიახლე ნათლობის მადლი,
კურთხევის ძალა შორს გამიზნული,
როს მოგვეძალა დიდვაჭრის ადლით
დუშმანი ჩვენში შემოხიზნული,
ოდეს ტაძართა შედრკა მწიროველი
და მიეფარა ღრუბლებს უფალი,
შენ აღემართე ვითა პირველი
დაშრეტილ რწმენის ჭირისუფალი.
თვით ზეციერმა შეგარტყა ძალი,
გიძყრა მახვილი, რვალთა მღეწავი
და აგიტაცა როგორც ბოძალი
დუშმანის ძვლებში დასახვეწარი.
გჩვეოდა მტერთან არდარიდება
შეწყვილებულო სიმტკიცით კლდესთან
და ეძიებდი ჭეშმარიტებას
ვითა ტარიელ დაკარგულ ნესტანს.
დიდ წინაპართა ტანჯვით ვნებულმან
ერშიც ზრახვანი აღძარ ვნებისა,
როს განაახლე მინავლებული
ხმა ეროვნული თვითშეგნებისა.

ოსტატის სიბრძნით გამოარჩიე,
აზრთა განწყობას უცვალე ფერი,
ხელწერა შენი გულს დაამჩნიე.
ახალ ხარისხზე ასწიე ერი.
შენგან ნატყორცნი გავარდა სიტყვა,
ვითარცა მენი ცათა მკვეთელი,
ჩიუტი თმენის ზღუდე მისეტყვა,
ზღვა საგუბარის დასცა კედელი.
შემოიმტკიცე ფიცვერცხლით ძმანი,
ცეცხლს რომ უნთებდნენ გულში ასულებს,
შლეგებს მოვგავდით მოყმენი ცხრანი,
ვეფხვთან სარკენად ველად გასულებს.
არ დაგვითრგუნავს სხვათა უფლება,
ყველამ გაიგოს, ყველამ უწყოდეს,
რადგან ჩვენც შევტრფით თავისუფლებას
ჩვენადვე თავი ხამს გვეყუნოდეს.
მაგრამ ნესტანი, იგი ნესტანი,
ისევ ქაჯთა შყავთ გამომწყვდელი
კვლავაც ზვაობენ მტერთა დასტანი
უტიფრობს შხამი მათგან ნთხეული,
ცნობამიხდილი წყევლი ცრუ სოფელს,
როს გულისსწორის სახელს აბოდებ,
ვიცი, ო, ვიცი, იმის ხელმყოფელს
უშრეტი ცეცხლით დაანაფოტებ.
როს ამოშრება წყევლის სათავე
ქაჯეთს მიხტომა ნახონ ჩიქური,
მაშინ იხილონ დუშმანის თავი
უწმინდურ სისხლით გადათხიფული.
მისთვისაც გაგთქვამს ზეცა და მყარი
და ქარიშხალი ზღვებზე მქუხარი
კვლავ გაიელვებ სიმართლის ფარით
რწმენის სამკლავით და საფუხარით,
გადაიჭრები გზნებით მყოფადში,
დაემკვიდრები ხალხში მითივით,
ზედმართულო ჩვენს ეპოქაში
მიქელანჯელოს კუმტ დავითივით.

დაუცხრომელო სულიერ ცდაში,
დაუსაბამო სიტყვის მხმობელო,
უკიდევანო ასტრალურ ზღვაში
დემონთა ხროვის დამამხობელო.
ხომ ხედავ, როგორ გართულდა ომი,
ვაშ, თუ ძალები შემომეღია,
თუმცა მარადში ვარ თანადგომი,
ავთანდილობა ერთობ ძნელია,
ბოროტებისთვის მუქაფის მგებელს
საქმენი ქველნი არ დამიგმია,
მაგრამ სვებედის საწყისთა მძებნელს
ერთი ამბავი ვერ გამიგია:
სხვებზე უმეტეს თუ გაისარჯე
როს ჩამოგეჭრა ხმა ედემისა,
მოყვასისაგან რად განისაჯე
ღირსო უკვდავთა დიადემისა:
აღბათ გამოცდა ენება უფალს,
როს გიმზადებდა ხვედრს არასაცდენს,
რადგან განგებას რომელი უყვარს,
მასვე მოუვლენს სასტიკ განსაცდელს;
რას დაგაკლებდა ბედი ტიალი
ეკალ-ბარდებში სიკეთის მთესველს,
ჭორის ღვართქაფმა გადაგაიარა
და როს აღგივსეს ძმართ ფიალა
არ აიცდინე სასმელი ესე;
რადგან იცოდი, როგორ მავნებლობს,
როცა მაცდური გვიდგას საჭესთან,
რომ სიამაყე, აქ რომ მბრძანებლობს,
მათხოვარია იმ სოფლის ბჭესთან,
რომ წაუხდება მცდელობა უმაღ,
გატიალდება როგორც საბყარი,
როს აღმოჩნდება, რომ ამგვარ სტუმარს
ზეცაში არ აქვს თავშესაფარი,
რომ ვერ იხილავს სანუკვარ შედეგს,
ჭეშმარიტებას ვინც არ იმშვილდებს,
შეუპოვარი ბრძოლების შემდეგ
ვინაც ვერ ჰპოვა სულის სიმშვიდე.

ძმის აღსარება რომელმან გასთქვა,
ვინც ვერ დაიცხრო ღელვა გულისა,
ზიარებამდე ვინაც ვერ წარსთქვა
საგალობელი სინანულისა.

1978 წ. 12 აგვისტო

სიზმარი

გიორგობას, ზღვის ნაპირას,
მოაგელვა მოყმემ რაში,
ჭორიზონტზე თავდაყირა
ცას ეკიდა გარიჟრაჟი.

ერთობ მძიმე, შესაზარი
ერგო მხედარს განაჩენი,
მისი ჭმუნვის შემხედვარე
გაშტერებით იღვნენ კლდენი.

რაში ჰყავდა საოცარი,
თეთრი, როგორც დედის ხსენი,
რაინდების საფიცარი,
ლეგენდების მოსახსენი.

ფლოქვთა დაკვრით მიწას სწვავდა,
უკიდებდა ხვატს და სიცხეს.
სადავეებს კბილით ხრავდა,
ნესტოებით ხრავდა სივრცეს.

ბედი იყო თუ განგება,
ახელებდა მხედარს ეულს,
ამსგავსებდა მოჩვენებას
და ხატებას სიზმარეულს.

კენესის, კენესის ფეხქვეშ მყარი,
გულზე მსჭვალი არ ეხსნება,
ვაგლან, ბევრი მეგობარის
დატოვება ენანება.

გაჭრილიყო ტრფობის გამო,
თუ რამ სწავდა სადიდგულო?
დარჩა როგორც სამუდამოთ
აუხსნელი საიდუმლო.

გამოხედა მოყმემ ხმელეთს,
ცხენს დასჭექა ხაფის ხმითა,
მტერთა რისხვით გადამთელელს
ჩუმი ოხვრა მისწვდა ზღვიდან:

„შერიგება არ იქნება,
წაწყდეს, წაწყდეს აქ დამრჩენი,
ნუ ინებებ გადადებას,
დე, აღსრულდეს განაჩენი!
დაბრუნება უკან არ ღირს
ახლობელთა შუღლის გამო,
გაეცლები დღესვე ნაპირს
სამუდამოდ, სამუდამოდ!

აწყვეტილი ნიაღვარი
რჩეულ გმირთა დასში ბრწყინავ,
უშიშარი ალამდარი
მარადიულს ჰპოვებ ბინას“.

შეახურა მოყმემ ჰუნე,
შეაგელვა ფიცხლად ზღვაში
და ზვირთებმა მოდგაფუნე
ჩაიხუტეს თეთრი რაში.

მახვილივით მიჰკვეთს ტალღებს,
წერტილივით მოსჩანს შორად,
უსაზღვრობა ყმას ალაღებს,
ჭმუნვის კვალი მოიშორა.

გადუჭირა მერანს მძაფრად
ნესტოს წასკდა ცეცხლის ენა,
ზღვა აჩანყდა, აიჯაგრა,
რისხვის ქაფი მოიყენა.

ზღვა გაგიჟდა, აიფაფრა,
ცხენს ფაფარი ექცა ზღვადა,
ტალღა ცეცხლს და ცეცხლი ტალღას
შეეხეთქა, ჩაეხლართა.

დაიქუხა, ვით ხანძარმა,
მკერდი წყლისა გადიფხრიწა
და ექსტაზმა უეცარმა
შეარყია ცა და მიწა.

აზანზარდა ზვირთთა ტაშში

აღტაცება გაუმხელი,
ბორგავს ზღვა და ხარობს რაში,
ნეტარებით საკვირველით.

და როდესაც დასალიერს
თეთრი ნისლი გადექარგა,
მოყმე გასცდა თვალსაწიერს
სამუდამოდ გადიკარგა.

ბანაჩენის მოლოდინში

სული ნაკუწებად ნაკები
ჭმუნვის უღეველი მიზეზი,
ფიქრები – წამახული ჭანგები,
სახეზე აკრული გისოსი.
სისხლის ნაღვერდებლად დანალექი
მზერაში მტაცებლები სანლობენ.
ცხადში გასიზმრებენ მედილეგეს.
ძილში გიცხადებენ ახლობლებს
გეკვირიან ლორწოვან გველებად
კოშმარულ ხსოვნათა რკალები,
ნაბდათ აგისხია მკვლელობა.
გუდათ – საიქიო ვალები.
სახე მიტკლისებრ გაგზდომია.
ნაგვემი ლეკვივით ტანჯული,
ავი წინათგრძნობა აგზდომია.
სიკვდილის ცელს ლესენ მსაჯულნი.
არ დასჭირვებიათ დოსიე,
ისე ვით მოკლულებს მკურნალი,
ერთს ცივი ბებუთი აყნოსე,
მეორეს – ცხელი ტყვიის სურნელი.
ლოდინმა სული შეგიხუთა,

ფიქრობ, გადავრჩეო ეგების,
ღამეებს ზარავს შენი კუთვა,
შიშისგან უდროოდ ბერდები,
ან იქნებ გადარდებს მოკლულთა,
თალხით შემოსილი დედები,
სიცოცხლის ნასკვი გეწუგვლება,
გეცლება იმედის ნასახი,
სიკვდილი, ვით გაურკვეველობა,
ტანში დალასლასებს ცანცანით,
ადრე განაგონი იგავად.
გზარავს სულთამბრძოლის ხავილით,
სჩანს შეუბრალებელ მთიბავად
და არა ცხოვრების ყვავილად.
ჟრჟოლვა სასიკვდილო ცივია,
სურვილით ვინ აღესრულება,
მაგრამ მის აჩრდილზე მძიმეა
შებვედრა მოკლულთა სულებთან,
ზოგჯერ თევზივით დამუნჭებულს
უაზროდ გიშეშდება თვალები,
ღაწვნი ნაყუყუვით გილურჯდება.
საწოლთან მიეთრევი წვალებით.
გსურს მიუსავლეთში გაქცევა,
გაცლა საკუთარი თავიდან,
აუხდენ ოცნებად გექცევა
ჟველაფრის დაწყება თავიდან,
უდაბურ კუნძულზე გაგრიყავს,
ზმანება დელვისგან დევნილი,
იქაც კი არავინ არ გყავს.
ბორგავ უთვისტომოდ შთენილი,
ელი ჩასაფრებულ იქედნეს,
უმზეო ცით გადამეხილი,
გამწლელ სხეულის ყრუ კედლებს,
აწყდები ცოფიან ვეფხივით.
თავი ჭადარით გადიღება,
საკანის ბედკრულო მეიტნახევ,
შენს სასჯელს თავზე ავიღებდი,
ოღონდ ამ ტანჭვაში არ მენახე.

სწინესი

უდაბნოს გვამში დგება ცისკარი,
როს დისკო მზისა ტანზე სისხლის იშრობს,
უდაბნო სუნთქავს და ამღვრევს ქარი,
მზესთან ატყორცნილ მეწამულ ქვიშრობს.

რამ დაიმონოს სული ბოეტის
ელვა ხუნდებით ვინ ასაპყარა.
შენში სდულს ხვატი უდაბნოეთის,
გარსის გამრღვევი სულის კამარა

და შენ დარჩები სულის ამარა,
სულთა მხილველი თალხი ღრუბელი,
ვინ ამხედროს ქვეყნად ავდარი,
შენთა სწრაფვათა გადამბუგველი.

გადაიხსნება ზეცის თავანი,
იდუმალ სიტყვის მაღალმშვენებით,
გადაველები ოდეს სამანებს.
მოგვის არტახში ჩაკრული ვნებით.

აიზიდება მზედ ლომის ტანი,
არწივის მხრებით შეჰკრავს ირაოს,
ელვას გასტყორცნის ცის გალავანი,
რომ სკნელთა ფსკერი ააყირავოს.

ხილვას დაგანძავს თვალთ მონაგარი
და გულთა სმენას წვდომა განსჯისა,
ყოველი არსი სად მონა არი.
უზეშთაესის მფეთქავ მაჯისა.

ნუ დაჰკრავ შენ იმ ტატნობებს,
სადაც ლაუვარდებს ეტრფის არწივი,
მან, სიბრძნის წყარომ ერთმა გაცნობოს
შენი წილხვედრი, შენი არჩივი.

და ოდეს ვნებას ოკეანეთა,
გარდაჰქმნი პირმშოდ შენივ ნებისა,
სულში ჩადგება სულ სხვა ბლანეტა,
სხვა სიბრძნე სფინქსის ქარავმებისა.

წამებაულისადმი

ახლოს ვართ, სულ ახლოს ედემთან,
როს გული მკერდში არ ეტევა,
და სისავსისაგან სრულქმნილი,
იფრქვევა მეწამულ ღველფებად
ახლოს ვართ, სულ ახლოს ედემთან.
მზე ჩავა ლომისფერ ქედებთან,
დასტოვებს ანთებულ ფერვალებს,
შორეულ ოცნებად ედება
დათალხულ, დაბინდულ მწვერვალებს,
წმინდანთა გულივით ანთია,
წმინდანთა სისხლივით ელვარებს.
საღამო იისფრად ბერდება,
კაბადონს წარსტაცებს ჩირაღდნებს,
ბაგეებს მოსკდებათ ვედრება,
როდესაც ვარდისფრად ინათებს.
და მოდის ის სულისკვეთება
დედებს რომ მიჰქონდათ აკვნებთან,
ეს გული იდუმალ აკვნესდა,
შენ გინმობს ქართველთა აგნესაც,
იბერთა სასწაულქმედებაც,
წმინდაო მნათობო ქეთევან.
ნეტართა პარნასში რჩეულო,
ანგელოსთ იერით მლიმარევ,
სიწმინდე შენ მინანქრეულო,
შენ ჩვენთა ცრემლების მდინარევ.

არსთა გამრიგემ არ გაიმეტოს
ვინც სამყაროთა თვალის ჩინია,
ადამიანო, შენდა იმედად
ლაღადებს სიტყვა „ნუ გეშინია“.

ზეცამ ძუძუდან არ მოგიკვეთა,
ყოველი არსი შენთვის ნმიანობს,
ვაგლახად სასო არ წარიკვეთო,
ვინძლო სული არ დაიზიანო.

ფათერაკს მკერდით გადაუდექი,
მომმეთ იმედი არ წარუხოცო,
ადამიანო, იყავ უდრეკი,
იყავ უშიში, ვითა უხორცო.

სტიქიონების ველურ თარეშში
სულის სიმტკიცე გმართებს მალული,
რადგან ვაჟკაცურ გზების გარეშე,
არ არის ქვეყნად არც სიყვარული.

როცა წინასწარ თქმული ახდება,
როცა სამყარო ფაფარს აიშლის,
განსაცდელს მშვიდად თუ არ დახვდები,
როგორ იწოდო პირმშო ქარიშხლის.

ნაჭუჭის კაცად ნუ გადიქცევი,
თორემ დინება წაგლეკს, გაგრიყავს,
სტიქიის რისხვას თუ გაექცევი,
რალას დააკლებ ცხოვრების გრიგალს.

უტენის რწმენით შენ არ წაწყდები,
დააცხრობ ღელვას, დათრგუნავ ქარებს,
სად თანაგრძნობა ვერას გახდება,
იქ თავგანწირვა გაგიღებს კარებს.

შენ გვევლრები სულით გლახაკი,
ვინმე დევნილი სიმართლისათვის,
თუმც ვერ გამრავლე სამსხვერპლო ხარკი,
ვეღარ გავიღე თავი ღვთისათვის.

გამოუთქმელო წმინდა საბაოთ,
თვალაპყრობილი მოგმართავ ზენარს,
მისმინე სიტყვა დაუსაბამო,
ნუ ამარიდებ მშობლიურ მზერას.

არ მითხოვია შავი დღისათვის
თვალის წილ თვალი, კბილის წილ კბილი,
არ განმიკითხო ცოდვებისათვის,
არ გამიტეო უძღები შვილი.

ოდეს ვირეკდე განმიღე კარი,
ელვაგ, ღრუბლებში შემოპარულო
და განმიახლე სულის საყდარი,
სასოებაო და სიხარული.

როდესაც წართქვი: „იყავნ ნათელი”,

აღენთო ჭალი მზიანი ღამის.

აელდა თვალი, ტაძრის სარკმელი,

განმმართველი სანთელი გვამის.

შენ მიანიჭე ნათელი იმ მზეს,

რადგან გწადია ჩვენც გაგიმზევდეთ,

რომ იმავე თვალით, რომლითაც გვიმზერ,

შენვე გხედავდეთ, შენვე გიმიზერდეთ.

ქარის სიმღერა

მოგესალმები ბებერო მუხაგ,
შენს მეფურ ჯილას შემოვევლები,
მაგ დაკორძებულ რტოებში მქუხარს
გთხოვ, გადამხვიო ძმურად ხელები.

მე თვალუწვდენელ სივრცეზე ვწვივარ,
სახად შეყრილი, ღვთისგან გამობილი,
რატომ არ გესმის, ეს მე ვარ, მე ვარ,
ნუთუ ვერ იცან შენი ძმობილი.

ბოლმა ვერა და ვერ დავიყუჩე,
გავატიალე გზები მტვრიანი,
რისხვად დავატყდი ქალაქის ქუჩებს
კარზე მივუხტი ადამიანებს.

ქვეყნისთვის გავხდი ვიღაც მავანი,
ჩემთვის ყოველი დღეა უდარო,
დავძრწვი, დავეძებ მყუდრო სავანეს,
მაგრამ ვერ ვპოვე ნავთსაყუდარი.

ჭეშმარიტ შეგებას სახემზიანო
შენი გვირგვინის ხავერდში ვპოვებ,
როს ზარებივით ავაწყრიალებ

ვარსკვლავებივით გამოსხმულ რკოებს.
მისთვის შენს ნახვას არა ვგვიანობ,
სამამაცოთა ზნეთა მპყრობელი,
რომ შენს ფოთლებში ავაფრიალო,
გარდასულ გმირთა საგალობელი.

ტიალ მინდორში დაგიმარტოვე,
უტენხად ქედი არ მომიხარე,
გეკვეთე მაგრამ დაძარღვულ რტოებს
ჩიქურ მკლავი ვერ გადაუხარე.

მე შეგისახლე ძალა ცხოველი,
გიფოლადებდი ძვლებს კოყრებიანს,
შეუმუსრავი ნაკვთი ყოველი
ჩემთან ბრძოლაში გაგკაჟებია.

პიხაღი ნეხილღები

მივიღე თქვენი წერილები. არ უნდა ლაპარაკი, რომ ძალიან გამეხარდა – წერილი აქ ისევე აუცილებელია, როგორც შაერი, პური და წყალი. რაც მთავარია, გავიგე, რომ ცოცხლები ხართ, ჯანზე ხართ და, ყველაფერთან ერთად, რუსიკო სადოქტორო დისერტაციასაც შესქიდავთ. ეს კი იმაზე მეტყველებს, რომ ყველაფერი მართლა ნორმალურად არის ან, შეიძლება მე ვცდები და, რუსიკოს მეცნიერების ნაინანატრმა მეგობარმა, ფანატიკურმა მიზანსწრაფულობამ მოიკითხა (როგორც თავის დროზე პარიზში მარია სკლადოვსკაი-კიურეს), მოაკითხა იმ მხურვალეებამ, რასაც ცივ, მეცნიერულ განსჯასთან ერთად შეუძლია სასწაულები მოახდინოს. ყოველდღიურ ცხოვრებისეულ ცივ გონიერებას, რა თქმა უნდა, ესა სჯობია, თუნდაც მცირე ზომით. მეცნიერების მწვერვალს, ისევე როგორც ჭეშმარიტებას, შეუპოვარი იდეური ფანატიზმისა და ცივი გონების, ანუ მეცნიერული განსჯის (თანამიმდევრულად რომ აწონასწორებს სუბიექტურ გადახრებს ინდივიდუალური ცეცხლის დაუკნინებლად) გარეშე ხომ ვერ დაიბყრობ? შენი სულისკვეთება თუ ასეთია, მაშინ მე მივესალმები ამ წამოწყებას – მეცნიერების საკურთხეველზე ამგვარი თვითდაწვა, სამშობლოსათვის, ან მოყვასისათვის თავის განწირვაზე არანაკლებია. ძნელია იმაზე უფრო კაშკაშა შექურების მოძიება ყოველდღიური ცხოვრების წყვედიადში.

ახლა ცოტა რამ ჩემ შესახებ. განწყობილება და ჯანმრთელობა ნორმალური მაქვს. ვღებულობ გაზეთებს, ჟურნალები ჭერ არ ჩანს, მაგრამ ჟურნალები, როგორც წესი, იგვიანებს, რა გამეწყობა, თვალს ვადევნებ ლიტერატურულ ცხოვრებას საქართველოში. წერილებმა გალაკტიონზე ძალიან ბევრი მოგონება წამომიშალა, მაგრამ ეს შორს წაგვიყვანს. წავიკითხე რეცენზიები იშხნელებზე. ამაზე მინდა ცოტა ხანს შეეჩერდე. ჭეშმარიტად, რომ მათი სიმღერის მეშვეობით გამოსცემდა ხმას დიდი ხნის მანძილზე ქართველი ხალხის სული. სწორედ მათ განაპირობეს ქართული საესტრადო სიმღერის შემდგომში ხასიათი, მისი თავდაჭერილობა, კეთილშობილება, ბგერით გამოხატული ბორნოგრაფიული ელემენტების სრული არარსებობა. მათი სიმღერის მეშვეობით შემოვიდა ქართულ საესტრადო მუსიკაში იმერული ნაკადი, რისი შთამაგონებელიც იყო უმეცველად ალალო

წერეთლის პოეზია ისევე, როგორც, გარკვეული აზრით, აღმოსავლურ-ქართული სასიმღერო ნაკადის წყარო იყო ალექსანდრე ჭავჭავაძის, გრიგოლ ორბელიანის, საიათნოვასი და ბარათაშვილის პოეზია. პოეტური ლირიკის განწყობილებაზე დიდად იყო დამოკიდებული ჩვენში ქალაქური სასიმღერო მუსიკის აღმოცენება. ხალხურ, სოფლურ, მით უფრო – რიტუალურ მუსიკას რაც შეეხება, იგი გაცილებით უფრო არქაულია და აქ უეჭველად მართალია „მუსიკით შობილი ტრაგედიის“ ავტორი, მუსიკალური საწყისის პირველადობაზე რომ მიუთითებს სიტყვიერებასთან შედარებით. ხომ მართლა ძალიან მწირია სიტყვიერი მასალა უმშვენიერესი და უძველესი გურული სიმღერებისა?! ფიქრი თავის გზას აგრძელებს და ნათელი ხდება, რომ პირველი ბგერითი რეაქცია ადამიანისა გარემომცველი სამყაროს მიმართ უფრო მუსიკალური იყო, ვიდრე სიტყვიერი, ანუ აზრობრივი. ეს ბგერები – შორისდებულები – ინტონაციურ, ტონურ ელემენტებს გამოხატავენ, მრავალფეროვან გრძნობა-განწყობილებებს. სწორედ შორისდებულები წარმოადგენენ ადამიანის სულის მოძრაობის პირველად სიმბოლოებს – სხვადასხვა სიმპატიებისა და ანტიპატიების, გაოცებების, აღტაცებების, აღფრთოვანებებისა და შიშების ექსტატურ საფეხურებს. ეს შორისდებულები, მინორული გამისა არ იყოს, უკვე შეიცავდნენ ინტონაციური ელემენტის განწყობილებას, ანუ პირველად ელემენტს მუსიკალურობისას და თვით მუსიკისას. გარკვეული აზრით მუსიკალურობისა და სიტყვიერების დამაკავშირებელ რგოლად სწორედ ეს შორისდებულები გვევლინებიან. შორისდებულები უეჭველად ყველაზე ძველი ადამიანური ბგერებია. აი, სულის ამ პირველად მოძრაობას მოჰყვა უეჭველად ყველა სხვა ადამიანური მოძრაობანი, სახელდებანი და მეტყველების ყველა სხვა ნაწილი. ძველთაგანვე თუ ადამიანური შემოქმედებითი პროცესი მუსიკიდან სიტყვიერებისაკენ მიისწრაფვოდა, მერე და მერე, განვითარების სხვა ეტაპზე, უკვე ლირიკული პოეზია იწყებს ზემოქმედებას მუსიკაზე. სწორედ ყველაზე საუკეთესო პოეტები ასხამენ ხორცს თავიანთ შემოქმედებაში იდეალურ, ემოციურ შეფერილობას თავიანთი ხალხისას, დაჰყავთ ყოველივე ეს უკვე კონკრეტულ ადამიანამდე და მით ესთეტიკურად აყალიბებენ და ამალაბებენ თავიანთი ხალხების საერთო ღონეს. ასეთი პოეტები იყვნენ ჩვენში აკაკი და გალაკტიონი. მათი ტოტალური ზეგავლენა ვრცელდება სასიმღერო მუსიკაზეც. აკაკის ხაზი დები იშხნელების

სიმღერებია, სამომავლო ხასიათი ქართული საესტრადო სიმღერისა ნათელია. გალაკტიონის პოეზიას კი ამ თვალსაზრისით ჭერ კიდევ არ ამოუწურავს თავისი უზარმაზარი შესაძლებლობები. მინდა ჩემი ესთეტიკური შეხედულებების სისტემა გადმოვიშალოთ, ვფიქრობ და ვწერ მხოლოდ იმაზე, რაც ძვირფასია ჩემთვის და საქართველოს მაგონებს.

მოკითხვა ყველას.
გკოცნით მაგრად.
მერაბი.
17.11.1983 წ.

სალამი რუსუდან, ოლიგო, ირაკლი!

რაშია საქმე? რატომ არ არის წერილები? ყველაფერი რიგზეა თქვენთან? ნოემბრის წერილი თუ მიიღეთ? ვრცელ უსტარს არ გთხოვთ, იმდენი მაინც მაცოდინეთ თქვენს შესახებ, ქალაქის ერთ გვერდზე რომ დაეტევა.

ჯანმრთელობაზე არ ვფიქრობ, მაგრამ ჯანზე ვარ. არც გუნება-განწყობილებაზე ვფიქრობ, მაგრამ მშვენივრად ვგრძნობ თავს, ხასიათს არ ვაველენ, მაგრამ მგონია, რომ მაგრად ვარ სტამბოლის კაჟივით.

ზამთარი დროდადრო გამოაჩენს ხოლმე ბრჭყალებს, მაგამ ბარაკში აფრიკაა, მეტის მეტს შვრებიან, ისე ათბობენ, ცხოვრება ჩვეულებრივი კალაპოტით მიედინება, სიჩუმეა, მაგრამ ადამიანის სულის სიღრმეში შეიძლება ისეთი ომი მძვინვარებდეს, ერმაკის ლაშქრობა ციმბირში მონაგონი იყოს. გამოხვალ ბარაკიდან, გაიხედ-გამოიხედავ - თოვლი, ყინვა, ხეები თითქოს ყინულისაა აკრძალული ზონის იქით. კარგი თუ გინდა, მოხიო (გაქცევას არ ვგულისხმობ - უნდა ტაიგაში დაერიო სოროებსა და სახატებს! კარგი, კმარა - მშვენიერებას არ უნდა დაუმიზნო.

დადინხარ ბანაკში, გაყინულ ნიადაგს მყარად გრძნობ ფეხქვეშ, ორთქლს უშვებ პირიდან, როგორც „ზმეი გორინიჩი“, გაიფიქრებ

რამეს – ფრთხილად ძმობილო, მიწასთან კონტაქტი არ დაკარგო, გზა მოყინულია, ფეხი არ მოგიცურდეს, არ დაეცე... ასე ყოველ დღე.

ირაკლი რას შერება? ეგ აყლაყულა ახლა იმ ასაკშია, როდესაც არ უყვართ ტკუას როცა ასწავლიან. ცოლი რომ შეგვერთვევინებია! იცოდეს, რომ მისი პაპის პაპას ცხრა ვაჟი და სამი ქალი ჰყავდა – თოთხმეტი კოსტავა, ახლა ამ შტოდან შვიდნილა დავრჩით მოგვარეები. სირცხვილია! პაპის პაპა ივანე კოსტავა საფლავში გადატრიალდებოდა, ეს რომ გაეგო, თუ როგორ დაუფასეს გმირობა შთამომავლებმა. როგორც მახსოვს, ირაკლის უყვარს ბატონკაცივით ტანტზე კოტრიალი. საქმეს მიხედოს და იმუშაოს, როგორც საჭიროა, ისე დაოჯახდეს დროზე და ხშირ-ხშირად გამოუბეროს მუცელი თავის მეუღლეს. გონების თვალით თუ განვსჯით, სულიერ ზრდას ამან არ უნდა შეუშალოს ხელი. პაპის პაპის რეკორდს თუ ვერ მოხსნის, იმ რეკორდულ ციფრამდე მაინც გაზარდოს ჩვენი ცოცხალი ნათესაგებისა და მოგვარეების რიცხვი. დღეს უშვილოდ და ცოტა შვილით მხოლოდ მეშჩანები და წინდაუხედავი ხალხი რჩება.

რუსუდან, როგორ არიან ჩვენი დედები? ნინას ჩემი მოკითხვა და საუკეთესო სურვილები გადაეცი, ოლიკოს კი მე თვითონ დაველაპარაკები.

ოლიკო! ვინა თქვა შენი სიბერე?! შენ ჩემი მარად ახალგაზრდა დედა ხარ. ხალხი გაოცებას იყო, ამ სიშორეს რომ ჩამოხვედი ჩემთან „სვიდანკაზე“. ცოტა არ იყოს, კი მეშინოდა შენი, მაგრამ სიხარული უსაზღვრო იყო. გიკრძალავ ავადმყოფობას, ცუდ ხასიათზე ყოფნას, თავს მიხედე, გაუფრთხილდი შენს ჯანმრთელობას. იარე სტუმრად, თეატრებში, გაერთე. ჩემზე ნუ წუხარ, ჩემი განწყობილება ბევრად არის დამოკიდებული თქვენს კეთილდღეობაზე.

მალე ახალი წელია! ღამის თორმეტ საათზე 31 დეკემბერს დაიწყება სროლა თოფებითა და სარაკეტო პისტოლეტებით მთელს თბილისში. ქუჩები დაცარიელდება. უმრავლესობა ოჯახებში შეხვედება ახალ წელს. ახალგაზრდები სადმე მოიყრიან თავს. დაიწყება რეკები, მილოცვები, დილით ქუჩებში გამოეფინება ხალხი, დაიწყება სეირნობა, სტუმრად სიარული. მხიარულობენ, ულოცავენ, ეხვევიან, კოცნიან ერთმანეთს, კამფეტებს ცვლიან... დაე, ბედნიერი ყველა იყოს!

უპირველეს ყოვლისა, წინასწარ გილოცავთ ყველას დამდეგ ახალ წელს! გისურვებთ ყოველივე საუკეთესოს და საინტერესოს, არაჩვეულებრივსა და განსაკუთრებულს კარგი გაგებით. გულოცავ ყველა ნათესავს, მეგობარსა და ნაცნობს.

ვიგონებ საქართველოს ახალი წლის წინ, ჩემი გულიდან არ გამოდის ის. ხანდახან ტელეგადაცემაში მოგვკრავ ხოლმე თვალს, ან რადიოში გავიგონებ მის სიმღერას, მაგრამ უფრო ხშირად ფიქრში ამოტივტივდება ხოლმე. ბევრს ვიგებ გაზეთებიდან და ჟურნალებიდან. გავიგე, რომ დღევანდელი მთავრობა საქართველოსი და საზოგადოების ნაწილი დაინტერესებულია მიტოვებული სოფლების აღდგენით, განსაკუთრებით მთიან რაიონებში, აფიქრებთ სოფლის მოსახლეობის კლება ქალაქებში მიგრაციის ხარჯზე, პრობორციის დარღვევა სოფლისა და ქალაქის მოსახლეობას შორის, რაც თავის დაღს ასვამს სოფლის მეურნეობის მაჩვენებლებს, განსაკუთრებით მესაქონლეობის დარგში. გავიგე, რომ უკვე გადადგმულია პირველი ნაბიჯები აღდგენითი ღონისძიებებისა, გავიგე, რომ დემოგრაფები წუხან შობადობის დაბალი მაჩვენებლების გამო საქართველოში. სასიცოცხლო მნიშვნელობის პრობლემებია, მაგრამ არ ვიცი, რა მიიჩნევა პირველი რიგის საკითხად – სოფლების აღმშენებლობა თუ მესაქონლეობა? მიტოვებული სოფლების აღმშენებლობის პრობლემა მესაქონლეობის განვითარებაში შეფერხებამ წარმოშვა თუ თავისთავად დადგა ეს საკითხი დღის წესრიგში, როგორც მთავარი პრობლემა? მე მგონია, ხვდებიან, რომ ამ მთავარს უკავშირდება ყველა დანარჩენი.

შეიძლება ზედმეტად მოეჩვენოთ თუ მოვაგონებ, რომ საქართველოს მთიანი ზოლი იყო სწორედ ის სიმაგრე, რისი წყალობითაც ვერც არაბებმა, ვერც მონღოლებმა, ვერც თემურ ლენგმა, ვერც სპარსეთმა, ვერც თურქეთმა ვერ შესძლეს მისი დაპყრობა, მისი გატეხა და აქ დამკვიდრება. ზედმეტად ჩათვლიან აგრეთვე, თუ მოვაგონებ სიმაძაცესა და კოლორიტულობას ჩვენი მთის ტომებისას, მათ ეთნიკურ ნიჭსა და იმ დამსახურებას, რაც ქართული ლიტერატურისა და სიტყვიერების გამდიდრებაში მიუძღვით, მოვაგონებ იმ სიდიადესა და მშვენიერებას, რასაც მათი საცხოვრისები წარმოადგენს და რაც ასე იზიდავს დღეს ტურისტებს. ყოველივე ამის ხსოვნა და დამახსოვრება არ არის ურიგო საქმე, მაგრამ ხალხი მხოლოდ მაშინ არის ნამდვილი ბატონ-პატრონი თავისი მიწა-წყლისა, როდესაც კულტურა და ურბანიზაცია წინ არ ეღობება თუნდაც ყველაზე უფრო მძიმე კლიმატური პირობების მქონე და მიუვალი კუთხეების ათვისებასა და მამულის სასარგებლოდ რეალიზაციას, ხელს არ უწყობს უკვე ათვისებული დაკარგვას. ამ თვალსაზრისით ურიგო არ იქნებოდა, რუსების მაგალითისათვის რომ მიგვებაძა, მიგვებაძა მათი შეუპოვრობისათვის ციმბირისა და შორეული აღმოსავლეთის

უმძიმესი კლიმატური პირობების მქონე მიწების ათვისების სამეში. საქართველოსათვის მისი მთიანეთი იგივეა, რაც რსფსრ-სთვის ციმბირი. ზამთრისა და ზაფხულის თვეების ხანგრძლივობაც კი დაახლოებით ერთნაირია. გარკვეული თვალსაზრისით ერთიმეორეს ჰგავს ფლორა და ფაუნაც. არამარტო იგივე წიწვოვანი ტყეები და კენკრაა საქართველოს მთიანეთში, არამედ არყის ხეებიც.

კეთილდღეობა და დღეგრძელობა ნებისმიერი ხალხისა დამოკიდებულია იმაზე, თუ როგორ ჰარმონიაშია ერთმანეთთან და როგორ შეესაბამება ერთმანეთს მისი სულიერი და ბუნებრივი, ანუ გონებრივი და ფიზიკური ცხოვრება. ერი რომ არ დაბერდეს, სიბრძნის ოდესღაც უკვე მიღწეულ მაღალ დონეს ინარჩუნებდეს და ამასთან ერთად, მარად ახალგაზრდა რჩებოდეს, ამისათვის საჭირო რიცხვი მისი მოსახლეობისა ყოველთვის უნდა იდგეს მისი გაახალგაზრდავების წყაროსთან, უმძიმეს პირობებშიც კი არ უნდა წყვეტდეს კაფშირს ბუნებასთან, მიწასთან და დროდადრო, ზომიერი, გონივრული ტემპით უნდა უმაგრებდეს ზურგს და აახლებდეს ერის ინტელექტუალურ პოტენციალს. ცივილიზაციები ხშირად იღუპებოდნენ ამ სასიცოცხლოდ მნიშვნელოვანი პრობორციების დარღვევის გამო.

ციმბირის მოსახლეობა ამოუწურავი გამაახალგაზრდევებელი ძალაა რუსეთისა და იცავს მისსავე უფრო ინტელექტუალურ ევროპულ ნაწილს სიბერისაგან. ეს ჩანს ყოველ ფეხის ნაბიჯზე. ყველაზე თვალსაჩინო კი ომის დროინდელი მაგალითია.

ციმბირში უნდა იცხოვრო პატარა ხანს, რომ გაიგო თვისება ციმბირის მოსახლეობისა. თავის დროზე ციმბირში გადასახლებებმა გაუადვილა სტალინის ამისი გაგება და გერმანიასთან ომის დროს სწორედ ამის წყალობით შეიმუშავა სწორი სტრატეგია, სტრატეგია, რომელიც მისი პირადი გამოცდილებით იყო განპირობებული. იმან იცოდა, რომ ციმბირელი ორ-სამჯერ უფრო ძლიერია და ამტანი ევროპული ნაწილის რუსეთის მუჟიკზე, იცოდა, რომ მათი უმრავლესობა ყოფილი კატორღელების, თავისუფლებისმოყვარე, თავგადასავლების მაძიებელი ხალხის შთამომავალი იყო, გამოცდილნი და მოძლიერებულნი ბუნებასთან და ცხოვრებისეულ სიძნელებებთან ბრძოლაში, გამძლებნი სამ-ოთხ საუკუნოვანი ბუნებრივი შერჩევისა. მხოლოდ სულ ბოლოს, ყველაზე კრიტიკულ მომენტში, მოსკოვის მისადგომებთან ჩართო ციმბირული „აპალჩინია“ ბრძოლებში და გარდატეხაც სწორედ ამით უზრუნველყო ამ ომში. მანამდეც იყვნენ სხვა მხედართმთავრებიც, ყველაზე გამორჩეული ლაშქარი რომ რეზერვში ჰყავდათ, დროს იგებდნენ, კულმინაციურ, გადამწყვეტ მო-

მენტში რთავდნენ ბრძოლაში, მაგრამ იმ დროს ომის ბედი ხშირად გენერალურ ბრძოლაში წყდებოდა, რაც ერთ დღე-ღამეზე მეტს არასოდეს გრძელდებოდა. აქ კი ეს სტრატეგია გამოყენებულ იქნა თანამედროვე, ხანგრძლივ და ქანცის გამწვევტ ომში – ზუსტად იყო გათვლილი დროცა და სივრცეც.

სამხედრო სტრატეგიის გამო კი არ ჩამოვადე ამაზე ლაპარაკი, მინდა მოვიყვანო მაგალითი იმისა, რომ ყველანაირი, ცხოვრებო-სეული, კლიმატური თუ სხვა სიძნელების გამძლები და გადაძტანი ადამიანები წარმოადგენენ სწორედ თავიანთი ხალხისა და ერის უბერებლობისა და შეუბოვრობის წყაროს. საქართველოს მიტოვებ-ბული სოფლების აღდგენა სწორედ იმ საწყისის გამაგრებას მოემ-სახურება, რაც ყოველთვის აძლევდა ძალას ჩვენს ხალხს, უნერგავდა სიმამაცეს, უზრუნველყოფდა მის პერმანენტულ განახლებასა და მარადიულ ახალგაზრდობას. ყველაფერი დანარჩენი: გადააქცევენ თუ არა საქართველოს განვითარებული მესაქონლეობის ქვეყნად კავკასიის მთების უმდიდრესი საძოვრების მაქსიმალურად ათვისე-ბის წყალობით და რომელ ვარიანტს გამოიყენებენ ამისათვის – თუ-შურს, რომელიც ერთიმეორეს უნაცვლებს მთასა და ბარში ცხოვრე-ბის წესს, თუ ხევსურულსა და სვანურს, რომელიც პირწმინდად მთა-ში ცხოვრების წესს გულისხმობს; გაიყვანენ თუ არა საავტომობილო გზებს მთის საძოვრებთან მისასვლელად, რათა სწრაფად და თავი-სდროულად გადაიყვანონ საქონელი ზაფხულის საძოვრებიდან ზამ-თრისაზე და პირიქით, გამოყოფენ თუ არა ამისათვის საჭირო რაო-დენობას მანქანებისას და მძლოლებისას, ან შეასწავლიან თუ არა თავად მწვემსებს მანქანის მართვას, უხმობენ თუ არა ქუდზე კაცს, ანუ სტუდენტობას ზაფხულის პერიოდში ამ გზების, ფერმების, ქარხნების მშენებლობაზე, რათა ზაფხულისა თუ ზამთრის საძო-ვრებზე პირდაპირ ადგილებზე იქნეს დამზადებული რძის პროდუქ-ტები და ამგვარად ადგილობრივი მოსახლეობა ჩაერთოს ამ მისთ-ვისგე დიდად სასარგებლო საქმეში; ადგილობრივი ტრადიციების ერთგულნი დარჩებიან ბოლომდე თუ გაამდიდრებენ ამ დარგის ტექ-ნოლოგიას ყველაზე განვითარებული მეცხოველეობის მქონე ქვეყ-ნების გამოცდილებით, ისეთების, როგორიცაა შვეიცარია, არგენტინა, ინდოეთი, პაკისტანი და ა.შ. და, რა თქმა უნდა, სსრკ-ს ცალკეუ-ლი რაიონების გამოცდილებით; დაელოდებიან საკუთარი რესურსე-ბის გამრავლებას თუ საქმის დასაჩქარებლად, პრობლემის ყო-ველმხრივი მეცნიერული შესწავლის მერე, შეძლებისდაგვარად შეეცდებიან შეისყიდონ დიდი რაოდენობით მსხვილფეხა თუ

წვრილფეხა საქონლის მთის ჯიშები ზემოთნახსენები ქვეყნებისაგან; შემოიღებენ თუ არა ორმაგ და სამმაგ ანაზღაურებას მთიანი სოფლების მშრომელებისათვის, როგორც ეს მიღებულია ციმბირის ჩრდილოეთ რაიონებსა და შორეულ აღმოსავლეთში, რადგან საქართველოს მთიანეთი ბუნებრივი პირობებისა და ცხოვრებისეული სიძნელების მხრივ არაფრით ჩამოუვარდება ამ აღნიშნულ რაიონებს, ხოლო მწყემსების შრომა უეჭველად დიდ რისკთან და ზიანთან არის დაკავშირებული; აი, ყველაფერი ეს დამოკიდებული იქნება იმაზე, თუ როგორ გადაწყდება მთავარი პრობლემა – საქართველოს მთიანეთის სოფლების აღდგენა და აღმშენებლობა, დაბრუნება მთიელებისა თავიანთ უწინდელ საცხოვრისში.

ისტორიისა და ლიტერატურის ნაკლულოვანმა ცოდნამ, არგუმენტებამ იმისა თუ არა არის ერის ძალა, სად ფეთქავს მისი მთავარი სასიცოცხლო არტერია, არტერია ახალგაზრდობისა და მარადიული განახლებისა, გადაადგმევინა ზოგიერთ პიროვნებას საქართველოს უწინდელი ხელმძღვანელობიდან ის ნაბიჯები, რამაც უნებლიედ მთის სოფლების მოსახლეობის ბარში მასიური გადასახლება გამოიწვია და რისთვისაც სამართლიანად დაიმსახურეს კიდევ კრიტიკა და გაიკიცხნენ. ყველაფერს რომ თავი დავანებოთ, მთის სოფლების დაცარიელებით პოეზიისა და სიტყვიერების ის წყაროც წყდება, რომელიც საქართველოს მთიანეთიდან გამუდმებით ამდიდრებდა ქართულ ლიტერატურას, ჩვენს სულიერ ცხოვრებას, სიმამაცესა და თავდადებას გვინერგავდა.

საქართველოს მთიანეთის ცხოვრებაში შეინიშნება გარკვეული მრავალფეროვნება. პირადად მე ყველაზე უფრო თუშური ცხოვრების წესი მიზიდავს. ცნობილია, რომ საქართველოს მეფემ თუშებს, მათივე თხოვნით, კახეთის ველზე კავკასიონის მწვერვალების მისადგომებთან ზამთრის საძოვრები უბოძა. ასე უთხრა თუშების ბელადს, ზეზვა გაფრინდაულს – შკარი დეზი შენს ცხენს და აქედან იქამდე, სადაც შენი ცხენი თავისით გაჩერდება, ზამთრის საძოვრებად გჩუქნით თუშებს მთელს ამ არემარესო. ასე გაჩნდა თუშური დასახლება ალვანი და აქედან მოყოლებული თუშები ზამთარს კახეთის ველზე ატარებენ; ზაფხულობით კი ცხვართან ერთად მთას უბრუნდებიან და ამგვარად ერთიმეორეს უთავსებენ მესაქონლეობასა და მიწათმოქმედებას, მთასა და ბარში ცხოვრებას. ამან კი არ დააკნინა, პიროქით – კიდევ უფრო მოაძლიერა ისინი სულიერადაც და ფიზიკურადაც. თუშური ხალხური პოეზია ტოლს არ უდებს ნევსურულსა და ფშავურს და თუშები კვლავაც საუკეთესო მხედრებად რჩებიან

მთელს საქართველოს მთიანეთში. დღემდე უბელოდ, უუნაგიროდ და უუზანგოდ დაჭირითობენ და არანაირ ძალას არ ძალუძს მათი ცხენიდან ჩამოგდება, ვერცერთი კოვბოი ვერ დაიურგებს ცხენს ისე მოხერხებულად, ლამაზად და ამაყად, როგორც ისინი. თუშები ომში არც ჭაჭვის პერანგს ხმარობდნენ ხევსურების დარად, მაგრამ არაფრით ჩამოუვარდებოდნენ ხევსურებს. თუშური ციკლოპური საცხოვრებელი კოშკები, როგორც კულტურის ძეგლები, არაფრით ჩამოუვარდებიან ხევსურულ ციხე-სიმაგრეებს. არადა, მათი სამეურნეო გამოცდილება, შრომითი ჩვევები გაცილებით უფრო მდიდარია. ასე რომ, მთისა და ბარის ცხოვრების წესთა შეთავსებამ კი არ დააქნინა, არამედ გააძლიერა და გაამდიდრა ის თვისებები, რომელნიც თუშებს მანამდეც ყოველთვის ჰქონდათ.

ამ დროს ხევსურებსაც ხომ შეეძლოთ მიებაძათ თუშებისათვის. ხევსურ მეომრებს არანაკლები დამსახურება ჰქონდათ სამშობლოს წინაშე. ქართველი მეფეები არც მათ ეტყოდნენ უარს ზამთრის საძოვრებზე ბარში, მაგრამ თავად ხევსურებს არ გამოუთქვამთ, როგორც ჩანს, ამისი სურვილი. ხევსურეთის ნაწილი ხომ დათვიჭვრის უღელტეხილის გადაღმაა, თუშეთისაგან კი აგრეთვე მაღალი აბუნდის უღელტეხილი ჰყოფს. ხევსურები ყველაზე ღრმად იყვნენ შეყუყულნი მთებში, ყველაზე უფრო განცალკევებულნი, იზოლირებულნი იყვნენ ბარისგან ბუნებრივი და სხვა წინააღობებით. ქართლის ველებისაკენ გზა არაგველი თავადებისაგან ჰქონდათ მოჭრილი, რომელთა ყმობასაც ვერა და ვერ თანხმდებოდნენ. ხევსურეთი ისევე, როგორც ზემო სვანეთი, სწორედ ამ იზოლაციამ და მიუდგომელმა მთებმა დაიცვეს ყმობისაგან. მთიანი საქართველო იყო სიმბოლო ლაღი ცხოვრებისა, თავისუფლებისა და დაუმორჩილებლობისა. ამდენად, ცხადია, სრულიად გასაგებია, რომ ხევსურთა ცხოვრების წესი ზედმიწევნით მთის ცხოვრების წესი იყო ყოველთვის.

ხოლო რა იყო მიზეზი ხევსურებისა და სხვა მთიელთა ბარში გადასახლებისა? მიზეზი ის გახლდათ, რომ თითქოს მთის დასახლებული პუნქტები ზიანს აყენებდნენ სრულიად საქართველოს ეკონომიკას. თითქოს არაპროდუქტიული იყვნენ და მეტს მოიხმარდნენ, ვიდრე სახელმწიფოს აძლევდნენ, თითქოს როგორც მუშა და მწარმოებელი ძალა, მთიელები გაცილებით უფრო მეტ სარგებელს მოუტანდნენ ქვეყანას, ბარში თუ იცხოვრებდნენ. ერთი სიტყვით, მთიელებს ისევე მოექცნენ, როგორც ექცევიან უსულო ტექნიკას, როდესაც საჭიროებისდა მიხედვით გადაიტანენ ხოლმე ერთი ადგილიდან მეორეზე. უგულვებელყოფილი იქნა მათივე ნება-სურვილი, უგულ-

ვებელყოფილი იქნა პოეტის, გაუა-ფშაველას ზეშთაგონებით აღსავსე სიტყვები:

თუ მთის ნიაგი არა მცემს,
გული ქალებურ ტირისა,
არ მინდა პური, არც წყალი,
აღარც გაღება პირისა!
მიმეხიბლება გუნება
ვერა ვარ გამძლე ჭირისა.

ან მისივე:

მოგესალმებით ქედებო,
მომაქვს სალამი გვიანი,
ჩემსამც სამარეს ამკობენ
თქვენი დეკა და ღვიანი!
თქვენგანა გულობს ეს გული,
შიგ გრძნობა უდულს ღვთიანი.

თქვენი მიწოვავ მე ძუძუ,
ლალიან-ბარაქიანი,
ნუმც გაჯავრდება პირიმზე,
ნუმც დამწყველიან იანი,
რომ იმათ დედის ძუძუთი
ვსუქდები ცოდვიანი.
მეც მიგემებავ იგი რძე,
რითაც თქვენ დაიზარდენით,
თქვენავე გარგებთ დობილნო,
თუ უხვად დაიხარჩენით.

მართლა რომ სდომოდათ მთიელთა შრომის ნაყოფიერების გაზრდა, ყველა ღონეს იხმარდნენ ამის ადგილზე გასაკეთებლად, რადგან, თუ მოინდომებს ადამიანი, ყოველივე ამის განხორციელება უმძიმეს პირობებშიც კია შესაძლებელი. ამისი მაგალითია მესხეთის ვენახოვანი ტერასები – რეალურ ცხოვრებაში განხორციელებული ფანტასტიკა, ფანტასტიკა სოფლის მეურნეობის სფეროში. ქართ-ველმა გლეხმა ჯერ კიდევ მე-12 საუკუნეში დაამტკიცა, რომ ადამიანური საქმიანობის არსი გარდაქმნაშია, ამ შემთხვევაში კი – გარდაქმნასა და დამორჩილებაში ყველაზე უფრო დაუმორჩილებელი მიწებისა, რამეთუ გერმანული ანდაზის წარმოშობამდე გაცილებით უფრო ადრე იცოდა, რომ არ არსებობს ცუდი მიწა, არსებობს ცუდი

აგრონომი (ანუ მიწათმოქმედი). ბავშვიც კი მიხვდება, რომ მთიან საქართველოში ყველაზე პერსპექტიული დარგი მეცხოველეობაა. იმის ნაცვლად, რომ მოექმნათ და აღმოფხვრათ მიზეზი ამ დარგში ჩამორჩენისა, ამ მთებისა და სრულიად საქართველოს მშვენიერების, თავად მთიელების აღმოფხვრას შეეცადნენ თავიანთი სამკვიდრებელიდან. ის, რაც საუკუნეების განმავლობაში ვერ მოახერხა მტერმა – ვერ გამოდენა მთიელები თავიანთი ციხე-სიმაგრეებიდან – ნაწილობრივ აღასრულეს მშვიდობიან დროში. რა იქნებოდა, რომ ცოტა მეტი გულისყურით ჩასწვდომოდნენ ჩვენს ეკონომიკურ ისტორიას საქართველოს ამ ზოლში, გადასახლების ნაცვლად ესწავლებინათ ხევსურებისათვის თუნდაც თუშური ცხოვრების წესი და შეექმნათ საამისოდ შესაბამისი პირობები! არ აიღო ბუნებისაგან ის, რაც ასე უხვად აქვს მომადლებული მაშინ, როცა შეგიძლია ამისი გაკეთება ისე, რომ არავითარი განსაკუთრებული ზომების მიღება არა გჭირდება საამისოდ – ეს ნიშნავს დისპარმონია შეიტანო მსოფლიო წესრიგსა და მსოფლიო ჰარმონიაში. კავკასიის მთები წარმოუდგენელია ცხვრის ფარებისა და მეცხვარის იდილიური ცხოვრების გარეშე. ყოველთვის ამშვენიერდა და მომავალშიც უქვევლად უნდა დაამშვენოს ამან მთიანი საქართველოს ულამაზესი ფერდობები. მეხსსიერება თუ არ მღალატობს, ივანე ჭავჭავაძის უწერია „ქართველი ერის ისტორიის“ პირველ ტომში, რომ უძველეს დროში კავკასიონის ქედის მთელ მისადგვარზე მეფუტკრეობა და მესაქონლეობა იყო დიდად განვითარებული და რომ აქაური თაფლი და რძის პროდუქტი შავი ზღვის აუზის ყველა ქვეყანაში გაჰქონდათ.

კავკასიონის მთები არსად არ წასულან. ხალხიც იგივეა. ეგ არის, რომ ცოტა უფრო მეტი გონივრული დახმარება სჭირდებათ ნაცვლად არაბუნებრივი და ბუნების წინააღმდეგ მიმართული ჩარევისა.

რუსუდან! როგორც ვიცი, შენ არც ხევსურეთში ხარ ნამყოფი და არც თუშეთში. ნი-იან წლების ბოლოს ვიყავი იქ და გავვოცდი – ხევსურეთის ბევრ სოფელში ორ-ორი, სამ-სამი ოჯახილა ცხოვრობდა. როცა გავიგე, რომ მათი თანასოფლელები ბარში გადაუსახლებიათ, გული დამწყდა, მაგრამ ნეგატიური მნიშვნელობა ამ საქმისა მაშინ ბოლომდე ვერ გავიგე, რადგან ახალგაზრდა ვიყავი. მაინც ძალიან დამაფიქრა ამ ამბავმა – როგორ შეიძლება ეს მომხდარიყო. ომის დროს ხომ ისინი „წითელ წიგნში“ შეიტანეს, ომშიც კი არ მიშყავდათ, ინახავდნენ, როგორც ეთნიკურ იშვიათობას, ახლა კი აი, რა ხდება-მეთქი. დარჩებიან კი ბარში ხევსურები ხევსურებად?

მე ვფიქრობ, თუკი დარჩებიან, აუცილებლად დაბრუნდებიან უკან, როგორც კი ამისი საშუალება მიეცემათ.

ვწერ ისე, თითქოს გესაუბრებოდეთ, ვსაუბრობ თანამოსაუბრეთა გარეშე, მაგრამ ისევ თქვენთან უნდა ვისაუბრო წერილობით, რადგან აქ ამ საკითხებზე ვერავის ვესაუბრები. აბა, მარტო ჯანმრთელობის ამბავი რომ ვიკითხო და მოკითხვები გიგზავნოთ, რაოდენ გულწრფელიც არ უნდა იყოს ეს მოკითხვები, ჩემი აზრით, არ არის საკმარისი. ეს გარკვეულ დაღს (შტამპს) ასვამს წერილებს და თვით ურთიერთობასაც.

დროა, წერტილი დავსვა. ახლა შეიძლება უკვე გადავხვიოთ და დიდხანს, დიდხანს ვკოცნოთ ერთმანეთი.

მერაბი.
12.12.1983 წ.

ვაშარტობა ჩემო თამარიკო.

კნერ ჰინველად წერილს. ვიდრე მღე მენზე რაიმეს მოპოვებოდა და მენს ფოტოსურათს ვიხილავდი, მენს ანსებობას შეუღლის სიქსადით ვკრძნობდი. ვკრძნობდი და მჭეროდ, რომ კარგი ხარ!

შენი მამა
15/II 1987 წ.

გამანჯობა თამარიკო!

გილოცავ და გისურვი
ყოველივე ზეგეთეს,
სრულყოფილებს ყველა-
ფერში; შენი დიდი თანამო-
სახელის დინსუული შემკვიდ-
რე გამოსულიყავი
შენი შინაში.

მერაბ კოსტავა
2 წლისა



მერაბ კოსტავა
5 წლისა




მერაბ კოსტავა მეგობრებთან ერთად



მერაბ კოსტავა ვაჟთა მე-7 გიმნაზიაში



მერაბ კოსტავა ოჯახთან ერთად



მერაბ კოსტავა
15 წლისა



მერაბ კოსტავა
1961 წელი



მერაბ კოსტავა დედასა და მეუღლესთან ერთად
კისლოვოდსკი, 1963 წლის 23 ივლისი



მერაბ კოსტავა მეუღლე - რუსუდან ბერიძესთან ერთად
1961 წელი



მერაბ კოსტავა მეუღლესა და ვაჟიშვილთან ერთად
ბახმარო, 1962 წ.



მერაბ კოსტავას მეუღლე - რუსუდანი და ვაჟი - ირაკლი
1962 წ. 12 აპრილი



ირაკლი კოსტავა მეორე კლასში



მერაბ კოსტავა მეულღესთან ერთად
1961 წელი




მერაბ კოსტავა ვაჟიშვილთან ერთად



მერაბ კოსტავას ქალიშვილი
თამარი - (თამთა)



მერაბ კოსტავას ქალიშვილი



მერაბ კოსტავას
ქალიშვილი




მერაბ კოსტავა ქალიშვილთან ერთად




მერაბ კოსტავა მეგობრებთან ერთად



მერაბ კოსტავა ციმბირში.
პატიმრობისას



მერაბ კოსტავა
1989 წლის ივნისი



მერაბ კოსტავა და ზვიად გამსახურდია
1989 წლის ივნისი




მერაბ კოსტავა და ზვიად გამსახურდია
დედა ტერეზასთან ერთად
1987 წ.



მერაბ კოსტავა
1989 წ.



მერაბ კოსტავა
1989 წლის ივნისი



მერაბ კოსტავა
1989 წლის ივნისი



მერაბ კოსტავა
1989 წლის ივნისი




მერაბ კოსტავა
1989 წ.



მერაბ კოსტავა
1989 წლის მაისი



მერაბ კოსტავა
1989 წ.



მერაბ კოსტავა
1989 წლის ივნისი



მერაბ კოსტავა
1989 წლის ივნისი



მერაბ კოსტავა ვაჟა ადამიასთან ერთად
1989 წ.



მერაბ კოსტავა
1989 წ.



მერაბ კოსტავა
1989 წ. მაისი



მერაბ კოსტავა და გიორგი ადამია
1989 წ. მაისი



მერაბ კოსტავა, ნინო აღმაია და სხვები
1989 წ. მაისი



შერაბ კოსტავა
1989 წ. მაისი



მერაბ კოსტავა
1989 წ. მაისი



სიონის ტაძარი
1989 წ. 21 ოქტომბერი



თამთა კოსტავა მამის საფლავზე
1989 წ. ნოემბერი



მერაბ კოსტავას დედა



მერაბ კოსტავას პორტრეტის გახსნა
ვერის ბაღში



მერაბ კოსტავას პორტრეტის ავტორი,
მოქანდაკე კახაბერ არუნაშვილი



მერაბ კოსტავას პორტრეტის გახსნა ვერის ბაღში



მერაბ კოსტავას საზოგადოების წევრები
ეროვნული გმირის პორტრეტთან




მერაბ კოსტავას საზოგადოების წევრები
ერთგუნული გმირის საფლავზე



მერაბ კოსტავას საზოგადოების წევრები
ეროვნული გმირის საფლავზე



მერაბ კოსტავას საზოგადოების წევრები
ეროვნული გმირის საფლავზე



მერაბ კოსტავას ობელისკი
ხარაგაულის რაიონის სოფელ ბორთში



მერაბ კოსტავას საზოგადოება
ერთგუნული გმირის ობელისკის გახსნაზე
2007 წ.



მერაბ კოსტავას საზოგადოება ქ. ქუთაისში
ეროვნული გმირის პორტრეტის გახსნაზე
2006 წ.

ბუნისსადეზად

თანატონი

(ედღენება მამას)

შავროხიანი
შეისვენებს
მგზავრობის შუა,
წამოიძინებს,
ამის დრო თუა.
გზას გაუდგება
ლეგა ცხენზე ამხედრებული,
არ შეაშინებს
დაბრკოლება
გზად ხვედრებული.
ზუსტად რომ დროზე,
არცა ადრე
და არცა გვიან,
ვიღაც მესამე ნაპირს პოულობს,
ვენას იხლიჩავს
ალესილი სამართებლით,
სიკვდილს თხოულობს.
შავროხიანი შეისვენებს
მგზავრობის შუა,
წამოიძინებს ამის დრო თუა.

ირაკლი კოსტავა
1978

ექლავნება მამას !

გაზაფხულდა, ია, ია,
გულში ისევ ავდარია,
ჩემი სული მყინვარსა ჰგავს,
გულში ისევ ავდარია.
ველარ ვხედავ მე შავ არწივს
და მთებს მაღალს, მწვერვალიანს,
ველარ ვხედავ მე იმ ნისლეებს,
გადაზღაზნილს, ფრთიანს, მხრიანს,
ველარ ვხედავ მე ველ—მინდვრებს,
აყვავებულს, პეპლებიანს,
მაგრამ ვხედავ მე მომავალს,
თავისუფალს, დღიანს მზიანს!

თამარ კოსტავა

ჩვენი ოჯახი, სადაც მერაბი იზრდებოდა, იყო მეტად თბილი და სიყვარულით სავსე. მერაბის აღმზრდელი ბაბუა, გლადიმერ ბეკის ძე დემურია იყო ცნობილი მოღვაწე განათლების დარგში. ბებიები – ეკატერინე კოსტავა და კუბა დემურია იყვნენ სიკეთით და სათნოებით სავსე ადამიანები. მერაბი მათი პირველი შვილიშვილი იყო და განსაკუთრებით უყვარდათ. ამ სიყვარულმა ორი ოჯახი გააერთიანა და ერთ ოჯახად აქცია. ორივე ბებია მერაბს პატარაობიდან ღვთის სიყვარულს უნერგავდა. მერაბიც დიდი გულისყურით ისმენდა ყოველივეს.

სათნოებამ, სიკეთემ, ღვთისა და ადამიანების უსაზღვრო სიყვარულმა, რითაც ასე გამთბარი იყო ორივე ოჯახი, მერაბის სულიერი სამყაროს ჩამოყალიბებაში უდიდესი როლი შეასრულა.

ბავშვობაში მერაბს უყვარდა ზღაპრებისა და მოთხრობების მოსმენა, რომლებსაც ბებიები უყვებოდნენ. უყვარდა ლექსების ზეპირად სწავლა და როდესაც თხოვდნენ ლექსის წაკითხვას, არავის უარს არ ეტყოდა, სიამოვნებით კითხულობდა. პატარა მერაბი ხშირად დაჰყავდათ ბებიებს ეკლესიაში.

როდესაც მერაბი სკოლაში შევიდა, უკვე თავისუფლად კითხულობდა. მესამე კლასში იქნებოდა მერაბი, როცა დიდი პრობლემის წინაშე აღმოვჩნდით – ლამის 11-12 საათზე, როცა ყველას გვეძინებოდა, მერაბი შუქს არ აქრობდა და კითხულობდა.

ის პარალელურად სწავლობდა მუსიკას და უცხო ენას. როდესაც მუსიკის ხაზით ის მეექვსე კლასში იყო, დამიბარა მუსიკის მასწავლებელმა და მითხრა: თქვენს შვილს დიდი მონაცემები აქვს მუსიკაში და ყურადღება მიაქციეთო, „Он будет Рихтером“ – მითხრა მან. მალე მერაბი ნიჭიერთა ათწლეულში მოხვდა, ხოლო მისი დამთავრებისთანავე კონსერვატორიაში.

მერაბმა მეექვსე კლასიდან დაიწყო კონსტანტინე გამსახურდიას ნაწარმოებების კითხვა და საოცრად შეიყვარა ის. მით უმეტეს, რომ მისი შვილი ზვიადი მერაბის სკოლის და სიყრმის მეგობარი იყო. მერაბი თანდათან დაუახლოვდა კონსტანტინეს ოჯახს.

ზვიადს და მერაბს ბავშვობიდანვე შესტიყოლათ გული სამშობლოს დაჩაგრული ერის ბედზე. ისინი ქრისტესმიერი ძმები იყვნენ. ერთი ბატონი კონსტანტინეს ხორციელი, ორივენი კი მისი სულიერი შვილები იყვნენ.

მეთვე კლასის მოსწავლეები იყვნენ ზვიადი და მერაბი, როდესაც პირველად დააბატიმრეს და სხვა თანამოაზრეებთან ერთად ჩასვეს სუკის ციხეში. მათ ბრალად ედებოდათ ანტისაბჭოური პროკლამაციების გაკვრა და გავრცელება.

იმ დროს, როდესაც ვერავინ ბედავდა ხმის ამოღებას, ზვიადმა და მერაბმა გამოამჟღავნეს გმირული იმპულსები და ამ დროიდან იწყება მათი თავგანწირული ბრძოლა საქართველოს თავისუფლებისათვის. დაბატიმრებიდან 6 თვის შემდეგ, როგორც არასრულწლოვანები, ისინი პირობითი სასჯელით გაათავისუფლეს.

კონსერვატორიის პირველ კურსზე იყო მერაბი, როდესაც მოულოდნელად მოგვიყვანა გამხდარი, ლამაზი გოგონა და გვითხრა: ეს ჩემი ცოლიაო. ჩვენ ყველამ მაშინვე შევიყვარეთ ის. მესამე კურსზე იყო მერაბი, როდესაც ვაჟიშვილი ირაკლი შეეძინა. ის იყო ჩვენი პირველი სინარული და სიყვარული. რუსუდანი დიდ მზრუნველობას იჩენდა ათი წლის განმავლობაში გადასახლებული მერაბის მიმართ. მან შვილთან ერთად ათჯერ ინახულა მერაბი ციმბირში და არც მე მაკლებდა მზრუნველობას.

ირაკლი უნიჭიერესი ბავშვი იყო. მას გამოჰყვა მამის გენები. საოცარ ლექსებს წერდა, რომელშიც ჩანდა მისი სიკეთით სავსე სული. სულის შემძვრელი იყო მისი თვითმკვლელობით გამოწვეული ტრაგედია.

ხშირად ამეშლება მოგონებები. მათ წარსულის მძიმე და მტკივნეულ, ზოგჯერ კი ნეტარ დღეებში გადავყავარ...

არასოდეს დამავიწყდება ჩემი მაწლი – მსახიობი გრიშა კოსტავა, უდიდესი პატრიოტი და თავისი ერის თავისუფლებისათვის მრავალჭირნახული კაცი.

მერაბის დაბადებასთან დაკავშირებით 1939 წლის 26 მაისს ჩვენს ოჯახში გაიშალა დიდი სინარულის აღსანიშნავი სუფრა. გრიშა კოსტავამ იმ საღამოსვე მოისურვა მერაბის ნახვა – ის ხომ 26 მაისს, საქართველოს დამოუკიდებლობის დღეს დაიბადაო – და მოახერხა კიდევ იმ საღამოს სამშობიარო სახლში შესვლა...

არ შემიძლია არ მოვიგონო ჩემი მეუღლე, რომელიც დიდებული ადამიანი იყო. როდესაც ჩვენ ოჯახის შექმნა გადავწყვიტეთ, მაშინ ორივენი სტუდენტები ვიყავით და თანაც მე ფილტვები სუსტი მქონდა. ჩვენ ორივენი ერთად მივედით მკურნალ ექიმთან. ექიმმა გათხოვების ნება მომცა, შვილის გაჩენის კი – დიდიხნით არა. ორივენი მოწყენილები გამოვედით. უცებ ჩემმა მეუღლემ მითხრა: „არც შვილი მინდა და არაფერი, ოღონდ შენ იყავი კარგად“. მაგრამ

ღმერთმა ინება მერაბის გაჩენა. ასეთი ამაღლებული სულის ადამიანი იყო მერაბის მამა, კეთილი, გულისხმიერი, სამართლიანი. ასეთი გამოვიდა მერაბიც.

მერაბი განათლების პარალელურად კითხულობდა ფილოსოფიურ, თეოსოფიურ, ანთროპოსოფიურ ლიტერატურას. კითხულობდა რელიგიურ ლიტერატურას, როგორც ძველს, ისე ახალს.

მანსოვს, 1964 წლიდან ზვიადმა და მერაბმა დაიწყეს ინტენსიურად რელიგიის და ფილოსოფიური წიგნების კითხვა და ეკლესიაში სიარული. მაშინ ისეთი ათეიზმით იყო განმსჭვალული მთელი ჩვენი ქვეყანა, რომ ყველასათვის ეს საოცრება იყო და ყველგან მათზე იყო ლაპარაკი... ბევრნი კიდევაც დასცინოდნენ მათ. მანსოვს, ერთხელ სამსახურში თავჩაღუნული ვმუშაობდი, როდესაც მომესმა რუსის ქალების ლაპარაკი: მწერლის შვილი და მისი თეთრთმიანი ამხანაგი მთელი ღამე დაჩოქილი იყვნენ ღვთისმშობლის ხატის წინაშე და ლოცულობდნენო.

მერაბის უნივერსალური განათლება ნათლად ჩანდა მისი მუშაობის სხვადასხვა სფეროში. მას ჰქონდა შემოქმედებითი უნარი, რაც გამოემჟღავნა მის დაწერილ სტატიებსა და ლექსებში, მაგრამ მერაბს პირველ რიგში აწუხებდა თავისი დაჩაგრული ერის ბედი. ზვიადმა და მერაბმა სერიოზულად მოჰკიდეს ხელი ერის განთავისუფლებისათვის ბრძოლის საქმეს. 1977 წლის 7 აპრილს ისინი ორივე დააპატიმრეს და მოათავსეს სუკის ციხეში.

ციხეში დაწერა მერაბმა პოემა „ღირს მამა დავითს“, რომელიც უძღვნა უწმინდეს და უნეტარეს კათალიკოს-პატრიარქს ილია II-ს, რომელსაც გაცნობის შემდეგ დიდ პატივს სცემდა.

1978 წელს მერაბი გადაასახლეს ციმბირში მხოლოდ და მხოლოდ იმისთვის, რომ მოითხოვდა ქართველი ერის თავისუფლებასა და საქართველოს დამოუკიდებლობას.

მერაბს, „უკვდავი საქმისათვის“ გადატანილი ბევრი ჭირისა და წვალების მიუხედავად, არ დაუკარგავს შემოქმედებითი უნარი და შიმშილობის დროსაც კი პოემებს წერდა. ის დაბრუნდა საქართველოში სრულიად მშვიდი, მხნე და როგორც ყოველთვის, საკუთარ თავში დარწმუნებული.

მერაბს ღვთის ისეთი დიდი სიყვარული და რწმენა ჰქონდა, რომ აღფრთოვანებული შეხვდა საქართველოში ივერიის ღვთისმშობლის ხატის ჩამოსვენებას. „კი არ დაიჩოქა, არამედ მუხლებზე დაეცაო“ – ამბობდნენ გაოცებული თვითმხილველნი.

მერაბი გადასახლებიდან ახალი დაბრუნებული იყო, როცა მისი დაბადების დღის აღსანიშნავად პატარა წვეულება გაიმართა სახლში და მაგიდა გაიშალა. მერაბმა სუფრის გაძლოლა და თამადობა ზვიადს სთხოვა. სადღეგრძელოში უკლებლივ ყველა ერის თვითშეგნების გამოღვიძებასა და ეროვნულ მოძრაობაში მერაბის უდიდეს დაშახურებას აღნიშნავდა. მერაბმა მოკრძალებულად და მისთვის ჩვეული ტაქტით აღკვეთა ეს ხოტბა-დიდება მისი და სთქვა: „პირველობა ეკუთვნის ზვიადს“.

მაგონდება მერაბის ნათქვამი, რომელიც მას უნივერსიტეტში წარმოუთქვამს: „ბევრი ეცადა ჩემი და ზვიადის მეგობრობაში ბზარის გაჩენას, მაგრამ ეს ვერაფერ ვერ შეძლო, ეს არასოდეს არ მოხდება, მაგრამ თუ მოხდა სასწაული და ჩვენს მეგობრობაში ბზარი გაჩნდა, ეს უკვე ქვეყნის დანგრევას უდრის“.

მერაბის ეს სიტყვები გულის ფიცარზე უნდა აღებეჭდოს ყოველ ქართველს და მათი მეგობრობა და თანადგომა მისაბამ მაგალითად უნდა გაიხადოს ცხოვრებაში. მხარში ამოუდგნენ ერთმანეთს და ყველამ საკუთარი თავიც კი უნდა მიიტანოს მამულის საკურთხეველზე იმ დიადი საქმის გამარჯვებით დასავგირგვინებლად, რასაც საქართველოს თავისუფლება და დამოუკიდებლობა ჰქვია და რასაც მთელი თავისი მოწამებრივი სიცოცხლე შესწირა ჩემმა შვილმა – მერაბ კოსტავამ.

დაბოლოს, არ შემიძლია დიდი მადლიერების გრძნობით არ მოვიგონო ის ადამიანები, რომლებიც ჩემს გვერდით იყვნენ ათი წლის განმავლობაში და სულიერად მამხნევებდნენ: უკეთილშობილესი ქალბატონი მედეა ჯაფარიძე, რომლის ყოველი მოსვლა დიდ სულიერ ძალას მმატებდა, რადგან დაბეჭივებით მარწმუნებდა: „მერაბი აუცილებლად ჩამოვა“. ეს ყველაფერი ჩემთვის კეთდებოდა.

მერაბის თავისუფალ გასახლებაში გასვლის შემდეგ, ვინც პირველი წავიდა ციმბირში მის სანახავად, ეს იყო ზვიადი, მერაბის ვაჟიშვილთან და ელიკო გოგუაძესთან ერთად.

არ შემიძლია განსაკუთრებით არ აღვნიშნო მერაბის სკოლის ამხანაგი ზურაბ შაუთიძე, რომელმაც სამკერ წამიყვანა მე ციმბირში მერაბის სანახავად, ორჯერ წამიყვანა ჩემმა დისშვილმა ომარ ციკოლიამ.

ორჯერ ინახულა ციმბირში მერაბი ვაჟა ადამიამ.

შემდეგ ინახულეს მისმა მეგობრებმა თემურ ჯანელიძემ, გივი მალულარიამ, იზო ფარსადანიშვილმა, გიზო კორძაძემ და ციცი ბუჭურაულმა.

აგრეთვე უნდა აღვნიშნო ის მეგობრებიც, რომლებიც მზრუნველობას არ მაკლებდნენ მერაბის გადასახლების პერიოდში: ომარ ბერძენიშვილი, ჭემალ გოლეთიანი, ვოვა სინარულიძე, მზია ყურაშვილი, გურამ სხირტლაძე, ირაკლი წერეთელი, გურამ ვანიძე, გურამ დოჩანაშვილი, ჯონდო მეტრეველი და სხვები.

ოლღა დემურია -კოსტავასი

გაზიარებული რუსეთი

მერაბ კოსტავა ციხიდან სულ რაღაც ერთი თვის გამოსული იყო. სომხეთიდან მას ორი მამაკაცი ესტუმრა. ერთი 35 წლამდე ასაკისა იქნებოდა, ხოლო მეორე – ორმოცს გადაცილებული. მათ მერაბს თავი სომხეთის ნაციონალური მოძრაობის აქტივისტებად წარუდგინეს. ძალზე სერიოზული საქმის გამო ვართ ჩამოსული და თქვენთან გვინდაო საუბარი.

ეზოში, შადრევანთან მდგარ მერაბზე ჩამოვსხედით. სტუმრებმა ერთმანეთს გადახედეს, ვერ გადაეწყვიტათ, რომელს დაეწყო საუბარი. ერთმანეთს სომხურად გადაულაპარაკეს და ორმოცს გადაცილებულმა რუსულად დაიწყო: „ალბათ, იცით, რომ აზერბაიჯანს სომხეთის მთიანი ყარაბაღი აქვს მიტაცებული ისევე, როგორც თქვენი საინგილო. თუ ჩვენ – სომხები და თქვენ – ქართველები გავერთიანდებით და აზერბაიჯანს ერთიანი ძალით შევუტევთ, აუცილებლად გავიმარჯვებთ და ჩვენ ჩვენს მთიან ყარაბაღს დავიბრუნებთ, ხოლო თქვენ – ქართველები – თქვენს საინგილოს“. აშკარა იყო, რომ სტუმრები აზერბაიჯანის წინააღმდეგ ერთობლივი საომარი მოქმედებების დაწყებას გვთავაზობდნენ და ახლა ყველაფერი იმაზე იყო დამოკიდებული, თუ რას იტყოდა მერაბ კოსტავა. მანაც არ დააყოვნა პასუხი: „ჩვენ, ქართველებმა, თქვენ, სომხებმა, და აგრეთვე აზერბაიჯანელებმა ჩვენ – ჩვენი ეროვნული მოძრაობები უნდა დავრამთხვეთ და ერთობლივად ვიბრძოლოთ საბჭოთა კავშირიდან გამოსასვლელად. თუ ჩვენ, სამივე რესპუბლიკა, ამ საკითხის ირგვლივ გავერთიანდებით და ერთად ვიბრძოლებთ, იცოდეთ, აუცილებლად გამოვალთ საბჭოთა კავშირის შემადგენლობიდან და აუცილებლად მოვიპოვებთ დამოუკიდებლობას! ჩვენი ქვეყნების მიერ დამოუკიდებლობის აღდგენის შემდგომ კი მივუსხდეთ მოლაპარაკების მაგიდას და მშვიდობიანი დიალოგის გზით გადავჭრათ ჩვენი ტერიტორიული პრეტენზიები“, – დაასრულა თავისი აზრი მერაბმა. სტუმრები უსიამოდ შეიშმუშნენ. აშკარა იყო, რომ ისინი ქართველთაგან მხარდაჭერას და სომხეთთან ერთად აზერბაიჯანის წინააღმდეგ დაგეგმილ ომში ჩაბმას მოელოდნენ და მერაბ კოსტავას ამგვარმა პასუხმა ისინი საშინლად გააწბილა. ერთ ხანს კიდევ სცადეს თავიანთი ბოზიციის დაცვა, მაგრამ მერაბ კოსტავას ლოლიკას რაიმე წონადი

საპირწონე ვერ მოუძებნეს, რასაც თავადვე მიხვდნენ და წასასვლელად ისე აჩქარდნენ, რომ ველარაფრით დავიყოლიეთ ასეთ ღროს ტრადიციულ სუფრაზე – რომელიც ჩემს მემულღეს უკვე გაეწყო – ცოტა ხნით მაინც შეეყოვნებულებოდნენ.

სტუმრები გავაცილეთ თუ არა, ცოტა არ იყოს გაბრაზებულიმა მერაბს ვკითხვი: „კი მაგრამ, მათი წინადადება ჩვენგან ნუთუ მეტ ყურადღებას არ იმსახურებდა?“

„რას ამბობ, ბიჭო! თუ ჩვენ და სომხები ერთად შევუტევთ, რასაკვირველია, დავამარცხებთ აზერბაიჯანს, მაგრამ სასწორის პინა როგორც კი ჩვენკენ გადმოიწევა, რუსეთი აზერბაიჯანს დაეხმარება, ხოლო როგორც კი აზერბაიჯანი დაიწყებს გამარჯვებას, ჩვენ დაგვეხმარება და ასე დაუსრულებლივ, რომ ეს ომი ათწლეულების მანძილზე გაგრძელდეს და არასოდეს დამთავრდეს. გაიგე?“

„გავიგე“, – მივუგე მე.

1987 წლის ზაფხული იდგა საქართველოში.

+5...

1981 წლის ზაფხულია. შორეული ციმბირის ერთ მიყრუებულ სოფელში, რომელსაც ლამაზი სახელი - კვიტოკი ჰქვია, მერაბ კოსტავა მრავალწლიანი დაუმსახურებელი სასჯელის უკანასკნელ თვეებს იხდის.

სოფელი ლამაზი ნამდვილად არ მეჩვენა, თუნდაც იმიტომ, რომ მას ჭერ კიდევ სტალინის დროინდელი საკონცენტრაციო ბანაკები ერტყა გარს. თუმცა უკვე ნახევრადაა დაზარეული ეს ბანაკები და აღარც ფუნქციონირებენ, მაგრამ მნახველზე მაინც ძალზე მძიმე, შემადრწუნებელ შთაბეჭდილებას ტოვებენ. მითუმეტეს, რომ ოცდაათიან წლებში ოთხ ბანაკში „გეგმით“, როგორც ადგილობრივმა მაცხოვრებლებმა მიაჩნეს, ღღეში ექვსი ათასი კაცი კვდებოდა.

თითქმის ერთი კვირა დავყავით ერთად, გული მოვიოხნეთ.

დადგა ყველაზე მძიმე, განშორების უამი. გარემოებას ისიც ამძიმებს, რომ მე ადრინდელივით მერაბის ადგილსამყოფელს ათასიოდე კილომეტრით დაშორებულ იმიერბაიკალეთში, ქალაქ ჩიტაში, აღარ ვბრუნდები, არამედ – სამშობლოში, საქართველოში მოვემგზავრები. მერაბი კი აქ, ბაიკალისპირეთში, ირკუტსკის ოლქში, უსიერ ციმბირში, რჩება. დიდია მომავალი განშორებით გამოწვეული გუ-

ლისტიკივილი და უხერხულობა. ვცდილობ, ეს უხერხულობა როგორმე განვმუხტო.

– მერაბ, ამ ხნის მანძილზე, რაც აქ ვარ, არაფერი გითხოვია, ნუთუ კაცი, რომელიც ამდენი წლის განმავლობაში სამშობლოსა მოწყვეტილი, არაფერს დამავალდებს?

– მეზობლები მომიკითხე, ყველა სათითაოდ დამიკოცნე! უთხარი: მერაბს არაფერი უჭირს, კარგადაა-თქო, გაიგე?!

– გავიგე, მაგრამ ეს ხომ ის არაა მხოლოდ, რისი თქმაც გასურს.

მზერა ამარიდა, შეიშმუშნა, ჰაერი ჩაისუნთქა და გაუბზარავი, დაბალი ხმით მითხრა:

– რომ ჩახვალ, ეზოში შადრევანთან რომ მტირალა ტირიფია, რამოდენიმე ფოთოლი მოწყვიტე, იქვე ცაცხვის ხე რომაა, ხომ გახსოვს?

– კი, მერაბ მახსოვს.

– იმასაც, კაკლისა და ფიჭვის ხესაც, ერთად შეფუთე და გამომიგზავნე, ხომ არ დაგავიწყდება?

პასუხად მხოლოდ თავის მოძრაობით ვანიშნებ, არ დამავიწყდება-მეთქი, ხმის ამოღება არ ძალმიძს, ყელში მობჭენილი ბურთი მალჩობს, ცრემლს ნებისყოფის უკიდურესი დაძაბვით ვიკავებ. ვხვდები, მას აღარ აქვს იმედი, რომ სამშობლოში დაბრუნების საშუალებას მისცემენ ოდესმე.

აკი აქვე, კვიტოკში მცხოვრები უშიშროების ერთი ყოფილი თანამშრომელი გვიყვებოდა, რომ ოცდაათიან წლებში პოლიტბატო-მარს სასჯელის მოხდის ადგილზე მიჰყვებოდა პირადი საქმე, რომელშიც აღნიშნული იყო +5, +5+5, ან +5+5+5 და ა.შ. რაც ნიშნავდა, ძირითადი სასჯელის მოხდის დასასრულს +5, ე.ი. ხუთი წლის დამატებას, თუ +5+5 იქნებოდა აღნიშნული პირად საქმეში, ეს დამატებული ხუთწლიანი სასჯელის მოხდის ბოლოს კიდევ ხუთი წლის დამატებას ნიშნავდა და ა.შ.

პენსიონერი „სუკელის“ მიერ ნათქვამის გახსენებამ შემადრწუნა, ნუთუ?

– რა იყო, ბიჭო?! – ფიჭვი მერაბის ომანთან შეძახილმა გამაწყვეტინა. ჩემ წინ მერაბი დგას მომღიმარი სახით, წელში გამართული, კლდესავით მტიცივე და უტეხი. გულს მომეფონა, ყელიდან ბურთი გაქრა, ამოვისუნთქე.

– ჩამოხვალ და საკუთარი ხელით დაკრეფ იმ ფოთლებს!

– კაარგი! და ლალიძის წყალზეც დაგბატიუებ, – მომიგო მან ღიმილით.

ჩემი კატეგორიული წინააღმდეგობის მიუხედავად სოფელ კვიტოკიდან რაიონულ ცენტრამდე, ტაიშეთამდე, გამომყვა, მატარებლამდე მიმაცილა, თუმცა ამის უფლება არ ჰქონდა. ინსტრუქციით რკინიგზას ორმოცდაათი კილომეტრით უნდა ყოფილიყო დაშორებული.

მატარებელი დაიძრა. დიდხანს ვუქნევდით ხელს ერთმანეთს.

– მამა? – მკითხა გამცილებელმა და მერაბზე მიმანიშნა.

– არა. მეგობარია, ათი წლითაა უფროსი, – მივუგე მე.

– სულ მთლად გაჭაღარავებულა. ალბათ, დიდი სიძნელებების გადალახვა მოუხდა. პოლიტიკურია?

– ჰო.

– ხოო, ყველაფერი ნათელია! – ამოიხრა მან.

შინ ჩამოსულს ყველა მერაბის ამბავს მეკითხებოდა, მეც მოვუთხრობდი დაწვრილებით. ბევრი მათგანი სინანულით ამბობდა: „რა ტყუილად დაიღუბა მაგ ბიჭმა თავიო.“

ცაცხვის, კაკლისა და ფიჭვის ხეებს მივუალერსე, შადრევანთან მდგარი მტირალა ტირიფი გამხმარიყო. გული დამწყდა.

მერაბი თვენახევრის შემდეგ ისევ გაასამართლეს ტაიშეთში. ხუთი წელი დაუმატეს სასჯელზე. ახლობლები სასამართლო პროცესს არ დაასწრეს. არავინ ვიცოდით, კიდევ რამდენი +5 იყო აღნიშნული მის პირად საქმეში.

უღანაშაულო ღამნაშავე

თბილისში ზაფხულის პაპანაქება იდგა. მერაბთან, როგორც ყოველთვის, მრავლად იყო მომსვლელი. მის კარზე უსამართლობით გაწამებული ხალხის ნაკადი არ წყდებოდა. რა საკითხზე არ ნახავდით აქ მოსულთ. ხანში შესული ქალი კახეთის ერთ-ერთი რაიონიდან ჩამოსულიყო და ჩიოდა: ძროხა დაკარგე, არავინ აქცევს ყურადღებას ჩემს გაჭირვებას და შენ თუ მიშველიო, შვილო მერაბ.

ოცდაათიოდე წლის მამაკაცი თხოვს უბნის ინსპექტორთან შუამდგომლობას. თურმე პანაშვიდებს ემსახურებოდა სამგლოვიარო მუსიკით. ადრე ინსპექტორი თხუთმეტი მანეთს მართმევდა, ახლა ოცსა მთხოვს თვიურად, ძალზე ძვირია, შენ უარს არ გეტყვის და ისევ თხუთმეტს დასჯერდესო.

სიციხით სახელაღწილი ახალგაზრდა ქალი ითხოვს მერაბთან სასწრაფოდ საუბარს. იქ მყოფთა უკმაყოფილო ბუზღუნზე პასუხობს, რომ ძალზე საშური საქმეა, წუთით თუ დააგვიანდა, ყველაფერი დაიღუპება და აღარაფერი ეშველება. თვალელებზე ცრემლს იშორებს, სახეზე ოფლს იწმენდს, ირგვლივ მყოფთ მუდარის თვალით შეჰყურებს, მხოლოდ მერაბი თუ მიშველის, ისიც – ახლა, ამ წუთას. მერე გვიანია, არაფერი ეშველება საქმესო, – ჩივის. მუდარამ გაჭრა. ურიგოდ მიუშვეს. მერაბი ამშვიდებს. ქალი სულს ითქვამს და ყვება: სამი შვილი მყავს.

– ყოჩაღ! – ბუბუნებს მერაბი.

ქალი შექვებით კმაყოფილია, თამამად აგრძელებს:

– უმაღლესი განათლება მინდა მივიღო, დღეს უკანასკნელი გამოცდა მქონდა. „სამი“-ც მყოფნიდა. ბილეთში მოცემული საკითხებიც კარგად ვიცოდი. დამატებითი კითხვები მომცა, იმაზეც ვუპასუხე. სულ ცოტა „ოთხი“ მაინც მეკუთვნოდა, მაინც ჩამჭრა.

მერაბმა კოპები შეკრა. ხალხს მოუბრუნდა, „თქვენ აქ დამიცადეთ მალე მოვალ“ – თქვა, ქალს მაჯაზე წაავლო ხელი და „წავიდეთო“ – დაიბუბუნა.

მივედით ინსტიტუტში. გამოცდა დამთავრებულიყო. გამომცდელები ის-ის იყო წასასვლელად ემზადებოდნენ, აუდიტორიაში ლაბორანტი წესრიგს ამყარებდა.

– ის არის, – წასჩურჩულა ქალმა მერაბს და „დამნაშავე“ გამომცდელებზე მიუთითა.

„დამნაშავე“ და უდანაშაულო გამომცდელებმა მერაბი იცნეს, თბილად მიესალმნენ, ირგვლივ შემოეხვივნენ.

– კაი გამარჯობა თქვენი, – პასუხი დაუბრუნა მათ მერაბმა. თუმცა სახიდან ჭერ კიდევ არ ჩამორეცხობდა აღშფოთება, – იცნობთ ამ ქალს? – ჰკითხა მერაბმა „დამნაშავეს“.

„დამნაშავე“ უხერხულად შეიშმუნა, „დიანო“, – მიუგო.

– სამი შვილის დედა „ოთხიანზე“ რომ გიპასუხებს, შენნაირმა ვაუჟაცმა არადაამკმაყოფილებელი როგორ უნდა დაუწეროს?, – ჰკითხა მერაბმა.

დაბნეულმა „დამნაშავემ“ რალაცის თქმა სცადა, „გგონებ, მასე არ იყო, ბატონო“, – უნდოდა ეთქვა, მაგრამ ქალმა არ აცალა. მოყვა, თუ რა ძნელია, სამი ცელქი შვილის დედა მოემზადო უმაღლესში გამომცდების ჩასაბარებლად, ჩააბარო ყველა გამოცდა, ხოლო ბოლო გამოცდაში „ოთხი“-ით შეფასებას რომ იმსახურებ, ყოვლად უსამართლოდ ჩაგჭრან. „სამიანს“ კიდევ როგორმე ავიტანდი. ქულებიც მყოფნიდა, ამიტომაც ჩამჭერითო.

„დამნაშავეს“ სახეზე ოფლის მსხვილი წვეთები გაუჩნდა. სახის კანი სულ უფრო თეთრ შეფერილობას იღებდა. ცდილობდა, მერაბისთვის მზერა მიეპყრო, მაგრამ ვერ ახერხებდა. თვალიც ხან მერაბისკენ, ხან ჩემკენ, ხანაც ქალისკენ გაუბრუნდა. თითქოს შველას ითხოვდა, თითქოს უნდოდა ეყვირა: „მიშველეთო“ და ვერ ახერხებდა. გამასხენდა, ასე მეც მომსვლია, შტორმიან ზღვაში ვიღრჩობოდი ნაპირიდან ოციოდე მეტრის მოშორებით მთელი საათის მანძილზე და ვერაფრით მოვახერხე დამეყვირა: მიშველეთ-მეთქი...

ქალი კი შეუსვენებლად განაგრძობდა. ვგონებ, მერაბიც მიხვდა, რომ ცოტაც და „დამნაშავეს“ მე რომ ზღვაში დამემართა, იმაზე უარესი მოუვიდოდა და ქალი გააჩერა.

– რას გვეტყვი, ბატონო?! – გადაუდგო „მაშველი რგოლი“ ჭერ ისევ სახემოღუშულმა მერაბმა „დამნაშავეს“.

„დამნაშავე“ წამიერად ისევ იმ მდგომარეობაში დარჩა და შემდეგ როგორც იქნა, ამოიხრიალა:

– რა ნომერი იყო, თუ გახსოვთ თქვენი ბილეთი?

– №6, – უძასუნა ქალმა და კიდევ რაღაცის თქმა უნდოდა, იმავე თემის გაგრძელებას თუ აპირებდა. მერაბმა გააწყვეტინა. ამ დროს ფერზე მოსული, სახეგაბრწყინებული „დამნაშავე“ ადგილს მოსწყვდა, შორიანლოს მდგომ მაგიდასთან მიიჭრა და იქ დაყრილი ქალაღების ქექვას შეუდგა გამაღებით. მისთვის საჭირო ფურცელი როგორც იქნა იპოვა, სახე კიდევ უფრო გაებადრა, თუმცა აშკარად ცდილობდა ემოციას მორეოდა.

– აი, თქვენი ბილეთი, – თქვა „დამნაშავემ“ და ფურცელი ქალს გაუწოდა.

ქალმა ხელის კანკალით ჩამოართვა. სახეზე დაბნეულობა დაეტყუო. თვალი იმ ფურცლისაკენ გავაპარე. „ბილეთი №6“. – ეწერა მასზე.

– როგორც ბრძანეთ, ამ ბილეთზე დღეს ერთხელ უკვე გიძასუნიათ, ახლაც არ უნდა გაგიჭირდეთ, – თქვა „დამნაშავემ“ და მოზეიმე მზერა მერაბს მიაპყრო.

უხერხულმა სიჩუმემ დაისადგურა. დიდხანს ვდუმდით ყველანი. ვცდილობდით, ქალისთვის არ შეგვეხედა, რათა მისი ისედაც მძიმე მდგომარეობა ჩვენი მზერით უფრო არ დაგვემძიმებინა. უხერხული დუმილი ისევ მერაბმა დაარღვია. „დამნაშავეს“ მარჯვენა გაუწოდა, მაგრად ჩამოართვა, ბოლიში მოუხადა, გამოტრიალდა და წამოვედით.

დერეფნის ბოლოს არ ვიყავით მისული, რომ ქალის ხმა მოგვწვდა:

– ბატონო მერაბ, იცით რა ძნელია დედისთვის, სამ შვილს ზრდიდეს და გამოცდებისთვის ჩეროვნად მოემზადო?

მერაბი შედგა. უკან მობრუნდა. ქალთან მივიდა. ვიციო, უთხრა, მაგრამ სამშობლოს დიპლომზე მეტად ჩანმრთელი შვილები უნდაო. შემდეგ ქალს ხელი მხარზე მოუთათუნა, დაუყვავა, გულს ნუ გაიტეხ, აი, ნახავ, მომავალ წელს აუცილებლად ჩააბარებო. „დამნაშავეს“ ისევ ჩამოართვა ხელი, ისევ მოუხადა ბოდიში და გასასვლელისკენ გამოემართა. ქალი ადგილზე დარჩა. მერაბს „დამნაშავე“ უკან გამოჰყვა. როდესაც დერეფნის ბოლოს მოვიდნენ, მან მერაბს უჩურჩულა:

– ბატონო მერაბ, თქვენი ხათრით, სამი შვილის დედას სამიანს როგორ დავაყვედრი!

მერაბი შედგა. წელში გაიმართა. ჰაერი ღრმად ჩაისუნთქა. მკერდი წინ წამოწია. მრისხანე გამომეტყველება ჰქონდა იმ წუთში. ვიცოდი, ეს კარგს არ მოასწავებდა. ერთხანს ასე შეჰყურებდა „დამნაშავეს“, შემდეგ კი შესძახა:

– აარრა, ჩვენ ამისთვის არ გვიბრძოლია!

„დამნაშავეს“ ისევ მაგრად ჩამოართვა ხელი და შინისაკენ გამოვეშურეთ. ეზოში ხომ ბევრი ხალხი ელოდებოდა მერაბს.

შურიხამაძისებელი ჭანარი

ბევრმა შეიძლება არც კი იცოდეს, რომ მერაბ კოსტავას ერთ-ერთი გატაცება სასროლი ბადით თევზაობა იყო, საყვარელი ადგილი თევზაობის – მდინარე ხრამი, წითელ ხიდთან.

სასროლი ბადით თევზაობისათვის მდ. ხრამის მარჯვენა ნაპირია განსაკუთრებით მოხერხებული, ჩვენც ამ ნაპირს მივუყვებოდით წყალდაწყალ, მდინარის საწინააღმდეგოდ. მერაბი ბადით ხელში წინ მიდიოდა, მე რამდენიმე მეტრის დაშორებით უკან მივყვებოდი, ხელში ბადურა მეჭირა, რომელშიც თორმეტიოდე ხრამული ფართხალეზა. მერაბი ბადეს, მართლაც, ვირტუოზულად შლიდა. ჩემს მოვალეობას შეადგენდა ბადის ჯიბეებიდან იქ მოხვედრილი ქვების ან დაჭერილი თევზის გამოღება.

ერთ-ერთი იძულებითი შეჩერებისას, როდესაც ბადის ჯიბეებს ქვებისაგან ვათავისუფლებდი, მერაბმა მკითხა:

– გახსოვს, ბიჭო, იმ ქვასთან თევზებს კრება რომ ჰქონდათ გამართული?

და მდინარის ნაპირთან ერთ ვეებერთელა ლოდზე მიმანიშნა. ერთხელ თევზაობისას იმ ლოდთან მერაბის მიერ ნასროლ ბადეს 11 ხრამული და მურწა ამოჰყვა, აბა, იმ შემთხვევას რა დამავიწყებდა, მსგავსი რამ ჩვენს სათევზაო პრაქტიკაში აღარ განმეორებულა.

– ჰა, ვისროლოთ იქ? – გამომარკვია მერაბმა სასიამოვნო ფიქრებიდან და იმ ლოდისაკენ გაემართა, მეც უკან მივყევი. მერაბი შედგა, ბადე მოიმარკვა და სტყორცნა „თევზების კრების ადგილს“. ბადეს ყოველთვის ნელა, ყურადღებით ეზიდებოდა, თუ საშუალო სიდიდის თევზი მაინც იყო შიგ გაბმული, ამას ბადის წყლის ზედაპირზე ამოზიდვამდე გრძნობდა.

– ბიჭოს! მგონი, ღლავი უნდა იყოს! – შესძახა მერაბმა და მეც მოვემზადე ამ „ღლავის“ მისაღებად. მერაბმა ბადე წყლიდან მთლიანად ამოზიდა. მასში, მართლაც, ფართხალეობდა კარგა მოზრდილი ჭანარი. თევზის ბადიდან გამოთავისუფლებას შევუდექი, თან ბადია მივუმარკვე, რათა მასში პირდაპირ გადამეგდო. უცებ თევზი ხელიდან დამისხლტა და ტლაშანი მოადინა მდინარეში. მეც უნებურად „გაქცეული“ ჭანარის კვალდაკვალ გადავეშვი მდინარეში. წყლის სიგრილემ მყისვე გამომაფხიზლა. ამოვყვინთე თუ არა, მომესმა მერაბის გულიანი ხარხარი. რამდენიმე წამს დაბნეული ვიდექი, შემდეგ მეც ამიტყდა სიცილი. მერაბი კვლავ გულიანად იცინოდა. თან მეუბნებოდა: „შენ რა, თევზს გინდოდა წყალში დასწოლი?“ მე ბადიას დავუწყვე ძებნა. ადვილად ვიპოვე, შიგ დაჭერილი თევზების ნახევარილა თუ იყო დარჩენილი, ხელსაყრელი შემთხვევა არც მათ გაეშვათ.

მერაბმა ბადე თითქმის იმავე ადგილს უმარკვა, ფრთხილად მოზიდა. ისევ ნაცნობი „ბიჭოს! მგონი, ისევ ღლავია!“ ბადეს ისევ მოზრდილი ჭანარი ამოჰყვა. მე ჩვეულებისამებრ დავაპირე თევზის ბადიდან გამოღება.

– არა, მე ამოვიღებ ბადიდან, შენ ბადია მომიმარკვე! – მითხრა მან, თან სასროლი ბადე მხარზე მოიგდო და თევზის იქიდან გამოხსნას ცდილობდა. გამოიღო კიდევ და ...ისევ გაიტლაშუნა თევზმა მდინარეში. მერაბიც მყისვე გაქრა წყალში. მერაბმა რომ ამოყვინთა, მხოლოდ მაშინლა მივხვდი, რა მოხდა. შუბლს ისრესდა – ქვაზე დაეკრა მსუბუქად, ტკივილს არავითარ ყურადღებას არ აქცევდა და სიცილით მეუბნებოდა:

– ბიჭო, ეს მგონი შენი გაშვებული ჭანარი იყო, საგანგებოდ თუ ივარჯიშა, რომ ჩვენზე „თევზების კრებაზე“ დაჭერილი თერთმეტი ხრამულის მაგიერ ეძია შური.

საფეხბურთო სიასლბ

...1963 წლის ზაფხულია, ეს-ესაა დაიწყო გათამაშება ეზოს გუნდებისათვის ფეხბურთში. იმ დროს ჩვენ, 12-13 წლის ბიჭებს, ოცნებად გვექცა ამ ტურნირში მონაწილეობა და, რასაკვირველია, აუცილებლად გამარჯვება. ტურნირის დაწყებამდე სულ რაღაც ორი კვირა რჩებოდა, ვთხოვთ მწვრთნელობას მერაბ კოსტავას, იგი თანახმაა. მერაბი მაშინ 24 წლის, მთლად გაჭაღარავებული, უკვე მრავალჯის ციხე გამოვლილი, სამშობლოზე ზრუნვით გატაცებული ახალგაზრდა კაცი გახლდათ.

მერაბი აკომპლექტებს გუნდს ჩვენი უბნის ბიჭებისაგან, დავყავართ უბნიდან უბანში საკონტროლო თამაშების გასამართად. ხანდახან 12 წლის დათო ყიფიანს საყვედურობს (დათო მაშინ უკვე ვირტუოზულად ფლობდა ბურთს და უჭირდა მასთან განშორება): „ხომ ხედავ, თენგიზ რუსაძე რა დროულად იძლევა პასს, შენ რაღა მოგდის?“

და აი, პირველი ოფიციალური მატჩი. მინდორზე ძალზე თვითდაჭერებული გამოვდივართ (უკან არაერთი მოგებული საკონტროლო მატჩი გვექონდა); დავისაჩეთ კიდევ – პირველი ნახევარი წავაგეთ 3:0. ძალზე გაუჭირდათ ჩვენს ტექნიკურ გარემარბებს: თენგიზ რუსაძესა და დავით ყიფიანს მოწინააღმდეგის ტანმალაღ, ასაკით აშკარად უფროს მცველებთან გამკლავება და ბურთის გატანა მეტოქის კარში ვერაფრით ვერ შეძლეს. შესვენებისას წარსულში სახელგანთქმული ფეხბურთელები გრიგოლ გაგუა და ვლადიმერ ელოშვილი გვესტუმრნენ, რომლებიც იმ დროს სამწვრთნელო ასპარეზზე მოღვაწეობდნენ და, რასაკვირველია, მატჩს გულისყურით ადევნებდნენ თვალს: ჩვენი გუნდიდან თენგიზ რუსაძითა და დავით ყიფიანით დაინტერესდნენ ძალიან, თავიანთ გუნდებში მიიწვიეს, მერაბს კი, როგორც ჩვენს მწვრთნელს, დაუყვავეს (მატჩს ხომ სამით ნოლზე ვაგებდით) და დაგვმორდნენ, რათა მატჩის მეორე ნახევრისათვის ეცქირათ.

შესვენებისას მერაბმა გუნდში მოთამაშეთა მთელი რიგი გადაადგილებები მოახდინა: თავდამსხმელები დ. ყიფიანი და თ. რუსაძე ნახევარდაცვაში დაწია, ტანმალალი დამცველები: კახა არსენიძე, ჭიმშერ ბაშალღიშვილი და ისააკ ბაჩაკაშვილი თავდასხმაში გადაიყვანა, ნახევარმცველები კი დაცვაში გაამწესა.

მართალია, მატჩი წავაგეთ 3:4, მაგრამ ჩვენმა გუნდმა შესანიშნავი თამაში აჩვენა. გრიგოლ გაგუა და ვლადიმერ ელოშვილი სწრაფი ნაბიჯით მოეშურებოდნენ ჩვენკენ. ვიფიქრეთ, ალბათ, დათოსა და

თენგიზის გარდა კიდევ ვინმე მოეწონათ ჩვენს გუნდში და თავისთან მიიწვევდნენ, მაგრამ ისინი მერაბს მისცვივდნენ, ულოცავდნენ (ჩვენთვის, 12-13 წლის ბიჭებისათვის, მაშინ გაუგებარი იყო, თუ რა მისალოცი იყო წაგება), დაინტერესდნენ მერაბის პიროვნებით, საცხოვრებელი ადგილით, სთხოვდნენ თანამშრომლობას. მერაბმა შორს დაიჭირა, მართლაც საქმე და საზრუნავი უკვე მაშინ ძალზე ბევრი ჰქონდა.

მრავალი წლის შემდგომ, როდესაც ფეხბურთის ჰოლანდიურ, ე.წ. ტოტალურ მოდელს, გავეცანი, მივხვდი, რომ სწორედ ამ მოდელის ჩანასახი შექმნა მერაბ კოსტავამ იმ შორეულ – 1963 წელს ჩვენი გუნდისათვის ექსტრემულ ვითარებაში, თუმცა მაშინ, ალბათ, თვითონაც არაფერს უწყობდა ამის შესახებ. ახლა კი ვხვდები გრ. გავუასა და ვლ. ელოშვილის აღფრთოვანების მიზეზს. მინდა, ხაზი გავუსვა კიდევ ერთ, ვფიქრობ, ყოველი ქართველი ფეხბურთის მოყვარულისათვის საინტერესო ფაქტს, მერაბმა პირველმა მოუძებნა ჭერ კიდევ 12 წლის დათო ყიფიანს მინდორზე ადგილი. ადგილი, რომელსაც მოგვიანებით კვალიფიციური მწვრთნელები (თბილისის „დინამოსი“) დიდხანს ამაოდ ეძებდნენ.

ეპოსასი მებრი მიწა

1988 წლის ზაფხულის დამე იყო. მერაბი და მე მერხზე ვისხედით ჩვენს ეზოში. დაღლილები ფიქრს მივცემოდით.

მერაბს ყველა მომსგლელი გაესტუმრებინა უკვე. უცებ ფეხზე წამოიჭრა. ბოლთის ცემას მომყვა გამალებით. მას ხომ წუთითაც არ შეეძლო უმოქმედოდ ყოფნა. შეჩერდა.

– აარა! საქართველო რომ დამოუკიდებელი გახდება, მე არც ერთ მთავრობაში არ შევალ, – თქვა ეს მტკიცედ, დაუინებით. ჩაფიქრდა.

ვერ მივხვდი მე მესაუბრებოდა, თუ საკუთარ თავს. რამდენიმე ხანს ასე იდგა ჩაფიქრებული. შემდეგ ისევ გაიმეორა ჭიუტად:

– აარა! როდესაც საქართველო დამოუკიდებელი გახდება, მე არც ერთ მთავრობაში არ შევალ. („არც ერთ“-ში პარლამენტსა და მინისტრთა საბჭოს გულისხმობდა).

– კი მაგრამ, მერაბ, ვინ გაგლეჯს კალთას? – ვკითხე განცვიფრებულმა (მერაბის „წინასწარმეტყველებით“ საქართველო და საბჭოთა იმპერიაში შემავალი სხვა რესპუბლიკები აუცილებლად რუსეთთან

ერთად უნდა გათავისუფლებულიყვნენ, ამიტომაცაა გასაგები ჩემი მაშინდელი განცვიფრება და ისიც, რომ მთავრობაში ჩვენ შესვლა-არშესვლაზე საუბარი უაზროდ მეჩვენა, ვინაიდან იმპერია მაშინ ჯერ კიდევ მყარად იდგა ფეხზე).

– საქართველო დამოუკიდებელი რომ გახდება, რა საქმიანობას მიჰყოფ ხელს? – მომიგო კითხვაზე კითხვით.

– თუ ჩემი სპეციალობით მუშაობის საშუალებას მომცემთ, ძალიან დაგიმადლით.

– ჰმ, არ გქონია ჭკუა შენ, – მომიგო მან.

– რატომ, მერაბ? – გკითხე.

„საქართველო დამოუკიდებელი რომ გახდება, წავალ სოფელში, ვიყიდი ექვსას მეტრ მიწას...“ და შეყოვნდა. მივხვდი, გაახსენდა სულს იქით გროშიც რომ არ ებადა და აბა, რით იყილდა იმ ექვსას მეტრ მიწის ნაკვეთს. არც შევმცდარვარ, რადგან საუბარი შემდეგ ასე გაგრძელდა:

– საქართველო დამოუკიდებელი რომ გახდება, ხომ მომცემენ ბიჭო ექვსას მეტრ მიწას.

– რა ვიცი, თუ დაიშახურე, იქნებ მოგცენ კიდევ, – მივუგე ხუმრობით.

შენდობის უნარი კლიენტს სვედრია

1987 წ. ზაფხულია (თითქმის 12 წლიანი ტანჯვა-წამების შემდგომ) მერაბი ცინიდან გამოუშვეს. ტანზე პატიმრის შავი ფერის უნიფორმა ეცვა, ფეხზე – ჩექმა. ქალაქში გასეირნება მოისურვა, ნაცნობ-მეგობრების მონახულება. ფეხზე თავისი ვაჟის – ირაკლის ბოტასები ჩაიცვა, ტანთ – ირაკლისავე პერანგი. ჩემი შარვალი მოკლე მოუვიდა, სხვა კი ვერ მოგუძებნეთ. არაუშავსო, – თქვა და ასე; ირაკლის ნაქონ პერანგსა და ბოტასებში და თავის, პატიმრის, შარვალში გამოწყობილი მერაბი და მე უკვე რუსთაველის გამზირზე მივაბიჯებდით. თითქმის თორმეტი წლის უნახავ მშობლიურ ქალაქს ხარბად ათვალიერებდა, თან განუწყვეტლივ მესაუბრებოდა, უკვირდა, რომ ამ ხნის მანძილზე თბილისი გარეგნულად თითქმის არ შეცვლილიყო. კავშირგაბმულობის სამინისტროს კუთხეში მერაბი ჩიტაძის ქუჩიდან ჩამომავალ ვილაც საშუალო ტანის გენერალს შეეჩახა შემთხვევით. ასეთ შემთხვევაში აუცილებელი „უკაცრავად ბატონოს“ სათქმელად ერთმანეთს შეხედეს თუ არა, ამ უნებლიე შე-

ჭანების გამო სახეშეჭმუნნილ გენერალს სახეზე ჭერ განცვიფრების, ხოლო შემდგომ ალტაცების გრიმასა გამოეხატა.

– მერაბ შენ?! – აღმოხდა მას.

– ბატონო ვარლამ, როგორ ხარ? – კითხვითვე მიუგო მერაბმა და ერთმანეთს ხელი მაგრად ჩამოართვეს.

– როდის გამოხვედი? – ჰკითხა გენერალმა.

– ერთი საათი იქნება, ალბათ, – უპასუხა მერაბმა.

– რაც გინდა მთხოვე, ყველაფერს შეგისრულებ, – უთხრა უკვე მთლად გაცისკროვნებულმა გენერალმა მერაბს და თან ხელს მაგრად ართმევდა. აშკარად ეტყობოდა, რომ გულწრფელად სურდა მერაბი სათვის რაიმე ესიამოვნებინა.

– ბატონო ვარლამ, ერთი კარგი საკანი მომიშადე! – მოუგო მერაბმა.

– ეეჰ, კაცო, შენ ყოველთვის უნდა ხუმრობდე? – დაუბრუნა კითხვა განაწყინებულმა გენერალმა, რომელიც როგორც მერაბმა შემდეგ მითხრა, შინაგან საქმეთა მინისტრის პირველი მოადგილე ვარლამ შადური ყოფილა.

გზა განვაგრძეთ. ლესელიძის ქუჩაზე დავეშვიტ. იქ ერთ შენობასთან მერაბმა მთხოვა შევსულიყავი და ერთი მისი ყოფილი თანამებრძოლი გამოემეძახებინა. ცოტა არ იყოს შეეცბი, მაგრამ მისთვის არაფერი მითქვამს. თხოვნა შეგუსრულე. ორიოდ წუთში ფერდაკარგული და თავდახრილი ყოფილი თანამებრძოლი მერაბის წინ იდგა, უხერხულად იშმუშნებოდა. სწორედ იმ მდგომარეობაში იყო, კაცი რომ ინატრებს: „ნეტავ, მიწამ პირი ჰყოს და შიგ ჩამიტანოს“.

მერაბმა ხელი გაუწოდა, მაგრად ჩამოართვა ცოცხალ-შკვდარს.

– როგორ ხარ, ბიჭო-ო?

იმან კი რაღაც ამოიხრიალა გაუგებრად. აშკარა იყო, რომ მეტი არ ძალუძდა.

– აბა, კარგად იყავი! – დაემშვიდობა მერაბი და წამოვედით. ერთხანს ასე უხმოდ ვიარეთ. ხანგრძლივი პაუზის შემდგომ მერაბს ვკითხე:

– კი მაგრამ, იმ კაცმა ხომ შენ და ზვიადი...

– ცინეს ყველა კი ვერ უძლებს, – კითხვა არ დამამთავრებინა მერაბმა.

„მე შენ ლხუბლებზე
დაბასვენებდი“

მე შენ ღრუბლებზე დაბასვენებდი

შენ იცხოვრე ისე, როგორც მხოლოდ შენ შეგეძლო გეცხოვრა – შენ განვლე ცხოვრების ისეთი გზა, როგორსაც მხოლოდ შენისთანა კაცი განვლიდა.

შთამომავლობით, სისხლით და სულით მეამბოხე, საქართველოს სიბერავის უარყოფელი, შენ სკოლის მერხიდანვე, უახლოეს მეგობრებთან ერთად, აღიძარ თავისუფლებისა და ქართველი ხალხის ეროვნული მეობის მსახურებისათვის და იქვე ქართველთ ღირსების ასადორძინებლად აღძრული სახალხო მოძრაობის უსპეტაკეს და უმძლავრეს გულად.

გონიერსა და ნიჭიერს, სწავლაში ბეჯითს, მეგობართა წრეში მუდამ შემართულს და შემმართებელს, მძლავრი პიროვნული ენერჯით დამუხტულს – შენ ყველა მონაცემი გქონდა, რაგინდარა სამოღვაწეო სფეროში გამოგვევლინა შენი ინდივიდუალობა. მაგრამ ამისთვის საჭირო იყო, შეგუებოდი სტალინიზმით გამოქედილ ბორკილებს, თავი მოგეტყუებინა და ყოველივე ღირსეულის დამამცირებელ-დამაკნინებელი მმართველი ბიუროკრატიის წინაშე ქედი მოგედრიკა. ქედმოდრეკის, დამცირება-დაკნინებათა ატანისა და ტყუილის ფასად მოპოვებულ ბეჩავ სიცოცხლეს შენ ამჯობინე უსამართლობის სატანურ ძალებთან მორკინალის ტანჯვა. ეს არჩევანი არ მოუხდენია მხოლოდ შენს გულსა და გონებას, – ასეთი სიცოცხლის გზა შენ განგებისად დაგესახა.

შენ დაიბადე, რომ მართლად და მხნედ განგველო მოწამებრივი გზა სამშობლოსათვის თავდადებული მამულიშვილისა.

შენისთანები – იბადებიან, იბადებიან ზენა ძალთა ნებით და მშობელი მიწის წიაღიდან დიდებულ წინაპართა ხმობით. შენი გული ამ ორი ძალით, ამ ორმხრივი ძაბილით ფეთქავდა: ღვთიურით და წმინდა სისხლისმიერით. ამიტომაც, შენში შენივთული იყო ზოგადად კაცთმოყვარე ქრისტიანული და საკუთრივ მამულიშვილური, სულნათელი წინაპრების მიერ მშობელ მიწაზე დანთხეული სისხლიდან მარადის მომხმობი საწყისები.

შენ დაიბადე, რომ კვლავაც დაგემტკიცებინა ქართველი ხალხისთვის, თუ რა ნათელი და სიავისგან შეურყვნელია ქრისტიანული და მამულიშვილური რწმენით მსწრაფი სული.

შენ დაიბადე და იღვაწე, რომ ქართველ ხალხს თვალნათლივ განეცადა: მიუხედავად ეგოდენი ჭირისა, ჩვენში ჭერაც არ ჩადველფილა ეროვნული ღირსების, პიროვნული სიმტკიცისა და სიმართლისთვის სიყვარულით თავგანწირვის გზნება.

შენ დაიბადე, რომ ცინიზმით და ნიჰილიზმით, პრაქტიციზმით და მუცელმერთობით, გამყიდველობით და მრავალი სხვა მდაბიო ვნებით წარყვნილი ჩვენი ყოფა შეგეძრა და ყოველგვარი სიმდაბლისთვის დაგეპირისპირებინა რწმენის, იმედოვნებისა და სიყვარულის ძალა. შენ იღვწოდი იმ მარადის ქეშმარიტი რწმენით, რომ ცხოვრების სასწორის ერთ მხარეს მუხლმოდრეკით სიმართლისთვის მლოცველი აუცილებლად გადასწონის მეორე მხარეს ახორავებულ ოქრო-ვერცხლს მასზე შესებული ჯოჯობიანად; შენ გწამდა, რომ ქართველ ხალხში ჭერაც შემორჩინენ ღვთისა და სამშობლოს წინაშე მუხლმოდრეკით მლოცველნი; და რაც უფრო მეტს იღვწოდი, მით უფრო მეტად იხრებოდა შენსკენ სასწორი.

შენ დაიბადე, რომ ჩვენს ყმაწვილებს წიგნებიდან ზღაპრული გამონაგონივით კი არ აღექვათ სხვა დიდებული მოწამე-მამულიშვილები, არამედ აღექვათ ცოცხლად – იმ სინამდვილედ, რომელიც დღემდე გრძელდება თვით ყველაზე გაუსაძლის პირობებში; და რომ მართლაც გრძელდება, რომ ცოცხალია ცოტნეს სული – შენი ცხოვრებით დაადასტურე. ვინ მეტი და ვინ ნაკლები? წმინდა საქმეში ზომა-წონვა მკრეხელობაა: უფლის, ხალხისა და სამშობლოსთვის დანთებული ყველა წმინდა სანთელი თანაბარია. შენ წმინდა საქმისთვის სანთლად იწვოდი.

შენ დაიბადე რაინდად, რომელსაც უნდა აღესრულებინა მასზე განგებისად დაკისრებული აღსასრულებელი. და შენ ისე განვლე შენი ცხოვრების გზა, რომ აღსასრულებელს არ განდგომიხარ.

ცხადია, ყველა ერთნაირად ვერ ჰვრეტდა და, შესაძლოა, ჭერაც ვერა ჰვრეტს შენს სახებას. პირადად მეც, შენმა სიყრმის მეგობარმა და სკოლიდანვე შენი სულისკვეთების, შენი მრწამსის თანაზიარმა, მხოლოდ ორიოდ ვწლის წინათ, გადასახლებიდან შენი დაბრუნების შემდეგ დავინახე, რომ შენ, თურმე, ზენა ძალებთან კავშირში მყოფ პიროვნებად ჩამოყალიბდი. ყოველდღიურ ურთიერთობებში, საზოგადოებრივ ცხოვრებაში, პირად შეხლა-შემოხლაში, როდესაც ადამიანი თვალწინაა, ახლოსაა – მისი პიროვნების ხატს, უმეტეს შემთხვევაში, ძნელად შევიცნობთ, და რაც უფრო დიდია პიროვნება, მისი შეცნობა მით უფრო უჭირთ, რადგან ადამიანები პრაქტიკულ-რაციონალისტური გონებით სჯიან უპირატესად და ბევრნი შენს რაინდულ შემართებას და, იმავე დროს, ყოველგვარი ამბიციებისგან განტვირთულ გარჯას, შენს უდრეკ ნებას და, იმავე დროს, მიმტევებლობას, შენს მძვინვარე რისხვას და იმავე დროს უსათუთეს სათნობას. – მრავალ შენს მაღალ თვისებას და გამოვლინებას, ჩვენი ყოფისთვის ხშირად შეუთავსებელს, ბევრნი მიაწერდნენ

„უცნაურობას“, „კომპლექსებს“, „გადახრებს“, „ანომალიებს“; ლამის იყო გიჟად მოგნათლეს, როდესაც 1978 წელს, დაპატიმრებული და ნაწამები, შენს თავზე აღმართული სიკვდილის ნაჯახის უცხადეს-მა შეგრძნებამაც არ შეგაცბუნა და მწვალებელთა წინაშე დანაშაულად არ აღიარე სამშობლოსა და თავისუფლებისთვის შენი მსახურება. ნორმალურ ადამიანს არ შეუძლია ამდენის გადატანაო, გოცებით ამბობდნენ სასამართლოში შენი მხილველნი, მაგრამ ამბობდნენ ალტაცებითაც, ალბათ ასევე ეუცნაურებოდათ, ასევე „არანორმალურად“ მიაჩნდა ბევრზე ბევრს ცოტნეს, ქეთევანის და სხვა ჩვენი დიდებული მამულიშვილების მოწამებრივი ცხოვრება. მწვალებელნი უგონოდაც, შეშლილადაც მიიჩნევდნენ ქეთევანს, როდესაც მას ხორცს გლეჯდნენ და ის კი არ განდრკა მამულის და ღვთის რწმენისგან. პრაქტიკულ-რაციონალისტური გონება ვერასდროს იაზრებს, რომ არის შემთხვევები, როდესაც ის, რაც ჩვეულებრივ დონეზე მოჩანს „გადახრად“ თუ „უცნაურობად“, სინამდვილეში განგების ნების გამტარია – როგორც პირობა და საშუალება ამა თუ იმ პიროვნების ცხოვრებით ზენა ნების აღსრულებისა. პრაქტიკულ-რაციონალისტური გონება ვერ იაზრებს და ჭიუტად უარყოფს ამას, თუმცა ამის დამადასტურებელი უცხადესი მაგალითები მრავლადაა რელიგიის, ხელოვნების, მეცნიერებისა და საზოგადოებრივ-პოლიტიკური ცხოვრების სფეროებში. ამ შემთხვევაშიც მერაბ კოსტავას ყველანაირ „უცნაურობას“ აპირობებდა მისი არსებობისა და ცხოვრების განგები ზენა ძალა.

თუ არა განგებისად – მაშ, რანაირად შესძელ საზოგადოებრივ-პოლიტიკური კოლოზიებისა და ბრძოლების უმძიმესი გზა ისე გაგველო, რომ ჭუჭყის ერთი ლაქაც არ მოგცხებოდა.

თუ არა განგებისად – მაშ, როგორ შესძელ ეგოდენი ჭირისა და სიმუხთლის მხილველს და განმცდელს, გაბოროტების ნატამალიც გულთან არ გაგეკარებინა.

თუ არა განგებისად – მაშ, საიდან ეგოდენი სიყვარული, მიმტევებლობა, სიმხნევე, ამტანობა.

თუ არა განგებისად – მაშ, სხვა რა ძალა გასაზრდოებდა, ასე დაუღლელად, ასე დაუცხრომლად, ასე შემართულად, ხშირად უძინარსა და უჭმელს, ერთთავად ბრძოლებში ჩართული ყოფილიყავი და ტრიბუნებიდან ომახურად გექუნა...

შენი წასვლაც განგებისად განხორციელდა – გარეგნულად შემთხვევით, ბედისწერაა, მაშ რაა?! იქ კი არ მოკვდი, სადაც სრულიად გასაგები, სრულიად კანონზომიერი მიზეზი გამოგასალმებდა

ამ წუთისოფელს – ან პატიმრობასა თუ გადასახლებაში ავადმყოფობა, ან სამეგრელო-აფხაზეთის საზღვარზე გამიზნული ან უცაბედი ტყვია... არა, შენ იქ არ მოკვდი, რადგან შენ იქ არ უნდა მომკვდარიყავი: შენ ჭერ უნდა აღგესრულებინა აღსასრულებელი და მაშინ, როდესაც აღასრულე – მართლაც დიდებულად, მაღლად, სუფთად, სიყვარულით აღასრულე შენი საქმენი – ძალამ, რომელმაც ასეთად დაგბადა, კიდევ წარგიტაცა.

შენ სპეტაკი გული ჩაუდგი საქართველოში აღძრულ ეროვნულ-გამათავისუფებელ მოძრაობას, შენ შენი სიკეთით სწონიდი ამ მოძრაობაში აღჩენილ ყველანაირ ხარვეზს, შენი სიყვარულით და გავლენით აშოშმინებდი და აერთიანებდი ყველა ეროვნულ პარტიას, საზოგადოებას, კავშირს თუ ცალკეულ პიროვნებას, შენ მრავალგზის წინ აღუდექი უსულგულო და უგუნურ სისხლისღვრას, განმუხტე მრავალი პროვოკაცია, მრავალზე მრავალი სიკეთე მოიმოქმედე, ცხადლივ დაგვანახე, თუ რა დიდებულთა სამშობლოსთვის მართალი, მოსიყვარულე, უდრეკი სულით მსახურება და, როგორც ჩანს... განგებამ გაკმარა, მოგაშორა... ავიტაცა!

ნიშანია ეს! რაღაცას გულისხმობს და მიგვანიშნებს განგების მიერ შენი წაყვანა. მაგრამ რას? თითოეულმა ამ კითხვაზე პასუხი საკუთარ სულში უნდა ვეძიოთ, საკუთარ სულში უნდა ჩავიბრუნოთ თვალი, რომ ამოვიცნოთ ეს ნიშანი.

რარივ ძნელიც, რარივ მტკიცენიულიც იყოს, თითოეულმა შეგნებულმა ქართველმა საკუთარ სულში უნდა ჩაიბრუნოს მზერა, შეძლებისდაგვარად განიწმინდოს სულითა და გონებით, აღივსოს სიყვარულით და, მეტე, ერთობლივად, მეტი ერთგულებით ემსახუროს იმ ხატს, რომელსაც შენ ასე უდრეკად და თავდაუზოგავად მსახურებდი – წმინდა ილია მართლის გამოჭედილ ხატს, რომელზეც სამშობლოსა და ღვთის ცნებები ერთ სიმბოლოდ შერწყმულა.

შენი თავი რომ წარიტაცა ჩვენგან ჩვენი ცხოვრების განმგებმა ძალამ – მე უფრორე ჩვენს თავს ვსტირი, ძვირფასო მერაბ, სრულიად საქართველოს ყველა სულიერად მცხოვრები და ეროვნულად მოაზროვნე გლოვობს თავისი ქვეყნის სპეტაკი, თავდადებული შვილის გარდაცვალებას. იყო ბჭობა და აზრთა შეხლა-შემოხლა, თუ რომელ წმინდა ალაგს, რომელ ეკლესიასთან დაგვესაფლავებინა. – მე შენ ღრუბელზე დაგასვენებდი, ამის ძალა რომ მქონოდა. ეგებ, იქ მაინც მოგესვენა. ხალხმა ინება, მთაწმინდის მიწას მიაბარონ შენი ცხედარი. ხალხი ბრძენია. ხალხი სწორია. შენი მოწყვეტა არ ინება მშობელი მიწისგან. ხალხმა იცის, შენ ქართული მიწის წიაღიდანაც

უნდა იმძლავრო, და შენ იმძლავრებ. მოსვენება და დაცხრომა, ჩვენო მერაბ, სასუფეველშიც არ გიწერია, სანამ ქართველნი ავბედობის უღელში ვართ ასე გაბმულნი, ცოტნეს ჭიშისა, იქაც იმძლავრებ – ქართული მიწის წიაღიდანაც იქუხებ და ილაღადებ საქართველოს გადარჩენა-ალორძინებას.

აკაკი ვასაძე

მამულიშვილნო, ქართველნო, გეორგიანნო!

დასრულდა მოწამეობრივი გზა დიდი მამულიშვილისა, ჩვენი ძმისა და მეგობრისა, ყველა ქართველისათვის საფიცარი მერაბ კოსტავასი.

ჭეშმარიტად დიდია ღვაწლი, რომელიც მან დასდო საქართველოს თავისი თავდადებით, თავისი შემართებით, თავისი სიბრძნით, თავისი მაღალი ზნეობით, მაღალზნეობრივი მაგალითით.

ძმანო, დღევანდელი დღე 9 აპრილის ტოლია. ღვთის დიდება გადმოვიდა საქართველოზე, ძმანო, რამეთუ ამაღლდა დიდი ქართველი და დაჰნათის საქართველოს, ვითარცა წამებულნი 9 აპრილისანი და მოგვიწოდებს თავდადებისკენ, მამულის სიყვარულისკენ, ურთიერთ სიყვარულისკენ. თავისი დიდი გულით მერაბ კოსტავამ გააერთიანა საქართველო. მას ყველა უყვარდა, რამეთუ უწყოდა: უკეთუ არ შევიყვარეთ ურთიერთი, არ შეგვიყვარებს უფალი, ვერ გადარჩება ჩვენი სამშობლო. აი, ეს არის მერაბის ანდერძი: იყვარებოდეთ ურთიერთს, აი, მერაბის კრედიტ ცხოვრებისეული, აი, ის მიზანი, რომლისკენაც უნდა ვილტვოდეთ ჩვენ.

ძმანო, მოვექცეთ სარწმუნოებაზე, დავიბრუნოთ წინაპრების სარწმუნოება, რამეთუ წარვწყმდებით სიმრავლეთაგან ცოდვათა ჩვენთარსა, უკეთუ არა მოვექცეთ, მოვწყდეთ ცოდვათა შინა – აი, მერაბის ანდერძი, ძმანო! ვემსახუროთ უფალს, რომელსაც მსახურებდნენ ჩვენი წინაპრები, განვწმინდოთ გულნი ჩვენნი, აი, მერაბის ანდერძი, ძმანო!

რალად უნდა ჩეფერენდუმი საქართველოს, როდესაც მთელმა ქართველმა ერმა აღიარა დამოუკიდებლობისათვის მებრძოლი რაინდის დიდება, როდესაც მთელმა ქართველმა ერმა ამოაცვილა მერაბი წინაპართა, წმინდანთა და მოღვაწეთა სამკვიდრებელში, განამერაბთან ერთად ეროვნულ-გამანთავისუფლებელი მოძრაობა არ ამოვიდა აქ, ძმანო? განა არ განიწმინდა ამით ჩვენი მოძრაობა, ჩვენი ერი.

ძმაო, დამუნჯებული ვართ მწუხარებისგან. გაგვიშრა ცრემლი შენს ძმებს, გაგვიშრა ცრემლი. მძიმეა ტვირთი, რომელიც შეგვატოვე მხარებზე, ძმაო!

უტყვია მწუხარება, ველარ მითქვამს გულისნადები. იმას კი გეტყვი, რომ ჩვენს გულებში ანთებული სანთლები გაგინათებს გზას სულეთისას, ვითარცა შენი ხატება გაგინათებს ჩვენ საქართველოს თავისუფლებისა და დამოუკიდებლობისათვის ბრძოლის გზაზე.

დიახ, ძმაო, მთელი საქართველო დაგტირის, მაგრამ შენ აღაწევე დღეს საქართველო! აღაწევე შენი მსხვერპლით, რამეთუ არ შეუშინდი სიკვდილს, ძმაო, შენი ცხოვრება ვეფხისა და მოყმის ბრძოლას გავდა, და არც შენ შახვდი, ძმაო, ვეფხს ჭკვიანი.

მრავალჯერ გაგაფრთხილე, მრავალჯერ გთხოვე: შენი ძვირფასი სიცოცხლე შეგვინარჩუნე, მაგრამ შენ მუდამ მალლა იდექი ყოველგვარ შიშზე. მუდამ მალლა იდექი ყოველგვარ სულმოკლეობაზე! წინაპრების სასუფეველიდან მოგვივლინა უფალმან წინაპარი ჩვენი აღმდგარი, რამეთუ დავეცით, რამეთუ ვუღალატეთ სარწმუნოებას, ვუღალატეთ ზნეობას, ვუღალატეთ ერს! და იგი მოგვევლინა, რათა შთაგებეროს სული გმირობისა, შეუპოვრობისა, მამულისათვის თავდადებისა. აწ აღვსდგეთ და მივსდიოთ მაგალითს მისას, რათა, ვინსნათ ერი ჩვენი, გათელილი მტრის ჩექმის ქვეშ. იგი გაგვიძღვება, ძმანო! იგი არ მომკვდარა, იგი კვლავ შეგვასმენს თავის გმირულ შავლევოს, კვლავ შეგვასმენს და კვლავ დაამხობს მტერს, დაამხობს და გაათავისუფლებს საქართველოს!

საუკუნოდ იყოს, ძმაო, ხსენება შენი! შენი ერი შენთან არის. შენ მიერ გაღვიძებული ივერი შენთან არის, ძმაო, დიდი ილიას გვერდით დამკვიდრებულო!

ზვიად გამსახურდია

წამებულო ბავშვო!

წამებულო ბავშვო!

წამებულო ვაჟკაცო!

ბავშვობაში კაცი მყავდი, კაცობაში ბავშვი...

ჩემო ანთებულო ჩირაღდანო, ანთებულო საქართველოს სიყვარულით, ადამიანების სიყვარულით!

ამიტომ იყო, რომ ვერ მოგერია მრავალწლიანი ტანჯვა-წამება. ამიტომ შეგიყვარა და დაგიტირა ხალხმა. საკმარისი იყო ენახათ შენი საოცრად მეტყველი, ჩაფიქრებული სახე, რომ რწმენა გასჩენოდათ ადამიანებს.

– შე ადრე დაბერებულაო... – შემოსტირა შენს სურათს მოსულმა მანდილოსანმა...

– როგორ არ გაუფრთხილდითო! – გვისაცხედურა ყველას შორიდან შენმა გადასახლებულმა მეგობარმა შენი დაღუპვა რომ გაიგო. მართალია, ვინც ვიცოდით შენი ათი წლის წამება, სიცვიის, შიმშილის, კამერების, კარცერების ჭლექიანი წლები, ძვირფასი შვილის დაღუპვით გამოწვეული დიდი ტკივილი – უნდა მოგვეცა შენთვის ამოსუნთქვის, დასვენების საშუალება.

– მგონი აქ უფრო გამიძნელდა, ვიდრე გადასახლებაშიო... – თქვი ერთხელ ჩემთან.

როგორი კაცთმოყვარე მყავდი, როგორ იცოდე ადამიანების დაცვა, მათი შეცდომების მიტევება...

გულით გიგრძნო ხალხმა და ამ გრძნობით, სიყვარულით, პატივისცემით დაბადებულმა ტალღამ მსუბუქად აგიყვანა კიდევ მთაწმინდაზე.

და როგორც იქნა „დაგასვენეთ“, ჩემო მერაბ!

მედია ჯაფარიძე

მერის სინდისი, პატიოსნება

მერაბ კოსტავა...

იყო დრო, როცა ეს სახელი რაღაც ბუნდოვან ეჭვს იწვევდა, რაღაც გაურკვეველს ბადებდა, რაღაც აუხსნელ ბურუსს იხვევდა. ეს მაშინ იყო. ადრე, როცა ყოველგვარ ეროვნულზე საუბარი საშიში ზღაპარივით იდუმალი რჩებოდა.

არასოდეს არ დაბნეულა იაფფასიანი ტაშით, არ მოხიბლულა საკუთარი თავით, იღვებით არასოდეს არ უვაჭრია, იღვებით იბრძოდა მხოლოდ. სულის კვილამდე აწვალებდა გათითოკაცებულ ქვეყნის სატკივარი და ერის გაერთკაცებაზე ოცნებობდა. ის უფრო წინ იყო, ვიდრე მისი დრო, ამიტომაც ხშირად მარტოკაცის ხიფათიანი გზებით იარებოდა. მასში სული და სხეული ერთნაირად ხმაურობდა, ერთგვარი ეროვნული ტემპერამენტით და მისი ხასიათის მთლიანობაში იკვეთებოდა, დადიოდა მუდამ ამაყი, მუდამ შემართული, მუდამ თავაწეული, მუდამ მართალი, რაღაც უცნაური, რაღაც მოუსვენარი, რაღაც მარტვილი და საკუთარი სატანჯველი არ ჰყოფნიდა. გოლგოთის გზაზე შემდგარს არც კრიზისი აცდენია, არც კატასტროფა, არც ნგრევა, არც უარყოფა, აღარც გაფრენა.

...დაიმსხვრა, დაიღწეა და იქ ჩასახლდა, მარადიულ სინათლის წრეში... გათავდა. ლომმა გალია გაარღვია. გისოსები აღარ არსებობენ...

რუსთაველის საზოგადოების ზუგდიდის გამგეობა

ბატონ მერაბ კოსტავას ხსოვნას

ის იყო კაცი დიდებული, მებრძოლი უებრო, მეგობარი უღალატო, მორწმუნე თანამიმდევარი, მოყვასი ერთგული, პოლიტიკოსი ჩაუტეხელი, ქრისტიანი, ჭეშმარიტი.

მრავალწახნაგოვანია ბატონი მერაბ კოსტავას ფენომენი – უკანასკნელი მოჭიკანი შუასაუკუნოვანი ქართული რაინდიზმისა, „უშიშო, ვითარცა უხორცო“. ქართველთა არსებობის დროის ღერძზე ასეთი აღამიანების გრძელი მწკრივი ჰქმნიდა სწორედ წმინდანთა გაღერებას, საკუთარი მკერდით რომ იცავდნენ სამშობლოს თავისუფლებას. ფარნავაზის ეპოქაში ის აღმათ პირველ ამბოხებულთა შორის იქნებოდა, მირიან მეფის დროს – ნინოს ჭვრის მცველი, დიდ დავით აღმაშენებელთან – ტაძრისეული, ცოტნე დადიანთან – ანისის მოედანზე ნებით ხელებშებორკილი, ქაქუცა ჩოლოყაშვილთან – შეფიცული, ჩვენ დროში კი... მხოლოდ იქ უნდა მდგარიყო, სადაც იდგა! „სხვაგვარად არ ძალუძდა“. მაინც სამი მთავარი ხაზი გასდევს ბატონ მერაბ კოსტავას ცხოვრებას: ავბედითად მდგარი ტრაგიზმი, ჭვარცმული მაცხოვრის სადარი მიმტყვებლობა და სრულსახეობა რაინდისა. ბოლომდე შესვა ამქვეყნიური შხამით

სახესე ფილა. განიცადა უსაყვარლესი ვაჟის სიკვდილი, გვემა, სოდუნჭირე პატიმრობისა, სიმძიმელი სამშობლოდან გადასახლებისა, უსამართლობაც, ცილისწამებაც, დევნაც. დარჩა მაინც სიკეთით გასხივოსნებული. არც გული დამძიმებია ბოროტი შურისძიებით, არც პენისმისტი გამხდარა, არც სააუგო სიტყვა დასცდენია თვით აშკარა მტერთა მიმართ, ბოლომდე იდგა სახარებისეული სენტენციების სიმაღლეზე. არ გაბოროტებულა, ღვარძლით არ დაუჟანგებია დიდი გული. პირადულს არ წაუღეკია უმაღლესი სულიერი კულტურა. საოცარი იყო მისი მიმტევებლობა. თითქოს დიდ ბავშვად იყო ატყორცნილი მისი კეთილშობილება. გარეგნულად გულუბრყვილო ჩანდა. არა, არ ყოფილა ბატონი მერაბ კოსტავა გულუბრყვილო. ეს, სიკეთით, უცნაურად გადაფარული შინაგანი ტრაგიზმი ჩვენთვის – ჩვეულებრივ მოკვდავთათვის, აღიქმებოდა პირველყოფილ გულუბრყვილობად. ორი რამ ამხელდა მხოლოდ ყოველდღიურ ტკივილებს: მეტყველ თვალებში ჩაბინდული ღრმა კაეშანი და გაქვავებული სახე, სუსხისაგან ქარდაკრული, უცნობთათვის შეუღწევადი და გასაიდუმლოებული. ჰო, კიდევ მისი ლექსები. საკრალურად დაშიფრული და ამოუცნობი.

ჩვენ არ ვყოფილვართ უახლოესი მეგობრები, ჩემდა სამწუხაროდ, არც თანამოაზრენი ვყოფილვართ ბოლომდე. სხვადასხვანაირად წარმოგვედგინა თავისუფლებისკენ მიმავალი გზა. მე მხოლოდ მისი პატივისმცემელი ვიყავი. არც მას უარყვია თანამშრომლობა ეროვნული ერთობის საქმეში. ჩვენი საუბრებისას მე განმაიარა რაღაც ღვთიურმა კეთილშობილებამ, გამაოცა და დამაფიქრა კიდევაც. ის ყოველი ქართველის ერთობის მომხრე იყო, რეალისტი. თავს არ გახვევდა საკუთარ თვალსაზრისს. მოკამათეში არ ეძებდა მოწინააღმდეგეს. არ მალავდა აღფრთოვანებას, თუ ეროვნული გრძნობის გამოვლენას შენიშნავდა, ანლაც მახსოვს თბილი, სიხარულით აღსახვე გამოხედვა, თუ რაიმე მოეწონებოდა. უკმაყოფილებას სიჩუმით გამოხატავდა. პირად ურთიერთობას ვამბობ, თორემ... საზოგადოებრივ საქმეში ჩუმი კი არა, მქუხარე იყო, შეურთიგებელი და კატეგორიული, სიხარულსაც ზოგჯერ გაცვებით აღიქვამდა. ორი, თითქოსდა პარადოქსალური საწყისი შევნიშნე მასში: ყველაში პიროვნებას ეძებდა, პიროვნებას კი სცემდა უდიდეს პატივს... და ამავე დროს უკვირდა კიდევაც ადამიანში პიროვნების აღმოჩენა. განმწმენდი იყო მასთან საუბარი, თვითონაც სწამდა კათარზისი, ვითარცა ერის კონსოლიდაციის გზა. დიდი შერიგებაც მიაჩნდა აუცილებლად, დიდი პატიებაც, ერთობაც. შესანიშნავი კოორდინატორიც იყო. ჰქონდა უდიდესი ნიჭი სხვისი ღირსების აღიარებისა, შესანიშ-

ნავად ფლობდა ეპოქის მაჩისცემას. ასხვავებდა სტრატეგიას და ტაქტიკას. პოლიტიკურ იდეალს (მიზანს) არ ურევდა იდეალებისა-
კენ მიმავალ გზაში (მეთოდში). და ვაი, თუ მოდუნდეს ქართველთა
საერთო გულისცემა მისი სიკვდილით და იმძლავროს გათიშვის
ნერგმა!

დიდი ოპტიმისტი იყო ბატონი მერაბ კოსტავა. არ უყვარდა
რომანტიკულ წარსულზე ცრემლი. ვგონებ, არც შეეძლო მას ტირი-
ლი, არ მიაჩნდა მოთქმა არც ნამყოზე, არც აწმყოზე, ბრძოლის ხერ-
ხად. აქ უნდა განვმარტო: დიდი ოპტიმისტი კი იყო ეროვნული თა-
ვისუფლების აღორძინებაში, პირად ცხოვრებაში კი მეჩვენება, რომ
ნადველი სჭარბობდა. რაღაც საშინლად შემადრწუნებელი თქვა კი-
დევაც ჩვენი საუბრისას მუნთალი ბედის გამო. თურმე ყოველ წამს
გრძნობდა სიკვდილის მოახლოებას. ოღონდ კი არ ეშინოდა, არა,
პირიქით, წინათგრძნობა ამოძრავებდა, ბევრის მოსწრება სურდა.
ანალოგიური რამ დავინახე შემდეგ მისი ბრწყინვალე ვაჟის ირაკლი
კოსტავას ლექსებში ჩაძირული. სევდიანმა ჭაბუკმაც ხომ შეფარვით
იწინასწარმეტყველა საკუთარი ტრაგიკული აღსასრული.

ბატონი მერაბ კოსტავა ანტიკური გმირების მსგავსად საკუ-
თარ ბედისწერას ებრძოდა. წინასწარ იცოდა საკუთარი ბედისწერა,
მაგრამ ეს არ აჩერებდა. მან ხომ თვითონ დაუსახა თავს დიდი მიზანი:
თვითშეწირვა საქართველოს წმინდა ბომონზე. ამიტომ შეუპოვრად
მისწრაფვოდა გაბედულად, ერთგვარი აზარტითაც... რადგან ის იყო
„კაცი საკვირველი“ ჭვარცმული ქრისტეს დარად „სიკვდილისა
სიკვდილითა დამთრგუნველი“.

ლოვარდ ტუხაშვილი

მრის რაინდთა მემკვიდრე

მერაბ კოსტავას პირველად ამ ოციოდე წლის წინათ შეგხვდი,
საქართველოს კომპოზიტორთა კავშირში, ერთ-ერთ საბაქერო შე-
კრებაზე, სადაც ახალგაზრდა მუსიკათმცოდნეებიც მო-
ნაწილეობდნენ. იმუამად გარეშე დამსწრეთაგან უნებლიეთ და-
ვაკვირდი უცნობ ბრგე ახალგაზრდას: მოკრძალებით მდგომი, იმზი-
რებოდა უცნაურად დაძაბული, თითქოსდა „უძრავი თვალებით“ (გა-
მოცანა მასში – შესამჩნევი იყო)... გამაცნეს და წარმომიდგინეს, რო-
გორც ახალგაზრდა მუსიკათმცოდნე. ადრევე მსმენოდა მისი სიყრმი-

სეული სიმამაცისა (მაშინ იშვიათად რომ ხდებოდა) და შედეგად – განსაცდელის შესახებ, ამასთან ისიც, რომ იგი იყო ცნობილი მსახიობისა და ღირსეული ქართველი ვაჟკაცის გრიგოლ კოსტავას ძმისწული, რომელიც არცთუ დიდი ხნის წინ დაუბრუნდა სამშობლოს უფრო ხანგრძლივ – განსაცდელ გადახდილი... ლაღო დონაძის მოწაფე ყოფილა თბილისის კონსერვატორიაში. ლ. დონაძე კი, ქართველ მუსიკათმცოდნეთა არაერთი თაობის აღმზრდელი, თავად მაღალი ზნეობის და ურყევად პრინციპული, უკომპრომისო პიროვნება, არცთუ იოლად იმეტებდა მაღალ შეფასებებს, მერაბ კოსტავაში კი თავიდანვე შენიშნა ღრმად ნიჭიერი, მოუსყიდველი (ამას განსაკუთრებით უსვამდა ხაზს) ახალგაზრდა. იმთავითვე მასში საიმედო ძალა დაინახა. მათ შორის ურთიერთსიმპათიები აშკარა იყო. მერაბი თავიდანვე ამუღავნებდა ღირსეული აღმზრდელისადმი რაინდულ პატივისცემასა და ერთგულებას, რაც მის განუყრელ პიროვნულ თვისებად დარჩა ბოლომდე.

ვამჩნევდი სიონს, დიდუბესა თუ ქაშვეთში განმარტოებულს, ლოცვის რიტუალს რომ ასრულებდა, იდუმალებაში იყო მთლიანად გადართული, გარე შეხედვით – ფანატიკოსს ჰგავდა... გაცნობის შემდეგ მალე დავახლოვდით და, მიუხედავად წლოვანებაში განსხვავებისა, დავმეგობრდით, საერთო ენაც იმთავითვე გამოვნახეთ – ამოსავალი იყო ქართული მუსიკის გზები და უწინარესად – ქართული მუსიკალური ფენომენი, თან როიალზე ვუკრავდით მის ნიშანდობლივ ნიმუშებს. სულ უფრო ცხადი ხდებოდა, დიდია თვითმყოფადი ძალა ყველა დროის ქართული მუსიკისა და იმის მიუხედავად, რომ იგი არცთუ გამოუმწეურებელია – კვლავაც ამოუწურავია მისი სიღრმე-საიდუმლოებანი, რომელთა ამოხსნას რამდენიმე მუსიკათმცოდნეც არ ეყოფა, იგი ძალთა კონსოლიდაციას მოითხოვს ამ დიდ საგანძურში მარადიული ქართული სულის ამოსახსნელად. ცხადია, ეს დროის საქმეც იყო, მაგრამ ამ საქმეს უწინარესად თავად ეროვნული სულითა და ფენომენით შეპყრობილი, თავდადებული მკვლევარნიც სჭირდებოდა, რომელთაც ძალა ექნებოდათ, ქართული მუსიკის – ეროვნული სულიერი ენერჯის ამ გვირგვინთაგანისათვის საკუთარი ადგილის დამკვიდრებისათვის ფართო, საკაცობრიო შუქზე. მერაბ კოსტავას ამის ყველა, ვიტყვოდი – იშვიათი მონაცემი ჰქონდა. თავად მშვენიერი მუსიკოსი იყო: ფორტეპიანოზე ინტიმურ წრეში თუ განმარტოებით ისე უკრავდა (ჩემი თანდასწრებით – რომანტიკოსებს), რომ ეს საკუთარ თავთან გაბაასებაც იყო. მუსიკალურ აზროვნებაში მისთვის მთავარი – მუსიკის ფილოსოფიაში წვდომა იყო. შეპყრობილი იყო ბეთშოვენით (მეცხრე სიმფონიის შესახებ კიდევ გა-

მოაქვეყნა მშვენიერი, ღრმა აზრებით სავსე წერილი თბილისში მის ერთ-ერთ შესრულებასთან დაკავშირებით), განსაკუთრებით კი – ვაგნერი. აზროვნების ეტალონად მიაჩნდა რუდოლფ შტაინერის გენიალური მოსაზრებები ვაგნერის შესახებ. თავისთავად ეს იმას მოწმობდა, რომ მუსიკას იგი აღიქვამდა ფილოსოფიასთან განუყრელ ურთიერთმიმართებაში. ამის მყარი საფუძვლები უკვე ჰქონდა. პარსიფალის, ლოენგრინის, გრაალის რაინდთა პრობლემა მერაბს – მუსიკოსს განუწყვეტლივ აღელვებდა...

საკუთარი ერუდიციის აფიშირების შეუროგებელ მოძულეში ერთობ საგრძნობი იყო სიღრმისეული განათლება, ამას ერთვოდა რელიგიური სიღრმე – ცხადია, ესეც მზამზარეულად არ მოვიდოდა. ზემოთ ვთქვი – პირველსავე შეხედვით ფანატიკოსს ჰგავდა-მეთქი. ჭიუტი სწორნაზოვნებაც აშკარად შესამჩნევი იყო. ჩვენი საუბრების დიაპაზონი საკმაოდ ფართოდებოდა და თვით პოლიტიკის საკითხებსა და შეფასებაში იჭრებოდა. აქ თითქოსდა უდრეკი ფანატიკოსი სინამდვილეში გულდინჯ ობიექტურობას იჩენდა (არცთუ იშვიათად ეს მოულოდნელიც იყო მისგან). გამგებისა და გულისხმიერების ბუნება მასში სრულიად უტყუარი იყო და მისი დარწმუნებაც ძნელი არ იყო (ეს ამ ბოლო დროსაც, საქმეში ბევრმა გამოსცადა). მაშ სადღა იყო ურყევი ფანატიკოსი? მოძალადეების მიმართ და თუ რომელიმე მოძალადე მას შეუტევდა (მისახვედრია, როგორს ვგულისხმობ), მაშინ იწყებოდა მისი სრული გაშმაგება და ყოველგვარი თავგანწირვისათვის მზადყოფნა...

მის კალამს ელვარება ახლდა მუდამ, რისი გამოქვეყნებაც ადრე მოასწრო – უკვე მუსიკის ფარგლებსაც სცილდებოდა. შესანიშნავი ესეისტური ეტიუდი გამოაქვეყნა: „ცხენი!“ შემთხვევითი როდი იყო ეს: ქართული რაინდობის, ერთგულების, სიკეთის პრობლემას დაუკავშირა იგი და მასში დროის სევდაც ჩააქსოვა! თავის ერთადერთ ვაჟკაც პირმშოს (ვაგლან, ერთადერთ ვაჟკაცს!) ირაკლის თავიდანვე სპარტანულად რომ ზრდიდა, ცხენოსნობაშიც გულმოდგინედ წვრთნიდა და ცხოვრების გზაზე სულიერი და ფიზიკური ჰარმონიულობის სრულყოფილი განვითარებით გააწყავდა.

უცხოეთში, გერმანიის ფედერაციული რესპუბლიკის ქ. საარბრიუკენში როცა ვიყავი – ქართული კვირეულის დროს ერთმა დიდებულმა ქართველმა ინტელიგენტმა, ჩემი სიყრმის მეგობარმა, აწ განსვენებულმა გოგი კორძაიამ, რომელიც იმჟამად მიუნხენში ცხოვრობდა, მკითხა: ვინ არის მერაბ კოსტავა, მე ყოველთვის ვკითხულობ მის წერილებს და დიდ სულიერ კმაყოფილებას ვიღებო! ვუამბე მერაბს ამის შესახებ: უცხოეთშიაც უკვე მოგაქციეს ყურა-

დღეა და დიდად არიან დაინტერესებულნი შენი შემდგომი გზით-
მეთქი... შემდეგ შევახსენე რაც მე მაწუხებდა – რომ შენ მუსიკაზე
წერას მოუკელი და შენი უპირველესი მოწოდება ხომ ქართული მუ-
სიკისადმი სამსახურია, იგი სწორედ შენნაირ კაცს მოითხოვს-მეთქი.
მიპასუხა: – მე ამისთვის აღარ მცალიაო... პასუხი მრავალმნიშვნე-
ლოვანი იყო. შემდეგ რაც მას გადახდა, საყოველთაოდ ცნობილია.
თავისი მოღვაწეობა წარმართა, როგორც ეროვნული მოძრაობის
უპირველესმა ლიდერთაგანმა. მთაწმინდაზე მისი დასაფლავება
ეროვნული სიმბოლო იყო. ხალხური სიმღერის „შავლეგოს“ ტრაგი-
კული ვარიანტი კი მუდამ მოგვაგონებს ერის რაინდს მერაბ კოსტა-
ვას.

ანტონ წულუკიძე

„შენ არ მომკვდარხარ“...

„შენ არ მომკვდარხარ, შენ გძინავს, მოქანცული ხარ ბრძოლი-
თა“ – ასე მიმართავს დედა ვეფხვთან მებრძოლ რაინდს ქართულ
ხალხურ თქმულებაში. ასევე შეგვიძლია ჩვენც მივმართოთ მერაბ
კოსტავას ცხედარს, ის თუ მართლა შემთხვევითობის მსხვერპლია,
რაც მე არ მჯერა, მაინც დალუპულია იმ ბრძოლაში, რომელსაც
მთელი თავისი სიცოცხლე ემსახურებოდა. დალუპულია იმ ბრძოლა-
ში, რომელსაც საქართველოს თავისუფლება შქვია და რაკი ამ
ბრძოლაშია დალუპული, ბუნებრივია, რომ ჩვენ მისი გლოვა არ
გვმართებს. „ამის მეტს აღარ გიტყვებთ, შენ არ ხარ სატირალია“.
არ ხარ სატირალი, რადგან მარადი სიცოცხლის გზაზე დადექი ჩვენი
ხალხისა და ჩვენი ერის გულში, როგორც ვაჟა იტყვოდა. „მიუხვალ
მამა-პაპათა ამოღებულის ხანჯრითა“. მე მინდა ვთქვა, რომ დღეს სა-
ქართველო გოლგოთის გზით მიდის. აღმართავს ის გოლგოთაზე სა-
ქართველოს თავისუფლებისა და გამარჯვების ჭვარს, თუ თვითონ მას
გააკრავენ ამ ჭვარზე, ეს იმაზეა დამოკიდებული, რამდენად ვაჟაკე-
ბი ვიქნებით ჩვენ, რამდენად პატიოსანნი და რამდენად გონიერნი.
შენ ამ ვაჟაკობის, გონიერებისა და პატიოსნების მაგალითი აჩვენე-
ამიტომ ღრმად ვართ დარწმუნებული, რომ უკანასკნელი ქართველ-
იც, ვინც კი გადაარჩება, ის აიტანს ამ ღროშას და აღმართავს, რო-

გორც თავისუფალი საქართველოს სიმბოლოს. ამიტომ მინდა მე, გამოგეთხოვო შენ ისეთი სიტყვებით, რომელიც შეიძლება გლოვისათვის არ არის შესაფერისი, მაგრამ შესაფერისია შენი ცხოვრებისათვის: გაუმეაფოს მერაბ კოსტავას, საქართველოს შიშველ სატეგარს!

აკაკი ბაქრაძე

„სიკვდილითა სიკვდილისა დამთრბუნველი“

დიდი ერისკაცი მოუკვდა სამშობლოს – კიდევ ერთმა წმინდა ბინადარმა დაივანა ზეციურ საქართველოში, მერაბ კოსტავას მარად უკვდავმა და ნათელმა სულმა.

სამშობლოს, სიმართლის თავგანწირულ სამსახურში ჩაიფერულა მერაბ კოსტავას, დიდი მერაბ კოსტავას უზადო სიცოცხლე, სიცოცხლე კაცისა, რომელიც თითქოს ღვთის მიერ იყო მოვლინებული ჩვენდა მხსნელად და იმედად, ჩვენი არსებობის შავბნელ ხანაში მინავლებული ეროვნული ნაპერწკლის გასაღვივებლად და კოცონად ასაგიზგიზებლად.

საუკუნის დასაწყისში სამშობლოს წმინდა სამსხვეპლოზე ილიას ზვარაკად მიტანილმა სიცოცხლემ იხსნა დაღუპვის პირას მდგარი ქართველი ხალხი. საუკუნის ბოლოს მამულისათვის ჭვარცმულის წმინდა მისია მერაბ კოსტავამ იტვირთა, იტვირთა და ბოლომდე პირნათლად, უღალატოდ, უანგაროდ ზიდა ეს მძიმე ჭვარი.

მერაბ კოსტავა ერის ჭეშმარიტი წინამძღოლი იყო და წინამძღოლობას არ ჩემულობდა, ეროვნულ-გამათავისუფლებელი მოძრაობის სულისჩამდგმელი და ლიდერი იყო და ლიდერობას არ ჩემულობდა, ეროვნული გმირი იყო და გმირობას არ ჩემულობდა, წმინდანი იყო და წმინდანობას არ ჩემულობდა. თავად ერმა შერაცხა თავისი უპირველესი შვილი წინამძღოლად, ლიდერად, გმირად, წმინდანად...

საქართველოს გმირული და რაინდული წარსულიდან იყო თითქოს მოსული ჩვენს საუკუნეში ეს ზნემაღალი და სპეტაკი კაცი, „უშიშარი, ვითარცა უხორცო“, ჩვენი საუკუნის სინდისი და ნამუსი, ბევრს, ძალიან ბევრს იტევდა მისი დიდი და ლამაზი სული – თევ-

დროე ბერის თავგანწირვას, დავითის გონიერებასა და შემართებას, ცოტნეს უღალატობასა და გაუტენლობას, ქრისტესმიერ მიმტევებლობასა და სიკეთეს...

რაც დრო გავა, მით უფრო მეტად შევიგრძნობთ, თუ როგორ გვაკლია მერაბ კოსტავა, ჩვენი ეროვნული მოძრაობის ბურჯი და იმედი, რისხვა და შემართება, სათნოება და სიკეთე...

დიდგორის გამარჯვებას მემატინემ „ძლევაი საკვირველი“ უწოდა. მერაბ კოსტავას მთელი ცხოვრებაც ძლევაი საკვირველი, ერს, რომელმაც შვა მერაბ კოსტავა, სიკვდილი არ უწერია.

თავისი საფიცარი სამშობლოსათვის მრავალტანჯული, წამებული, დევნილი და გვემული, მრავალგზის ცილნაწამები იყო, მაგრამ სამშობლოსათვის ამაყი, უდრეკი, შეუვალი და ქედუხრელი, რწმენითა და სიკეთით გასხივოსნებული.

ვითარცა დევგმირმა ამირანმა წარსტაცა ცეცხლი ღმერთებს და სინათლე მოუტანა ადამიანებს, ისე გაგვინათა მერაბ კოსტავამ ბნელი, ჩვენ კი დიდხანს, ძალიან დიდხანს ვერ ვხედავდით მის მიერ ანთებულ ჭეშმარიტების, სიმართლისა და სინათლის კანდელს, ან არ გვინდოდა დაგვენახა, ან ვერ ვხედავდით დაგვენახა...

რას იზამ, მერაბ კოსტავას ხვედრი ხომ რჩეულთა ხვედრია. ეტყობა, არც მისი პიროვნების ბოლომდე შეცნობა, მისი მოწამებრიობის შეგრძნება, მისი ფენომენის წვდომაა იოლი.

პირსისხლიანი მონღოლიც კი შეაძრწუნა და მოხიბლა ცოტნეს გმირობამ, ჩვენ დროში კი, იუდასა და კაენის აღზევების უამს, როცა ასე იმძლავრა შინაღალატმა და გამცემლობამ, ქვებუდიანობამ, პირობოთნობამ და მუცელზე ხოხვამ „ძლიერთა“ ამა ქვეყნისა წინაშე, ქართული სისხლი ისე მოდუნდა, ისე დაიშრიტა ქართული ძალი და ენერჯია, რომ დაბრმავებულთ და დაყრუებულთ არც გვიცდია წინ აღვდგომოდით შინამოღალატეთა უკუღმართ ნებას და ზნეობრივი გმირი ბორკილდადებული მიგვგარეთ ჩვენი დროის ოქროს ურდოს. არც ერთ ჩვენგანს არ აღმოხდენია ამ გაუგონარი ბოროტებით გამოწვეული აღშფოთების ძახილი ან მწუხარების გმინვა. არავის უცდია თანაგრძნობის ხმა მიეწვდინა ყინულებით წმინდა პატიმრისათვის, სინათლემონატრებულს საკნის ცხაურიდან „მარადისობის ლურჯ იებად“ რომ ესახებოდა თურმე ცის ნაფლეთები.

აკი აპრილის სისხლიან დღეებშიც მოიწადინა ურჩხულმა „ვამპირულ ცოფით და სატანურ ღოჯებით“ საქართველოს მიწაზე გართხმა და მის უპირველეს შვილთა წარტყვევნა. ამჟერად კი გონს მოეგო ქართველობა (ისევ და ისევ მერაბ კოსტავას და მის თანა-

მებრძოლთა მიერ გამოღვიძებული) და ხმა აღიმალა ბოროტების წინააღმდეგ... მაინც ვერ მოვუარეთ, ვერ მოვუფრთხილდით...

რაოდენ გულდასაწყვეტია, რომ საქართველოს ნანატრ დამოუკიდებლობას ვერ მოესწრო ის, ვინც ყველაზე მეტი გააკეთა მის მოსაპოვებლად, ვინც ყველაფერი ამ დიადი მიზნის აღსრულებას შესწირა... მაგრამ არა! მერაბ კოსტავა თავისი უდიდესი სულიერი თავისუფლების წყალობით თავისუფალ საქართველოში ცხოვრობდა უკვე (აქი ჩვენც გვაზიარა თავისუფლების სიდიადეს). პიროვნულად, შინაგანად იმდენად თავისუფალი იყო, რომ „შინაგანი თავისუფლების შუქით გასხივოსნებული“ ვიწრო საკანშიც კი ცაში მონავარდუფრინველზე თავისუფლად გრძნობდა თურმე თავს. მისი სულიერი სიმტკიცისა და გაუტეხლობის საიდუმლო კი ყოფილა გონებაში აკიაფებული „სიმშვიდის მომფენი კანდელი სულისმიერი“. იგი ერთ კაცში გაცხადებული სიმბოლო იყო თავისუფალი და ზნეობრივად გასპეტაკებული საქართველოსი...

მერაბ კოსტავა ჩვენთვის ეწამა, ჩვენს ცოდვათა გამოსასყიდად ეწამა.

მერაბ კოსტავა დიდი ილიას ჰემმარიტი მემკვიდრე იყო, ილიას მოძღვრებით შთაგონებული. თავისი ცხოვრებითა და სიკვდილით აღასრულა მან ყველაზე წმინდა ვალი ამქვეყნად – ვალი სამშობლოს მსახურებისა და მისთვის თავგანწირვისა. ჰემმარიტად „წმინდა იგი, ვისაც ეღირსა მამულისათვის თავის დადება“. ახდა მისი ერთგული თანამებრძოლისა და თანამოზიარის, ზვიად გამსახურდიას სიტყვები, რომლითაც ბოლშევიკური იმპერიის ჭურღმულეებში ნაწამებ თავის ქრისტესმიერ ძმას მიმართა:

„უკვდავ საქმისთვის ჯვარზე ვნებული
სასუფეველში შეხველ, იცოდე!“

ჩვენ მაინც ბედნიერნი ვართ იმით, რომ გვინახავს ცოცხალი კაცი – ლეგენდა მერაბ კოსტავა, სასოებითა და იმედით მოგვისმენია მისი მქუხარე და მართალი სიტყვა... ბედნიერნი ვართ იმითაც, რომ ჩვენს თაობას ხვდა წილად დაეტირებინა და იმქვეყნიური დიდების გზაზე გაეცილებინა იგი.

მერაბ კოსტავამ მომავლისაკენ სავალი გზა დაინახა და გაუკვალა ქართველობას. მისი სული გზის მანათობელ ლამპრად გავვიძღვება წინ, როგორც მაშინ, თავის სიცოცხლეში, როცა ზვიად გამსახურდიასთან ერთად „ბნელში მსხდომთ აგვინთო კვარი“.

მერაბ კოსტავას მოწამეობრივმა სიკვდილმა უნდა გაასპეტაკოს, სულიერად აამაღლოს ქართველობა. აქი თავადაც განწმენდას, კათარზის მიიჩნევდა იგი ერის ხსნის გზად.

ანდერძი დაუტოვა შთამომავლობას, ერთიანობის იდეა ყველაზე მაღლა დააყენეთო ეროვნულ მოძრაობაში, თავად ეს მოძრაობა გიყვარდეთო და არა საკუთარი თავი ამ მოძრაობაში.

მერაბ კოსტავას სიტყვამ და საქმემ უნდა შეერას და შეადულაბოს ქართველი ერი, ღირსეულად ვატაროთ გმირის მოწამეობრივი სისხლით შეღებილი შინდისფერი დროშა, ზეციურ საქართველოს შევავედროთ მიწიერი საქართველო.

მერაბ კოსტავასა და საქართველოს მტრების (რამეთუ მერაბ კოსტავას მტერი საქართველოს მტერია და პირიქით), ჩვენი დროის ბილატეების გასაგონად მინდა ვთქვა – მერაბ კოსტავას სიკვდილიც ვერ დააჩოქებს, სიკვდილი მისთვის ამაღლებს, წმინდანის შარავანდედი, რამეთუ თავისი მოწამეობრივი ცხოვრებით

„მაცხოვარ, მან შენი სახელი აღიდა“.

მერაბ კოსტავა უფალს შეავედრებს საქართველოს. „ვედრება წმინდანთ მიღებულია...“

ქეთი ტოროტაძე

ყველაზე მეტად...

მერაბ კოსტავას სახელი, ბავშვობიდან ლეგენდასავით გვესმოდა. ვიცოდით, რომ ამდენ უზნეობასა და ბოროტებას შორის, იყო სანთელივით კაცი, ყველაზე წმინდა და ალალი, ვერაფრით რომ ვერ გატეხეს და დააჩოქეს...

საოცარი და გასაკვირი ისაა, რომ ყველაზე მეტად ვინც იწვალა, ყველაზე მეტი ტანჯვა ვინც ნახა, სწორედ მან, ყველაზე მეტად შეინარჩუნა ქრისტიანობა, მოყვასის სიყვარულით ის ყველას ჭობდა, ნამდვილად ყველას და ბოლომდე სანთელივით ერთო იმათი გულუბის დასათბობად, ვინც ვერაფრით ვრიგდებოდით ერთმანეთში. როგორ სწყინდა ჩვენი გაუთავებელი კინკლაობა. სიკვდილამდე ცოტა ხნით ადრე თქვა ცრემლნარევი ხმით, მე იქ იმდენი წელი ისე არ გამჭირვებია, როგორც აქ ეს ბოლო წელიწადით. ჩვენ კი არც მაშინ დაფვიქრებულვართ ამ ტკივილზე და ახლაც, როცა მერაბ კოსტავა აღარაა, არც ახლა ვფიქრობთ ჩვენს შორის ჩატეხილი ხიდის გამთელებას...

ბატონი მერაბი თავად იყო ეს ხიდი, ჩვენი „შემაკავშირებელი ძალა“ თუ ძაფი. კაცი, რომელიც ყველაზე სათნო და ძლიერი იყო ჩვენს შორის. კაცმა, რომელმაც იმ წლებში ქართული სული შეუბღალავად, სანთელივით ატარა. იქნებ ახლა მაინც, როცა ეს ხიდი ჩაგვიტყდა და სანთელიც ჩვენს სიყვარულში ჩვენი შერიგების წადილში დადნა და დაიღვენთა, იქნებ ახლა მაინც ვახსენოთ ღმერთი, ვირწმუნოთ, რომ საქართველო უფრო მეტია, ვიდრე ნებისმიერი პარტია და იმ ბედნიერებისათვის, რომლის ხილვა მერაბ კოსტავას არ დასცალდა, ჩვენ მაინც გავუღიმიოთ ერთმანეთს, ხელი გავუწოდოთ და ცოტათი მაინც ვიყოთ ისეთები, როგორიც მერაბ კოსტავა იყო...

ყველაზე მეტად, ჩვენი შეერთება გაახარებდა მას, რადგან მიაჩნდა, რომ ერთად ყოფნა აუცილებელი იყო იმ მიზნისთვის, იმ ნანატრი საქართველოსთვის, რომლისთვისაც იცოცხლა მერაბ კოსტავამ.

დათო ტურაშვილი

უკვდავება

მერაბ კოსტავას სიკვდილი საქართველოს ბედისწერაა.

მისი გარდაცვალებიდან რამდენიმე დღით ადრე გაზეთმა „ლიტერატურული საქართველომ“ იგი მკითხველს შეახვედრა, რაც „გედის სიმღერა“ აღმოჩნდა ბატონი მერაბისთვის. ანოტაციაში ვკითხულობთ: „დროა მივეჩვიოთ განსხვავებული აზრების მოთმინებით მოსმენას. ჩვენს პრესაში პირველი ნაბიჯები ამ მიმართებით გადადგეს „თბილისმა“ და „ქართულმა ფილმმა“...“

გაზეთი „ლენინის დროშაც“ ერთ-ერთი პირველი იყო, რომელმაც თავის მკითხველს საშუალება მისცა გასცნობოდა ამ მართლაცდა საამაყო მამულიშვილის მოსაზრებებს.

სანთელ-საკმეველი თავის გზას არ კარგავს. სიცოცხლის ბოლოს მაინც იგრძნო მერაბ კოსტავამ ხალხის უდიდესი სიყვარული და პატივისცემა. ისიც მოხდა, რომ ვინილეთ მისი ვაჟის, ცხოვრებიდან თავისი ნებით წასული 24 წლის ნიჭიერი პოეტის ირაკლი კოსტავას ლექსების კრებული.

ეს ფაქტი განსაკუთრებით სასიამოვნო გახლდათ ჩვენთვის, რადგანაც ირაკლის დედა, თბილისის უნივერსიტეტის დოცენტი,

ქალბატონი რუსუდან ბერიძე ჩვენი თანაქალაქელია. კარგად ახსოვთ იგი ოზურგეთელებს გამორჩეული ნიჭიერებისა და მომხიბვლელობის წყალობით.

მასთან საუბარი იყო საოცრად ტკივილიანი, საუბარი უახლოესი ადამიანების ბედზე.

ამერიკელები ამბობენ: გენეტიკურად გადადის არა მხოლოდ ხასიათის თვისებები, ნიჭიერება ან თუნდაც თმის ფერი, არამედ თვით ბედისწერაც. არ გჭერთ? მიმოიხედეთ თქვენს ირგვლივ.

თუ ეს სწორია, მაშინ გენეტიკურია რუსუდან ბერიძის ბედიც.

1924 წელს ციმბირს გადაუსახლეს მამა. „ხალხის მტერი“, ცნობილი მათემატიკოსი ივანე ბერიძე, თან დედაც გაჰყოლია. ჰყოლია ძმა – საოცრად ნიჭიერი და ლამაზი ბიჭი, რომელიც დედას ციმბირიდან საქართველოში თავისივე ბედში მყოფი მეგობრისათვის გამოუყოლებია. თბილისში ჩამოსვლის მეორე დღესვე იგი კატასროფაში დაღუპულა. დედას მხოლოდ მოგვიანებით უნახავს მისი საფლავი და ისევ მეუღლესთან დაბრუნებულა. პოლიტპატიმარი ივანე ბერიძე ციმბირში გარდაიცვალა ისე, რომ ვერც კი გაიგო ამ ქვეყნად ქალიშვილის გაჩენა.

დაახლოებით 40 წლის შემდეგ, რუსუდანიც დედის მსგავსად, ვაჟიშვილთან ერთად, დაადგა ციმბირისაკენ მიმავალ გზას, თავის მეუღლესთან, პოლიტპატიმარ მერაბ კოსტავასთან შესახვედრად.

მაშინ ირაკლი 16 წლის იყო. 7 წელი იარეს ამ ჭოჭობეთურ გზაზე, და ყოველთვის, როცა ახლოვდებოდა განშორების უბანი, მერაბ კოსტავა, რომელიც რკინის კართან მდგარი, ის-ის იყო დერეფნის გზას უნდა გაჰყოლოდა, სევდიანი თვალებით გადმოხედავდა მათ და ეს გამოხედვა დიდხანს, ძალიან დიდხანს არ შორდებოდა დედაშვილს.

თბილისში კი იმხანად თუმცა ძალზე ცოტა იყო სასიხარულო, მაგრამ მაინც იდგა გაზაფხული. იყო გამოგონილი განთიადები, მოჩვენებითი კეთილდღეობა.

ამ დროს კი იწერებოდა ირაკლი კოსტავას ცრემლით სავსე ლექსები, რომელთა სტრიქონებში ჩასახლდა რკინის გალია – რკინის კართან მდგარი სევდიანი მამის აღქმა.

...ხუთი წლისა იყო, როცა დედა-შვილი ერთმანეთს ზღაპრების ნაცვლად გალაკტიონის ლექსებს უკითხავდნენ. ირაკლის გამორჩეულად უყვარდა მოსმენა ლექსისა „ანგელოზს ეჭირა გრძელი პერგამენტი“. საყვარელ ლექსთან რიგი თანდათან იზრდებოდა. უამრავი ზეპირად დაისწავლა და მშვენივრად კითხულობდა. თავად წერა 7 წლისამ დაიწყო. დედა იყო პირველი მკითხველი და შემფასებელი.

რაც დრო გადიოდა, იგი გრძნობდა, ბიჭში რაღაც მზადდებოდა. ახლოვდებოდა საბედისწერო ღამე, მაგრამ აიმედებდა მეორე ირაკლი; თითქოს არსებობდა მეორე ირაკლიც, იუმორით სავსე, რომელსაც ყველაფერი უყვარდა ამქვეყნიური, მიწიერი: მეგობრები, ლამაზი გოგო, მოხდენილად ჩაცმა, ქეიფი, მაგრამ ვერ... ვერ გაიმარჯვა მეორემ პირველთან – გარეგნულად გასული საუკუნის შესაფერის მოწყენილ და ტკივილებით აღსავსე რაინდთან.

არა, დედა არ ამბობს იმას, რომ შვილის ბედი მხოლოდ მამის მძიმე გზამ განსაზღვრა, მაგრამ ის, რასაც განიცდიდა, რასაც ირგვლივ ხედავდა, გაცილებით უფრო მძლავრად აღიქმებოდა მასში და განსაკუთრებულ ნაღველს ტოვებდა. უაღრესად დიდ პატივს სცემდა მამის გზას, მაგრამ ფიქრობდა, რომ იგი ველარასდროს დაბრუნდებოდა საქართველოში.

ბუნებით უაღრესად კეთილშობილსა და მეგობრებისთვის თავგანწირულს სული აუფორიაქა გეგა კობახიძის ტრაგედიაში.

ასე იყო თუ ისე, ჩვეულებრივ თბილისურ შუალამეს, ჭავჭავიშვილის ქუჩის ერთი სახლის მომცრო ოთახში, იქ, სადაც იმ დღეებში წამებული მამის ცხედართან თავს იხრიადა სრულიად საქართველო, ირაკლი კოსტავა აღესრულა საკუთარი ნებით. და ვინ იცის, იქნებ უკანასკნელად ისევ მიმართა მიაკოვსკის:

„არც საწამლავი ჩაუყრიათ ჩემთვის ჭიქაში
და არც თოკი არ შემორტყმია ჩემ შიშველ კისერს,
არ გამიშვია სადავიდან სიცოცხლის რაში,
არა, მაესტრო, თქვენი ხვედრი ჭობია ისევ“.

დაღუპვიდან ორიოდე თვის შემდეგ დედის ხარჭებით გამოცემული 500 ცალი პატარა წიგნი გავრცელდა, რომელიც ბევრმა გადაიწერა, ისე გადაამრავლა. ასე გაიცნო თბილისმა ახალგაზრდა პოეტი, ასე გამოეფინა მისი ტკივილი, ტვირთი გართმული მისივე თაობისა, თბილისის ვარდისფერ ქუჩებში.

მკითხველთაგან ბევრმა უკვე გადაშალა ახლახანს გამოცემული ირაკლი კოსტავას ლექსების კრებული და კარგადაც გაუგო მის ტკივილიან სტრიქონებს. „ქვიშა კი მძიმეა, მძიმეა ძალიან, მჭიდროდ შეკრული უფრო გალია“, „გადაიჭრება ლავიწის ძვლები და ბებერ ძარღვებს გადაჭრის ბარი“, ინტერესი კრებულიდან დიდი აღმოჩნდა. ამიტომაც გამომცემლობა „მერანმა“ გადაწყვიტა დამატებით კიდევ 5 ათასი ცალი გამოსცეს.

ირაკლი კოსტავას ტკივილიან სტრიქონთა შორის „ჩარისკაცები ლესავენ დანებს, დააყენებენ სისხლის მდინარეს“, რომელიც საოცარ წინათგრძნობად, 9 აპრილის გამთენიის ზმანებად აღიქმება!

დღეს ამ სტრიქონს კიდევ ერთიც შეემატა, სტრიქონი – წინათგარძნობა მამისადმი მიძღვნილი ლექსიდან:

„შავროხიანი შეისვენებს მგზავრობის შუა,
წამოიძინებს, ამის დრო თუა“.

ტარიელ ჭანტურია წერილში „უსაზღვრო თავისუფლების ვნება“, რომელშიაც ირაკლი კოსტავას შესახებ საუბრობს, გვეუბნება: „...ყველაზე მტკივნეული კითხვა მაინც ერთია: რატომ მოიკლა თავი ჩვენმა შვილმა!“

ამის პასუხს ნათლად აკაკი ბაქრაძე იძლევა კრებულის წინასიტყვაობაში: „ჩვენ აღარ გვესმის ჩვენი შვილების, მათი ნაადრევი სევდა და ტკივილი ჩვენი ბრალია, ჩვენი სილაჩრის, ჩვენი შემგუებლობის, ჩვენი მატყუარობის“.

ადამიანები, რომლებზეც ქალბატონი რუსუდანი ტკივილით გვესაუბრა, თითქმის განგებამ დააკავშირა ერთმანეთს. ისინი ყველა-ნი ბედკრული საქართველოს შვილები არიან.

ამ წმინდა წამებულთა სიმაღლე მერაბ კოსტავაა.

ანლოვდება წამი სასუფეველის კართან მრავალტანჯული მამისა და უსაზღვრო თავისუფლების ვნებით ატანილი შვილის შეხვედრისა, ანლოვდება და იწყება უკვდავება.

„უფალო, ღირს მყავ ჩემი ერისთვის, არ შევებუო ხვედრის სიმძიმეს“ – ასე ბრძანეთ, ბატონო მერაბ, ჭერ კიდევ მაშინ, როცა უკვე ღირს იყავით თქვენი ერისთვის.

ამიტომაც შვენის დღეს ქვეყანას თქვენთვის თავდახრილი დროშები. სამშობლოს სიამაყვა თქვენ მიერ განვლილი ეკლიანი გზა. შთამომავლობას არ დასჭირდება მოგვიანებით პატიება შეგთხოვით ისე, როგორც დიდ ექვთიმეს შესთხოვა: „...ჩვენი ნუგეშია – ხომ მოგეფერათ საქართველო როგორც შეიძლო, ხომ ხელმძღვანელობს თქვენს დამკრძალავ კომისიას თქვენი ქირსტესმიერი ძმა – ზვიად გამსახურდია, ხომ გელოდებათ ერის წმინდა ძვალთშესალაგი.“

ნეტავ იმ მიწას, რომელიც დღეს მიგიბარებთ.

*მანანა ქილიფთარი
ოზურგეთი*

უპოვანი მერაბ კოსტავას ხსოვნას

შემოდგომაზე, როცა მაჭარი დაღვინდება,
დაბოლმილი კუთვნილ ჭიქას ბოლომდე დავცლი
და იმ ჭიუტ მგზავრს ვადღეგრძელებ,
მილიონ მგზავრს რომის გზაზე რომ არ გაშყვება,
რადგან არ მიდის ყველა გზა რომში.
იმ გზას გაუმარჯოს, მთაწმინდისკენ რომ აზიდულა!..

*ცისანა ანთაძე
ბათუმი*

რათა აღმოცენდეს ათი ათასად!

ტრაგედია გრძელდება: დაიღუპა მერაბ კოსტავა – ეროვნული მოძრაობის ლიდერი. მერაბ კოსტავა – ჩვენი ამამალღებელი და გამამართლებელი მაშინ, როდესაც რაიმეს თქმა კი არა, ფიქრიც კი ჭირდა. მახსოვს ნერვიული რეპლიკა ერთი ლიტერატორისა, რომელიც ის-ის იყო დაბრუნდა გამსახურდია-კოსტავას სასამართლო პროცესიდან: «ცუდად, ცუდად იქცევა კოსტავა, არაფერში არ სურს თავი დამნაშავედ სცნოს, არავითარ კომპრომისზე არ მიდის. თქვი რა, ერთი სიტყვა: შეეცდი, მამატიეთ-თქო და თავისუფალი ხარ! არ ამბობს!!»

მერაბ კოსტავას გააჩნდა ყველა უმაღლესი თვისება, რომ ყოფილიყო ის, რაც იყო! მშვენიერი! მაგრამ მე მინდა აღვნიშნო მისი უზადო იდეალიზმი, რომელიც მომნიბვლელობის აუცილებელი შემადგენელი ნაწილია.

ის იყო მართალი, მართალი, უმართლესი და ამიტომაც – უმამაცესი. ვწუხვარ, რომ პირადად არ ვიცნობდი, ძალიან კი მინდოდა დავახლოვებოდი, მაგრამ ვერიდებოდი მის შეწუხებას, ისედაც ბევრი საზრუნავი აქვს-მეთქი, ვფიქრობდი.

მერაბი არის და მარად იქნება. მან ახლა უფრო განამტკიცა თავისი არსებობა: ის ჩადის საფლავში, რათა აღმოცენდეს ათი ათასად.

რეზო კვესელავა

ილია ჭავჭავაძე ბრძანებდა დიმიტრი ყიფიანის ტრაგიკული დაღუპვის გამო: „არიან ბევრნი დიდხარისხოვანნიცა, მეცნიერნიცა, მოღვაწენიცა, მწერალნიცა, და არ არიან მხოლოდ ხასიათის კაცნი, კაცი გულთა-სრულნი.

მძლედ მობურთაღნი ქვეყნიერების მოედანზედ მარტო დიდ-ხასიათის კაცი არიან. ქვეყნის ღერძს მარტო ის ატრიალებს, ვისაც მიჰმადლებია გულთასრულობა, დიდ-ხასიათობა... ამიტომაც ყველა, დიდი და პატარა, უკან მისტირის, როცა ამისთანა კაცი მიდის უკან დაუბრუნებლად და სამუდამოდ...“

ამგვარი დიდ-ხასიათის კაცი იყო მერაბ კოსტავა, გულთა-სრული და მტკიცე ხასიათისა. საუბედუროდ, ახლა მისმა მოულოდნელმა სიკვდილმა დაგვაფიქრა ამაზე – მის თავგანწირულ სულისკვეთებასა და პიროვნებაზე...

ერის ისტორიაში არის მომენტი, როცა სუსტდება ან თითქოს სრულიად წყდება ის მჭიდრო კავშირი, რომელიც არსებობს აწმყოსა და წარსულის შორის. ამგვარი ჟამი დაუდგა საქართველოს 1921 წლის მერე უკანასკნელმა ექვსმა თუ შვიდმა ათწლეულმა თანდათან გაგვაუცხოვა ჩვენი გმირული და თავგანწირული წარსულისაგან. თითქოს სადღაც შორს დარჩა დავით და კონსტანტინეს მარტვილობა, ცოტნესა და დემეტრეს თავდადება...

ყოველივე ეს მარტოოდენ ისტორიულ ფაქტად და წარსულის კუთვნილებად იქცა. აწმყო კი ნაკლებად იძლეოდა თავგანწირვისა და თავდადების მაგალითებს. ალბათ ამიტომაც, თანამედროვეობას, ჩვენს სულიერად დუხჭირსა და გამოცარიელებულ ყოფას, ყველაფერზე მეტად გაუტეხლობისა და სიმამაცის ცოცხალი ხატი სჭირდებოდა. ეს დიდი მისია მერაბ კოსტავამ იღო თავს. მან ზნეობრივი გმირობის ცხოველყოფელი მაგალითი მოგვცა – შიშისაგან დამცრობილი ჩვენი საზოგადოება თავგანწირვის სხივით გაანათა და ქართლის ცხოვრების მატრიანეში კიდევ ერთი მოწამეობრივი ფურცელი ჩაადულაბა. ასე აღადგინა მან საკუთარი თავგანწირვის ფასად ღრთა დარღვეული კავშირი – გმირული წარსული თანამედროვეთათვის ხელშესახები გახადა. ამიტომაც იყო მტრისთვის საშიში და მოყვასისთვის მხნეობის მიმცემი, სწორედ საპატიმროში გამომწყვდეული მერაბ კოსტავას სულიერი გაუტეხლობა მატებდა ძალას სამოცდათვრამეტი წლის 14 აპრილს მშობლიური ენის დასაცავად რუსთაველის გამზირზე გამოსულ ჩვენს ახალგაზრდობას მოსალოდნელი საფრთხის წინაშე. სწორედ მერაბმა და მისმა თანამებრძოლებ-

მა გაულვივეს ამ ახალგაზრდებს ეროვნული თვითშეგნება აღორძინებული „საქართველოს მოამბითა“ და „ოქროს საწმისით“.

მერაბის ამ ქვეყნიდან ნაადრევად წასვლაა მწვავე და გულსატკენი, თორემ იმას ნუ ვიტყვით, საკუთარი თავგანწირვის შედეგს ვერ მოესწროო. მაშ, რაა ჩვენი გამოღვიძებული ყოფა? მაშ, რაა 26 მაისს, მერაბის დაბადების დღეს, გამართული მაისობა და უნივერსიტეტის გუმბათისაკენ, ეროვნული ჰიმნის თანხლებით, ტაატიო მიმცურავი დამოუკიდებელი საქართველოს დროშა? მაშ, რაა ჩვენი ერთობლივი ძალისხმევა მიტოვებული ჭავჭავთისა და ქვემო ქართლის ქართველობით დასასახლებლად? მაშ, რაა ჩვენი ზრუნვის საგნად ქცეული დაცხრილული გარეჯის ფრესკები თუ ჩვენი დაბაქალაქების აღდგენილი სახელები?

ვწერ ამას და ვგრძნობ, ცოტას ვაზვიადებ – იდეალამდე ჩერკიდევ შორსაა, მაგრამ მეც, ისევე როგორც თქვენ ყველას, მერაბის ნაადრევად წასვლა მენანება და ამითლა ვინუგეშებ თავს.

ვთქვი, მტკიცე ხასიათის კაცი იყო-მეთქი მერაბ კოსტავა. ხასიათის სიმტკიცეს იგი საქართველოს სიყვარულში ამჟღავნებდა, თორემ ადამიანებთან ურთიერთობაში საოცარი სიღბო და მიმტევებლობა ახასიათებდა. მეტიც, კაცი, რომელიც უზარმაზარ იმპერიას შეებრძოლა, პირად ცხოვრებაში ბავშვურად გულუბრყვილო იყო. მაგრამ სწორედ ეს, სიმამაცესთან შეზავებული სიწმინდე, აქცევდა მას უსპეტაკეს რაინდად, რომელსაც უთუოდ თეთრი გიორგის ორდენის კავალრობა დაშვენდებოდა. იქნებ ამიტომაც განიზრახა თეთრი გიორგის საზოგადოების დაარსება – იგი პოლიტიკაშიც წმინდა გულის რაინდებს მიეღტვოდა თანამებრძოლებად.

ამბობენ, ტრაგიკულს სიდიადის ელფერიც ახლავსო. იმგვარი სიდიადისა, რომ ხშირად ჩრდილავს კიდევ ტრაგიზმის შემადრწუნებელ საშინელებას. სიდიადის ამგვარი შარავანდი მოსავს მერაბ კოსტავას სიკვდილსაც. მერაბი არ მომკვდარა ჩვეულებრივი სიკვდილით. ასე მგონია, არც ბრმა შემთხვევის მიზეზით. ის სრულიად საქართველოზე ზრუნვამ გამოიყვანა სახლიდან და ჩვენს შავ ბედთან ჭიდილში დაეცა ამერ-იმერის გზაზე. დაეცა, რათა ზნეობრივად ამაღლებული გმირი მშობლიური მიწის მარადიულ კუთვნილებად იქცეს, ხოლო მნათობმა მალლით სხივები მოჭვინოს თავდადებულის სამარეს.

მდინარეც უთუოდ უმღერებს ნანას – „რაინდსა ურჩისა მტრისასა“.

ამირან გომართელი

ამაღლება

ქართული ეროვნული მოძრაობის თავკაცი მერაბ კოსტავა მთაწმინდის მწერალთა და საზოგადო მოღვაწეთა პანთეონში იკრძალებდა.

ასეთ პატივს ერი მხოლოდ თავის უსაჩინოეს შვილებს მიაგებს, შვილებს, რომლებიც უკვე ამ ფაქტით მამებად – ერის სულიერ მამებად იქცევიან.

მთაწმინდაზე სასუფეველს იმკვიდრებენ არა მარტო „სიტყვა-საქმიანი“, არამედ „საქმე-სიტყვიანი“ ხალხი. იმკვიდრებენ ხოლმე ერისა და არა მთავრობის ნებით (ვაი, რომ ყოველთვის ასე არ მომხდარა!)

მერაბ კოსტავას მართლაც მიუდიოდა „სიტყვა გზიანი“, „სიტყვა-საქმიანი“, მაგრამ ამიტომ როდი აშკყავს ერს იგი მთაწმინდაზე; ეს პატივი მას მიეგო როგორც მოსაქმეს, როგორც მამულის იდეით შებყრობილს, როგორც საქართველოს თავისუფლებისთვის თავდადებულს, როგორც კაცს-ზვარაკს.

დიდი ზნეობრივი გაკვეთილია, სადღესოდ მაინც, მეშრომე და მებრძოლი კაცის ესოდენი ამაღლება.

ამაღლების გზა კი მუდამ გოლგოთაზე გადის. მერაბ კოსტავა შეგნებულად დაადგა ამ გზას და ბიჯიც არ გადაუდგამს განზე.

შეუვალცი იყო და დიდსულოვანიც. მაცხოვრის მბაძავს, შეეძლო ხელთ შოლტიც აეღო ღვთის ტაძრიდან მეკარმეთა გამოსარეკად... შეეძლო ფეხიც დაებანა გზააბნეული, უძლები შვილისათვის.

მერაბ კოსტავა, ჭეშმარიტი ილიელი, სიცოცხლის საქმეს სიკვდილშიც აგრძელებს: თავის კუბოსთან აგროვებს, აერთებს, თავს უყრის საქართველოს.

და ერთიც – ურწმუნო თომათა საგულისხმოდ: მერაბ კოსტავა ჩვენს ცნობიერებაში უკვე აღარ აღიქმება კონკრეტულ პიროვნებად – იგი გარკვეულ იდეად იქცა. მისი მთაწმინდაზე ამაღლებით ქართველი ერი პატივს მიაგებს არა კერძო კაცს, არამედ თავისუფლების იდეას, რომლის ყველაზე სრულყოფილ განსხეულებად მერაბ კოსტავა წარმოჩნდა.

თამაზ კვაჭანტირაძე

ლევინის გზაზე

ლევინის გზაზე დაგრჩით მარტონი,
ხილვა იყო თუ გამოდგინება, –
ქრისტეს პერანგში
მერაბ ბატონი
იდგა ღვთის წინ და
პირჯვარს იწერდა.
არც რას ამბობდა,
არც რას იტყოდა,
ცა ეღვრებოდა სულში იოდად,
ყრმას ცხრა აპრილის ყველა ქრილობა
გულში სჭირდა და
გული სტკიოდა.
ვერ მივეშველე, ვერ მივაშველე,
ქართულ ნაღვერდალს სიტყვა ქართული,
აქეთ მაწვდიდა სანთელ-საკმეველს,
მრევლში საფრენად ფრთებშემართული.
შავ ცხენზე იჭდა წმინდა გიორგი,
წინ წამებულის დიდი გზა იყო,
მკლაგაურთხეულის ყველა გმირობის
ხმალი ვადაში გადამტყდარიყო.
ხტოდა, ცმუკავდა კერპთა კავშირი,
იყო სპექტაკლი, როგორც მკვლელობა,
სდუმდა ქაქუცა ჩოლოყაშვილი
და ვალმოხდილ ძმას,
ვით ძმას ელოდა...
გუნდი გალობდა –
„შენ ხარ ვენახი!“
და იყო რაღაც ენით ართქმული...
და მთაწმინდიდან
მამრის შეძახილს
ეჭოდ ერწყმოდა გენი ქართული.
მზე ჩადიოდა...
ვწუხდით მარტონი,
მაგრამ კვლავ დულდა სისხლი იბერთა, –
ქრისტეს პერანგში
მერაბ ბატონი
იდგა ღვთის წინ და
პირჯვარს იწერდა.

მორის ფოცხიშვილი

უცებ ცა ჩამოგვექცა თავზე, მერაბ!
წვიმამ მოგვიტანა სიკვდილის ამბავი, მერაბ!
ერისკაცი მოუკვდა საქართველოსო, მერაბ!
მერაბ კოსტავამ მიგვატოვა სამუდამოდო, მერაბ!
თბილისი დატოვა და უკან ვერ დაბრუნდაო, მერაბ!
ზეციურ საქართველოში გადასახლდაო, მერაბ!
სანთლად ენთო და სანთელივით ჩაიფერფლაო, მერაბ!
კაცი იყო და კაცურად იცხოვრაო, მერაბ!
სამშობლო უყვარდა და ზვარაკად შეეწირაო, მერაბ!
წმინდა იყო და ღვთისმშობელმა მოითხოვაო, მერაბ!
შავად შეიმოსა ისევ თბილისი, მერაბ!
ისევ ტირიან რუსთაველზე ჭადრები, მერაბ!
სიმწრით ღმუიან პატარა ლექვები, მერაბ!
იცრემლებიან სათნო გოგონები, მერაბ!
ფრთამოტეხილი დაგვეტოვაო, მერაბ!
გაგვაქვავა და დაგვამუნჯაო, მერაბ!
ირაკლის მამა მოენატრაო, მერაბ!
მამა მოენატრა და წაიყვანაო, მერაბ!
ეკას და ნათიას პატრონი უნდათო, მერაბ!
ბავშვები არიან, უჭირთ მარტოობაო, მერაბ!
ელისო მოგვიკითხე – ჭიბაშვილი, მერაბ!
თამუნა დოლიძე, მამუკა ნოზაძე,
თამარიკო ჭოველიძე მოგვიკითხე, მერაბ!
ნაზი შამანაური მოგვიკითხე, მერაბ!
ვოვა ვეკუა მოგვიკითხე, მერაბ!
ნინო, მარინა, ნანა, ნოდარი მოგვიკითხე, მერაბ!
ქაქუცა ჩოლოყაშვილი მოგვიკითხე, მერაბ!
ილია ჭავჭავაძე მოგვიკითხე, მერაბ!
მღვდელი თევდორე, ქეთევანი მოგვიკითხე, მერაბ!
დიმიტრი, დავითი, თამარი მოგვიკითხე, მერაბ!
დავითს გადაეცი, ნუ გეშინია-თქო, მერაბ!
საქართველო ცოცხალია-თქო, მერაბ!
ან გაწყდებიან, ან გაიმარჯვებენ-თქო, მერაბ!
შავლეს მღერიან, ლილეოს-თქო, მერაბ!
სიკვდილს სიმღერით ხვდებიან-თქო, მერაბ!
სულის ზემია საქართველოში, აღდგომაა-თქო, მერაბ!
ათასი სანთლით გაგინათებთ გზას, მერაბ!
შინდისფერ დროებზე გადაგატარებთ, მერაბ!

ცრემლი არ შეგშვენის, მაინც დაგიტირებთ, მერაბ!
სიტყვას არ გავტეხთ, არ გილალატებთ, მერაბ!
კიდევ დაიზრდებიან კოსტავები, მერაბ!
შენი ჭიშის – და შენი გენის, მერაბ!
ზეცაში ამოგძახებენ, თავისუფალიაო საქართველო, მერაბ!
მტერი დამარცხდა, დასამარდაო, მერაბ!
მუშლი მუხასაო, მერაბ!
გარს ეხვეოდაო, მერაბ!
მუშლი კვდებოდაო, მერაბ!
მუხა რჩებოდაო, მერაბ!

თინათინ მღვდლიაშვილი

საქართველო რომ გამოსთხოვო ბორკილახსნილი

მერამდენა გლოვა ესე და შეჭირვება,
ეს მერამდენედ, გულთა ფლეთვა, სულთა კირთება.
რამდენი ცრემლი უნდა ვღვაროთ ღმერთო, ძლიერო,
არსთა გამრიგევ, ბედი კიდევ რა შხამს გვპირდება.
ბედი შავბედი, მტერთა ჩვენთა საბედნიეროდ...

კვდება იმედი, კვდება რწმენა, ვიხსენებთ ოდეს,
ორღესულებით გადაკეპილ ღამის სარანგთა.
სიავემ ბედის, შენი დიდი გულიც წაგვართვა.
ტფილისი შენს ხმას გაიგონებს ველარასოდეს,
ტფილისი გოდებს!
ავაი, გამირო, არ ეწერა სიზმარს ახდენა,
ვინძლო არ იქნა, არ შებრუნდა ეს დრო თახსირი.
არსთა გამრიგეს შენ ზვარაკად მიეახლები,
საქართველო რომ გამოსთხოვო ბორკილახსნილი...

ხუნდის დადებით
სკვითს მიგგვარეთ,
ო, მგონია, იყო სიზმარი...
ვიტანჯვით ახლა სინანულით
ნაგვიანევით,
აწ არ გჭირდება ქალაქიდან გასვლის ფირმანი,
სახელით შენით განიხვენება სამოთხის კარი...

ნოდარ გრიგალაშვილი

გამულიშვილი

შეირხა ზარი ბეთანიას, სიონს, ბედლას
და საქართველოს მგლოვიარეს ვხედავ ცრემლიანს,

შენ, ავბედითი ზღუდეების მკერდით გამტანო,
დიდო რაინდო, მაცხოვარის მართლაც სადარო.

არ შემრჩენელო წინაპართა ჭმუნვა-ჯავრისა,
შენ კურთხეულო, დიდო მცველო ნინოს ჯვარისა,

ვითარცა ცოტნე, შეფიცული, მდგარი ანისით,
ქრისტესმიერის შენის ძმისას ტანჯვას განიცდი.

შენმა სახელმა საქართველოს ცაზე ინათა,
სანთლად მიუხვალ თავდადებულ ყველა წინაპარს.

შენ ღვთისმიერო, ცაზე ელაგ, როგორც ხანჯალი,
„ოქროს“ დუმილით და სიცრუით გულს არ ჟანგავდი.

მიმოგვიფანტე საქართველოს თავზე უკუნი,
ახლა იქ ისმის ფაფარაშლილ ლომის ბუზუნი.

სრულსახეობავ რაინდობის, თმენით კი არა,
შენ ვაჟკაცურად გამოსცალე შხამის ფილა, –

დეგნა, წამება, სიდუხჭირე, ბედთან ჭიდილი,
ყველაზე უფრო საოცარი – ვაჟის სიკვდილი!

შორით სამშობლოს მონატრება, ძმების გატანა...
ვერ გაიხარა, მერაბ, შენზე ჟღალმა სატანამ.

შენზე ვინა თქვას, მადლიანო. „შავეთს წასული“,
მგლის ლეკვებს დამზერ, ქრისტესავით დგახარ ჯვარცმული,

შენ აღასრულე ერთგულების ვალი ბოლომდე
ჩანხარ უკვდავი საქართველოს წმინდა ბომონზე.

აწ მთაწმინდაზე შემოგხვდება დიდი ილია,
შთამომავლები შთაგონებით შენთან ივლიან.

შენმა სიკვდილმა მიწიერი არსი დაკარგა,
უნდა შეერთდე, შენი ერი ერთ დიდ ნაკადად.

შეირხა ზარი ბეთანიას, სიონს, ბედიას,
და საქართველოს ვუსამძიმრებ შენსას ცრემლიანს.

*ალეო ქობალოა
სოხუმი*

ჰაი, მგმთას სამართალს, მერაბ!

„რადგან განგებას რომელი უყვარს,
მასვე მოუვლენ სასტიკ განსაცდელს“...
მერაბ კოსტავა

შავმა ყორანმა დაფლითა გული
და სასოწმულმა ვილოცო მე რად? –
ცას მიაბარე დევნილი სული,
საქართველოსთვის ჭვარცმულო, მერაბ!..

რა უღვთოდ ხმება და იხვატება
ქართული მიწა, ქართული ზვარი, –
წინ მიგიძღვება ქრისტეს ხატება,
წმინდა გიორგი და ნინოს ჭვარი.

ნეტარ ჰანგებით არ იბანგება
სული ტყვედქმნილი, გამოკეტილი...
რა უსამართლოდ წირავს განგება,
ტოვებს ბოროტს და მიჰყავს კეთილი.

ახდა, ასრულდა, რაიც ინატრე, –
სული ცად არი, ზეარსთ სადარი...
„შენ სივრცეებმა დაგაბინადრეს,
შენ უკვდავების ხარ ბინადარი“...

დარჩა ზვიადი უღელქვეშ, ობლად
და წყველის სიკვდილს მუხთაღს და ვერაგს...
ნეტარ ხარ, ნეტარ, საწუთროს მგმობლად
ღვთიგკურთხეულო ზეკაცო, მერაბი..

ხმალი ქარქაშში აღარ აგია, –
გაივლის დრო და გაივლის ხანი
და საქართველოს ძლევის მაგიად
დაუვლის შენგან აღძრული ხმანი...

ო, რა დააღლობს გრაალის მცველო,
სულში ჩაკირულ წუხილის ჭერაბს...
მეორედ კვდება დღეს საქართველო,
„გაი, ეგეთას სამართალს“, მერაბი..

ვალერიან სალღიანი.

* * *

გლოვობს შენგან დაობლებული სრულიად საქართველოს შე-
მადგენელი ნაწილი, სამაჩაბლოს ქართველობა, რომელსაც აქ, ჩვენს
მიწაზე, აკლია მწუხარების გამზიარებლები. ადგილობრივი ქართუ-
ლი პრესაც კი დუმის ამკობინებს შიშით შეძრწუნებული.

გაი, ჩვენს ყოფნას უშენოდ!

*ღრმად დამწუხრებული
სამაჩაბლოს ქართველობა*

მრის კაცის დაღუპვა

კიდევ ერთი ერისკაცი მიიტაცა თანატოსმა,
სუსხიანი ფრთა შემოჰკრა მოწამეთა თანატოლსა.
დღეს, რვაფეხა რომ ეხვევა საცეცებით საქართველოს
და ჰერაკლეს ჰიდრა ცდილობს წმინდა მიწა გადათელოს.
ბრალია და გულსატკენი გამოკლება კარგი ყმისა,
ვისაც ჰქონდა შემართება ენგურის და არაგვისა.
მაგრამ ვინმეს თუ ახარებს ღირსეულთა აღსასრული,
ნუ იჩქარებს, გასწორდება წელში ერი დაღდასმული.

და ნურც მეტად იზიებებს ყვაფ-ყორანთა შავი დასი,
საქართველოს საკორტნელად შემოყრილი შურის მთაზე.
რაც არ უნდა გაუჭირდეს, რაც გუნდ ბედი დანავსოდეს,
საქართველო არც მომკვდარა, არც მოკვდება არასოდეს,
და კიდევაც დაიზრდება ბევრი ლეკვი ალგეთისა,
ნუ იღარდება დედაშენი, ჰყავდი შვილი სასახელო –
შენს ამაგსაც გაიხსენებს უბოროკილო საქართველო.

აკაკი გელოვანი

მერაბ კოსტავას

საკანს გააღებს გაციებული მზერა,
გაითოშება, გაიყინება სივრცე,
ხორცი გშორდება, ხორცის დასრულდა გვემა,
სული სანთლებად აღიმართება ცისკენ.
წამებულ წმინდანთ ნაფხურებზე დგება,
მუდამ ივერის მხნე და ამაყი ჯიში,
მარტვილის გზაზე დიდი ქეთევან იდგა,
წარდგა თევდორემ უფლის ტაძრისკენ ბიჭი.
სივრცეს აპრილის სისხლის ფერი აქვს ახლა,
მალე პილატე ხელებს გადიწმენდს მშვიდად,
აზიდულია სიზიფეს ლოდი უკვე.
მალლა ქერუბიმთ ოსანა ისმის წმინდა.
წაღებულია, წართმეულია ტაო,
სამაჩაბლოს და ცხუმის გვეცლება ფესვი
და სასუფევლის კართან შეგხვდება ალბათ,
შენი ირაკლის ცრემლებით სავსე ლექსი.
ჩემი მამულის თანაზიარ ხარ ხვედრით,
მღვრიე ჭაობში სინათლის თეთრი ხნული,
ლომის ხახაში გაჩრილ სამშობლოს ბედით,
თეთრ გიორგივით ამხედრებული სული.
• რა მისტერიას, გვიქადს უფალი რაის,
დახსნას მამულის?! თუ სატანის ქვეშ წრიალს,
ბატონო მერაბ! თქვენს გზას ვუდგევართ მგონი,
გზას, საქართველოს გადარჩენა რომ ჰქვია!..

დავით ტაკიძე
ოზურგეთი

მერაბ კოსტავას ხსოვნას

21 ოქტომბერი რაღაცით იმ ავბედით 9 აპრილს ჰგავდა. მაშინაც, იმ 9 აპრილსაც, არნახულ სიმაღლეს მიაღწია ეროვნულმა მოძრაობამ და ახლაც, 21 ოქტომბერსაც, არნახულად ამაღლდა ქართული სული – მრავალტანჯული, მაგრამ დაუმონებელი, გაუტეხელი, წმინდა, ისეთი, როგორც იყო ამ სულის უდიდესი გამოვლინება, საქართველოს ეროვნული გმირი მერაბ კოსტავა, რომელსაც ახლა, 21 ოქტომბერს უკანასკნელ გზაზე მიაცილებდა ზღვა ხალხი, მის და მისი განუყრელი მეგობრის, ზვიად გამსახურდიას მიერ გამოფხიზლებული და მებრძოლი საქართველო. გარეგნულადაც წააგავდა 21 ოქტომბერი 9 აპრილს. როგორც მაშინ, ახლაც შუაზე გაიყო გამზირზე მდგარი ხალხი, მაგრამ თუ მაშინ შუაში ნიჩბალესილმა სიკვდილმა ჩაიარა, ახლა კუშტად მზირალი ქართველობა ცრემლითა და იმედით შეჰყურებდა აღზევებულ სინდისსა და ღირსებას ჩვენსას. ხმაღჩაბლუჯული მიუყვებოდა სულეთის გზას მერაბ კოსტავა.

სიკვდილმა ვერაფერი დააკლო განწმენდას, ერთადერთ ჭეშმარიტ გზაზე მდგარ ერს, რადგან უკვე არავითარ ძალას აღარ შეუძლია ჩაკლას მბორგავი და მშფითვარე ეროვნული მოძრაობა, რომელიც ღმერთის შეწევნით ისე დაგვირგვინდება, როგორც ეს საოცარ ოპტიმისტს, მოყვასისადმი მიმტევებელსა და სამშობლოს მტრებისადმი დაუნდობელ მერაბ კოსტავას სურდა.

ჩვენი ეროვნული გმირი საქართველოს ნეტარხსენებული ძლიერების ხანიდან გადმოსულ უებრო რაინდს ჰგავდა, განგებისგან ღვთისმშობლის წილხვედრი ქვეყნის გადამრჩენად და იმედად მოვლენილი. როცა უნდა დაბადებულიყო, ყოველთვის უპირველეს მამულიშვილთა შორის იქნებოდა მარადიული ქართველი, ქართველი ერის ისტორიის მანძილზე თითქოს ერთად შეკრებილი ჩვენი ღირსებისა და გაუყაცობის მატარებელი. ნაადრევად გათეთრებულს არასოდეს გაუხარია. ვერც გაიხარებდა დაბეჩავებული საქართველოს შემყურე. ნახევარი საუკუნის ხნისა მაინც დიდ ბავშვად, მთარულ სიკეთედ რჩებოდა. როგორი გულგატეხილიც უნდა ყოფილიყავი, როგორი სასოწარკვეთილიც, ნახავდი მერაბს და დიდხანს მიგყვებოდა სულის სიმშვიდე, გადმოგეცემოდა მისი ლომგულობა და შეუდრეკელობა...

მახსენდება, ივლისში აფხაზეთში დატრიალებული ტრაგედიის შემდეგ, მერაბი დიდხანს იყო ზუგდიდში. გადალოილობას ჩა-

წითლებულ თვალეებში თუ შეატყობდით. ერთ წუთში რომ დალიძ-გის ხიდან იყო, მეორე წუთში მიტინგზე გონიერებისაკენ მოუწოდებდა ხალხს. უპირველესად სწორედ მერაბმა გვიხსნა მაშინ უფრო საშინელი და გამოუსწორებელი ტრაგედიისაგან. მისი შემხედვარე ხალხი წყნარდებოდა, შეშფოთებულები სულის სიმტკიცეს იძენდნენ, მერაბი კი იდგა დაუღლებლად, მართლაც შეუცვლელი და ერთადერთი. გამომშვიდობებისას მხარზე მოგიტათუნებდა ხელს და თავისებურად დაიბუხუნებდა: აბა, თქვენ იცით, აბა, თქვენ იცითო! მშვიდდებოდი კაცი. 9 აპრილსაც ყველაზე ბოლოს დასტოვა რუსთაველის გამზირი. აქეთ-იქიდან ექაჩებოდნენ, მაგრამ ნაბიჯი ვერავინ ააჩქარებინა, თავაწეული, ამაყად მიაბიჯებდა და არაფრად დაგიდევდათ მუმლებივით შემოსეულ ბარბაროსებს.

კიდევ 13 ოქტომბერი მახსენდება, სოფელი ბორითი, ხარაგაულთან. ალბათ ტყუილია, რამდენჯერ დაუყარეს ხმები, – ყველანი ამ იმედით მივდიოდით თბილისიდან. უამრავი მანქანა და ხალხი სიკეთის მაუწყებელი არ უნდა ყოფილიყო. მერე ნაწყვეტ-ნაწყვეტ, კინოკადრებივით მახსოვს – დაბნეული, შეშფოთებული სახეები, გაყინული თვალეები, ყელში მობჭენილი ღრიალი: მერაბ!.. მაინც ცოცხალია. მას ვერავინ და ვერაფერი მოკლავს.

ასეთი რამ იშვიათად თუ ახსოვს საქართველოს. ხალხს ვერ იტევდა თბილისი; ცრემლს ვერ იტევდა მთელი საქართველოს ჭირვარამის დამტვევი მერაბის ეზო; ვერც სიონმა დაიტია საქართველოს ტანჯვა და გლოვა, არ მეგულება ქართველი, რაღაც რომ არ ჩასწყდომოდა გულში ამ ამბის გაგებისას. ახლა წევს მთაწმინდაზე ვალმობილი, დიდი წინაპრების სულეებმა თუ უხმეს, იქ უფრო საჭირო თუა, თორემ ასე ნაადრევად არ დაგვტოვებდა.

სულ მგონია, რომ შემხედება, სულ მგონია, რომ ხალხმრავალ მიტინგზე ისევ გაისმება ყველასათვის საყვარელი და ნაცნობი, განუმეორებელი ხმითა და ინტონაციით ნათქვამი „მეგობრებო!“ და ჩვენც, მერაბის თანადგომით ამაყნი, უფრო თამამად გავუყვებით საოცნებო მიზნისკენ მიმავალ გზას და გამარჯვებასაც პირველად მერაბს მივულოცავთ.

მამუკა ფაჩუაშვილი

აღმერთებზე საქართველოს

დაიხსომე ქართველმა:
დაემართა რაც ანთეოსს,
შენც ის დაგემართება,
თუ მოსწყდები საქართველოს.
როგორც მერაბ კოსტავას,
თუ მამულზე ჯავრი გზრდიდა,
არ გემძიმოს ოდნავაც
უმძიმესი ჯვარის ზიდვა.
ძვირად რეკდე გლოვის ზარს,
რადგან მავანს უხარია
და ზეიმობს, როდესაც
საქართველო მწუხარია.
გაგეკაფოს გზა მრწამსით,
სანამ გაიტანდე ლელოს,
მერაბ კოსტავასავით
მხრებში გამართული გევლოს.
მისი ხატი ყელმაღალ
ბაღღებს მკერდზე ჩამოშკიდე
სულში ვისაც ესახლა
ჯვარცმით გატანჯული ქრისტე.
სხვისას არ შენატროდე
არც დიდებას, არც პანთეონს,
ქართულად ეპატრონე
დროშებდახრილ საქართველოს.
რაც თქვი, აღარ გადათქვა,
ტყავი განიახლე ვეფხვის,
სხვას არ ანდო გარდაქმნა
„ვეფხისტყაოსნის“ ქვეყნის,
ეგალობოთ „ოსანა“,
გამარჯვებით სადაც გევლოს,
როგორც მერაბ კოსტავა –
აღმერთებზე საქართველოს.

ოთარ ჭელიძე

არის და ჩვენც იქ მოვკალათდით. ვიცინით, ვმხიარულობთ. ვილაყამ თქვა, ნამცხვარი გამოვაცხოთო და უცებ... ერთი ჩვენგანი ამბობს: „გოგოებო, რა დროს ეგ არის, დღეს დილაადრიან ჩვენი ბიჭები დაიჭირეს“. თავზარი დაგვეცა. გავშრით. „ვინ დაიჭირეს?“ „რატომ?“ „რა მოხდა?“ ვკითხულობთ ჩვენ. მივრბივართ სკოლაში და იქ უკვე გარკვევით ვიგებთ, რომ დაჭერილები არიან ზვიადი, ჯონდო, ვოვა, თამაზი, თემური, ტოლიკა, გურამი, მერაბი...

ყოფილი პირველი ქალთას და პირველი ვაჟთა მე-10 კლასებში გლოვია წინა წელს ქალთა და ვაჟთა სკოლები შეაერთეს და ამ ორი სკოლის მოსწავლეები თანაკლასელებად ვთვლით თავს. უფრო მეტიც, მერაბ კოსტავა მუსიკალურ ათწლეულში გადავიდა სასწავლებლად, მაგრამ მაინც „ჩვენი კლასელია“, განუყოფელი ნაწილია თავისი ძმადნაფიცის – ზვიადისა). მეორე დღეს გაზეთ „კომუნისტში“ იბეჭდება სამარცხვინო პასკვილი „სარეველა“. პასკვილი ბავშვებზე, 15-16 წლის ბიჭებზე (1989 წელს ჩვენმა მთავრობამ თავისდა სამარცხვინოდ კვლავ გამოაქვეყნა ეს პასკვილი), აღშფოთებულები ვართ. ვჩხუბობთ, ვამტკიცებთ, რომ ყველაფერი მონაჩმახია, ყველაფერი სიცრუეა. უმრავლესობამ იცის, რომ ეს ასეა. ზოგს კი გაზეთისა სჯერა. ჩვენ კი, ჩვენ გვიყვარს ჩვენი სამშობლო. გვეამაყება ჩვენი ბიჭები და თავაწიულნი დავიარებით.

საბედნიეროდ, მასწავლებლებიც ღირსეულნი გვყვანან. მოხუცი, ჭადარა, დიდი პედაგოგი ნინო აღნიაშვილი გვაძნევენს, გვაშფოთებენ...

მღელვარედ მიდის ჩვენი ცხოვრება. გაფაციცებულნი ვართ, – იქნებ რამე გავივით, არაფერი ისმის და აი, ლოდინს ბოლო ედება. სასამართლო დაინიშნა, მართალია, დახურული, მაგრამ მაინც სასამართლო. მთელი კლასი უმადლეს სასამართლოში მივრბივართ.

„მოჰყავთ, უკანა კარიდან მოჰყავთ!“ – გაისმა, არიქა, გავცვივდით გულგახეთქილები. გასასვლელი კარი დაგმანულია. ფანჯრებს ვეცით, იქიდან ვიჭყიტებით.

როგორც იქნა, მოვიდა ორი მანქანა, გადმოდიან ისინი, – „ჩვენი ბიჭები“ – ზვიადი და ჯონდო, ტოლიკა და გურამი, თემური და თამაზი, ვოვა და მერაბი... გაფითრებული სახეები აქვთ, ძლივს გადმოდიან. მერაბი თავისით ვერ გადმოდის, – გადმოჰყავთ...

მერე სასამართლო და უსაშველო ლოდინი. ბოლოს კი სინარჯის ელდა! „გაათავისუფლეს!“ მთელი კლასი იცინის, ტირის, ყვირის!..

ეს იყო 1956 წელს.

მოდის მას აქეთ მერაბ კოსტავა და მოაქვს ის უსაზღვრო სიყვარული სამშობლოსადმი, დედის ძუძუსთან ერთად რომ უწოვია.

მას აქეთ მერაბის თავზე წისქვილის ბორბალი დატრიალდა. ცხოვრებამ საშინელი გამოცდა მოუწყო. ხმაც კი დაირხა, იქ, შორეულში მოკვდაო მერაბ კოსტავა და ახლა უკვე „ჩვენმა გოგონებმა“ დავიტირეთ იგი. და უცბად კვლავ სიხარული. მერაბი ცოცხალია, მერაბი გაათავისუფლეს!..

კვლავ შეიკრიბა ჩვენი უღალატო კლასი, კვლავ აგვიჩუყდა გული და კვლავ ავივსეთ სიამაყით...

ჩვენს წინ კი ისევ ისეთი მერაბი იდგა. ადრე გატაცებით რომ უკრავდა შოპენის „რეგოლუციურ ეტიუდს“, მღეროდა „მრავალ-ჟამიერს“. ისევ გულუბრყვილო, ისევ ერთგული მეგობრებისა და თავისი ზვიადისა; ისევ უზომოდ შეყვარებული თავის სამშობლოზე...

მერე იყო ნოემბერი, 9 აპრილი, აფხაზეთი... და ყველგან მერაბის ქრისტიანული სული იდგა.

ამას წინათ ტელევიზია დიალოგს გადასცემდა. მერაბ კოსტავამ თქვა: „ღმერთი ყველაფერს ხედავს. იმან ყველაფერი იცისო“. ჭეშმარიტად, ღმერთი ყველაფერს ხედავს, იმან იცის ჩვენი ავიც და კარგიც, ჩვენი სიმართლევც. ხოლო მერაბ კოსტავა ერთი მცირედთაგანია, ვისაც შეუძლია პირნათლად წარსდგეს ღვთის სამსჯავროზე.

მე კი, ამ ძნელბედობის ჟამს, წარსულიდან, ბავშვობიდან გესალმები შენ, სამშობლოსათვის შეწირულო ადამიანო. გისურვებ გამარჯვებას და თანაც, თუ არ მიწყენ, დავძენ: „ფრთხილად იყავით, ბიჭებო!“

დიდება საქართველოს!

ნანა გოგოძე
2 სექტემბერი, 1989 წ.

რადიდი გზაა აღსავალი ცათა კარამდის

ერის რჩეულო, ღვაწლმოსილო, წახველ ადრიან,
ნათლით მოსილი წარუდგები დიდთა წინაპართ...
მამულის იქით, სხვა რამ ნატვრა, არც გინატრია,
შენი კაცობა, მზისქვეშეთში, მადლით ბრწყინავდა,
გვირგვინს გიბოძებს, დაუჭკნობელს, უზენაესი,
რადგან აქ, ცეცხლში იწრთობოდა შენი ღირსება,
ნანას გიგალობს საქართველო – დედის აღერსით
და შენი სული საწყაულით ცით აღივსება.
აწ, განისვენე დამაშვრალო მამულისშვილო,
ბევრსაც გვავალეებს სანატრელი შენი სახელი,
სამოთხის ბაღში უჭკნობელი ყვავილი შლილობს,
ტკბილი მამულის სიყვარულის გამომსახველი.
ცა გახსნილობით – სვეტიცხოვლის ელვა მარადი,
შენთვის გახდება სახილველი ცათა განგებით,
რა დიდი გზაა აღსავალი ცათა კარამდის,
სად მგალობლობენ ანგელოზნი ღვთიურ ჭანგებით.
მოგვეგებიან გალობით და ციურ ჩანგებით,
ვინაც კარგობით ანგელოზად არის ქცეული,
რომ გულს აგყარონ სააქაო დარდის ჭანგები
და დაასვენონ გადაღლილი შენი სხეული.
მას ნეტარება, ვინც ქვეყნისთვის ვალმოხდილია,
ვინც წმინდა სანთლად შეიწირა და ცით გვინათებს,
პირზე ღიმილით შეგეყრება დიდი ილია, –
ერის სინდისი, საუკუნის დიდი სიმართლე.
მშვიდობა შენდა! – გეთხოვება შენი ქართველი,
წმიდაა შენთვის ერის ცრემლი და უანგარო...
ცათა მიგითხრან, გასახარი, შენდა სათქმელი
და განკვირვებას ვერ ფარავდეს მთელი სამყარო...

მთავარეპისკოპოსი თადეოზი

იგივე

მირიან იორამაშვილი

წამებულ კმისაღვი

(მერაბ კოსტავას)

ერზე მკმუნვარი ძმათა კრებული
ერის საფიცარ რაინდს გიწოდებს,
უკვდავ საქმისთვის ჯვარზე ვნებული
სასუფეველში შეხვალ, იცოდე!
ქრისტემ მოგმადლა ცის გასაღები
და სერაფიმთა ჰაეროვნება,
არ გწამს მონღოლის ნატრაბახები
და არც მარდოხეს ყალბი ცხოვრება.
გვეტანებოდნენ ძაღლნი და ღორნი,
შემუსვრა სურდათ ელვარე ჭადის,
მაგრამ ხომ დავრჩით, მაინც ჩვენ ორნი,
მკრთალნი რაინდნი მწუხარე სახის.
კვლავაც დავუდგეთ დარაჯად საფლავს,
ყველა ცოცხალთა მიზანს და მიზეზს,
ამგვარ წამებას ხომ შევბაც ახლავს,
ხვალეც იმედის თვალებით გვიმზერს.
ცხოველმყოფელი საფლავი იგი
გვიწამებია ცხოვრების წყაროდ,
დაგვცქერის თვალი არსთაგამრიგის,
ის აგვარიდებს ბედის შავ ტაროსს,
და ოცნებებიც ცას მისწვდნენ ჩვენნი,
ცა გარდაგვეხსნა მარადუამული,
ხელთუქმნელ ხატის დიდებით მშვენი
ღვთის წილხვდომილი ჩვენი მამული.
დე, ელვარებდეს ივერთა ცაზე
მზე შუალამის, ბარძიმი წმინდა,
გვწყალობდეს, ვინაც გვიკურთხა ვაზი
და ღვთისმშობელი ვინაც დაწინდა.
ვაშენოთ ჩვენი ტაძარი ქვაზე,
ბნელში მსხდომთ კვლავაც ავუნთოთ კვარი
და მიგვიძლოდეს ეკლიან გზაზე
წმინდა გიორგი და ნინოს ჯვარი.

ხვიად გამსახურდია, 1985

შენს სახელს კვნესა არ ეკადრება,
 „შავღვგო“ მოგდევს სანთელ-საკმევლად...
 მხოლოდ „ქართველო ხელი ხმაღს იკარ“
 უნდა ჩაგესმას უკანასკნელად!
 შენ უფლის ხელით ბეჭედღასმულო,
 ბაგრატიონთა ხმაღს ნაკვესო,
 გინმო ივერთა ღვთისმშობღს ხატმა,
 ჩვენს შორის ყოვღად უმამაცესო!
 დღეს შვიღი შენი მონატრებღი
 შემოგაგებებს სანთღებს საშენოს,
 და ლექსით არამქვეყნიურით
 სამძიმარს ეტყვის მთელ საქართვეღოს.
 ხიჯათის შუბზე მკერდღაფღეთიღო,
 მამულიშვიღთა დარღო უთქმეღო,
 სულ ნახტომისთვის შემართებღო,
 დაჭრიღო ვეფხვო, წარბგაუნხნეღო!
 ვინც განვღო გზანი წამებღისანი,
 ვერც რას დააკღებ ბეღღს ბორბაღო...
 მშვიღობით, რაშო, ფაფარაშღიღო!
 მშვიღობით, ძმაო, სწორუბოვარო!
 სამშობღოსათვის ბორკიღდაღებღულს
 კღდეკაცს სიცრუე ვერ გათქმეღინეს,
 რუსეთის ცივ და ბნელ ჭურღმუღებში
 გზას გინათებღა სული შენივე...
 ბეღღსწერასთან მორკინაღ რაინღს,
 გონიც მოგღვეღა, ღონეც გერჩოღა,
 შენი უღრეკი რწმენის წინაშე
 ისიც თავს ხრიღა, ვინაც გებრძოღა!
 „ცუღად ხომ მაინც არა ჩაივღღის
 ეს განწირული სუღღისკვეთება!“
 მტერსა და ორგულს უნდა ვანანოთ
 ქართვეღღის ღაგამ-უღღღის კეთება!
 შენი სიცოცხღე იყო დღემუღამ
 მართაღი სიტყვის ცაში ქუხება,
 მალე გახარებთ, გმირო, ტანჯუღო,
 დღღასამშობღოს თავისუფღღებას!

ბედმა გვარგუნა ხვედრი რჩეულთა,
როგორც შეჭფერის ყმას სანაქებოს –
ელვის სისწრაფით დაირხა ელდა
და ცრემლი წასკდა მთლად საქართველოს!
ამიერიდან შენს ნათელ საფლავს
ცრემლის წვიმებმა უნდა აწვიმოს,
ყვავ-ყორნის ჭიბრზე წამოფრენილო,
ფრთამოტეხილო ვაჟას არწივო!
ქრისტესმიერი სიყვარულისთვის
დაბადებულო კაცო, ალალო,
ბეწვის ხიდზე და ცეცხლში გასულო,
უდრეკად წინ და სწორად მავალო.
არ დავხრით დროშას შენს ნაამბორალს
და ცხრა ამრილის ცრემლით დანამულს,
შენს სამარესთან ძმათა ერთობას
და თავდადებას შევფიცავთ მამულს!
სიცოცხლეშივე სალი კლდისაგან
ლომის ქანდაკად გამოკვეთილო,
იყავ ნათელში აწ და მარადის
ადრე წასულო, ძმაო, კეთილო!

ამირან კალაძე

მერაბ კოსტავა

პირდაპირ ვთქვათ: თუკი ქართველ ერს თავისუფლება სწყურია, მან ხმამალა უნდა უთხრას თავის თავსაც და მსოფლიოსაც, თუ ვინაა შვილი მისი – მერაბ კოსტავა.

გმირი, წამებულო, წმინდანი!

მერაბ კოსტავა!

ის უკვე იქაა, იმ ნათელ კრებულში, სადაც ერთად აფრქვევენ შაეროვან სინათლეს დიდთა წინაპართა აჩრდილები.

უკვე მიიხუტა მკერდზე მოხუცმა ილიამ, უკვე შეახო მის შუბლს ჭვარი წამებულმა დედოფალმა ქეთევანმა და უკვე ამოიყენა გვერდით მარადიული ქართული ლაშქრის წინამძღოლმა დიდმა დავით აღმაშენებელმა.

დაშინდეთ სურათს.

რა მოუხდებოდა ყველაზე მეტად ამ სევდიანი არწივის სახეს?
ჩაჩქანი და მუზარადი?

ამ ვაჟკაცურ, მრავალი სიმძიმის გადამტან მხრებს რა
დაამშვენებდა?

ჭაჭვის პერანგი.

ის თეთრ ცხენზე უნდა მჭდარიყო თორ-აბჯრიანი და ხმალა-
მოწვდილს მამაცური თავისი მზერით შიგ თვალეებში ეცქირა მტრი-
სათვის.

აი, ვთქვი და უცებ მივხვდი, რომ საქართველოს ბედკრული
გრძელი ისტორიის მანძილზე ბევრჯერ მოსულა მერაბ კოსტავა
მკლავმაგარ მხედრად.

მოსულა თეთრცხენოსანი.

მოსულა, როცა ყველაზე მეტად უჭირდა მამულს.

და უბრძოლია.

ყველაზე მძიმე მოვალეობა კი მაინც ამ მოსვლისას დაეკისრა
მას და მის ქრისტესმიერ ძმას ზვიად გამსახურდიას.

ასეთი დამონებული არასოდეს ყოფილა ქართველი კაცი, არა-
სოდეს ისე არ გაშგებია ფეხქვეშ დამპყრობელს ლუკმა-პურისთვის.

არასოდეს ამდენი ქართველი არა მდგარა მტრის სამსახურში,
არასოდეს ამდენს არ უქცევია ზურგი დედაენისთვის, არასოდეს ამ-
დენს არ მიუტოვებია სამშობლო ნებით.

დამონებული, დაბეჩავებული, უიარალო სამშობლო – ვეება
ცეცხლისმფრქვეველი გველეშაბის წინაშე.

აი, რა დახვდა ამ მოსვლისას მერაბ კოსტავას.

თვითონაც უიარალოდ უნდა ებრძოლა. ვერ უშველიდა თეთრი
ცხენი, ვერც ფარ-ხმალი და ჭაჭვის პერანგი.

ვაჟკაცსა გული რკინისა.

აბჯარი თუნდა ხისაო.

არა შქონდა არც ხის აბჯარი, მხოლოდ გულს უნდა ებრძოლა,
მის რკინის გულს.

და იბრძოდა კიდევ.

უთანასწორო იყო ეს ბრძოლა. მტრის მხრიდან უსვინდისოდ
უთანასწორო.

შებოტილს ბნელში სცემდნენ ყოველი მხრიდან.

სცემდნენ უღმერთო სისასტიკით.

მაგრამ ვერ კი გაბზარეს რკინის გული.

ტანჯვით კი ტანჯეს რამდენიც სურდათ.

ჭაი, დედასა! სხვა დროებაში შემოჭყროდნენ, ცხენდაცხენ...
ხმალდახმალ... თუნდაც ოცი ერთზე... მერე გენახა ბიჭობა!

აკი მაინც არგუნა ბედმა, რომ პირისპირ შეპყროდა მტერს.

აპრილში – თბილისში.

ივნისში – ქვემო ქართლში.

ივლისში – აფხაზეთში.

ვინც იქ ნახა, დამეთანხმება, რომ ძლიერ შვენოდა ბრძოლის
ველზე ყოფნა.

ოღონდ ეს ბრძოლებიც უცნაური იყო.

ქართველებს არ დაგვიღვრია მტრის სისხლი. ჩვენი დაღვარა
მტერმა.

ვაუჟაცობა იმ უცნაურ ბრძოლებში ის იყო, რომ ჩვენ ხელი არ
გამოგველო და ვმდგარიყავით მამაცურად.

მერაბმა გვასწავლა, თუ როგორ უნდოდა ღირსეულად, უდრე-
კად დგომა...

სულ თვალწინ მიდგას:

შუალამეს დიდი ხანია გადაცილებულია. მანქანით მივდივართ
ქვემო ქართლში.

ირგვლივ ავი სიჩუმეა.

შევდივართ ბოლნისში.

შორიდან მოჩანს, რომ შუა ქუჩაში ფარნით განათებულში შე-
გროვილა ხალხი.

გუანლოვდებით და ვხედავთ, თურმე მერაბი დგას ხალხში,
დაფიქრებული ღიმილით უსმენს მასთან მოსაუბრეებს.

დგას ახოვანი, მოწიწიებით შესცქერიან ჭაბუკებიც და ხნიერ-
ნიც.

იგრძნობა, რაკი მერაბი აქაა, ყველაფერი კარგად იქნება.

დგას ახოვანი, მშვიდი, ღირსეული.

თითქოს წარბშეკრული, მაგრამ თვალები უღიმის.

აუჰ, რა ლამაზი, რა მშვენიერი!

არ შეიძლებოდა თვალში არ გცემოდათ მისი სილამაზე.

მერაბ კოსტავა სრულყოფილი ადამიანი იყო.

ზნეობრივი სიწმინდის განსახიერება და გარეგნულადაც უმშ-
ვენიერესი ვაუჟაცი.

რატომ შეიქმნა ასეთად?

ამაში მოწყალე უფლის ნება ჩანს.

მერაბი იმიტომ იყო ასეთი კარგი, რომ მის დამონებულ სამ-
შობლოს კვლავ ერწმუნა თავისი ძალა.

ერწმუნა, რომ დიადია და ღირსია თავისუფლებისა ის ერი, რომელსაც შეუძლია კვლავაც დაბადოს ასეთი მშვენიერი, ზნესრული ადამიანი.

და კიდევ: მერაბ კოსტავას სილამაზეში სხვა იღუმალი აზრიც ჩააქსოვა მოწყალე უფალმა.

ყველა ქვეყანაში ეროვნული მოძრაობა ისეთი უნდა იყოს, როგორცაა ერი და მისი ხასიათი.

დავუშვათ, რომ ჩვენ წინ წაგვძლოლოდნენ ვილაც ძალიან ჰკვიანი ადამიანები, მაგრამ სულ აფთიაქის სასწორზე მწონანნი, სულ პოლიტიკა-ეკონომიკის თვალსაზრისით მოფიქრალნი. სულ ფრთხილ-კურდღელ-ცბიერ-მელაკუდები. ისიც დავუშვათ, რომ ჩვენც გავყოლოდით. ისინი ნაბიჯ-ნაბიჯ, წინ წაწევით წაგვიყვანდნენ. ზომიერ ღოზუნგებს გვაძახებინებდნენ და იქნებ აქამდე ორი-სამი ქალაქით მეტიც გამოგვეცინცლა ხელისუფლებისათვის.

მაგრამ ასეთ წინამძღოლებიანი ჩვენი მოძრაობა ქართული აღარ იქნებოდა.

ქართველი კაცი პირდაპირია.

ქართველი არ გამოგყვება, თუკი შენ სხვას ფიქრობ და ღოზუნგი სხვა გიჭირავს ხელში.

შემპარავი მოქმედება იქნებ მომგებიანიცაა, მაგრამ ქართველ კაცს ულამაზოდ მიაჩნია.

პირდაპირობას კი სილამაზესთან აკავშირებს.

ორივე ეს თვისება აქვს ქართულ ეროვნულ მოძრაობას.

ის პირდაპირიცაა და ლამაზიც.

და ეს იმიტომაცაა ასე, რომ ჩვენი ეროვნული მოძრაობა ჰგავს მერაბ კოსტავას.

ის ხომ უნებლიე პოლიტიკოსი იყო.

მისი პოლიტიკა სიყვარულიდან იწყებოდა.

ქართული მიწის, ქართული სიტყვის, ქართული სიმღერის სიყვარულიდან.

ლამაზია ასეთი პოლიტიკოსი, ლამაზია ასეთი პოლიტიკა.

და რაც უნდა უცნაურად ერგენოს ვინმეს, უფრო ძლიერიცაა ვიდრე ცბიერ-მელაკუდური.

როგორც ზვიადმა თქვა, ჩვენი ეროვნული მოძრაობის მწვერვალი ცხრა აპრილია.

ცხრა აპრილს ჩვენმა ლაშქარმა დაკარგა მებრძოლები, მტერს კი არავინ დაუკარგავს.

მაგრამ ჩვენ არ დავმარცხებულვართ.

ცხრა აპრილს მოხდა ქართული სულის სიმშვენიერის გამოც-
ლინება.

იმ ომში ჩვენ წარმოვჩნდით ჩვენი საუკეთესო თვისებებით: სი-
მამაცით, შეუღრეკელობით, ერთგულებით, თავგანწირვით, ხოლო
მტერი კი – სისასტიკით, სიბრიყვით, ცინიზმით.

ჩვენ გავიმარჯვეთ.

სულიერმა ძალამ დაამარცხა ფიზიკური ძალა.

სილამაზემ – სიმახინჯე.

ცხრა აპრილს ჩვენ ყველანი მერაბ კოსტავას ვგავდით.

ახლა, როცა მას ვიგონებთ, არ შეიძლება არ ვიყოთ მადლიე-
რები კიდევ ერთი რამის გამო.

ჩვენ ვნახეთ, თუ როგორი იყო პირად ცხოვრებაში დიდი
ქართველი კაცი მერაბ კოსტავა და ახლა ჩვენთვის ადვილია წარმო-
ვიდგინოთ ჩვენი დიდი წინაპრების ცხოვრებაც. ამით კი ჩვენს ის-
ტორიასთან მივდივართ ახლოს.

როგორები იყვნენ ჩვენი გმირები, წამებულნი და წმინდანები?

აღბათ ასეთივე ალალ-მართლები, ბავშვებივით მიმნდობნი და
თავის ღრღზე არმოფიქრალნი. აღბათ ასეთივე ღიმილი შქონდათ,
ასევე ყველასათვის საყვარელნი იყვნენ და ამგვარადვე სასწაულე-
ბრივად ათავსებდნენ თავის თავში ჩვეულებრივ ადამიანს და ცით
მოვლენილ არსებას.

მისი სიკვდილით გულდათუთქულნი ჩვენ ყველანი უნებლიეთ
ვეშმაკობთ, როდესაც ვამჩობინებთ მერაბზე, როგორც გმირზე და
წმინდანზე ლაპარაკს. ასე რომ არ ვქნათ და იმ საყვარელ და სათნო
ადამიანზე ვილაპარაკოთ, როგორიც იყო ნაცნობებში მერაბ კოსტა-
ვა, ველარ გაუძლებს და გასკდება გული.

ვინც მას პირადად არ იცნობდა, ვერ წარმოიდგენს, თუ შეიძ-
ლება იყოს ადამიანი, რომელიც ამხელა, მთელი ქვეყნიერებისთვის
სამყოფ სითბოს დაიტევს მკერდში.

ნეტა იმათ, ვინც არ იცნობდა და ვისთვისაც ის მხოლოდ გმი-
რია, დიდების ღირსი.

მაგრამ ვისთვისაც ერთხელ მაინც შეუხედავს სევდაღიმილიანი
თავისი მზერით და ერთხელ მაინც დაურტყამს მოფერებით მხარზე
ხელი, სამუდამოდ უნუგეშო დარჩება ყველა.

ტირილით იკრავენ ერთმანეთს მკერდში თანამებრძოლნი, მე-
გობრები, ნაცნობები, ნათესავები, თითქოს სურთ შეაერთონ მისადმი
სიყვარული და მოახდინონ სასწაული, გააცოცხლონ სანატრიელი ძმა.

– ეეჰ, როგორა მყვარებია! – გმინავენ ქალებიც და კაცებიც.
და იქნებ ესაა ის მთავარი სიკეთე, რაც დაგვიტოვა მერაბმა.

მან ჩვენს თავში ჩვენვე აღმოგვაჩინა დიდი სიყვარულის უნარი. – თქვენ ისევ შეგიძლიათ სიყვარული. გიყვარდეთ ერთმანეთი, ძმანო და დანო!

გიყვარდეთ ერთმანეთი, ქართველებო! იდექით ერთად! ესაა გადარჩენის ერთადერთი გზა!

აი, რას გვეუბნებოდა თავის ცხოვრებით მერაბ კოსტავა.

და ვინ იცის, იქნებ სიკვდილითაც ისევ ეს უნდოდა, რომ ეთქვა ჩვენთვის.

რაოდენ უცნაურია მისი ცხედრის სიახლოვეს იმაზე ფიქრი, რომ ახლა აქ ვინმე ერთ ჭვრუს, ორგანიზაციას ან პარტიას ეკუთვნის, ხოლო მეორე ვინმე – სხვას.

ამ წმინდა ცხედართან ყველანი უნდა მოვიდეთ მხოლოდ როგორც ქართველნი. ოღონდ ისეთნი, მერაბს რომ გაეხარებოდა.

სიკვდილის შემდეგაც აგრძელებს ბრძოლას მერაბ კოსტავა.

ის ჩვენი შეკავშირებისთვის იბრძვის.

და როდესაც მის კუბოს ავწევთ მაღლა და სევდიანი სამეფო დროშებით მთაწმინდის აღმართს შევუდგებით, ჩვენ გაგვაერთიანებს ფიქრი იმაზე, თუ რა იყო ის სასწაული, რომელსაც მერაბ კოსტავა ერქვა. მისი წინამძღოლობით ერთად ვივლით ცისკენ და ერთ წმინდა ლაშქრად გავმთლიანდებით.

ძმანო და დანო!

ნურც მერე დავიშლებით, დავრჩეთ მერაბ კოსტავას ლაშქრად.

გიყვარდეს ერთმანეთი, რადგან ერთნი ვართ, ერთი ჭიშისა და სისხლისა.

ქართველები ვართ და ესაა მთავარი.

ვიცხოვროთ სუფთა გულებით, ისე, რომ გვქონდეს უფლება, ჩვენს ოცნებებში და სიზმრებში ჩვენს წინ მუდამ მიგელავდეს თეთრი ცხენი და სამფეროვან დროშას მიაფრიალებდეს თავისუფლების მარადიული მხედარი – მერაბ კოსტავა.

მერაბ კოსტავა სევდიანი არწივი ჩვენი...

გურამ პეტრიაშვილი

მერაბ კოსტავას დაკრძალვა

აგერ უკვე ერთი კვირაა მწუხარე ქართველი ერი დასტირის თავის საუკეთესო შვილს, ქართული ეროვნული მოძრაობის ერთ-ერთ ლიდერს მერაბ კოსტავას. დიდია ერის მწუხარება. ენით გამოუთქმელია ის ტკივილი, რომელმაც ერთიანად შესძრა ყოველი ქართველის სული და გული. ძნელზე ძნელია ამ დროს მოიძებნოს სანუგეშო სიტყვები, ოდნავადაც რომ შეამსუბუქებს ამ დანაკლისს. წმინდა ცრემლით დასტირის სრულიად საქართველო მერაბ კოსტავას ცხედარს. დასტირის მის ნათელ სახებას, რომელიც ამიერიდან მარადისობაში გადადის... მაგრამ ცხოვრება მით არის ძლიერი, რომ შეუძლია წინსვლა, ბოროტების დათრგუნვა, მომავლის რწმენის ჩანერგვა, უკეთესი დღეებისაკენ სწრაფვა. სწორედ ამ სანუკვარი გრძნობის ერთგულებით იცხოვრა მერაბ კოსტავამ.

...სიონის საკათედრო ტაძარში, სადაც ბოლო ორ დღეს იყო დასვენებული მერაბ კოსტავას ცხედარი, განუწყვეტლივ მოდიოდნენ თბილისელები, საქართველოს ყველა კუთხის წარმომადგენლები, რათა უკანასკნელი პატივი მიეგოთ იმ ადამიანებისათვის, ვისი მგზნებარე სიტყვაც სწვდებოდა ყველა ჩვენგანის სულსა და გონებას, ვისაც სხვა მიზანი არა ჰქონია, გარდა სამშობლოს, თავის ხალხის უანგარო სამსახურისა. მუდამ შემართული და შეუპოვარი, ჭეშმარიტი მამულიშვილი და მართალი კაცი – ასეთი იყო ჩვენთვის მერაბ კოსტავა, ასეთადვე დარჩება იგი მომავალი თაობებისათვის. მან იცოდა და დაუღალავად არწმუნებდა ყველას, რომ ადამიანის შემოქმედებითი ენერჯის გამოყენება შესაძლებელია მხოლოდ მაშინ, როცა სულში გიზგიზებს ადამიანების, სამშობლოს დიდი სიყვარული. ამიტომ მის სახელს დავიწყება არ უწერია, რადგან სამშობლოსათვის შეწირული სიცოცხლე უკვდავების ტოლფასია!

...დღის 15 საათია. მერაბ კოსტავას ცხედარი გამოასვენეს სიონის საკათედრო ტაძრიდან. სამგლოვიარო პროცესია დაიძრა რუსთაველის პროსპექტისაკენ. ათასობით ადამიანმა სამგლოვიარო პროცესიაში მონაწილეობით პატივი მიაგო მერაბ კოსტავას ხსოვნას. პროცესიამ ჩაიარა საქართველოს დედაქალაქის მთავარ მაგისტრალზე და გაემართა ქართველ მწერალთა და საზოგადო მოღვაწეთა მთაწმინდის პანთეონისაკენ. ამიერიდან აქ ჩვენი ხალხის დიდებულ შვილთა წმიდათაწმიდა საფლავებს შორის გაჩნდება მერაბ კოსტავას საფლავი.

გამოსათხოვარი სიტყვები წარმოთქმევს ზვიად გამსახურდიამ, ირაკლი წერეთელმა, ირაკლი ბათიაშვილმა, ვაჟა ადამიამ, ნოდარ ნათაძემ, დათო ტურაშვილმა, აკაკი ბაქრაძემ, ავთანდილ იმნაძემ, თეიმურაზ ქორიძემ, შალვა წიკლაურმა, პოლიო გოგელიამ, ერეკლე საღლიანმა, რუსლან მიქაბერიძემ, უკრაინის, ესტონეთის, ლიტვის, ლატვიის, ჩეჩენ-ინგუშეთის საზოგადოებრივ მოძრაობათა, ისრაელში ქართველ ებრაელთა თემის წარმომადგენლებმა.

გულისშემძვრელ სიჩუმეში გაისმა სვანური ზარი, ხალხური „შავლეგო“, – ყოველთვის რომ გაგვახსენებს მერაბ კოსტავას, რომელმაც ეს მელოდია 9 აპრილს, იმ შავბედით ღამეს იმღერა... ამ მწუხრის ყამს, როცა მთაწმინდაზე ბინდი ჩამოწვა, აინთო წმინდა კელაპტრები, მისი ნათელი ცხოვრების თავისებური სიმბოლო, სიმბოლო იმ გზისა, რომელმაც მართლად და პატიოსნად გაიარა მერაბ კოსტავამ დაბადებიდან ტრაგიკულ აღსასრულამდე.

დადგა გამოსათხოვების წუთები. ახლობლები, ნათესავები, მეგობრები, უკანასკნელად აღიბეჭდავენ გონებაში ამ მამაცი ადამიანის სახეს. კუბოს ნელ-ნელა უშვებენ სამარეში, ამიერიდან მერაბ კოსტავა მთაწმინდამ ჩაიკრა გულში.

*მერი გაბრიაძე,
თენგიზ გრიგალაშვილი*

მერაბ კოსტავა

„სიმდაბლე თავად დიდების გზით მიემართება...“ – წერს ერთგან მერაბ კოსტავა. ამ ფილოსოფიურ საზრისში ზატოვნად არის კონდენსირებული მისეული კრედიო ცხოვრებისა, თავისებური ფორმულა, მოდელი ჭეშმარიტი მამულიშვილობისა, მრავალჭირნახული ადამიანის სიბრძნითა და გამოცდილებით შეჭერებულ, ქრისტიანული სულით ნასაზრდოები, მისეული კონცეფცია იტევს ყველა იმ თვისებას, რომელიც ავტორს ახასიათებდა და რის დეფიციტსაც ასე მწვავედ განიცდის ჩვენი საზოგადოება – უბრალოება, ოღონდ ამაღლებული, შინაგანად განსპეტაკებული, სულიერება, სიღარბაისლე, ჭირთათმენა, ერთგულება უზენაესი იდეალებისადმი. იგი გულისხმობს უჩინო დიდოსტატ შემოქმედთა მსგავსად, მორჩილად, თავგანწირვით, უანგაროდ ღვწასა და ბრძოლას სამშობლოს ბედნიერებისათვის, თავისუფლებისათვის.

მისეული ფილოსოფიური საზრისი იტევს მრავალ განსაცდელს, ჩვენი თაობის ადამიანისათვის და მეტადრე „მშვიდობიანობის ჟამს“, გაუგონარ საქირველსა და შევიწროებას, ბეზლობას, დევნასა და თვალთვალს, წვალებას, შიშსა და შიმშილს, ციმბირის გამოთავ სუსხში გალეულ დღეებსა და გატეხილ ღამეებს, ფერად სიზმრებს მზით გაჩახჩახებულ შორეულ სამშობლოზე, მტანჯველ ოცნებას საკუთარ პირმშოსთან შეხვედრაზე, მაგრამ ამოდ – კატორღული სასტიკი რეჟიმი პოლიტპატიმრისთვის ტრაგიკულად დაღუპული ვაჟიშვილის ცხედართან გამოთხოვებასაც კი არ ითვალისწინებდა. ერთი წისქვილის ქვა არ დატრიალებულა მის თავზე, მაგრამ იგი მაინც, დარწმუნებული საკუთარ სიმართლეში, ჰიუტად, კუშტად, ღირსების გრძნობით „მეიმართებოდა“ – პატრიარქული სპეტაკი ჭადარით განმშვენებული კაცი, რომელსაც, ერთი პოეტის თქმისა არ იყო, საკუთარი თმა – წვერისფერი ნამუსი დაჰქონდა.

მას ღმერთმა არგუნა უსახო და უფორმო სიბლანტიში ერთერთი პირველმკვალავის ხვედრი, უძრაობაში – მოძრაობა! ბლანტი და შედედებული ერთფეროვნება – თავის ჭირსა და სიმდოვრეს მკვიდრად შეჩვეული – ვეღარ ჰგუობდა მოძრავსა და მოყიჟინეს. მისებრ დევნილ მცირერიცხოვან თანამოაზრეებთან ერთად ფილისტიმელთა ტალახის გუნდებს ჩვეული, სულდაკეპნილი მოდიოდა განგების ნებით მიჩენილი მისეული, გამორჩეული, უცდომელი და ურთულესი გეზით.

იგი იყო ბუნებით რაინდი და მოყვასთა თვისადმი მიმტევებელი, შემწყნარებელი. იგი ითმენდა, აღარ ჰყვებოდა სულსწრაფთა და უმწიფართა უხამსობასა და ქილიკს, სწამდა, რომ ერთ მშვენიერ დღესაც განიხვნებოდა „ფარისეველთა და სადუკეველთა“ თვალსაწიერი, ისინი დაჰგმობდნენ საკუთარ სულში ჩაბუდებულ მაცილს და ეშმაკს. ელოდებოდა ნანატრ ალიონს – გამარჯვების მაუწყებელს, საქართველოს იმედითა და ნუგეშით აპურებდა, ხალხში აღძრავდა სასიცოცხლო ნიშანს.

მშვიდი იყო მუდამ, საკუთარ თავში დარწმუნებული. ეს რწმენა ძალასა და დამაჭერებლობას სძენდა მის სიტყვას, მის მოქმედებას. სიმართლე იყო მისი მოკავშირე, სიმართლე და გამოვლილი მოწამებრივი გზა უმრთელებდა იმედის გალეულ ჩაჭვს. სულს პოეზიის სიყვარულით ისალკლდევებდა... რა კუთხითაც არ უნდა გაეჩხრიკათ მისი ცხოვრება, ყოველმხრივ სპეტაკი და წელგამართული იყო.

მერაბ კოსტავას ტრაგიკული აღსასრული ერთი შემადგენელი რგოლია ამ ბოლო დროს ქართველთა თავს დატეხილი სტიქიური თუ ბოროტი ძალისმიერი ტრაგედიების უწყვეტი ჩაჭვისა. უმანკოდ

დაღვრილი წმინდა სისხლი შემზარავია, სულის შემძვრელია და ზეციურ სამართალს ითხოვს, სულიერად ამაღლებს, აერთიანებს ძლიერს და უძლურს, ერთ მუშტად კრავს ქვეყანას, ხალხს; მთელ საზოგადოებას წარმართავს საერთო მიზნისაკენ – თავისუფლებისაკენ.

ნეტარ არიან წამებულნი, რამეთუ სიცოცხლეში დაწყებულ საქმეს სიკვდილით აგრძელებენ. საცა სამართალია, მისმა სიკვდილმა საბოლოოდ უნდა დაასრულოს ეროვნული კონსოლიდაციის პროცესი.

ვალმოხდილი განეშორა საყვარელ მამულს, რომელსაც მთელი თავისი ცხოვრება გულანთებული უმღეროდა იგი: *„შოი, თბილისო, შენს დიდებად მთაწმინდა კმარა, იმის მადლით ხამს სატანა შენგან განვიდეს, მთაწმინდის ზეცა თავადაა ლოცვა ანკარა, ლოცვად წართქმული წმინდა ბავით მამა-დავითის... სად მგოსანთაგან ვინ არ იგრძნოს მადლი ციური, რაღაც ძვირფასი, იდუმალი და მისტიური...“*

მთას შესევია ბილიკები კენტი და ლუწი, ამ აღმაფრენის სპირალებით ვის არ უვლია... ფერს შეეპარა მტრედისფერი ცისკრის სინორჩე, სიბერე დღისა, დაისების გაფერმკრთალება, მთაწმინდის მკერდზე გაზაფხულის ნედლი სიმორჩე და შემოდგომის პანაშვიდთა ფერისცვალება...“

მან თითქოს წინასწარ განდევნაო საკუთარი „სიბერე დღისა“ და „დაისების გაფერმკრთალება“. იგი შემოდგომაზე აღესრულა.

„ნეტარ იყვნენ დევნულნი სიმაართლისათვის, რამეთუ მათი არს სასუფეველი ცათა“.

ჰეშმარითად!..

„მნათობის“ რედაქცია

„ქართველები ხელეზის ცაცებით დაჰუწყებთ ერთ-მანეთს კებნას“...

მე და მერაბი ერთ ეზოში ვცხოვრობდით, მე-7 ვაჟთა სკოლაშიც ერთად წავედით, მაგრამ ოლიკო დეიდამ მესამე კლასიდან | სკოლაში გადაიყვანა. თუმცა მერაბმა პირველი წინააღმდეგობა სწორედ მაშინ გაუწია დედას და უთხრა: თუ ზურიკოც ჩემთან ერთად არ იქ-

ნება, ისე არ გადავალ ახალ სკოლაშიო. ასე გადავედით | საშუალო სკოლაში, სადაც დაგვხვდნენ ზვიად გამსახურდია, გელა ჩარკვიანი, ვოვა სინარულიძე, გურამ რცხილაძე და ბევრი, სხვა. სკოლიდან შატალოზზეც ხშირად წავსულვართ, ვცელქობდით, ზოგჯერ რალაცას ვაფუჭებდით (შემთხვევით მინას ჩავამტვრევდით ან მერხს გავტეხდით) ამ დროს ყოველთვის გელა ჩარკვიანი იღებდა თავის თავზე დანაშაულს, რადგან იგი მაშინდელი ცეკა-ს მდივნის შვილი იყო და ვიცოდით, მას მკაცრად არ დასჯიდნენ.

მერაბს ხშირად უთქვამს, რომ მისი პიროვნების ჩამოყალიბებაში დიდი წვლილი მიუძღოდა კონსტანტინე გამსახურდიას ოჯახს, სადაც ხშირად სტუმრობდა ხოლმე. თუმცა ისიც ნათქვამია, რომ „კვიცი გვარზე ხტისო“. მერაბის მამაც და ბიძაც (გრიშა კოსტავა) პოლიტიკური სარჩულით იყვნენ გადასახლებულები. 1956 წელს მერაბი დააპატიმრეს. 4 თვის შემდეგ გაათავისუფლეს. სწორედ იმ პერიოდში დაბრუნდნენ გადასახლებიდან მერაბის მამა და ბიძა. ოჯახმა დიდი წვეულება გამართა. თამადად ბატონი აკაკი კვანტალიანი იყო. იგი კოსტავებს ასე ეხუმრებოდა: „კაგებეს უნდა ვთხოვო, რომ ერთი იზოლირებული ოთახი გამოგიყოთ და იქ გამყოფოთ სამივე. ცალ-ცალკე ყოფნას ხომ ერთად ყოფნა გირჩევნიათ“. სადაც კი ყოფილა მერაბი, სულერთია ეს ციხე იყო თუ გადასახლება, ყველგან ვნახულობდი. დეიდა ოლიკოსაც მიეყვებოდი შვილთან „შეხვედრებზე“. მერაბს ათი წელი აქვს მოხდილი ციმბირის საპატიმროებში. იგი 1977 წლის 7 აპრილს დააპატიმრეს და 1987 წლის 27 აპრილს გაათავისუფლდა. ერთხელ როცა ტაიშეთის (ციმბირი) რაიონის სოფელ კვიტოკში ჩავედი მის მოსანახულებლად (ჩემთან ერთად დეიდა ოლიკოც იყო), შევამჩნიე რომ მერაბს ფეხები ძლიერ დასიებოდა. გულზე შემომეყარა, მაგრამ დედამისის თანდასწრებით არაფერი ვკითხე. მერე, როცა მარტონი დავგრჩით, გამოგვკითხე ამის მიზეზი. თურმე, მერაბთან პატიმრად ყოფილა 80 წლის კაცი – ომის წლებში დაპატიმრებული, ვინმე ელიზბარაშვილი. მას ასაკის გამო შეწყალება ეკუთვნოდა, მაგრამ არაფრით არ აძლევდნენ. მერაბს მის დასაცავად ხმა ამოუღია, რის გამოც 21 დღით კარცერში ჩაუსვამთ. იქ ბეტონის „საწოლი“ ყოფილა ყოველგვარი ლეიბისა და საბნის გარეშე. მასზე დაწოლა სიკვდილს ნიშნავდა. თავი რომ გადაეჩინა, მერაბი მთელი 7 დღე და ღამე მდგარა ფეხზე და შიმშილობა გამოუცხადებია. სწორედ, ამიტომ დაუსივდა ფეხები. მერვე დღეს შეუგდეს ორი პლედო, მერაბმა მიზანს მანინც მიაღწია. ელიზბარაშ-

ვილი გაათავისუფლეს. დიდი ხნის მერე, როცა მერაბიც დაბრუნდა გადასახლებიდან, მეორე დღესვე მოინდომა ელიზბარაშვილის ნახვა. უზომოდ განიცადა, როცა იგი გარდაცვლილი დახვდა. საერთოდ მერაბი ძალიან გულმოწყალე და მგრძობიარე იყო.

მერაბი გარეგნობითაც და შინაგანადაც ძალიან მიმზიდველი იყო, კარგად უკრავდა, მღეროდა, მჭერმეტყველებდა, ამიტომაც ქალთა საზოგადოებაში მუდამ ყურადღების ცენტრში იყო. ნამდვილი გრძობით მას თავისი მეუღლე რუსუდან ბერიძე უყვარდა. ისინი ერთმანეთს დაშორდნენ, თუმცა მეგობრულ ურთიერთობას მერაბი და რუსუდანი გაშორების მერეც ინარჩუნებდნენ. ვატყობდი, მერაბი ყოველთვის მტკივნეულად განიცდიდა მათ ცალ-ცალკე ყოფნას. მერაბს თამარი (თამთა) ლალი გიორგაძისაგან შეეძინა, ახლა ლალი და თამთა ამერიკაში ცხოვრობენ.

ბოლო პერიოდში მერაბს წერის დიდი სურვილი ჰქონდა, მაგრამ სულ დანანებით აღნიშნავდა, რომ ამისთვის არც დრო ჰქონდა, არც ადგილი. მე შევეთავაზე ჩემი აგარაკი ასურეთში: წამოვიღებ სასმელ-საჭმელს, თან დაისვენე, თან წერე რამდენიც გინდა, იქ არავინ შეგაწუხებს მეთქი. დამეთანხმა. ერთხელაც, გავემზადეთ და ის-ის იყო ეზოდან მანქანით უნდა გავსულიყავით, ოლიკო დეიღამ დაუძახა, ტელეფონთან გთხოვენო. შინ მობრუნებულმა მომიბოდიშა: თამრიკომ დამირეკა, სასწრაფოდ ქუთაისში უნდა წავიდეთ. იქიდან რომ ჩამოვალ, „ჩავჯდები“ შენს აგარაკზეო. ათი წუთით ადრე რომ გამოვსულიყავით, ის საბედისწერო ზარი ასცდებოდა, მაგრამ ბედისწერა გამორჩეულ ადამიანებს არ ინდობს.

მერაბის ნატვრა იყო საქართველოს თავისუფლება და დამოუკიდებლობა. თავისუფალ საქართველოში კი მისი სურვილი ამით იფარგლებოდა: საგურამოში, ილიას სახლ-მუზეუმთან ახლოს ვიყიდი ნაკვეთს, ავაშენებ პატარა სახლს და სოფლის სკოლაში ვასწავლი ბავშვებსო. გაცილებით ადრე მერაბმა თქვა: „თუ არ გავერთიანდებით, განგება ისეთ გამოცდას მოგვიწყობს, რომ ქართველები ხელების ცეცებით დავუწყებთ ერთმანეთს ძებნასო“. გამართლდა მისი სიტყვები. დღეს საქართველო გათითოკაცებულია, მაგრამ მაინც მჯერა, მერაბი რომ ცოცხალი ყოფილიყო, ერის გახლეჩა არ მოხდებოდა. მერაბს ისეთი ღირსეული თვისებები ჰქონდა, რომ მისი მომდურავი არავინ იყო, მოშურნე ალბათ ჰყავდა, მაგრამ იმდენად ვაჟკაცური და მართალი პიროვნება გახლდათ, რომ მტერი ნამდვილად არ ჰყოლია. მერაბ კოსტავა ერის ღირსეული შვილი იყო, კა-

ცილიგენდა, რომელმაც სამშობლოს შესწირა თავისი ოჯახი, კარიერა და სიცოცხლე. მას ერთი დღეც არ დაუღამებია საქართველოზე ფიქრის გარეშე. ზვიადი სიყრმის მეგობარს ასე ახასიათებდა: „ლექსი მისი საქართველოს გოლიათი ციხეების დუღაბით ნაგებს შგავს. ენა ძარღვიანოძველ ქართულს ნაზიარები. პოეტური ნეოლოგიზმები თამამი, რითმათა სამყარო უჩვეულო, რიტმი ძლიერი და დაძაბული, როგორც მისი სახის კუნთები. ო, ამ მრისხანე გამონხდვის ქვეშ რა ჩვილი გული იმალებოდა, რა თანაგრძნობა მოყვასისადმი, ყოველი დევნილისადმი და ჩაგრულისადმი“.

მერაბი შავლეგოს სახელით დამკვიდრდა საქართველოს მატია-ნეში.

ზურაბ შაუთიძე

მერაბ კონსტანტა – შტრიხები პორტრეტისათვის

მერაბზე ბევრი დაწერილა. ჰყვებოდნენ მის ვაჟკაცურ ბუნებაზე, გამძლეობაზე, მის როლზე ქართულ ეროვნულ მოძრაობაში. ეს ყველაფერი იყო. და იყო კიდევ მპატიებელი კაცი, რომელსაც შემორჩა ბავშვის ალალი და სუფთა სული. ციხეებისა და ბანაკების ჯოჯოხეთიდან ის ისეთივე წრფელი და ადამიანური დაბრუნდა, როგორც წავიდა.

ანგარსკის ბანაკში მერაბის გვერდით ათასი ჯურის ბოროტ-მოქმედი იხდიდა სასჯელს: მკვლელი, მძარცველი, ქურდი. მერაბს თითოეული მათგანის მიმართ საოცარი სიბრალულის გრძნობა ჰქონდა, თითოეულში ადამიანობის ნაპერწკალს ეძებდა და მის გაღვივებას ცდილობდა. ყოველი ბავშვის შემდეგ გამომატანდა მისამართებს. ეს ის პატიმრებია, მეტყობა, რომელთაც არსაიდან ამანათი არ მოსდით, ძალიან გთხოვ, გამოუგზავნე ამანათი, გაიხარებენ. აჰ, ბანაკში, ეს სიხარული ძალზე ძვირად ფასობსო. პატიმრები ღრმა პატივისცემით და სიყვარულით პასუხობდნენ მერაბს.

გარეგნულად კუშტი და მკაცრი კაცის შთაბეჭდილებას ტოვებდა. რომ გაიღიმებდა, მიხვდებოდი, რა ნაწი გულის პატრონი იყო.

ათი წლის მანძილზე ვლებულობდი მის წერილებს, მხნეს, მომავლის იმედით სავსეს. ერთხელ მივწერე, მერაბ, დაიწუწუნე ერთხელ მაინც, ეს ხომ გულს მოგიოხებს-მეთქი. პასუხად მომწერა, - მე თავისუფალ ადამიანად ვგრძნობ თავსო.

მერაბმა საოცარი მეგობრობა იცოდა. ზვიადისა და მერაბის მეგობრობა ალბათ ქართულ თქმულებებს და ლეგენდებს გაჰყვება მომავალში. მახსოვს, ზვიადის დისერტაციის დაცვა - მართლა შესანიშნავი დაცვა იყო. კათედრასთან იდგა ლამაზი ქართველი ინტელიგენტი, საუბრობდა დახვეწილად, რაფინირებულად. ეს იყო მეცნიერული აზრის, ერუდიციის, ინტელექტის ზეიმი. დარბაზში კი უბედნიერესი კაცი მერაბ კოსტავა იყო...

1983 წელს მერაბის მდგომარეობა კრიტიკული იყო. მერაბმა შიმშილობა გამოაცხადა. ბანაკის ადმინისტრაციამ გადაწყვიტა მისი შიმშილობისთვის ყურადღება არ მიექცია. ეს იყო ჩვეულებრივი რეციდივისტთა ბანაკი. პოლიტიკური პატიმარი აქ მხოლოდ მერაბი იყო და შიმშილობასაც არავინ აცხადებდა. მერაბი კარცერში მოათავსეს და იქ მიატოვეს. მერაბის ციმბირელმა მეგობარმა შეგვატყობინა მერაბის მძიმე მდგომარეობის შესახებ. დახმარებისთვის ზვიადს მივმართეთ. ზვიადი სასწრაფოდ დაუკავშირდა უორჟ მარშეს. მარშემ მიტერანს სთხოვა დახმარება. მიტერანი ანდროპოვს დაუკავშირდა, მერაბი საავადმყოფოში გადაიყვანეს და სიკვდილს გადაარჩინეს. როცა ნახვის ნება მომცეს და მოვუყვები რაც მოხდა, თვალები გაუბრწყინდა. ეს, ცხადია, სიკვდილს გადაარჩინის სიხარული არ იყო. ეს მეგობრის გვერდზე დგომით გამოწვეული ადამიანური სიხარული იყო. ის, რომ მსოფლიო საზოგადოებრიობა განუწყვეტლივ ეხმარებოდა მერაბის მდგომარეობას, რა თქმა უნდა, მხოლოდ ზვიადის დამსახურება იყო. ზვიადი მუდმივად აწვდიდა უცხოეთს ინფორმაციას მერაბის შესახებ. მიმართავდა სხვადასხვა საზოგადოებებს. ამან განაპირობა ის, რომ მსოფლიოს საზოგადოებრიობა აქტიურად იყო ჩაბმული მერაბის სიცოცხლის გადარჩენისათვის ბრძოლაში.

მერაბი რომ თავისუფალ გადასახლებაში გადააგზავნეს ტაიშეთის რაიონის სოფელ კვიტოკში, მერაბის სანახავად პირველნი წავიდნენ ირაკლი, ზვიადი და ჩემი ბიძაშვილი ელიკო გოგუაძე (მე ავად ვიყავი და წასვლა ვერ მოვახერხე). ელიკო გოგუაძის ნაამბო-

ბიდან: დაღლილ-დაქანცულები კვიტოკში რომ ჩავედით, მე და ირაკლის ძალიან მალე დაგვეძინა. მერაბმა და ზვიადმა მთელი ღამე საუბარში გაატარეს. საოცარი იყო, რომ დილით არცერთს არ ეტყობოდა დაღლილობა. სუფრასთან დავსხედით. მერაბი მოგვიბრუნდა მე და ირაკლის და გვითხრა: თქვენც გახსოვდეთ და საქართველოშიც უთხარით ყველას, ვისაც ხმას მიაწვდენთ: ქართული ეროვნული მოძრაობისთვის ზვიადი გადამწყვეტი ძალაა. ზვიადი დგას ამ მოძრაობის სათავეში და მას შეუძლია მხოლოდ ამ მოძრაობის წარმართვა. მერე ლიტერატურაზე დაიწყო საუბარი. სიტყვა ჰერმან ჰესესს რომანზე – „თამაში რიოში მარგალიტებით“ ჩამოვარდა. მე და ირაკლის ახალი წაკითხული გვექონდა ეს რომანი, ორივენი აღფრთოვანებულები ვიყავით და ვფიქრობდით, რომ ეს წიგნი ძალიან კარგად გვექონდა გაგებული. მერაბმა და ზვიადმა დაწვრილებით გაარჩიეს რომანი. მე და ირაკლი პირდაღებულები მივჩერებოდით. თურმე რამდენი შრე ყოფილა ამ წიგნში, რომელიც ჩვენ ვერც შევამჩნიეთ. გაგვაოცა მერაბის და ზვიადის სიღრმეებში წვდომის უნარმა...

მერაბზე რომ წარმოდგენა შეგიქმნათ, რამდენიმე შემთხვევას გავიხსენებ.

1972 წელია. მე და ჩემი მეგობარი ლიანა პაქსაშვილი სახლში ვსხედვართ და მერაბს ველოდებით. სადღაც უნდა წავიდეთ. გადის თხუთმეტი წუთი, ოცი წუთი... მერაბი იგვიანებს. ერთი საათის შემდეგ შემოდის, ხელში იების ორი კონა უჭირავს და მეუბნება: მაპატიე, რომ დავიგვიანე. იები ვნახე. ყიდვა მომიწინდა. სულ სამი მანეთი მქონდა და ტრანსპორტის ფული აღარ დამჩნა, ფეხით მოვედი რუსთაველიდან საბურთალომდე. თუ დამიჭერებთ, 33 წლის მერაბმა მართლა ვერ წარმოიდგინა, რომ შეიძლებოდა ავტობუსში ასულიყო და უბილეთოდ ემგზავრა.

კიდევ ერთი მოგონება. ანგარსკის ბანაკში ყაზარმა, სადაც პატიმრები იძინებდნენ, ერთსართულიანი გრძელი შენობა იყო. ყაზარმაში დაახლოებით ოთხას პატიმარს ეძინა. ალბათ წარმოიდგენთ, როგორ გამოიყურებოდა ეს შენობა. ყაზარმის შესასვლელში ნაძვის ტოტებს აწყობდნენ ხოლმე ფეხის გასაწმენდად. ყაზარმაში შესვლისას მერაბი დიდხანს იდგა და გულმოდგინედ იწმენდა ფეხებს. მერე ერთმა პატიმარმა მიაშობ: პატიმრები გაოცებულები კითხულობდნენ, ასეთ კაცს ციხეში რა უნდაო.

1984 წლის ნოემბერში მერაბმა შიმშილობა გამოაცხადა. ეს შიმშილობა წელიწადი და ორი თვე გრძელდებოდა. დღეში ერთხელ ძალით კვებავდნენ, რომ არ მომკვდარიყო. დევივით ვაჟკაცი 48 კი-

ლოგრამს იწონიდა. ქლეჩი დაემართა. 1986 წელს ციმბირიდან ტაშკენტის ბანაკში გადმოაგზავნეს, სადაც სპეციალური ტუბზონა იყო. იქაურმა ექიმმა ქალმა მიაშბო: ვხედავ, მოდის ლანდალ ქცეული პატიმარი, წონასწორობის შენარჩუნება უჭირს და მიწაზე მოათრევს ტომარას. ვხედავ, ტომრის კი არა, საკუთარი თავის ტარება უჭირს. ვიფიქრე, ნეტავი რა აქვს ასეთი ძვირფასი ამ ტომარაში-მეთქი. ტომარაში „ციხკრისა“ და „მნათობის“ ნომრები იყო, რომელთაც მერაბი ბანაკში ლებულობდა. ვერ გაიმეტა გადასაყრელად და თან წამოიღო. ბანაკში რომ შევიდა, კიბეებზე ასვლა ვეღარ შეძლო. იმ ბანაკში რამდენიმე ქართველი პატიმარი იყო. ციხის „ტელეგრაფმა“ სასწრაფოდ შეატყობინა მათ, ბანაკში მერაბ კოსტავა მოიყვანესო. მოცვიდნენ, მერაბი ხელში აყვანილი საავადმყოფოში შეიყვანეს, ძმასავით მოუარეს და უპატრონეს. ოთხი თვის შემდეგ ქლეჩისგან განიკურნა და უკვე ძველ მერაბს დაემსგავსა...

მე და მერაბი 1959 წელს დავექორწინდით. 1972 წელს ოფიციალურად დავშორდით. გაშორებულები ძალიან ვმეგობრობდით. 1977 წლის გაზაფხულზე, როცა პრესაში ზვიადისა და მერაბის წინააღმდეგ სამარცხვინო კამპანია გაჩაღდა და ცხადი გახდა, რომ მათ დააპატიმრებდნენ, მერაბი თითქმის ყოველდღე მოდიოდა ჩემთან და ირკალისთან. 1977 წლის აპრილში ზვიადი და მერაბი დააპატიმრეს. 1978 წლის მაისში სასამართლო ჩატარდა. სასამართლოს შემდეგ, 1978 წლის 24 ივნისს, მე და მერაბმა მეორედ ვიქორწინეთ საქართველოს სუკის შენობაში. ეს იყო პირველი ქორწინება საქართველოს სუკში. „პატარძალს“ მერაბის დედასთან – ოლიკო დემურაასთან ერთად წამომყვნენ ჩემი ბიძაშვილები ავთანდილ და ქეთევან ბერიძეები. შესასვლელში ავთანდილს და ქეთევანს ჰკითხეს, თქვენ ვინ ბრძანდებითო. ავთანდილმა იხუმრა: ჩვენ ხელისმომკიდებები ვართო. ხელს ჩვენ თვითონ მოგკიდებთ, თქვენ ნუ შეწუხდებითო და მართო მე და ოლიკო გაგვატარეს. ქორწინებას ესწრებოდა ზვიადი, მძარის ბიუროს თანამშრომელი ქალი, სუკის საგამომძიებლო ნაწილის უფროსი და მისი მოადგილე. მერაბის დედას და მე უფლება მოგვცეს, საჭმელი მიგვეტანა და ქორწინების რეგისტრაციის შემდეგ სუფრა გავშალეთ. მაგიდაზე სურით წყალი იდგა. მერაბმა წყალი დაასხა ჭიქაში. ჭიქა ასწია და სადღეგრძელო თქვა: „ამ შენობაში სულ მალე თავისუფალი საქართველოს სადღეგრძელო დაგველიოს!“ სუკის თანამშრომლები გადაფითრდნენ...

მერე დაიწყო ათწლიანი ოდისეა ციმბირის გზებზე. შვიდი წელი მე და ირაკლი დავდიოდით. ირაკლის დაღუპვის შემდეგ, მე

მართლ ან ჩემს ახლობლებთან ერთად. შეხვედრა დიდი სიხარული იყო, ყოველი განშორება – ტრაგიკული. შეხვედრა რომ მთავრდებოდა, ჭერ მერაბი გაშყავდათ. რკინის კარები ღრჭიალით რომ გაიღებოდა, უკანასკნელად მოიხედავდა. მის თვალებში ყოველთვის ღრმა სევდა, კაეშანი და განწირულობა შეიმჩნეოდა... ყოველი განშორებისას ხომ ისიც ფიქრობდა და ჩვენც, რომ ეს ბოლო შეხვედრა შეიძლებოდა ყოფილიყო. მერაბი ღრმად მორწმუნე კაცი იყო და ამ გამოხედვაში წინათგარძნობაც ამოიკითხებოდა ალბათ. 1984 წელს ირაკლისთან განშორება ხომ მართლაც უკანასკნელი აღმოჩნდა...

რუსუდან ბერიძე

„მოდ, ნუ ჩაუფიქრლები მუხთალი სოფლის დენასა!“

„კოსტავა დიდი ანალიტიკოსი არ ყოფილა“ ბრძანებს სრულიად უსაფუძვლოდ და იმავდროულად ზედმიწევნით უბასუხისმგებლოდ ბატონი გველუკაშვილი და შესაძლოა დარწმუნებულიცაა, რომ თავის „შეფასებაში“ ის ერთადერთია და ორიგინალური. უნდა განვაცხადოთ, რომ სამწუხაროდ ბატონი გველუკაშვილი არ არის პირველი იმათგან, ვინც დაუინებით ცდილობს დაამკვიდროს აზრი, თითქოს „მერაბ კოსტავა დიდი ანალიტიკოსი არ ყოფილა“. ამგვარი შეხედულებების გავრცელებასა და საზოგადოებაში დამკვიდრებას, მერაბ კოსტავას მოკვლის შემდგომ, გველუკაშვილამდე რამოდენიმე „პოლიტოლოგიც“ ეცადა, მაგრამ ამაოდ, ვინაიდან მერაბ კოსტავას მოღვაწეობა სრულიად საპირისპიროს ამტკიცებს და რაც მთავარია, ძალზე ცხადად და დამაჭერებლად! მაგანთა უსაფუძვლო, ყოველგვარ არგუმენტირებასა და ლოგიკას მოკლებულ როყო, მავნებლურ განცხადებებს იოლად გავაბათილებთ მერაბ კოსტავას პოლიტიკური მოღვაწეობიდან ცალკეული, ფართო საზოგადოებისათვის უცნობი ან ნაკლებად ცნობილი ზოგიერთი ეპიზოდის საზოგადოების სამსჯავროზე გამოტანით, რათა ყოველ დაინტერესებულ პირს თავად მიეცეს პირუთვნელი დასკვნის გაკეთების საშუალება, ხოლო მკრეხელთ კი, ერთხელ და სამუდამოდ დაგუჯარგოთ საქრთველოს ეროვნული ვმირის, ერის სინდისად შერაცხულ, სულმნათ მერაბ კოსტავას უნარ-ჩვევებსა და თვისებებზე ასე უბოდიშოდ, ხელაღებითა და

უბასუხისმგებლოდ განცხადების კეთების სურვილი. ვიცნობდით რა ახლოს მის პიროვნებასა და პოლიტიკურ მოღვაწეობას, მთელი ბასუხისმგებლობით შეგვიძლია განვაცხადოთ, მერაბ კოსტავა სწორედაც რომ დიდი ანალიტიკოსი იყო! დიახ, დიდი და შეუმცდარი ანალიტიკოსი იყო და სწორედ ანალიზის გამორჩეული უნარის გამო მოუსწრაფეს მას სიცოცხლე. სამწუხაროდ, მტრის გათვლა სწორი აღმოჩნდა: მერაბ კოსტავას წინამძღოლობით შეუცდომლად, განუხრელი აღმავლობით მიმდინარე ეროვნული მოძრაობა მისი დაღუპვის შემდგომ დარჩა უთავოდ – მისეული ხედვის, ანალიზის გარეშე და შეცდომას შეცდომაზე უშვებდა, რაც საბოლოოდ, ძალზე სავალალო შედეგით დასრულდა, როგორც ეროვნული მოძრაობის მონაწილე პარტიების, ასევე ქვეყნისათვის.

იყო თუ არა მერაბ კოსტავა დიდი ანალიტიკოსი? ამ კითხვას რომ მიუკერძოებელი პასუხი გავცეს, დასადგენია კრიტერიუმები, თუ გნებავთ საწყაული, რომლითაც „აიწყება“ და შეფასდება მერაბ კოსტავას ანალიტიკური უნარი.

მერაბ კოსტავას მოღვაწეობის ყველაზე აქტიურ პერიოდში, გასული საუკუნის სამოცდაათიან და ოთხმოციან წლებში საბჭოთა კავშირს გააჩნდა მსოფლიოში უძლიერესი სპეცსამსახურები – KГБ და ГРУ, რომლებიც მოპოვებულ სადაზვერვო ინფორმაციას თავადაც ამუშავებდნენ და აგრეთვე აწვდიდნენ სპეციალურ ანალიტიკურ ცენტრებს. ამის შემდგომ, გაანალიზებული მასალა, ანალიზის ავტორი უწყების რეკომენდაციებითურთ, მიეწოდებოდა საბჭოთა ხელმძღვანელობას, რომელიც მათზე დაყრდნობით, მოკავშირე რესპუბლიკების ხელმძღვანელი ორგანოებისა და სპეცსამსახურების მეშვეობით ახორცილებდა საკუთარ პოლიტიკურ ნებას, ანუ ერთ მხარეს იდგა ვებერთელა სახელმწიფო მანქანა, ხოლო მეორე მხარეს, მასთან დაპირისპირებული ქართული ეროვნული მოძრაობა – მერაბ კოსტავას უპირობო და უცილობელი ლიდერობით – რომელსაც მის (მერაბ კოსტავას) სიცოცხლეში რაიმე, თუნდაც უმნიშვნელო შეცდომაც კი არ დაუშვია! ამ უთანასწორო ჭიდილში მსოფლიოში უდიდესმა და მაღალორგანიზებულმა საბჭოთა სპეცსამსახურებმა და ანალიტიკურმა ცენტრებმა – აღარაფერს გამბობთ მათ პოლიტიკურ ელიტაზე – ორთაბრძოლა მერაბ კოსტავასთან, როდესაც იქვე იყო ზ. გამსახურდია, ი. წერეთელი, ვ. ადამია, ი. ბათიაშვილი და სხვები. დიახ, ისინი იქვე იყვნენ! მაგრამ, ისინი იყვნენ მერაბ კოსტავას დაღუპვის შემდგომაც! როდესაც ეროვნულმა მოძრაობამ ერთი-მეორეზე უფრო დიდი შეცდომები დაუშვა. მათ

ვერც ეროვნული მოძრაობისათვის და ვერც ქვეყნისათვის ამ შეცდომების აცილება ვერ შეძლეს. მერაბ კოსტავას დაღუპვის შემდგომ მათ ვერც ერთხელ ვერ შეძლეს განეჭვრიტათ, აეცილებინათ ან მით უმეტეს გაეუფნებელყოთ, საბჭოთა სპეცსამსახურების მიერ საგანგებოდ საქართველოსათვის შექმნილი, ან განხორციელებული თუნდაც ერთი, რამდენადმე მნიშვნელოვანი განსაცდელი. მერაბ კოსტავა კი სწორედ საკუთარი ანალიზის უნარით სწვდებოდა, წინდაწინ სპერეტდა საბჭოური მონსტრის მზაკვრულ ჩანაფიქრს და არა მხოლოდ არიდებდა მათ ქვეყანას, არამედ ქმედითი კონტრზომების გატარებასაც კი ახერხებდა მტკიცედ, დამაჭერებლად და შორეული პერსექუტივის გათვალისწინებით! ამის დანახვა ზოგიერთს ღღესაც ჯიუტად არ სურს, ხოლო საბჭოთა ხელმძღვანელობა და მათი სპეცსამსახურები კი პირიქით, ჭეოვნად აფასებდნენ. სიცოცხლეს სწორედ იმიტომ მოუსწრაფეს, რომ აზერბაიჯანის, სომხეთის, აფხაზებისა და ოსების წინააღმდეგ ეთნოკონფლიქტების სახით დაგეგმილ ომებში არათუ ვერ ჩაითრიეს, არამედ ქვემო ქართლსა და აფხაზეთში კრემლის მიერ 1989 წლის ზაფხულში უკვე დაწყებული საომარი მოქმედებების შეჩერებაც კი შეძლო სწორედ მართებული ანალიზისა და საკუთარი ავტორიტეტის მეოხებით! მიყვებით ფაქტებს და ისინი პირუთვნელად წარმოაჩენენ მერაბ კოსტავას ანალიტიკურ შესაძლებლობებს. მხოლოდ 1987 წელს, მრავალწლიანი პატიმრობიდან მერაბ კოსტავას განთავისუფლების შემდგომ ხდება საღათას ძილს მიცემული ქართული ეროვნული მოძრაობის გამოღვიძება: პირველი მიტინგები იმართება მერაბ კოსტავას ეზოში – ჭავჭავიშვილის ქ. №1-ში, საქართველოს რესპუბლიკის სამფეროვანი დროშა მერაბ კოსტავას სახლის სახურავზე აღიმართა 1921 წლის შემდგომ პირველად, რაც იმ დროისათვის უპრეცედენტო შემთხვევა იყო. იმავე პერიოდს ემთხვევა ჩვენი მეზობელი სომხეთის ინტელიგენციის მიერ იდეოლოგიური საქმიანობის გააქტიურება ჭავჭავთში – ნინოწმინდასა (იმ დროს ბოგდანოვკა) და ახალქალაქში. ცნობილი სილვა კაპუტიკიანი იშიშვლებს მკერდს და ჭავჭავთში კომბაქტურად მცხოვრებ სომხებს მოუწოდებს: „ამ ძუძუებზე დაიფიცონ, რომ რაც უნდა მოხდეს, ისინი ამ სომხური მიწიდან ფეხს არ მოიცვლიან“. აშკარაა, კრემლი სომხურ-ქართულ ომს გეგმავს ჭავჭავთში! 1987 წლის ზაფხულში მერაბ კოსტავასთან მოსალაპარაკებლად ჩამოდიან სომეხი დისიდენტები. შეხვედრა, რომელსაც მერაბ კოსტავა და ვაჟა ადამია ესწრებოდნენ, შედგა მათსავე ეზოში, ჭავჭავიშვილის (ამჟამად ზანდუკელის) ქ. №1-ში, სომეხი დისიდენტები მერაბ კოსტავას მოუწოდებენ იზრუნოს ქართული ეროვნული მოძრაობის შესაიარა-

დებლად, რათა სომხურ ეროვნულ მოძრაობასთან ერთად ომი გაუმართონ აზერბაიჯანს. მიზანი: სომხები დაიბრუნებენ მთიან ყარაბაღს, ხოლო ქართველები – ჰერეთს (საინგილოს). *მერაბ კოსტავა მათ ამ წინადადებაზე უარს ეუბნება და მოუწოდებს სომხურა, აზერბაიჯანული და ქართული ეროვნული მოძრაობების გაერთიანებისაკენ და საბჭოთა კავშირიდან გამოყოფისა და დამოუკიდებლობის აღდგენისაკენ, რის შემდგომაც, სამივე რესპუბლიკის წარმომადგენლებს მოლაპარაკების მაგიდასთან ექნებათ შესაძლებლობა თავიანთი სასაზღვრო პრობლემების გადაწყვეტისა.* სომხები უკმაყოფილონი არიან პასუხით. მათი ვიზიტი იმავე წინადადებითა და უფრო მეტი დაჟინებით ორიოდ კვირაში განმეორდა. აშკარაა, კრემლმა თავისი განზრახვა, ჭავჭავთში სომხურ-ქართული დაპირისპირებისა, შეცვალა უფრო მზაკვრულით: ერთმანეთის საწინააღმდეგო საომარ მოქმედებებში სამივე ამიერკავკასიური რესპუბლიკის ჩათრევისა. სომეხ დისიდენტებთან მოლაპარაკების მონაწილე ვაჟა ადამიას კითხვაზე, თუ რატომ ვამბობთ ჰერეთის დაბრუნების ამ შესაძლებლობაზე უარს, მერაბ კოსტავა პასუხობს შემდეგს: *„თუ ჩვენ სომხებთან ერთად დავარტყამთ აზერბაიჯანს, რასაკვირველია ომს მოვუვებთ, მაგრამ სასწორის პინა როგორც კი ჩვენკენ გადმოიწევს, რუსეთი აზერბაიჯანს დაეხმარება. როგორც კი აზერბაიჯანი მოიპოვებს წარმატებას, ისევ ჩვენ დაგვეხმარება და ასე გაუთავებლად! ეს ომი არასდროს დამთავრდება!“* მას შემდეგ ზუსტად 20 წელი გავიდა, დაჰყარგეს აქტუალობა მერაბ კოსტავას სიტყვებმა და ვითარების მისეულმა შეფასებამ? მხოლოდ ეს ერთი ეპიზოდიც იკმარებდა იმისათვის, რომ მკრეხელთ ეთხელ და სამუდამოდ დაჰყარგვოდათ სურვილი იმის თქმისა, რომ *„მერაბ კოსტავა დიდი ანალიტიკოსი არ ყოფილა“.* სომხეთ-აზერბაიჯანის ომი ყარაბაღში ზომ დღესაც, მისი დაწყებიდან 20 წლის შემდგომაც არ დასრულებულა! რომ არა მართლაც ანალიზის განსაცვიფრებელი უნარი, საქართველო დღესაც ამ ომში იქნებოდა ჩათრეული და შესაბამისად, საქართველოზე არც დიდი ნავთობსადენი გაივლიდა, არც შამდენიზის მაგისტრალი და არც ენერგომატარებლების ტრანზიტი განხორციელდებოდა რკინიგზით. დღესავით ნათელია, რომ საერთო კავკასიურ ომში ჩათრეული ქვეყანა ვერ შეძლებდა დამატებით ორ ცხელ წერტილში – აფხაზეთსა და ცხინვალში – ვითარების კონტროლს, რაც უდაოდ გახდებოდა აფხაზეთის დაკარგვის რეალური საფუძველი. საბედნიეროდ, მერაბ კოსტავას მოღვაწეობიდან მსგავსი მაგალითების მოყვანა მრავლადაა შესაძლებელი: 1987 წელს მერაბ კოსტავას თაოსნობით დაიწყო ბრძოლა სამცხესა და აჭარაში სასაზღვრო-

გამშვები პუნქტების გასაუქმებლად. ეს სასაზღვრო პუნქტები საქართველოში მცხოვრებთ საშუალებას არ აძლევდნენ სპეციალური საშვის გარეშე მოხვედრილიყვნენ სამცხე-ჯავახეთსა და ზემო აჭარაში, ხოლო ჩვენი მეზობელი რესპუბლიკიდან, სომხეთიდან კი პირიქით: ჯავახეთსა და სამცხეში – აგრეთვე ზემო აჭარაში ყოველგვარი საშვის გარეშე, უპრობლემოდ შეიძლებოდა შესვლა! მერაბ კოსტავას თაოსნობით ჩაეყარა საფუძველი ჯავახეთისა და სამცხის დემოგრაფიული პრობლემის შესწავლასა და შექმნილი უმძიმესი ვითარების დაძლევის პროგრამას. მერაბ კოსტავას ინიციატივით შეიქმნა საადგილმამულო ფონდი, რომლის მეშვეობითაც ხორციელდებოდა ეს პროგრამა. თუ მაშინდელი ბოგდანოვკის (შემდგომში ნინოწმინდის) რაიონში ფაქტობრივად, არც ერთი ქართული ოჯახი არ ცხოვრობდა, დღეისათვის ქართულ სოფელ სპასოვკაში, რომელიც ზედ საქართველო-სომხეთის სასაზღვრო ზოლზე მდებარეობს 600-ზე მეტი ქართველი ცხოვრობს! ასევე სამებასა, ორლოვკასა, გორელოვკასა და რაიონულ ცენტრ ნინოწმინდაში გაიხსნა ქართული სკოლები. ამან შესაძლებელი გახადა ბოგდანოვკას აღდგენოდა ისტორიული სახელი - ნინოწმინდა. სასაზღვრო-გამშვები პუნქტების გაუქმებამ ბოგდანოვკის, ახალქალაქის, ასპინძის, ახალციხის, ადიგენის, ხულოს, შუახევისა და ქედის – საქართველოს მოწყვეტილი, ყრუდ ჩაკეტილი რაიონების ცხოვრების საერთო ფერხულში ჩაბმისა და უდიდესი, სასიცოცხლო მნიშვნელობის მქონე დემოგრაფიული საქმიანობის განხორციელების შესაძლებლობა მოგვეცა! სწორედ იმ დროს ეკუთვნის მერაბ კოსტავას ცნობილი გამონათქვამი *„დემოგრაფიული მდგომარეობა ჩვენ უნდა გამოვასწოროთ მანამ, ვიდრე საქართველო საბჭოთა კავშირის შემადგენლობაშია! საბჭოთა კავშირიდან გასვლის შემდგომ შესაბამის ღონისძიებათა გატარება გავვიჭირდება“*. პოლიტიკაში ოდნავ მაინც გათვიცნობიერებული ადამიანი ამ ფრაზაში ძირითადი პრობლემის გადაჭრის სურვილთან ერთად იმასაც ადვილად ამოიკითხავს, თუ როგორ იყო დაარწმუნებული საქართველოს მიერ დამოუკიდებლობის მოპოვებაში მაშინ, როდესაც ამის შესახებ ბევრნი ფიქრსაც კი ვერ ბედავდნენ.

1989 წლის 9 აპრილის აქცია დაიწყო ი. ჭავჭავაძის საზოგადოების მიერ აფხაზეთის ავტონომიის გაუქმების მოთხოვნით. იგეგმებოდა თბილისიდან აფხაზეთში მსვლელობაც. მერაბ კოსტავას დაჟინებული მოთხოვნით აქციის ძირითადი ლოზუნგი შეიცვალა და იგი წარიმართა საქართველოს დამოუკიდებლობის მოთხოვნით! ვფიქრობთ, ეჭვს არ უნდა იწვევდეს, რომ თუ კი 1989 წლის აპრილის დასაწყისში ხსნებული მსვლელობა განხორციელდებოდა, დღეისათ-

ვის აფხაზეთი „დე იურე“ დამოუკიდებელი თუ არა, რუსეთის შემადგენლობაში აუცილებლად იქნებოდა!

1989 წლის ზაფხულში მოხდა ქვემო ქართლში მცხოვრებ აზერბაიჯანელთა ამბოხება „ბორჩალოს ავტონომიის“ შექმნის მოთხოვნით. მერაბ კოსტავას ინიციატივით გამოირიცხულ იქნა ქართველების მხრივ ამბოხებულთა წინააღმდეგ შეიარაღებული გამოსვლა. მხოლოდ მშვიდობიანი აქციითა და პროპაგანდის გზით მ. კოსტავამ, ზ. გამსახურდიამ, ი. წერეთელმა, ვ. ადამიამ სხვებთან ერთად ორი კვირის ვადაში შეძლეს ამბოხების სრული ნეიტრალიზება. აქვე აუცილებლად უნდა აღინიშნოს ქართველ მილიციელთა კეთილსინდისიერი, პატრიოტული სულისკვეთებით მოქმედება; ამბოხების ნეიტრალიზებისას თავად შინაგან საქმეთა მინისტრი შ. გორგოძე და მისი მოადგილე ვ. შადური მუდმივად იმყოფებოდნენ ქვემო ქართლში პროვოკაციის სრულ აღმოფხვრამდე. იმავე 1989 წლის ზაფხულში აფხაზეთში რუსეთის წაქეზებით სეპარატისტთა მიერ დაწყებული საომარი მოქმედებები, რომლებიც მასშტაბურ სახესღებულობდნენ, აღკვეთილ იქნა მერაბ კოსტავას მიერ. საომარი მოქმედებები შეჩერდა! საქართველოს ყოველი კუთხიდან აფხაზეთისკენ მიმავალ, შურისძიების გრძნობით აღვსილ ათეულ ათასობით მოხალისეს მერაბ კოსტავას, ვ. ადამიას, ა. მაჭავარიანის, ჯ. გოლეთიანის, ი. ბათიაშვილის მიერ განემარტებოდა, თუ რა მზაკვრულ მახეს გვიგებდა კრემლი აფხაზეთში. მაგრამ, მხოლოდ და მხოლოდ მერაბ კოსტავას შორსმჭვრეტელობის (გნებავეთ, ანალიტიკური უნარის) უუდიდესი ავტორიტეტისა და სიმტკიცის წყალობით შეიქნა შესაძლებელი ამ ძმათამკვლელი ომის თავიდან აცილება! *„აფხაზებს სხვა სამშობლო არ გააჩნიათ, ეს ქვეყანა საქართველო ისევე ეკუთვნით აფხაზებს, როგორც ქართველებს!“* ეს სიტყვები ეკუთვნის მერაბ კოსტავას და ვიდრე საქართველო იარსებებს, აქტუალობას არ დაკარგავენ!

„რუსეთი საქართველოსთან ერთად დააღწევს თავს საბჭოთა კავშირის მარწუხებს და მოიპყრებს თავისუფლებას“! საქართველოსა და რუსეთის მიერ დამოუკიდებლობის მოპოვებამდე – საბჭოთა კავშირის დაშლამდე მრავალი წლით ადრე აქვს ნათქვამი ეს სიტყვები მერაბ კოსტავას. მის კალამს ეკუთვნის აგრეთვე:

ზიზღით გასტყორცნის აღესილ ნაჯახს,

ვინც სინანულის ბილიკს იბოვის.

საკუთარ სულში გარდაქმნის ყაჩაღს

რუსეთი ბნელში რასკოლნიკოვო“.

რომელიც მან ციმბირში, პატიმრობისას უძღვნა დოსტოევსკის. 1989 წლის 9 აპრილის შემდგომ, ეროვნული ხსნის კომიტეტის სხდომაზე, რომელიც მ. კოსტავას ეწოდა, ვ. ადამიას ბინაზე იმართებოდა, მიმდინარეობდა მწვავე კამათი იმის თაობაზე, თუ რა უნდა გამხდარიყო ეროვნული მოძრაობის მონაწილე პარტიათა უმთავრესი, ძირითადი საერთო მოთხოვნა. საერთო სტრატეგიის გამომუშავებისა და ჩამოყალიბების მიზნით მიმდინარეობდა ცხარე დებატები, რომელშიც მონაწილეობდნენ ეროვნული ხსნის კომიტეტში გაერთიანებულ პარტიათა ლიდერები: მ. კოსტავა, ვ. ადამია („წმინდა ილია მართალი“); ზ. გამსახურდია, თ. ქორიძე („ჭელსინკის კავშირი“); ი. წერეთელი, ი. ბათიაშვილი (ეროვნული დამოუკიდებლობის პარტია); გ. ჭანტურია (ეროვნულ დემოკრატიული პარტია); ვ. მთავრიშვილი, ვ. ტალახაძე (საქართველოს ეროვნული ლიგა); ი. შენგელაია (ეროვნული სამართლიანობის კავშირი). ხანგრძლივი განსჯის საგანი გახდა საკითხი იმის შესახებ, უნდა მოითხოვოს თუ არა ეროვნულმა მოძრაობამ საქართველოს მიერ საბჭოთა კავშირთან ფედერალური ხელშეკრულების გაფორმება, რათა ამ ეტაპის შემდგომ უფრო რეალური გახდეს დამოუკიდებლობის მიღწევა, ვინაიდან დამოუკიდებლობის პირდაპირ განხორციელება შეუძლებელია – ამას კრემლი არ დაუშვებს. ხანგრძლივი, მომქანცველი კამათი ამ საკითხის ირგვლივ, საბჭოთა კავშირთან ფედერაციული ხელშეკრულების გაფორმების სასარგებლოდ იხრებოდა. მხოლოდ მერაბ კოსტავას გამოსვლამ გააჭვანტა ხელშეკრულების გაფორმების მომხრეთა ილუზორული შეხედულებანი: *„მხარეებს შორის ნებისმიერი ხელშეკრულების გასაფორმებლად აუცილებელია ხელშეკრულების დამდები სუბიექტები იყვნენ თანაბარ მდგომარეობაში. საქართველო – რუსეთის მიერ ოკუპირებული და ანექსირებულია და დღეის მდგომარეობით მისი დომინიონია. დომინიონი მეტროპოლიასთან თანაბარ ხელშეკრულებას ვერ გააფორმებს, ეს ხელშეკრულება იქნება კაბალური! ამიტომ, მცდარია აზრი ნებისმიერი პოლიტიკური ხელშეკრულების გაფორმებისა რუსეთთან მანამ, ვიდრე საქართველო სრულად არ გათავისუფლდება და მოიპოვებს დამოუკიდებლობისათვის!“* იმ დღეს ასე გადაწყდა. სულ რაღაც ორი წლის შემდგომ კი, ეროვნული ხელისუფლების ქვეყნის სათავეში ყოფნისას, უზენაესი საბჭოს სხდომაზე, საბჭოთა კავშირთან სამოკავშირეო ხელშეკრულება სარატიფიკაციოდ ერთ სესიაზე, რატომღაც, სამჯერ იქნა გამოტანილი (???) მხოლოდ მერაბ კოსტავას საზოგადოების დემპუტაციის მეცადინეობის შედეგად გახდა შესაძლებელი სამივე-

ჭერ მისი ჩაგდება. მერაბ კოსტავამ ჩვენ სავალი გზა გაგვიადვილა! ეროვნული მოძრაობა რომ ფედერაციული ხელშეკრულების დადების გზით წასულიყო, დღევანდელი საქართველო 1918-1921 წ.წ. საქართველოს რესპუბლიკის სამართალმემკვიდრე ველარ შეიქნებოდა. ვერც საქართველოს ოკუპირებისა და ანექსირების შემდგომ რუსეთის მიერ მიტაცებულ ტერიტორიებზე – სოჭისა და ტუაფსის დაბრუნებაზე ექნებოდა ოდესმე პრეტენზია; იმ სოჭისა და ტუაფსისა, რომელთა გამოც გაგვიჩაღა რუსეთმა ომი აფხაზეთსა და ცხინვალში, აქეზებს სეპარატისტულ სულისკვეთებას, რათა აფხაზეთის მიერ დამოუკიდებლობის მიღწევის შემთხვევაში სოჭი და ტუაფსი სამუდამოდ მას დარჩეს. წინააღმდეგ შემთხვევაში, შავ ზღვაზე გასასვლელი მას, ფაქტობრივად, აღარ რჩება. ვფიქრობთ, მტკიცებას არ საჭიროებს, რომ ეროვნული მოძრაობის მიერ რუსეთთან ფედერაციული ხელშეკრულების დადებისაკენ სვლა ვერც 1991 წლის 9 აპრილს საქართველოს დამოუკიდებლობის აღდგენის აქტის მიღებას გახდიდა შესაძლებელს.

სსრ კავშირის სპეცსამსახურებსა და ანალიტიკურ ცენტრებში დაგეგმილი და კრემლის ხელისუფლების მიერ თავს მოხვეული არაერთი მუხანათური, საქართველოს დასაკაბალებლად გამიზნული გეგმა იქნა ნეიტრალიზებული მერაბ კოსტავას შორსმჭვრეტელობის, ანალიტიკური და ორგანიზატორული ნიჭის მეოხებით. უამრავ განსაცდელს გადაარჩინა მან ეროვნული მოძრაობაცა და ქვეყანაც და რა გასაკვირია, რომ 1989 წლის 13 ოქტომბერს სიცოცხლე კრემლმა მოუსწაფა მას, ვინც მისი მზაკვრული გეგმების განხორციელება ერთხელაც კი არ გახადა შესაძლებელი.

მერაბ კოსტავას დაღუპვიდან (13 ოქტომბერი 1989 წ.) ზუსტად ერთ თვეში (1989 წ. ნოემბერი) ეროვნული მოძრაობის მიერ თავიდან ვერ იქნა აცილებული ცხინვალის ომი. დაიშალა ეროვნული ხსნის კომიტეტი, რომელიც აერთიანებდა ეროვნული მოძრაობის მონაწილეთათვის ყველა პარტიას. შემდეგ იყო ბლოკ „მრგვალი მაგიდა – თავისუფალი საქართველოს“ ქვეყნის ხელისუფლების სათავეში მოსვლა. აფხაზეთის მმართველობაში ვლ. არძინბასი, ხოლო აჭარაში ა. აბაშიძის მოყვანა. ბლოკ „მრგვალი მაგიდა – თავისუფალი საქართველოს“ მიერ ქვეყნის მმართველობისას დაშვებული არაერთი პოლიტიკური, ეკონომიკური, ორგანიზაციული, საკადრო და სხვა უამრავი შეცდომა, რამაც განაპირობა კიდევ მისი ძალადობრივი გზით დამხობა. ამან კი, თავის მხრივ, შესაძლებელი გახადა კომუნისტური და კომკავშირული პარტნომენკლატურის, ე. შევარდნაძისა და მოქალაქეთა კავშირის, თ. შაშიაშვილის, ჯ. პატიაშვილის, ზ.

ყვანიას, ნ. ბურჯანაძის, მ. სააკაშვილისა და ნაც. მოძრაობის, თუ სხვა მრავალთა ქვეყნის მმართველობის სათავეში მრავალი წლით დაბრუნება. მაგრამ ყველაზე მძიმე განსაცდელი, რომელიც საქართველოსათვის კატასტროფის ტოლფასი აღმოჩნდა, გახლავთ, ის, რომ მერაბ კოსტავას სიკვდილის შემდგომ ეროვნული თვითშეგნების, ეროვნული ღირებულებებისა და ეროვნული მოძრაობის დევალვორება ვერ იქნა თავიდან აცილებული, ვინაიდან ჭაპანი, რომელსაც მერაბ კოსტავა უდიდესი ნიჭიერებითა და შემართებით ეზიდებოდა, მისი სიკვდილის შემდგომ ვერავინ ზიდა, ვერც კოლექტიურად და ვერც, მით უმეტეს ინდივიდუალურად. აღნიშნული ეს გარემოება გვარწმუნებს კიდევ ერთხელ – სწორედ მერაბ კოსტავას უნდა გავფრთხილებოდით თავლისჩინივით, მაშინ ნამდვილად გადაარჩებოდა საქართველოც, ეროვნული ღირებულებებიცა და ეროვნული მოძრაობაც და მათთან ერთად, რასაკვირველია, ზვიად გამსახურდიაც. ვერავინ უარყოფს იმ ფაქტს, რომ მხოლოდ მერაბ კოსტავას ირგვლივ დარაზმული, მხოლოდ მისი უპირობო ლიდერობით შეუმცდარად მართული ეროვნული მოძრაობა და პოლიტიკური პროცესები მიმდინარეობდა აღმავალი – ქვეშარტად დამოუკიდებლობის გზით საქართველოში!

ყოველივე ზემოთ თქმულის შემდგომ ჩნდება ბუნებრივი კითხვა: თუ მეტაფიზიკას, მის შესაძლებლობებს როგორც მეცნიერებისა, ან ამ შესაძლებლობათა მიმართ გველუკაშვილისეულ განსწავლულობას ისიც კი არ ძალუძთ, რომ ორიგინალთან თუნდაც, ოდნავ მიახლოებით მაინც იქნეს წარმოდგენილი პოლიტიკური პორტრეტი საქართველოს უახლესი ისტორიის უთვალსაჩინოესი წარმომადგენლის – საქართველოს ეროვნული გმირის, ერის სინდისად შერაცხულ მერაბ კოსტავასი, რომლის მოწამეობრივმა ცხოვრებამ და მოღვაწეობამ ყოველი ჩვენთაგანის თვალწინ გაიარა, მაშ, რა საჭიროა, ან რაღას ისახავს მიზნად აღნიშნული ავტორის მიერ მეტაფიზიკურად შეზრახულ წიაღსვლათა და წინასწარმეტყველებათა დაუსრულებელი ქადაგებანი საექვო რეპუტაციის მქონე „ასავალ-დასავალის“ ფურცლებზე?

ვაჟა ადამია

2007 წლის დეკემბერი

სახჩევი

წინასიტყვაობა.....	4
ჰუბლიცისკუხი წუხილები	
მეცხრე სიმფონია.....	11
ფიქრები ქართულ კულტურაზე	14
რუსეთ-საქართველოს ურთიერთობა	31
გამოლვიძების ეტაპი	63
რატომაა საჭირო ნაციონალური არმია	70
თავისუფლება ენგურს!	74
დედავ ღვთისაო, ეს ქვეყანა შენი ხვედრია	75
საკრავები, მუსიკოსები, გონიერება	77
ქართული ხალხური სიმღერებისა და საგალობლების საყოველთაო სწავლებისათვის	88
ჰიოზაული ნანახმოებები	
თავისუფლება	97
ცხენი	99
ჰოეზია	
ღირს მამა დავითს	107
ქართული საგალობელი.....	112
კვლავ მოლოდინში	113
*** დე, ჩამოიქცეს ტანჯული ცრემლი	114
ტანჯვათა ტიტანი	115
გაზაფხული	118
წყაროვ, ო, წყაროვ	119
დიდგორი	119
ირაკლის	120
მსხვერპლი	123
*** იყავ უმწიკვლო, ვითა ცხოვარი	123
*** ძალუმი ვით იეჭოვა	125
ჩავუხტეთ ბარათაშვილსა	126
*** ბაღლო ლომისფაფარიანო	127
სულო დაიცა	128
შიმშილობა	129

*** ვერაფერმა განაქარვოს	139
ძმას ქრისტესმიერს	140
სიზმარი	143
განაჩენის მოლოდინში	145
სფინქსი	147
ივერიის მნათობის ქეთევან წამებულისადმი	148
იქ თავგანწირვა გაგიღებს კარებს	149
შენ გვედარები	150
ქარის სიმღერა	151
პიხადი ნუხილები	
სალამი თქვენდა - რუსუდან, ოლიკო, ირაკლი!	154
სალამი რუსუდან, ოლიკო, ირაკლი!	156
გამარჯობა ჩემო თამრიკო	165
გამარჯობა თამრიკო	166
ბუცისსადებად	
თანატოსი (ირაკლი კოსტავა)	169
ედღენება მამას! (თამარ კოსტავა)	170
მოგონებიდან (ოლლა დემურია-კოსტავასი)	171
ვაჟა ადამია: რამდენიმე ეპიზოდი მერაბ კოსტავას ცხოვრებიდან	
გაწბილებული რუსეთი	176
+ 5	177
უდანაშაულო დამნაშავე	179
შურისმაძიებელი ჭანარი	182
საფეხბურთო სიახლე	184
ექვსასი მეტრი მიწა	185
შენდობის უნარი ძლიერთა ხვედრია	186
„მე შენ ოხუბლებზე დაგასვენებდი“	
მე შენ ღრუბლებზე დაგასვენებდი	191
მამულიშვილნო, ქართველნო, გეორგიანნო!	195
წამებულო ბავშვო!	197
ერის სინდისი, პატიოსნება	197
ბატონ მერაბ კოსტავას ხსოვნას	198

ერის რაინდთა მემკვიდრე	200
„შენ არ მომკვდარხარ“	203
„სიკვდილითა სიკვდილისა დამთრგუნველი“	204
ყველაზე მეტად	207
უკვდავება	208
ვუძღვნი მერაბ კოსტავას ხსოვნას	212
რათა აღმოცენდეს ათი ათასად!	212
თავდადებული	213
ამალღება	215
ლევლის მწუხარში	216
ზარი	217
საქართველო რომ გამოსთხოვო ბორკილახსნილი	218
მამულიშვილი	219
ვაი, ეგეთას სამართალს, მერაბ!	220
ერის კაცის დაღუბვა	221
მერაბ კოსტავას	222
მერაბ კოსტავას ხსოვნას	223
აღმერთებდე საქართველოს	225
მერაბ კოსტავას ხსოვნას	226
პირნათელი	226
რა დიდი გზაა აღსავალი ცათა კარამდის	229
წამებული ძმისადმი	230
მერაბ კოსტავას ხსოვნას	231
მერაბ კოსტავა	232
მთაწმინდა გულში იხუტებს	238
მერაბ კოსტავა	239
„ქართველები ხელების ცეცებით დაგუწყებთ ერთმანეთს ძებნას“	241
მერაბ კოსტავა - შტრიხები პორტრეტისათვის	244
„მოდი, ნუ ჩაუფიქრდები მუხთალი სოფლის დენასა“	248

რედაქტორი ვაჟა ადამია

შედეგები: ბ. მოსიავა და მ. გოგონია

წიგნი გამოცემულია მ. უტიაშვილის,
ბ. ვადაჭკორიას, ი. მეჩითოვის, ჯ. კასრაძის ფოტოები

**წიგნი დაიბეჭდა მერაბ კოსტავას
საზოგადოების მეცადინეობით**

გამომცემლობა „თობალისი“
E-mail: tobalisi@rambler.ru